

Լ. Եզեկյան, Ա. Սարգսյան, Ռ. Սաքապետոյան

ԴԱՅՈՑ ԼԵզՈՒ

Ընդհանուր և
բնագիտամաթեմատիկական
հոսքեր

ԿԱՃԱՆՔԻ ԵՆԹԱՆԱԿ 2011



Լ. ԵԶԵԿՅԱՆ, Ա. ՍԱՐԳՍՅԱՆ, Ռ. ՍԱԶԱՊԵՏՈՅԱՆ

ՀԱՅՈՑ ԼԵԶՈՒ

ԴԱՍԱԳԻՐԸ ԱՎԱԳ ԴՊՐՈՑԻ ԸՆԴՀԱՆՈՒՐ
ԵՎ ԲՆԱԳԻՏԱՄԱԹԵՄԱՏԻԿԱԿԱՆ ՀՈՍԵԵՐԻ
11-ԻՂ ԴԱՍԱՐԱՆԻ ՀԱՄԱՐ

ՀԱՍՏԱՏՎԱԾ Է ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ ԿՈՐՄԻՏ

ԵՐԵՎԱՆ



2010

ՀՏԴ 373.167.1:809.198.1(075.3)

ԳՄԴ 81.23 ց72

Ե 193

Խմբագիր՝ Լ. Հովսեփյան
բանասիրական գիտությունների դոկտոր,
պրոֆեսոր

Եզեկյան Լ.

Ե193

Հայոց լեզու 11: Ավագ դպրոցի ընդհանուր և բնագիտամաթեմատիկական
հոսքերի 11-րդ դասարանի դասագիրք /Լ. Եզեկյան, Ա. Սարգսյան, Ռ. Սա-
բապետյան: Խմբ.՝ Լ. Հովսեփյան: -Եր.: ՄԱՆՄԱՐ, 2010. - 224 էջ:

ՀՏԴ 373.167.1:809.198.1(075.3)

ԳՄԴ 81.23 ց72

© Եզեկյան Լ., Սարգսյան Ա., Սաբապետյան Ռ., 2010

© ՄԱՆՄԱՐ, 2010

© Պետական գնումների գործակալություն, 2010

ISBN 978-9939-62-018-3

ԳՐԱԿԱՆ ԼԵՋՈՒ ԵՎ ԲԱՐՔԱՌ

Գրական լեզուն համաժողովրդական լեզվի առավել մշակված, նորմավորված տարբերակն է: Այն ստեղծվում է պատմական երկարատև զարգացման ընթացքում: Պետականություն ունեցող ժողովուրդների գրական լեզուն ունենում է առավել ընդարձակ գործառնություն. այն դառնում է գիտության ու կրթության, գանգվածային լրատվամիջոցների, կինոյի ու թատրոնի լեզու: Գրական լեզուն համաժողովրդական լեզվի բարձրագույն դրսևորումն է: Ժամանակակից գրական հայերենն ունի երկու տարբերակ՝ արևելահայերեն և արևմտահայերեն: Արևելահայերենը գործում է ՀՀ տարածքում, իսկ արևմտահայերենը՝ Սփյուռքում (բացի նախկին ԽՍՀՄ-ի և Իրանի Իսլամական Հանրապետության տարածքներից): Վերջին տասնամյակներում ՀՀ-ից մեկնածների միջոցով արևելահայերենը զգալի տարածում է գտել նաև սփյուռքահայ գաղթօջախներում:

Գրական լեզուն ունենում է բանավոր և գրավոր տարբերակներ: Սրանք իրարից տարբերվում են բառապաշարային ու ոճական մի շարք հատկանիշներով:

Գրական լեզուն հայ ժողովրդի հաղորդակցման միասնական միջոցն է, մինչդեռ բարբառները համաժողովրդական լեզվի տարածքային տարբերակներն են: Այլ կերպ ասած՝ բարբառները ծառայում են որոշակի տարածքում բնակվող բնակչության հաղորդակցմանը:

Ընդունված է նշել բարբառների առաջացման երկու պատճառ: Դրանցից առաջինը կարելի է անվանել պատմաբաղաձայն: Հայ ժողովուրդը դարեր շարունակ գտնվել է տարբեր նվաճողների լծի տակ, որի հետևանքով եղել է տարբեր պետությունների կազմում: Յուրաքանչյուր հատվածի հայերենը հայտնվել է մեկուսացած վիճակում, ունեցել զարգացման ուրույն պայմաններ, ուստի սկսել է տարբերվել ընդհանուր լեզվից և վերածվել է բարբառի: Երկրորդ պատճառը աշխարհագրական է: Հայաստանում սարերով ու ձորերով կտրատված մակերևույթ ունեցող լեռնային երկրում, միշտ չէ, որ հնարավոր է եղել ապահովել կապը տարբեր մասերի միջև: Սա, անշուշտ, վերաբերում է անցյալին, երբ ձմռանը մի բնակավայրը մյուսից ամիսներով կտրվում էր, և նրա բնակիչները հայտնվում էին նաև լեզվական մեկուսացման մեջ: Դրա հետևանքը լինում էր համաժողովրդական լեզվից տարբեր խոսվածքի՝ բարբառի առաջացումը:

Այսօր հաճախ ասում են, որ բարբառները դատապարտված են մահացման, որ դրանք շուտով կվերանան: Ինչ խոսք, սրանում կա ճշմարտության մեծ բաժին: Միասնական հանրակրթության ու բարձրագույն դպրոցի, ռադիոյի, հեռուստատեսության, կինոյի մեր դարում գրական լեզուն աստիճանաբար դուրս է մղում բարբառային իրողությունները: Սակայն մյուս կողմից չպետք է մոռանալ, որ բարբառները մեր լեզվի դրսևորումներն են, նրա շտեմարանն ու գանձարանը:

Գրական լեզուն բազմաթիվ բառեր, բառաձևեր ու արտահայտություններ է վերցրել բարբառներից, որի շնորհիվ դարձել է աշխույժ ու կենդանի: Բարբառներն այսօր էլ շարունակում են կենդանի ավիշ ներարկել գրական լեզվին, այն դարձնել պատկերավոր և արտահայտիչ: Ուստի դեռ վաղ է խոսել բարբառների վերանալու մասին:

Յուրաքանչյուր բարբառ ունենում է սեփական հնչյունական կազմ, բառապաշար և բերականություն, որոնցով տարբերվում է գրական լեզվից:

Հայերենն ունեցել է շուրջ 60 բարբառ, որոնք իրենց հերթին ունեին ենթաբարբառներ ու խոսվածքներ: Դրանցից առավել տարածվածներից են **Ագուլիսի, Ակնա, Ամասիայի, Առտիալի, Արաբկիրի, Արարատյան, Արդվինի, Բելլանի, Գորիսի, Դիադինի, Եղեսիայի, Երզնկայի, Չեյթունի, Թիֆլիսի, Խարբերդի, Կիլիկիայի, Համշենի, Ղարաբաղի, Մալաթիայի, Մարաշի, Մեղրու, Մշո, Սասունի, Սվեդիայի, Վանի, Խոյի, Պուլսի, Ջեսաբի** բարբառները: Սրանց մի զգալի մասն այսօր չկա (մահացած բարբառներ), բանի որ չկա նրանով խոսող համայնքը: Հայ բարբառների անհետացման հիմնական պատճառը Արևմտյան Հայաստանում իրականացված ցեղասպանությունն էր, որի հետևանքով հայաթափվեց ծաղկուն երկրամասը: Փրկվածների մի մասը շարունակեց գործածել մայրենի բարբառը, սակայն նրանք հետզհետե ավելի են նվազում:

Հայ բարբառները Հր. Աճառյանը դասակարգել է՝ առաջնորդվելով ձևաբանական հատկանիշով: Նա ելակետ է ընտրել բայի սահմանական եղանակի ներկայի կազմությունը և ըստ այդմ նշել է երեք ճյուղ՝ **ում, կը և ել**: Հետագայում Ա. Ղարիբյանը նշեց նաև **ս** ճյուղը: Մեր օրերում Գ. Ջահուկյանը կատարեց հայ բարբառների բազմահատկանիշ դասակարգում՝ ընդգրկելով հարյուր հատկանիշ:

Գրական հայերենը շատ աղքատ կլիներ առանց բարբառների կենարար աղբյուրից եկող ժողովրդական բառ ու բանի, առած-ասացվածքների, թևավոր խոսքերի: Հայ գրողներից շատերը՝ Խ. Աբովյան, Ղ. Աղայան, Հ. Թումանյան, Ա. Բակունց, Հ. Շիրազ, Հ. Մաթևոսյան, իրենց երկերում մեծ հաջողությամբ կիրառել են բարբառներից եկող ժողովրդական բառազանձը:

Բարբառների հետ չպետք է չփոթել ժարգոնները, որոնք լեզվի հասարակական (սոցիալական) տարբերակներն են և բնորոշ են հանրության այս կամ այն խավին, այս կամ այն մասնագիտություն ունեցողներին: Որոշակի զբաղմունքի տեր մարդիկ, երբ խոսում են մասնագիտական թեմաներով, անցնում են մասնագիտական ժարգոնի: Այսպես՝ երկու բժիշկ կարող են գրուցել մասնագիտական թեմաներով՝ գործածելով լատիներեն տերմիններ, և նրանց գրույցին մասնակցող ոչ մասնագետը անհաղորդ կմնա նրանց ասածներին, բանի որ նրանք խոսում են բժշկական ժարգոնով: Կան նաև տեխնիկական մասնագիտություններով զբաղվողների ժարգոններ: Ժարգոնները, ի տարբերություն բարբառների, չունեն ինքնուրույն բերականություն: Դրանք հիմնվում են այս կամ այն լեզվի իրողությունների վրա: Սակայն այսօր մեզանում ժարգոն է համարվում մի խառնափնթոր լեզու, որն օտար

լեզվի ու բարբառի մի տարօրինակ խառնուրդ է: Ցավոք, այդ լեզուն տարածված է նաև մեր սովորողների շրջանում. քննությունից «անբավարար» ստանալը հորջորջվում է կտրվել, դասից փախչելը՝ դասից թռնել, լավ, հետաքրքիր, ուժեղ բառերը փոխարինվում են թույն բառով (թույն անեկդոտ, թույն կինո, թույն ավտո) և այլն: Սա շատ մեծելի և վտանգավոր երևույթ է, որը կրթված մարդը իրեն չպիտի թույլ տա:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ ուղիներով են առաջացել բարբառները:
2. Ի՞նչ ճյուղերի են բաժանվում բարբառները:
3. Ի՞նչ դեր են խաղում բարբառները գրական լեզվի հարստացման գործում:
4. Ի՞նչ է ժարգոնը:

Վարժություն 1: Աջ սյունակից ընտրե՛ք ձախ սյունակում գրված բարբառային բառերից յուրաքանչյուրին համապատասխանողը:

աբլոր	այս
լղար	աթաղաղ
մերի	գայլաձագ
օճորք	նիհար
գելաձագ	իրել
բոթել	կատակ
հանաթ	անտառ
շլինք	առաստաղ
հրես	վիզ
ես	ահա

Վարժություն 2: Ընտրե՛ք ձախ սյունակում գրված բարբառային բառի գրական համարժեքը:

դռշակ	ներքնակ, վերմակ
աղլուխ	շապիկ, թաշկինակ
արխեին	հանգիստ, անհանգիստ
հալքաթ	երևի, անշուշտ
մուշտարի	հարևան, հաճախորդ
նաղդ	ապառիկ, կանխիկ
բայդուշ	արծիվ, բու
դրուստ	ճիշտ, թյուր
համբարք	հաշիվ, հեռավորություն
օթին	մարդ, կենդանի

Վարժություն 3: Նշե՛ք ձեզ ծանոթ կամ ձեր մայրենի խոսվածքում հանդիպող բարբառային 10 բառ:

Վարժություն 4: Կարդացե՛ք տրված բնագրերը, վերածե՛ք գրական արևելահայերենի:

ա) – Ախպե՛ր, ա՛յ, ես հիմի օրինակի համար մինն ասեմ, դու տես՝ մե՛նք էլ հացակեր մարդիկ ենք, բա՛ն ենք հասկանում, թե՞ չէ: Մի աշունք մեր Դավոն գևաց քաղաքը՝ խոզ ծախելու: Մի ճանախ մարդ արբեշումի ճիճվի սերմ էր տվել....: Ճամփա պահեցինք մինչև գարունքը բաց էլավ: Գարունքը որ բաց էլավ, ոնց որ խրատ էր տվել՝ ես ճիճվի սերմը բերինք, մեր խիզանի ծոցում դրինք, որ տաքանան, դուրս գան: Դուրս էկան ասեղի ծերի չափ մանր զաղեր....: Գնացի, ձորիցը մի շալակ թթան տերև բերի, կապեցի մենծ տան ամբարի ոտիցն ու ճիճուն վրեն ածի: Ինչքան մարդ եկավ թամաշա, ոչ մին տուն չթողինք, որ աչքով չտան, ասինք՝ թող մի տեսնենք՝ ինչ ա դուրս գալի: Ա՛յ տղա, էդ անտեր ճիճուները մի քանի օր կացան ու կոտորվեցին: Զիմի թե ասենք նրանից էր, որ գոմշի ձագը շատ մոտ էր կապած, ոտնատակ էր տալիս, թե նրանից էր, որ հավերը տուն էին թափում, մե-մեն կուտ ուտում, դե ո՞նց անենք: Խո չեի՞նք կարող հավերը կոտորել կամ ձագն սպանիլ: Թե ասենք անձրևիցն էր, որ երդիկովը ներս էր թափվում, մին էլ մարդ միտք ա անում, թե քաղաքումը անձրև չի գալի՞... Մի խոսքով՝ բան գլուխ չեկավ: Տեսանք, որ մեր երկրումը արբեշումի ճիճուն անում չի, բան չի դառնում: Դե՛, զարմանալի ի՞նչ կա որ, էնպես երկիր կա՝ դուռ չի ապրում, էնպես երկիր կա՝ ցորեն չի դուրս գալի. ամեն մի աշխարհք մի տեսակ բնություն ունի. ամա ես մեր Նոր ուսումնականները եսքանն էլ չեն հասկանում:

Հովհաննես Թումանյան, «Գաթո բիձու շերամապահությունը» (հատված)

բ) ...Ու Նեսո բիձեն, հիվանդի վրեն նստած, չիբուխը բերանին, շարունակում էր իր պատմությունը:

– Մի տարի ես մեր Աբգարն էլ եսպես մրսել էր: Ղանթափու ծաղիկ բերին, չայ շինեցին, խմացրին, պրաշոկ՝ բերին, ջուր արին, տվին իրան, քացախ քսեցին, բան չի դառավ:

Ասի՝ տղե՛ք, բերեք ես դրան մի քարաբաղնիս անեմ: Թե՛ դե դու գիտես: Բերի, մի թեժ կրակ արի, Գարան տատի պռունգը կոտրած պղինձը ջուր լցրի, վրեն դրի, քար հավաքեցի, ածի շեղջը: Ջուրն եփ եկավ, քարը կարմրեց: Սա թե՛ վախում եմ: Ախր նա էլ սրա նման մի լեղապատառ օքմին ա:

– Աղա՛, ընչի՞ ես ասում, Աբգարը հո սրտոտ մարդ ա:

– Վա՛յ է, նրա սրտոտը ո՞րն ա: Մի աշունք ես մի արջի բուն գտա: Էկա, ասի՝ Աբգա՛ր, արջի բուն եմ գտել, արի գևանք, արջին բնիցը հանենք: Գնացինք: Ես մի ձող վեր կալա, ես արջի բունը խըրխըթորեցի: Մին էլ հանկարծ էն անտեր արջը դուրս եկավ ու ինձ կալավ: Աբգա՛ր, բոմագ հա քոմագ: Ո՞վ կտա Աբգար. մին էլ

¹ Ուսերեն ուրօսոք (վոշի) բառի աղավաղված ձևը, այսինքն՝ դեղ, դեղամիջոց:

տեսնեմ՝ հրեն փախած գնում'ա: Արջի ձեռիցը մի կերպով պրծա, եկա տուն: Ասում եմ, ադա՛, դու ես ի՞նչ արիր: Թե՛ եկա տուն, որ թվանք բերեմ: Սուտ: Վախիցը փախավ:

Էն էի ասում՝ հիմի սա կանգնել ա, թե Նետո՛ ջան, վախենում եմ, ինձ բարաբաղնիս մի՛ անի:

Ականջ չի դրինք, բերինք, կեծացած քարերն եփման ջուրը լցրինք ու հենց էնպես բուրդ վեր ըլելով՝ սրա հետ կոխեցինք տեղի տակը.– վա՛յ, մեռա հա մեռա: Լսողն ո՞վ ա: Վրեն Նստոտեցինք: Ես եմ, ես մեր Ղուկասն ա, Փիլոն ա, Գաբոն ա, Արուբն ա: Հիմի սա տակից գոռում ա, ոնց ա գոռում... Էնքան գոռաց, մինչև դինջացավ: Բաց արինք, տեսանք՝ ջուր ա կտրել: Էն էր ու էն, լավացավ, տեղիցը վեր կանգնեց ողջ, առողջ մարդ:

Հովհաննես Թումանյան, «Նետոյի քարաբաղնիսը» (հատված)

Վարժություն 5: Տեքստերից դո՛ւրս գրեք բարբառային բառերն ու քերականական ձևերը: Նշե՛ք դրանց գրական ձևերը (անհրաժեշտության դեպքում օգտվե՛ք բառարաններից):

- ա) Ժամանակով Կատուն ճոն էր,
Շունն էլ գլխին գդակ չուներ,
Միայն, գիտեմ ոչ՝ որդիանց որդի
Ճանկել էր մի գառան մորթի:
Եկավ մի օր, ձմեռվան մըտին,
Կատվի կուշտը տարավ մորթին:
– Բար աջողում, ուստա Փիսո,
Գլուխս մրսեց, ի սեր աստծո,
Առ ես մորթին ու ինձ համար
Մի գդակ կարի գլխիս հարմար:
Վարծիդ համար միամիտ մնա,
Համա-համա շատ չուշանա:

Հովհաննես Թումանյան

- բ) Մին էլ եկավ, դարձյալ չկար.
Ես անգամը դիպան իրար:
Էլ անպատիվ անկարգ խոսքեր,
Էլ հին ու նոր, էլ հեր ու մեր,
Էլ գող Փիսո, էլ քաջալ Շուն...
Բանը հասավ դիվանբաշուն:
Շունը մինչև գընաց, եկավ,
Ուստա Կատուն կոտորն ընկավ,
Գլուխն առավ ու մի գիշեր,
Հայդե, կորավ. Էն կորչիլն էր:

Հովհաննես Թումանյան

գ) Լեռ բարափի վրա ցից գլուխը բարձրացնում, թամաշա ա անում հանդարտ, հազար գլխանի դևի պես, Երևանու հազար տարեկան բավթառ, պառաված, չորս կողմը խանդակով կապած, բրջերով (աշտարակ) դայիմացրած, սուր-սուր ատամները գլխին շարած, հինգ գազաչափ հաստ պարսպով երկու տակ բռնած, մեկ ոտը Կոնդումը, մեկ ոտը Դամուրբուլաղի գլխին դրած, մեկ բերանը հյուսիս, մեկը հարավ բաց արած, չորացած գլուխը երկինքը ցցած, լեն փեշերը երկրումը փռած, անամոթ երեսը կոկած, սվաղած, հազար բնով, հազար փանջարա աչքերը դես ու դեն չռած, ջուխտ շանգերով Չանգվի բարոտ, զարհուրելի, սևադեմ ծորը խտտած, դռին կպցրած՝ անմազ, անլեզու, մարդակեր բերդը ու դեղնած երեսը հեռու տեղից ծածկում, ագահ աչքերը գետնին բցում, որ միամիտ տեսնողին դիա շուտով խաբի, դիա հեշտ իր ծոցը բաշի, անծեն, անսաս կով տա, փչացնի:

Խաչատուր Աբովյան

դ) **Ծառերն եւ կացինը**

Ծառերն որ մեշումն՝ խիստ շատ գվիրն էկան²
 Կացնի ձեռիցը, ու էլ չիմացան,
 Ի՞նչ անեն՝ իրանց գլուխը պահեն,
 Խորհուրդ արին՝ մեկ ճար իրանց անեն:
 Ձեն տվեց նրանց մեկը ծառերի.
 «Մենք որ կոթ չտանք, կացինը կարա՞»
 Մեզ վնաս տա, կամ հեջ մեզ մոտանա»:
 Թո՛ղ իմացողը ինքը իմանա,
 Ու նհախ տեղը կացնի կոթ չտա:
 Թե չէ սկիզբը իրան կկտրի,
 Զետո փոշմանիլն բանի պետքը չի՝

Խաչատուր Աբովյան

Գիտե՞ք, որ...

Լեզվաբան Զրաջա Աճառյանը 21 տարեկանում ընտրվել է Փարիզի լեզվաբանական ընկերության անդամ: Այդ մեծ պատվին նա արժանացել է 1893 թվականին իրանա-կովկասյան լեզվաընտանիքին պատկանող լազերենի կամ ճաներենի բառարան կազմելու և լազերենի ձեռնարկ ստեղծելու համար:

Մխիթարյան միաբանության անդամ, հայագետ Արսեն Այուղնյանը Կիենսայում 1845–1849 թվականներին ստեղծել է հայկական առաջին գլոբուսը:

1 Անտառում:

2 Տուժեցին:

Աշխարհաբարը՝ իբրև գրական լեզվի նոր որակ, հանդես է գալիս 17-րդ դարում: Ընդունված է առանձնացնել աշխարհաբարի զարգացման 4 ենթաշրջան:

Առաջինը կազմավորման կամ վաղ աշխարհաբարի շրջանն է, որն ընդգրկում է 17–18-րդ դարերը, երբ հայ ժողովրդի կյանքում հասարակական, քաղաքական լուրջ տեղաշարժեր են կատարվում: Այս շրջանում ընդլայնվում են գրական լեզվի գործածության ոլորտները: Աշխարհաբարով լույս աշխարհ են գալիս օրագրություններ, նամակներ, ուղերձներ: Իր աշխարհաբար առաջին տաղերն է հորինում Նաղաշ Հովնաթանը, արտասահմանի մի շարք քաղաքներում տպագրվում են աշխարհաբարի անդրանիկ գրքերը, իսկ Ամստերդամում լույս է տեսնում արևելյան աշխարհաբարի առաջին քերականությունը՝ բազմաթիվ արժեքավոր նմուշներով:

Երկրորդը աշխարհաբարի ձևավորման կամ լուսավորական շրջանն է (19-րդ դարի սկզբից մինչև 70-ական թվականները), որը բաժանվում է երկու ենթաշրջանի՝ Նախահյուսիսափայլյան և հյուսիսափայլյան: Նախահյուսիսափայլյան ենթաշրջանում գրապայքարը և լեզվաշինարարությունը դեռևս ընթանում են տարերային ձևով, և լեզուն բավականին անմիօրինակ է. կատարվում են մշակման ուղիների որոնումներ (Խ. Աբովյան, Ռ. Պատկանյան, Ս. Նազարյան և ուրիշներ), դեռևս չկան կազմակերպված մամուլ և հրապարակախոսություն: Հյուսիսափայլյան ենթաշրջանը, որը կապվում է Ստ. Նազարյանի և Մ. Նալբանդյանի հրատարակած «Հյուսիսափայլ» պարբերականին, բնութագրվում է իբրև կազմակերպված լեզվաշինարարության և գրապայքարի շրջան:

19-րդ դարը իրոք աշխարհաբարի տիրապետության դարն էր: Հենց այդ դարի առաջին քառորդում հայ ժողովրդի հասարակական, քաղաքական, մշակութային կյանքում տեղի ունեցած տեղաշարժերը նպաստում են նաև նոր լեզվի մշակմանն ու զարգացմանը:

Պատմական Հայաստանի երկու տարբեր հատվածներում ինքնուրույնաբար շարունակվում են զարգանալ արևելահայ և արևմտահայ ճյուղերը՝ իրենց բնորոշ լեզվական օրինաչափություններով:

Արևելահայ աշխարհաբարի մշակման ու հետագա զարգացման գործում կարևոր դեր են խաղում հատկապես մշակութային կյանքում կատարված իրադարձությունները:

1810թ. Աստրախանում բացվում է Աղաբաբյան վարժարանը, 1815թ. Մոսկվայում Լազարյան ճեմարանը, ապա այս հոսանքը թափանցում է Անդրկովկաս, և 1824թ. Թիֆլիսում իր առաջին դասերն է սկսում Ներսիսյան դպրոցը: 1820թ. Թիֆլիսում գործել են նաև հայկական թատերական առանձին խմբակներ:

Գրական լեզվի մշակման ու հարստացման գործում անուրանալի է եղել հայ դպրոցի, ուսումնական հաստատությունների դերը:

Ժամանակի հայ առաջադեմ երիտասարդները, այդ թվում նաև Ներսիսյան դպրոցի և Լազարյան ճեմարանի շրջանավարտները, խմբակներ էին կազմում և օտար լեզուներին զուգընթաց ուսանում նաև հայերեն, մշակում աշխարհաբար լեզուն:

Ուսանողական այս միջավայրում առաջին անգամ ընթերցվում է Խ. Աբովյանի «Վերք Հայաստանի» վեպի մի ձեռագիր օրինակը, որը գտնվում էր նրա մտերիմ աշակերտներից մեկի՝ Գ. Աբիմյանի մոտ: Այսպես էր մշակվում և աստիճանաբար լայն ոլորտ դուրս գալիս Նորաբողբոջ գրական աշխարհաբարը:

Աշխարհաբարի զարգացման հյուսիսափայլյան ենթաշրջանը բնութագրվում է իբրև կազմակերպված լեզվաշինարարության և գրապայքարի շրջան, երբ լեզուն զգալի չափով միօրինակ է դառնում, մշակվում է նաև դպրոցի և գեղարվեստական գրականության լեզուն:

Երրորդ ենթաշրջանը համարվում է դասական աշխարհաբարի շրջան (1870-ական թվականներից մինչև 1920թ.) և բնութագրվում է լեզվի ժողովրդականացումով: Լեզուն արդեն դառնում է միօրինակ ու հարուստ, ձեռք է բերում Նոր գործառույթներ, հղկվում է ու մշակվում:

Չորրորդ ենթաշրջանը խորհրդային լեզվի շրջանն է (1920թ. հետո), երբ գրական լեզուն արդեն դառնում է համաժողովրդական, բարբառներն աստիճանաբար տեղի են տալիս գրական միասնական լեզվին: Այս իրողությունները շարունակվում են նաև հետխորհրդային շրջանում (1991թ. հետո): Սակայն այս շրջանում քաղաքական և մշակութային փոփոխությունների հետևանքով կատարվեցին լեզվական մեծ փոփոխություններ. մասնավորապես զգալի չափով փոփոխվեց բառապաշարը: Հետխորհրդային տարիները կարելի է համարել Նոր՝ հինգերորդ ենթաշրջանի սկիզբ:

ՀԱՐՑԵՐ

1. Ո՞ր դարից է հանդես գալիս աշխարհաբարը:
2. Աշխարհաբարի զարգացման քանի՞ ենթաշրջան է ընդունված առանձնացնել:
3. Ո՞ր պարբերականն է կարևոր դեր խաղացել աշխարհաբարի զարգացման երկրորդ ենթաշրջանում, ովքե՞ր էին այդ պարբերականի հրատարակիչները:
4. Հայ կրթական և մշակութային ի՞նչ օջախներ էին գործում 19-րդ դարի առաջին քառորդում:

ՀԱՅԵՐԵՆԻ ԵՐԿՈՒ ՎՅՈՒՂԵՐԸ՝ ԱՐԵՎԵԼԱՍԻԱՅԵՐԵՆՆ ՈՒ ԱՐԵՎՍՏԱՍԻԱՅԵՐԵՆԸ

Հայ ժողովուրդն այսօր ունի գրական լեզվի երկու տարբերակ՝ արևելահայերեն և արևմտահայերեն: Արևելահայերենը Հայաստանի Հանրապետության պետական լեզուն է. արևելահայերեն է գրված ՀՀ Սահմանադրությունը, նրանով են արձակվում Հայաստանի Նախագահի հրամանագրերը, կազմվում պետաիրավական բոլոր փաստաթղթերը, իրականացվում է հանրակրթական և բարձրագույն ուսուցումը:

Արևելահայերենը նաև Իրանի Իսլամական Հանրապետության հայության հաղորդակցման միջոցն է:

Արևմտահայերենով հաղորդակցվում է Սփյուռքի հայությունը: Աշխարհի չորս ծագերում ապաստանած հայերը խոսում, գրում և ստեղծագործում են հիմնականում արևմտահայերեն:

Արևելահայերենը նախկինում անվանում էին ռուսահայերեն, իսկ արևմտահայերենը՝ տաճկահայերեն՝ ելնելով դրանց տարածման սահմաններից, սակայն այսօր ավելի ճիշտ է դրանք կոչել ավելի չեզոք աշխարհագրական անուններով:

Հայերենի երկփեղկվածությունն սկսվում է միջնադարից, երբ ի հայտ են գալիս հնչյունական, բառիմաստային ու բերականական տարբերություններ: Դրանք կապվում են մեր լեզվի երկու պատմական փուլերին: Արևելահայերենը իր արմատներով գնում է դեպի գրաբարը, իսկ արևմտահայերենը՝ դեպի միջին հայերենը: 15–16-րդ դարերից սկսած՝ այդ երկփեղկվածությունը դառնում է ավելի նկատելի, որն ի վերջո հանգեցնում է արդի հայերենի գրական երկու ճյուղերի ձևավորմանը:

Տարբեր են նաև մեր լեզվի ճյուղերի հիմքերը: Արևելահայերենը ձևավորվել է հայերենի ամենատարածված բարբառներից մեկի՝ Արարատյան բարբառի հիման վրա, որը պատկանում է **ուլմ** ճյուղին, իսկ արևմտահայերենը՝ Պոլսի և հարակից շրջանների **կը** ճյուղի բարբառի հիման վրա: Բարբառախմբերի անվանումների հիմքում Հ. Աճառյանի առաջարկած սկզբունքն է՝ բայի սահմանական ներկայի կազմության առանձնահատկությունը՝ *գրում եմ – կը գրեմ*:

ՀԱՐՑԵՐ ԵՎ ՎԱՐԺՈՒԹՅՈՒՆ

1. Ի՞նչ տարբերակներ ունի արդի գրական հայերենը:
2. Ի՞նչ անվանումներ են տրվել հայերենի երկու տարբերակներին:
3. Ո՞ր բարբառների հիման վրա են ձևավորվել արևելահայերենն ու արևմտահայերենը:

Վարժություն 6: Անգի՛ր սովորե՛ք Միսաբ Մեծարենցի «Վերադարձի երգ» բանաստեղծությունը:

Կսկի՞ծ կա սրտիս մեջը վիրավոր,
զոր արևին լո՛ւյսն անգամ չի բուժեր.
խորունկ ու ցավոտ մորմոքում մը, որ
ա՛հ, պիտի լայննա՛, երբ իջնե գիշեր:
Կը հյուծին ցուքերն լույսին հեռավոր
խարույկի մը պես, որ վաղ է մաշեր.
բայց դեռ կը հուզե գիս տեսիլք մ'աղվոր,
զոր ինձ կը բերեն անցյալի հուշեր:
Ու պիտի ապրի՛մ, վիշտը նոր ուժեր
կը բերե հանկարծ հոգվույս սիրավեր,
կյանքին կը դառնամ դեռ չըրած գիշեր:
Փուշեր նետվեցան օրե օր վերքիս,
ու հոն հեծե՞ծանք մը բերին հովեր.
բայց սիրո հույս մը կ'արևե հոգիս:

Արևմտահայերենի հնչյունական համակարգը

Արևմտահայերենը, ինչպես նաև արևելահայերենը, գրության մեջ պահում է մաշտոցյան բոլոր տառերը: Սակայն արևմտահայերենում էականորեն տարբերվում են այդ գրերի հնչումները, որոնք կապվում են միջինհայերենյան ծագում ունեցող մի համալիր հնչյունափոխության. այն ընդունված է անվանել տեղաշարժ-տեղափոխություն: Ըստ այդ հնչյունափոխության՝ հայերենի պայթական բաղաձայնների արտասանության մեջ կատարվում է հետևյալ փոփոխությունը:¹

բ - պ - փ

գ - կ - բ

դ - տ - թ

ծ - ծ - ց

ջ - ճ - չ

Սա նշանակում է, որ բոլոր ձայնեղները արտասանվում են շնչեղ խուլ, իսկ խուլերը՝ ձայնեղ:

¹ Պայթական բաղաձայններն են՝ բ, պ, փ, դ, տ, թ, գ, կ, բ, մ, ն: Ծփական բաղաձայններն են՝ վ, ֆ, գ, ս, ժ, շ, դ, խ, հ: Պայթաշփական բաղաձայններն են՝ ծ, ծ, ց, ջ, ճ, չ: Ձայնորդ բաղաձայններն են՝ լ, ռ, ռ, յ, մ, ն: Ձայնեղ բաղաձայններն են՝ բ, գ, դ, ձ, ջ, վ, գ, ժ, դ: Խուլ բաղաձայններն են՝ պ, տ, կ, ծ, ճ, փ, թ, բ, ց, չ, ֆ, ս, շ, խ, հ, որոնցից փ, թ, բ, ց, չ հնչյուններն արտասանվում են ուժեղ շնչով և կոչվում են շնչեղ խուլեր:

Այսինքն՝ առաջին ուղղահայաց շարքի բոլոր հնչյունները (ծայնեղներ) արտասանվում են երրորդ ուղղահայաց շարքի հնչյունների նման (շնչեղ խույ), բ-ն արտասանվում է **փ**, **գ**-ն՝ **ք**, **դ**-ն՝ **թ**, և այսպես մինչև վերջ: Ըստ այդմ՝ *բերան* բառն արևմտահայերենում արտասանվում է *փերան*, *գերան*՝ *քերան*, *դահուկ*՝ *թահուկ*, *ծայն*՝ *ցայն*, *ջուր*՝ *չուր*:

Իսկ երկրորդ ուղղահայաց շարքի բոլոր հնչյունները (խույ) արտասանվում են առաջին ուղղահայաց շարքի նման (ծայնեղ), այսինքն՝ **պ**-ն արտասանվում է **ք**, **կ**-ն՝ **գ**, **տ**-ն՝ **դ** և այլն: Համապատասխանաբար բառերը կհնչեն հետևյալ կերպ՝ *պանիր* – *քանիր*, *կատու* – *գադու*, *տերև* – *դերև*, *ծաղիկ* – *ձաղիկ*, *ճանճ* – *ջանջ*:

Միշտ պետք է հիշել, որ բառերը արևելահայերենում և արևմտահայերենում հիմնականում գրվում են նույն կերպ, բայց տարբեր է նրանց արտասանությունը:

Որոշակի տարբերություն կա նաև **ռ** և **ր** հնչյունների արտասանության մեջ: Արևելահայերենում դրանք խստորեն տարբերակված են և առաջացնում են իմաստային տարբերություն (տար – տառ, արու – առու), մինչդեռ արևմտահայերենում դրանք հնչում են միակերպ: Կոշտ **ռ**-ն հնչում է փափուկ **ր**-ի նման (*սառույց* – *սարույց*, *առնական* – *արնագան*, *բառնալ* – *փարնալ*):

Արևմտահայերենը առ այսօր գործածում է հին (գրաբարյան) ուղղագրությունը՝ ի տարբերություն արևելահայերենի, որը 1922 թվականից անցել է նոր (աբեդյանական) ուղղագրության:

Արևմտահայերենի բառապաշարը

Բառապաշարային առումով արևմտահայերենը և արևելահայերենը ժառանգորդներն են ընդհանուր հայերեն բառերի, ուստի նրանց միջև ընդհանրություններն ավելի շատ են, քան տարբերությունները: Տարբերությունները վերաբերում են որոշ բառերի արտահայտած իմաստներին, որոնք երկու տարբերակներում նույնը չեն: Այսպես՝ արևելահայերենի *ախոյան* «հակառակորդ» բառը արևմտահայերենում նշանակում է «չեմպիոն», *պահարան*՝ «կահույքի տեսակ» – «նամակածորար», *հով*՝ «զով» – «բամի», *անուշ*՝ «բաղցր» – «մուրաբա», *գրագետ*՝ «գրաճանաչ» – «գրող», *կաթիլ*՝ «հեղուկի մասնիկ» – «կաթել», *մականուն*՝ «ավել անուն» – «ազգանուն»:

Կան նաև բառեր, որոնք ներկայացնում են ուղղագրական-հնչյունափոխական տարբերակներ՝ *կենտրոն* – *կեդրոն*, *կղզիախումբ* – *կղզեխումբ*, *ակացիա* – *աբասիա*, *մակուկավար* – *մակուկավար*, *անձնվեր* – *անձնանվեր*, *զգել* – *ձգել*:

Սակայն հայերենի երկու տարբերակների բառապաշարային առավել ակնհայտ տարբերությունները պայմանավորված են օտար բառերի նկատմամբ ունեցած վերաբերմունքով: Արևելահայերենը չի խորշում օտար բառերի գործածումից, մինչդեռ արևմտահայերենը ձգտում է բոլոր օտար բառերը թարգմանելու: Այսօր արևելահայերենը ստեղծում է օտար բառերի բազմաթիվ համարժեքներ, այդ թվում՝ փոխառում է արևմտահայերենից, ինչպես օրինակ՝ *կոմպոզիտոր* – *երգահան*, *լոմ* –

բարդ – գրավատուն, բանկ – դրամատուն, մենյու – կերակրացանկ, ռադիո – ծայ-
նասփյուռ, կոմպյուտեր – համակարգիչ, մակետ – մանրակերտ, պարկետ – ման-
րահատակ (կամ մանրատախտակ), դիրիժոր – նվագավար, կորպուս – մասնա-
շենք, ստրատեգիա – ռազմավարություն և այլն:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է կոչվում միջին հայերենից սկիզբ առած և արևմտահայերենի ար-
տասանական համակարգում գործող հնչյունափոխությունը:
2. Ինչպե՞ս են արտասանվում պ, տ, կ, ծ, ճ հնչյուններն արևմտահայերենում:
3. Ինչպե՞ս են արտասանվում բ, գ, դ, ծ, ջ հնչյուններն արևմտահայերենում:
4. Բառապաշարային ի՞նչ հիմնական տարբերություններ կան արևելահայե-
րենի և արևմտահայերենի միջև:

Վարժություն 7: Օգտվելով բառարաններից՝ գրե՛ք տրված բառերի արևմտահայ տարբերակները:

ա) Ձուլ, ատամ, շտապել, ուղղել, փոքր, մոտ, մեխ, ափսե, գիժ, սպիտակեղեն, բաղցած:

բ) Պանթեիզմ, ժյուրի, սկլերոզ, օբյեկտիվ, սուբյեկտիվ, բանկ, ավտոմատ, դեմագոգ, կոմունիստ:

Վարժություն 8: Օգտվելով բառարաններից՝ գրե՛ք նշված բառերի արևելահայ տարբերակները:

ա) Վայրկյան, երկվայրկյան, պուպրիկ, բով, ծյուրիլ, հարճ, մելան, գլխագիր, անկարգել, լաթ:

բ) Ախոյան, բանավոր, մականուն, գրագետ, գոց, հով, գործողություն, ծրար, մտիկ ընել, գեշ:

Գիտե՛ք, որ...

Դորպատի (այժմ՝ Տարտու) համալսարանում սովորել են Խաչատուր Աբովյանը, Ստեփանոս Նազարյանը, Գևորգ Դոդոխյանը, Ռափայել և Զեքուլբե Պատկանյանները, Գևորգ Միրիմանյանը և ուրիշներ: 19-րդ դարի վերջին և 20-րդ դարի սկզբին Տարտուի համալսարանում սովորել է 200-ից ավելի հայ ուսանող:

Ղևոնդ Ալիշանի «Հայբուսակ կամ հայկական բուսաբան» գիրքը, որում առաջին անգամ նկարագրված են Հայաստանի տարածքում հանդիպող ավելի քան 3400 բույս ու ծառատեսակ, տպագրվել է Վենետիկում 1896 թվականին:

Արևմտահայերենի քերականական հիմնական տարբերությունները արևելահայերենից

Արևմտահայերենի և արևելահայերենի քերականական հիմնական տարբերությունները պայմանավորված են պատմական տարբեր հիմքերով: Արևմտահայերենը բայի սահմանական ներկան կազմում է **կը** մասնիկի միջոցով՝ *կը գրեմ, կը կարդամ*, իսկ արևելահայերենը՝ **ում-ով՝ գրում եմ, կարդում եմ**: Գրաբարի բայական չորս լծորդություններից (*ել, ալ, իլ, ուլ*) արևելահայերենը պահպանել է միայն երկուսը՝ **ել** և **ալ** (*վազել, խաղալ*), իսկ արևմտահայերենը՝ երեքը՝ **ել, ալ, իլ** (*վազել, խաղալ, նայիլ*): Տարբերություններ կան նաև գոյականների թվակազմության և հոլովման համակարգերի միջև: Եթե արևելահայերենում գրեթե բոլոր գոյականների հոգնակները հոլովվում են **ի** հոլովմամբ (*տների, քաղաքների, օրերի*), ապա արևմտահայերենում դրանք ենթարկվում են **ու** հոլովման (*տուներու, քաղաքներու, օրերու*): Հոգնակիի կազմության ժամանակ հիմքում **ի** և **ու** հնչյուններն ունեցող մի շարք բառեր, ի տարբերություն արևելահայերենի, հանդես են գալիս անհնչյունափոխ հիմքով (*ջուրեր, շուներ, մուկեր, փունջեր, սիրտեր, գիրքեր, երկիրներ*):

Տարբեր ձևերով են կազմվում նաև այսպես կոչված ստացական հոգնակները, որոնք մեկ բառով ցույց են տալիս ստացող (տեր) և պատկանյալ: Արևելահայերենում ստացական հոգնակի կարող են ունենալ միայն միավանկ բառերը. հիշյալ ձևը նրանք կազմում են՝ սպասելի *եր* մասնիկը փոխարինելով *ներ* հոգնակետով՝ *մեր շորերը – շորներս, մեր տեղերը – տեղներս, մեր սրտերը – սրտներս, մեր գրքերը – գրքներս*: Մինչդեռ արևմտահայերենում գործում է բոլորովին այլ կաղապար. անկախ վանկերի քանակից՝ բառի հոգնակի հիմքին ավելանում են նի մասնիկը և ստացական հոդը: Օրինակ՝ *տուն-եր-նի-ս, գիրքերնիդ, զավակներնիս, պտուղներնիս* և այլն:

Արևմտահայերենի շարահյուսական կարևորագույն առանձնահատկությունը, որով նա տարբերվում է արևելահայերենից, անձի առման քերականական կարգի բացակայությունն է: Այս կարգը արևելահայերենում հայցական հոլովի դրսևորմաներից մեկն է և բնորոշ է ուղիղ խնդրի ձևավորմանը: Եթե ուղիղ խնդիրն անձնանիշ է (*Անահիտ, ուսուցիչ և այլն*), ապա այն հիմնականում դրվում է տրականաձև հայցականով, իսկ եթե իրանիշ է՝ ուղղականաձև հայցականով, ինչպես օրինակ՝

Աշտը միս է սիրում:

Աշտը Անահիտին է սիրում:

Այս նախադասությունները արևմտահայերենում կունենան հետևյալ ձևը.

Աշտ միս կը սիրե:

Աշտ Անահիտը կը սիրե:

Այսպիսով՝ արևմտահայերենում ուղիղ խնդիրն ունի միայն մեկ ձև, որը դժվարացնում է ենթական և ուղիղ խնդիրը իրարից տարբերելը: Այս դեպքում

վճռորոշ դեր է խաղում շարահասությունը. ենթական միշտ նախադաս է ուղիղ խնդրին, և դրանց փոխատեղումով կփոխվեն ներգործողը և կրողը (ենթական և ուղիղ խնդիրը):

Արևելահայերենի և արևմտահայերենի շարահյուսական տարբերություններից կարևոր է նաև ժխտական դերանունների գործածությունը բայի հետ: Արևելահայերենում ժխտական խոնարհման ենթարկված բայով արտահայտված ստորոգյալը ունենում է ժխտական դերանուններով արտահայտված ենթակա կամ խնդիր: Այլ կերպ ասած՝ արևելահայերենին բնորոշ է կրկնակի ժխտումը, որն արևմտահայերենում երբեք չի հանդիպում: Այսպես՝ արևելահայերենում սովորական է «*Ոչ որ չէր ուզում մեռնել*» արտահայտությունը, որի արևմտահայերեն համարժեքը կլինի «*Ոչ որ կ'ուզեր մեռնիլ*»: Պ. Դուրյանի հանրահայտ տողերը հաստատում են ասվածը. «*Ոչ որ ըսավ. – Դե՛ք տղա...*»: Նույնը տեսնում ենք Շ. Շահնուրի ստեղծագործություններից վերցված հետևյալ օրինակում. «*Մեր նախնիները ոչինչ կրցած են քանդակել միտով, անոնք ոչինչ կրցեր են քանդակել միսին վրա*»:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ինչպե՞ս է կազմվում արևմտահայերենի սահմանական եղանակի ներկան:
2. Բայական ի՞նչ լծորդություններ կան արևելահայերենում և արևմտահայերենում:
3. Ո՞ր հոլովմանն են պատկանում հոգնակի թվով գոյականներն արևելահայերենում և արևմտահայերենում:
4. Ինչպե՞ս է կազմվում ստացական հոգնակին:
5. Ի՞նչ տարբերություններ կան ուղիղ խնդրի ձևավորման մեջ արևելահայերենում և արևմտահայերենում:
6. Ի՞նչ ձևով են գործածվում արևմտահայերենում բայերը ժխտական դերանունների հետ:

Վարժություն 9: Տրված նախադասությունները փոխակերպե՛ք արևելահայերենի՝ ուղիղ խնդիրները դնելով անձի առումով:

ա) 1. Տիգրան կը պաշտե իր սիրելի ուսուցիչը: 2. Դուք կը բաջալերեք կոր ամբողջ խումբ մը հայեր: 3. Անմիջապես ինձ մոտ հրավիրեցի Ծապլվարի հեղափոխական գործուն շարքերը՝ Սմենց Վարդան, Խև Ավո և ուսանողական միության նախագահ Կարո: 4. Երբ նա կերթար ընդունիլ Սիսակ, ուրից բայլերն աննշմարելի չանցան տիկին Աբգարյանե: 5. Օրիորդը տեսնելուն պես հրապուրվեցա և կամաց-կամաց հափշտակվեցա անոր գեղեն, շարժվածքեն, ձևերեն և մանավանդ խնդալու եղանակեն, ուստի բարեկամիս հարցուցի, թե կը ճանչնա՞ր այդ աղջկին... 6. Փանջունի առաջին անգամ գնաց՝ սուլելու համար պատմության դասախոսը...

7. Գարեջրատուները, որոնց մեջ կը լուծվեին մարդկային ընկերությունը տանջող բոլոր խնդիրները, իր գլխավոր կայաններն էին, իր անառիկ մարտկոցները, ուրկե կը ռմբակոծեր աշխարհի բոլոր կեղտոտ պուրժուաները, կողոպտիչ բափիթափստները... 8. Հայրը իրիկունը գործեն վերադարձին կը տեսնե եղածը և տղան կանչելով ու անոթին կտորտանքները ցույց տալով՝ կը գոչե: 9. Եղեգևյա գրչով երգեցի հարսեր: 10. Ատեն մ'անոր դռան առջև նստեցավ Ծերուկն, և թոռը ծուկերուն մեջ առած՝ պատմեց գրույցը Արտավազդի, Վահագնի:

բ) 1. Դահլիճներուն փարթամ կիները կ'ատեն... 2. Երբ խումբը իր երգով ավելի ևս մոտեցավ վրանին, Հայկազ ուզեց արթնցնել Հովսեփ: 3. Շաբաթ մը ամբողջ մտահոգության մատնած էր իր ընտանիքը, բարեկամները և գեղանի այս աղջիկը: 4. Հիշեցի նաև ուրիշ ընկերներ, որ չվերադարձան իրենց նշանածներուն: 5. Ամբողջ օրը թափառեցա, լրտեսեցի թավուտները, սակայն միայն կորյուն մը և մայրը տեսա: 6. Սև հրեշտակը կը պնդեր այդ մասին և շուտով հաջողելու համար իր ծրագրած չկամություններով, փախուստներով ավելի ևս նեղը կը դներ և կը տանջեր Մարին:

Վարժություն 10: Բացատրե՛ք ժխտական դերանունների գործածությունը բայերի հետ: Տրված օրինակները վերածե՛ք արևելահայերենի:

ա) 1. Ոչ ոք կիներուն չափ գեղեցկության ճաշակը ու հասկացողությունը ունի: 2. Ոչ ոք կար փողոցներուն մեջ: 3. Ոչինչ կը հետաքրքրե գիս: 4. Ոչ ոք գիտե չորրորդին ուր ըլլալը: 5. Իրենց մեջ ոչ ոք այդ տեսակ գաղափար մը կարող եղած էր հղանալ մինչև այդ ատեն: 6. Ոչ ոք հոն էր այդ ժամուն: 7. Դռան հանդեպ բացվող ընդարձակ սրահին մեջ ոչ ոք կար:

բ) 1. Ոչ ոք կը համարձակեր բերանը բանալով խոսք մը ըսել: 2. Ոչ ոք արթուն էր գյուղին մեջ: 3. Հայտնի մշակություններու կողքին կային սուրճի այնպիսի ցանուցիր անտառներ, որոնք ոչ ոքի կը պատկանեին և ոչ ոքի կողմէ մշակված էին: 4. Մեր նախնիները ոչինչ կրցած են բանդակել միտով, անոնք ոչինչ կրցեր են բանդակել միսին վրա: 5. Ոչ ոք ըսավ. – Հե՛ք տղո՛ւ, Արդյոք ինչո՞ւ կը մոխա, Թերևս ըլլա գեղանի, Թե որ սիրեմ, չը մեռնի: Ոչ ոք ըսավ. – Սա տղին Պատռենք սիրտը տրտմագին, Նայինք՝ ինչեր գրված կան..., – Հոն հրդեհ կա, ո՛չ մատյան:

Գիտե՞ք, որ...

Բոլորին հայտնի ռադամական հաստատության՝ ճեմարանի անվան ծագումը կապվում է Աթենքի Լիկեյան Ապոլլոնի տաճարի մոտ գտնվող Լիկեոնի գեոսավայրին, որտեղ, ըստ ավանդության, Արիստոտելն իր աշակերտներին դասավանդել է ճեմելով:

Վիեննայի Մխիթարյան միաբանությունն ունի իր հատուկ ըմպելիքը, որը կոչվում է Մխիթարին: Այդ բուրավետ ըմպելիքը պատրաստում են գանազան բույսերից: Մխիթարինը, որը մեծ պահանջարկ ունի Վիեննայում, պատրաստվում է 1899 թվականից:

Աբեղյան Մանուկ հաշատուրի (1865–1944)



Հայ անվանի բանասեր, ականավոր լեզվաբան-հայերենագետ, ՀԽՍՀ ԳԱ ակադեմիկոս (1943), գիտության վաստակավոր գործիչ: Ծնվել է Նախիջևանի գավառի Աստապատ գյուղում: Սովորել է Գևորգյան ճեմարանում, ուսումնառությունը շարունակել է եվրոպական համալսարաններում: «Հայ ժողովրդական հավատալիքը» թեմայով ուսումնասիրության համար 1898թ. Ենայի համալսարանում ստացել է փիլիսոփայության դոկտորի գիտական աստիճան: Մանկավարժական աշխատանք է կատարել Էջմիածնում, Շուշիում, Թիֆլիսում, դասախոսել և պաշտոնավարել է (ղեկան, ամբիոնի վարիչ) Երևանի պետական համալսարանում, 1925–30թթ. եղել է Հայաստանի գիտության և արվեստի ինստիտուտի տնօրեն:

Մանուկ Աբեղյանի աշխատություններում հայ բանասիրությունը ներկայացված է իր լայն ընդգրկումներով՝ ժողովրդական բանահյուսություն, հայ հին գրականության պատմություն, հայերենի տաղաչափություն, տեքստաբանություն, հայոց լեզվի տեսություն և այլն:

Նա հայ ժողովրդական եպոսի լավագույն գիտակներից էր: Անձամբ հայտնաբերել է «Սասնա ծռերի» երկրորդ տարբերակը, անդրադարձել է ժողովրդական բանահյուսությանը՝ սկսած հնագույն շրջանից մինչև նոր ժամանակները, ուշագրավ դիտողություններ է արել միջնադարյան հայրենների բնույթի ու դրանց ակունքների վերաբերյալ, ուրվագծել է Հայկական վերածննդի ընթացքը: Պատկառազու գործեր են նրա «Հայ գրականության պատմությունը» (հ. 1–2, 1944–46), «Հայոց լեզվի տաղաչափությունը» (1933):

Աբեղյանը արևելահայ գրական լեզվի ուսմունքը բարձրացրեց նոր աստիճանի, հայերենի կառուցվածքի ըմբռնման մեջ քերեց թարմ պատկերացումներ ու հարցադրումներ: Նրա լեզվաբանական-քերականագիտական ուսումնասիրությունները՝ «Աշխարհաբարի քերականությունը», «Աշխարհաբարի հոլովները», «Աշխարհաբարի շարահյուսությունը», «Հայոց լեզվի տեսությունը», վճռական դեր խաղացին արևելահայերենի գիտական քերականությունն ստեղծելու գործում: Նա առաջինն էր, որ հաղթահարեց ավանդական քերականագիտության կաղապարների ճնշումը և տվեց գրական արևելահայերենի ամբողջական ու հետևողական նկարագրությունը: Անվանի հայագետը զբաղվել է նաև ուղղագրության բարեփոխման, տերմինաշինության հարցերով:

ՉԵՎԱԲԱՆՈՒԹՅՈՒՆ

Խոսքի մեջ բառերը կապակցվում են միմյանց՝ արտահայտելու համար այս կամ այն միտքը: Այդ ընթացքում նրանք կարող են փոփոխվել, որը հիմնականում արտահայտվում է վերջավորություններով: Կապակցումը մասամբ կատարվում է նաև սպասարկու բառերի (կապ, շաղկապ) օգնությամբ: Հաղորդակցումը հիմնականում կատարվում է երկու կարևոր խոսքի մասերի միջոցով՝ գոյական և բայ: Գոյականը անվանում է մեզ շրջապատող աշխարհի առարկաներն ու երևույթները: Գոյականի կրած փոփոխությունը վերջավորություններով կոչվում է հոլովում, որի միջոցով արտահայտվում են զանազան հարաբերություններ այլ բառերի հետ, իսկ բայի փոփոխությունը կոչվում է խոնարհում: Խոնարհումով արտահայտվում են գործողության ժամանակային և դիմաթվային փոփոխությունները: Այսպիսով՝ գոյականը և բայը արտահայտում են նյութը և շարժումը, իսկ հոլովման և խոնարհման միջոցով արտահայտվում են տարածական և ժամանակային հարաբերություններ:

ԲԱՌԱՅԻՆ ԻՍՄՍՏ ԵՎ ԲԵՐԱԿԱՆԱԿԱՆ ԻՍՄՍՏ

Լեզվի յուրաքանչյուր բառ արտահայտում է որևէ կոնկրետ իմաստ: Այսպես՝ **լեռ, բար, ծառ, գետ, ծով, մարդ, անտառ** բառերից յուրաքանչյուրը անվանում է կոնկրետ առարկա, որ հնարավոր չէ շփոթել այլ առարկայի հետ: Սա հենց այդ բառերի արտահայտած բառային իմաստն է: Այսպիսով՝ բառային իմաստը բառի թվանդակությունն է, այն հարաբերակցությունը, որ կա բառի արտաքին հնչյունական կողմի և նրա արտահայտած առարկայի միջև: Ուրեմն **ջ-ու-ր** հնչյունախմբի և մեզ ծանոթ հեղուկի միասությունը մեր գիտակցության մեջ հենց կազմում է տվյալ բառի իմաստը:

Բառի բերականական իմաստը հանդես է գալիս որպես բառային իմաստին տրվող լրացուցիչ իմաստ և արտահայտում է տարբեր հարաբերություններ, որոնք լեզվում ունենում են իրենց ձևաբանական կամ շարահյուսական դրսևորումները և արտահայտվում են տարբեր միջոցներով՝ զանազան մասնիկներով (գրեց-ի, քաղաք-ներ, բար-ից), արմատահնչյունի փոփոխությամբ (տուն – տան, գինի – գինու, արյուն – արյան), բայական ածանցների միջոցով (գրել – գրվել, վագել – վագեցնել), հոդերով (գիրքս, հայրդ) և այլն:

Բառի՝ բերականորեն փոփոխված ձևը կոչվում է բառածև:

ՉԵՎՈՒՅԹՆԵՐ

Լեզվաբանության մեջ **ձևույթ** են անվանում բառի այն իմաստակիր նվազագույն բաղադրիչները, որոնք այլևս տարրալուծման չեն ենթարկվում: Դրանք ձևի և իմաստի միասնության տեսակետից անտրոհելի միավորներ են: Ձևույթները բաժանվում են երկու մեծ խմբի՝ **հիմնական** և **երկրորդական**: **Հիմնական** են կոչվում բառերի **արմատները**, որոնք արտահայտում են բառային իմաստը: Օրինակ **օղանավաշինություն** բառի մեջ **օղ-**ը, **նավ-**ը, **շին-**ը (շեն) հիմնական ձևույթներ են, բանի որ բառարմատներ են կամ դրանց հնչյունափոխական տարբերակները: Նույն ձևով՝ **տնտեսագիտական** բառի մեջ հիմնական ձևույթներ են **տն** (տուն), **տես**, **գիտ** (գետ) արմատները:

Երկրորդական ձևույթներ են տարբեր մասնիկները: Երկրորդական ձևույթները իրենց հերթին բաժանվում են երկու ենթատեսակի՝ **բառակազմական** և **բերականական**: **Բառակազմական** ձևույթները նոր բառեր են կազմում. դրանք ածանցներն են: Վերը բերված օրինակներում **ուլթյուն**, **ական** ածանցները բառակազմական ձևույթներ են: Նույնը վերաբերում է նաև **դժգոհ**, **անհամ**, **սիրելի** բառերում **դժ**, **ան**, **ելի** ածանցներին, որոնք նույնպես երկրորդական բառակազմական ձևույթներ են: Բերականական ձևույթներն են հոլովման, խոնարհման, հոգնակիի կազմության վերջավորությունները և հոդերը: Օրինակ՝ **բար-ով**, **դպրոց-ում**, **գրեց-իր**, **տես-ավ**, **գր-իր**, **բաղաք-ներ**, **գիրք-դ**, **գրիչ-ը** բառերում առանձնացված բոլոր մասնիկները երկրորդական բերականական ձևույթներ են:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է հոլովումը:
2. Ի՞նչ է խոնարհումը:
3. Ի՞նչ տարբերություն կա բառային և բերականական իմաստների միջև:
4. Ի՞նչ է ձևույթը և ի՞նչ տեսակներ ունի:

Վարժություն 1: Տրված բառերում և բառաձևերում առանձնացրե՛ք ձևույթները և դիմացը գրե՛ք տեսակը:

ա) Չինվորական, ավագանի, վառարանի, մեծություն, սպիտակեղենով, հագուստեղեն, նախադպրոցական, գրիչներ, հայերենից, մարզիչներ:

բ) Վարորդների, Հայաստանում, դոփյունները, ապադասակարգային, մեքենավարներից, անասուն, հիմունք, ծաղկամանից, գրքում, անհեռատես:

գ) Նախավարժանքներով, գերակատարումներով, սարալանջերում, մանրանկարներով, զբաղմունքներից, ժառանգորդներիդ, վրիժառուներով, երախտամոռներիցդ, թերագնահատումներով, հիվանդանոցից:

Վարժություն 2: Յուրաքանչյուր սյունակից ընտրելով մեկական նախածանց (երկրորդական ձևույթ) և արմատ (հիմնական ձևույթ)՝ կազմե՛ք նախածանցավոր բառեր (անհրաժեշտության դեպքում գործածե՛ք հոդակապ):

ներ	կողմնացույց	դժ	սպայական	գեր	դերբայական
ապ	ինքնագոհ	ց	արքայական	անդր	ձայնակցել
տ	լուսամփոփ	նախ	անմահ	ապ	շնորհալի
թեր	կարգապահ	փոխ	կամավոր	ընդ	աշխարհական
դժ	ինքնուս	չ	հոռետես	մակ	ոստյուն
արտ	գիտական	ենթ	ճաշկերույթ	բաղ	հիմնախնդիր
տ	զարկերակ	արտ	արձակուրդ	ց	դիրքային
շաղ	կղզիաքնակ	բաց	դրվածք	մակ	արքայանիստ
համ	վիրակապ	ապ	դիմակավոր	փոխ	խնդրառություն
ապ	բարշարկում	տ	նկարչական	չ	պահանջմունք
թեր	բարեբախտ	նախ	երասան	պար	գծավոր
ստոր	հաճելի	ընդ	կարողություն	գեր	տեսողություն

Վարժություն 3: Յուրաքանչյուր սյունակից ընտրելով մեկական արմատ (հիմնական ձևույթ) և վերջածանց (երկրորդական ձևույթ)՝ կազմե՛ք վերջածանցավոր բառեր:

արջորս	ին	բառատրոփ	եղեն	կիսադեմ	արան
անփույթ	ավոր	ծեռնամարտ	յուն	մայրուղի	ացի
լռելյայն	եղեն	ջրահարս	ակ	զանձանակ	ական
գիսաստղ	կան	հրաշյա	ացու	գլխատառ	եղեն
այլազգի	կոտ	ծովանկար	ոց	դեղնականաչ	ապան
խեցեգործ	ույթուն	աղբաթի	իչ	ընծուլտ	ակ
բարեհունչ	ոտի	խորամուխ	եղեն	փառատենչ	յալ
սնահավատ	ուկ	սարահարթ	մունք	օրինություն	աբար
կատվածագ	եղ	զբոսայգի	ապան	անգույն	ունդ
սիգաճեմ	արան	հուզական	ոց	օտարալեզու	եղ
սիգամարգ	ենի	քմահաճ	ակ	կաթնասուն	ք
արքայախնձոր	ավետ	ոսկեպատ	ույթ	հերոսական	անի

ՀԱՅԵՐԵՆԻ ԽՈՍՔԻ ՄԱՍԵՐԻ ՀԱՄԱԿԱՐԳԸ

Քերականական իմաստի կարևորագույն դրսևորումներից մեկը բառի խոսքի-մասային իմաստն է: Այն ոչ կոնկրետ է և տարածվում է բառերի խմբերի վրա՝ առարկա ցույց տվող (բար, տուն, թռչուն, գիրք), գործողություն ցույց տվող (վազել, նկարել, երգել), գործողության հատկանիշ ցույց տվող (արագ, հերոսաբար, կուրորեն, դմենդում) և այլն: Սակայն բառերը նախադասության մեջ կարող են ունենալ իրենց հիմնական իմաստին ոչ բնորոշ կիրառություններ: Այսպես՝ *ծաղիկ*

բառը անվանում է որոշակի առարկա և պատասխանում է **ի՞նչ** հարցին, բայց **ծաղիկ հասակ** կապակցության մեջ այն արդեն պատասխանում է **ինչպիսի՞** հարցին և արտահայտում է առարկայի հատկանիշ: Սակայն այս իմաստը նա ձեռք է բերում սոսկ այս կիրառության մեջ, դրանով նրա խոսքիմասային իմաստը չի փոխվում, այն շարունակում է մնալ գոյականական:

Մի այլ դեպքում կարող է լինել հակառակը, և հատկանիշ արտահայտող բառ կարող է գործածվել առարկայական իմաստով, այսպես՝ *Չարն էլ է միշտ ապրում անմեռ* օրինակում **չար** բառը արտահայտում է ոչ միայն իր բուն՝ հատկանշային իմաստը, այլև նշանակում է *չար մարդ*, *չար գործ*, *չար համբավ* և այլն ու պատասխանում է **ի՞նչ** հարցին:

Բարեխղճորեն, մտովի բառերը պատասխանում են **ինչպե՞ս** հարցին և ցույց են տալիս գործողության կատարման ձևը (*բարեխղճորեն կատարել, մտովի թռչել*): Սակայն նույն դերում կարող են հանդես գալ նաև որոշակի հոլովներով դրված գոյականները (*բարեխղճությամբ կատարել, մտքով թռչել*): Այս դեպքում ևս *բարեխղճություն, միտք* գոյականները չեն փոխում իրենց խոսքիմասային պատկանելությունը, բանի որ սրանք սոսկ նրանց մասնավոր կիրառություններն են:

Այսպիսով՝ պարզ է դառնում, որ բառերի խոսքիմասային պատկանելությունը որոշելիս պետք է առաջնորդվել դրանց բուն, հիմնական իմաստներով: Ծառ բառեր կարող են ունենալ փոխաբերական, ածանցյալ, լրացուցիչ իմաստներով կիրառություններ, որոնք, սակայն, չեն կարող հիմք ծառայել նրանց խոսքիմասային պատկանելությունը որոշելու համար:


Հայերենում կա տասը խոսքի մաս՝ **գոյական, ածական, թվական, դերանուն, բայ, մակբայ, կապ, շաղկապ, վերաբերական, ձայնարկություն**: Խոսքի մասերը բաժանվում են երեք մեծ խմբի:

ա) Նյութական իմաստ արտահայտող խոսքի մասեր (գոյական, ածական, թվական, դերանուն, բայ, մակբայ): Սրանք արտահայտում են նյութական աշխարհի առարկաներն ու երևույթները, նշում են դրանց բազմապիսի հատկանիշները:

բ) Զերականական իմաստ արտահայտող խոսքի մասեր (կապ, շաղկապ): Սրանք արտահայտում են նախադասությունների և բառերի միջև գոյություն ունեցող բազմազան հարաբերություններ:

գ) Վերաբերմունքային իմաստ արտահայտող խոսքի մասեր (վերաբերական, ձայնարկություն): Սրանք արտահայտում են դատողական կամ զգացական վերաբերմունք:

խոսքի մասերի դասակարգման գծապատկեր



ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ հիմունքով են առանձնացվում խոսքի մասերը:
2. Ի՞նչ խմբերի են բաժանվում խոսքի մասերը:

Վարժություն 4: Տրված բառերը դասավորե՛ք ըստ նրանց արտահայտած նյութական, քերականական և վերաբերմունքային իմաստների:

Վազել, տուն, գիրք, ավա՛ղ, հե՛յ, որպեսզի, մեծ, ջա՛ն, արագորեն, միամիտ, ցիտություն, վո՛ւշ-վո՛ւշ, հայրենիք, թեև, հանկարծ, նկար, ո՞վ, քանի որ, թերևս, տետր, երևի, սայլ, և, մկրատ, անշուշտ, գառնուկ, վո՛ւյ-վո՛ւյ, օխա՛յ, երեք, նա, նկարել, մասին, դեպի, կարդալ, գեղեցիկ:

Վարժություն 5: Որոշե՛ք, թե որ բառերը նյութական իմաստ ունեն, որ բառերը՝ քերականական:

Պատահում է՝ սիրտդ լցվում
Ու չի լալիս ժամանակին,
Ամպը անձրև է խոստանում
Ու չի տալիս ժամանակին:
Շտապում է կամ ուշանում,
Եվ այսպես էլ գլխի չընկանք,
Թե մեր ուզած ժամանակը
Երբ է գալիս ժամանակին:

Համո Մահյան

Վարժություն 6: Կազմե՛ք հինգ այնպիսի նախադասություն, որոնք բառերը կունենան տրված իմաստները:

1. Հատկանիշ – առարկա – գործողություն:
2. Զանակ – առարկա – գործողություն:
3. Հատկանիշ – առարկա – գործողության հատկանիշ – գործողություն:
4. Զանակ – առարկա – գործողության հատկանիշ – գործողություն:
5. Առարկա – գործողության հատկանիշ – գործողություն:

Օրինակ՝ Երեք նկարներն անմիջապես վաճառվեցին (քանակ – առարկա, գործողության հատկանիշ – գործողություն):

Վարժություն 7: Նախադասություններն ամբողջացրե՛ք նշված իմաստներն արտահայտող բառերով:

1. Ես այդ (առարկայի հատկանիշ արտահայտող բառ) հուշարձանը (գործողության հատկանիշ արտահայտող բառ) եմ տեսել:
2. (Զանակ արտահայտող բառ) ընկերները գնացել էին (առարկայի հատկանիշ արտահայտող բառ) ֆիլմը դիտելու:
3. Տասը (անձ արտահայտող բառ) առավոտից խաղում էր (առարկայի հատկանիշ արտահայտող բառ) պուրակում:
4. (Զգացական վերաբերմունք արտահայտող բառ), ես էլ եմ (առարկայի արտահայտող բառ) ստանալու:
5. (Դատողական վերաբերմունք արտահայտող բառ), այդ օրն ամեն ինչ (գործողության հատկանիշ արտահայտող բառ) ավարտվեց:

Գիտե՞ք, որ...

Գրադարանները միշտ էլ համարվել են իմաստության կենտրոններ: Ա. թ. ա. մոտավորապես 1300 թվականին Եգիպտոսի հին մայրաքաղաք Թեբեի մոտ հիմնվել է մի խոշոր գրադարան, որը հավանաբար պատկանել է Ռամսես II-ին: Մուտքի վերևում փորագրված է արձանագրություն՝ «Հոգու դեղատուն»:

ՊՈՅՈՒՆՆԵՐ, ՄՍՍԿՆԵՐ ԵՎ ՄՍԿՐԱՅԻ ՀՈՄԱՆՍԿՅՈՒՆ ԵՄՔԵՐԵՐԸ

Բառերի ձևաիմաստային խմբերի մեջ առանձնահատուկ դեր ունեն հոմանիշ բառերը: Ինչպես հայտնի է, հոմանիշ են կոչվում իրար մոտ իմաստ արտահայտող բառերը: Հոմանիշների մեջ պետք է առանձնացնել համանիշները, որոնք մոտ իմաստներ են արտահայտում (մաքուր – զուլալ), ինչպես նաև նույնանիշները, որոնք նույն իմաստն են արտահայտում, ինչպես՝ ծովափ – ծովեզր, աբլոր – աբա

դադ, համեմատել – բաղդատել և այլն: Սակայն լեզվի մեջ նույնանիշներն այնքան էլ շատ չեն, քանի որ ոճական առումով կամ արտահայտած նրբերանգներով դրանք, այնուամենայնիվ, իրարից տարբերվում են, օրինակ՝ սիրուն – գեղեցիկ, այտ – թուշ, սառը – պաղ և այլն: Հայերենում տարածված են բազմանդամ հոմանիշները, որոնց թիվը երբեմն տասնյակից անցնում է, ինչպես օրինակ՝ գժվել, խելագարվել, խենթանալ, խելագրկվել, ցնդել, խելքը թռցնել, խլանալ, ցնորվել, խելառանալ և այլն, կամ՝ մեռնել, մահանալ, վախճանվել, ննջել, հանգչել, հոգին ավանդել, զոհվել, նահատակվել, մարտիրոսվել, մահկանացուն կնքել, սատկել, վերին երուսաղեմ գնալ, գետնի տակն անցնել, գրողի ծոցը գնալ, ոտքերը տնկել և այլն: Սրանց մի մասը վերաբերմունքային առումով չեզոք է (մեռնել, մահանալ), մյուս մասը նշանակում է վեհ գաղափարի համար մեռնել (նահատակվել, մարտիրոսվել), մյուսներն ունեն անարգական իմաստ (սատկել, գրողի ծոցը գնալ, ոտքերը տնկել):

Որոշ հոմանիշներ արտահայտում են միևնույն առարկայի տարբեր տեսակները՝ հատկանշի ուժգնացմամբ կամ թուլացումով՝ սյուք, գեփյուռ, հովիկ, քամի, հողմ, փոթորիկ, մրրիկ, սամում, կամ՝ ժպտալ, խնդալ, ծիծաղել, քրքջալ, հռհռալ և այլն:

Հայերենը շատ հարուստ է հոմանիշներով: Դա ոչ միայն հնարավորություն է տալիս խոսողին ընտրելու առավել դիպուկ, երևույթն առավել ճշգրիտ բնութագրող բառը, այլև գտնելու արտահայտիչ, խոսողի վերաբերմունքը պարունակող հոմանիշը: Լեզվի մեջ հոմանիշներով առավել հարուստ են ածականները, մակբայները, ինչպես նաև բայերն ու գոյականները: Եվ սա բնական է, քանի որ ածականներն ու մակբայները հատկանշային իմաստով բառեր են, սովորաբար պարունակում են նաև խոսողի բնորոշող վերաբերմունքը, որը կարող է ունենալ բազմազան զրուստություններ:

Իրենց կիրառություններով շատ նման են ածականներն ու մակբայները: Ածականները սովորաբար արտահայտում են առարկայի հատկանիշներ և խոսքի մեջ հանդես են գալիս որպես գոյականի լրացումներ (հիմնականում՝ որոշիչ), ինչպես օրինակ՝ կարմիր վարդ, մեծ տուն, սառը ջուր, գիշերային լապտեր և այլն: Մինչդեռ մակբայներն արտահայտում են գործողության հատկանիշ և խոսքի մեջ դառնում են բայական անդամի լրացումներ՝ պարագաներ, ինչպես օրինակ՝ արագ քայլել, հերոսաբար զոհվել, ամբողջովին նվիրվել, դռնեղուռ ընկնել և այլն:

Սակայն կան դեպքեր, երբ ածականները ազատորեն կարող են հանդես գալ իբրև մակբայ, այսինքն՝ արտահայտել գործողության հատկանիշ: Սա հատկապես բնորոշ է որակական ածականներին: Մեծ, քաղցր, գեղեցիկ և նման բազմաթիվ ածականներ արտահայտում են և՛ առարկայի, և՛ գործողության հատկանիշ՝ քաղցր թեյ – քաղցր խոսել, գեղեցիկ աղջիկ – գեղեցիկ պարել, մեծ տուն – մեծ լողել, խոնարհ մարդ – խոնարհ բարևել և այլն:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Որո՞նք են հոմանիշ բառերը:
2. Հոմանիշների ի՞նչ տեսակներ են առանձնացվում:
3. Խոսքում կիրառելիս ի՞նչ դեր ունի հոմանիշների ընտրությունը:

Վարժություն 8: Տրված բառերով կազմե՛ք բառակապակցություններ՝ դրանք մի դեպքում գործածելով որպես գոյականի, մյուս դեպքում՝ բայի լրացումներ:

Լավ, հանգիստ, երջանիկ, մեղմ, սիրալիր, հուսահատ, անհանգիստ, անվերջ, զգույշ, անդադար, երկար, նոր, չոր:

Վարժություն 9: Դո՛ւրս գրեք շղատառ բառերը՝ նշելով, թե դրանցից որոնք կարող են լրացնել և՛ գոյականի, և՛ բայի (հաշվի՝ առեք նաև այդ բառերի փոխաբերական իմաստները):

Արևագալից առաջ մենք դարան էինք մտել Եղնուտի կիրճում: Դիմացս կանգնած էր *հինավուրց* անտառը: Ես իմ դիրքից *ուշադիր* հսկում էի դիմացիս բացատը՝ սպասելով, թե երբ կխշխշան *երկար* ու *սլացիկ* եղեգները, ու իր թաքստոցից դուրս կգա առաջին որսը: *Խավարչտիկ* գիշերը *հետզհետե* աղոտացավ: Աղամամութիւն երկինքն սկսեց գունատվել ու պարզվել: *Գիշերային* նիրհից արթնացավ *առավոտյան* գեփյուռը, և *հազարաթույր* ծաղիկների *զգլխիչ* բույրով տոգորվեց ողջ մթնոլորտը: Դեռատի արփին գլուխը բարձրացրեց լեռան գագաթը՝ զարդարող *ծյուկաթույր* բարձից՝ իր ողջույնը հղելով աշխարհին:

Ես *աննկատելի* դուրս էի եկել թաքստոցից և գմայլված շուրջս էի դիտում: Հանկարծ ինչ-որ ձայն լսվեց. չորացած մի ճյուղ էր, որ ճռռոցով կոտրվեց *մոտ* անտառում: *Անփորձ* աչքս չի որոշում, թե ինչ կա այնտեղ. ես միայն *պարզ* լսում եմ *զգույշ* ոտնաձայնը ու տրորվող, փշրվող խաշամի խշշյուն: Որևէ բան *անհնար* է նշմարել բայց ձայնն ավելի ու ավելի է մոտենում: Ահա երևում է նա: Ես առաջին անգամ էի տեսնում եղջերուին *ազատ* բնության գրկում քայլելիս: Դուրս եկավ մի *խաղաղ* հպարտությամբ, վեհ քայլածքով՝ իբրև բնության ողջ գեղեցկության սիգապանծ տերը:

Ըստ Հովհաննես Թումանյանի

ԳՈՅԱԿԱՆ ՍՆՈՒՆ

Այն բառերը, որոնք ցույց են տալիս առարկաներ, անձեր և տարբեր երևույթներ, կոչվում են գոյական:

Մեզ շրջապատող առարկաների անվանումների մեջ կարելի է առանձնացնել երկու խումբ: Դրանցից առաջինի մեջ մտնող բառերը ցույց են տալիս իրեր, առարկաներ ու պատասխանում են **Ի՞նչ** հարցին, ինչպես օրինակ.

Ձյունը (ի՞նչը) հալվեց, լցվեց առուն:

Նման գոյական անուններ են *քար, տուն, գրիչ, նստարան, սեղան* բառերը:

Գոյականների մի այլ խումբ ցույց է տալիս անձեր և պատասխանում է **ո՞վ** հարցին, ինչպես օրինակ՝ *Վարդանը (ո՞վ) գնաց դպրոց:* Այդպիսի գոյականներ են *Աշոտ, Հայկ, Սահակյան, աշակերտ, հայր, ընկեր* և այլն:

Իր ցույց տվող գոյականները կոչվում են **իրանիչ**, իսկ անձ ցույց տվողները՝ **անձանիչ**:

Գոյականների մի մասը անվանում է տարբեր կենդանիների՝ *շուն, կատու, աղվես, առյուծ, եղնիկ* և այլն: Այս գոյականները ևս իրանիչ են համարվում, քանի որ հայերենում դրանք պատասխանում են **Ի՞նչ** հարցին:

Ի՞նչ հարցին են պատասխանում նաև զանազան երևույթների անվանումները, օրինակ՝

Այդ առաջարկը նա համարում էր մեծ *հաջողություն* (ի՞նչ):

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ են ցույց տալիս գոյականները:
2. Ի՞նչ խմբերի են բաժանվում գոյականները:
3. Ի՞նչ հարցերի են պատասխանում գոյականների տարբեր խմբերը:

Վարժություն 10: Առանձնացրե՛ք անձանիչ և իրանիչ գոյականները:

Գիրք, աղջիկ, տուն, անտառ, եղնիկ, ուրախություն, ուսուցիչ, Հակոբ, երաժիշտ, երեխա, արջ, դպրոց, արեգակ, մարդ, վիպասան, քաղաք, վարորդ, լեռ, ջարենց, բժիշկ, կատու, թռչուն, ձյուն, դեմք, մայր, նկարիչ, ծուկ, երգիչ, քիմիկոս, պատմագիր, ծրագիր, լուսին, առյուծ, քահանա, ծաղիկ:

Վարժություն 11: Առանձնացրե՛ք և առանձին սյունակներում գրե՛ք իր, անձ, կենդանի և երևույթ անվանող գոյականները:

ա) Հետո Կաթավաթերդի գլխին լուրջություն իջավ: Օջախներում հանգավ կրակը, եղավ խավար գիշեր: Գազանների ահից շները կուչ եկան վրանների առաջ:

Ոչխարը պառկեց կանաչի վրա: Խսիրի վրա մեկնվեց և կինը՝ թաղիքով ծածկելով տղային: Կաթավաթերդի գլխից ամպը հսկա խխունջի պես սողաց դեպի վրանները խոնավություն կաթեց բարերի վրա, մամուռների վրա, և մակաղած ոչխարների բրդի վրա նստեց գիշերային խոնավությունը: Տոդ կապեց ալպիական մանուշակի ծաղկաթերթերի վրա:

Բուրմունքից արբեցած մի բզեզ քնել էր առեջների մեջ, և նրան այնպես էր թվում, թե աշխարհը հոտավետ բուրաստան է, ալպիական մանուշակ...

Ակսել Բակունց

բ) Գյուղում Ավին լավ որսորդի համբավ ուներ: Տան ապրուստի մի մասը նա Մթնածորի խորքերից էր հոգում: Բացատներում միրհավ էր որսում, արտերի մոտ կաթավ ու լոր, թակարդ էր լարում աղվեսի համար, երբեմն էլ Մթնածորի խորքերն էր գնում, ժամերով նստում բարի հետևում, մինչև վարազները ջրի գային:

Ավին նշանը ճիշտ էր բռնում. բերդանի գնդակը վարազի ճարպոտ կողքին մեծ վերք էր բացում: Եվ եթե Պանինից երկյուղ չէր անում կամ տեղյակ էր լինում, որ անտառապահը Մթնածորում չէ, չոր ցախերից էլ մի շալակ էր անում, ծածուկ մի տեղ պահում՝ գիշերով տուն տանելու համար:

Այդ օրն էլ նա որսի էր գնացել: Թարմ հետքեր կային ձյունի վրա: Ավին մի հետքով գնաց և հենց որ բլրակի գլուխը բարձրացավ, տեսավ երկու աղվես Մինչև կրակելը աղվեսները փախան: Մի քիչ էլ ման եկավ, պախրայի հետք տեսավ, փնտրեց ու չգտավ:

Ակսել Բակունց

Վարժություն 12: Առանձնացրե՛ք այն գոյականները, որոնց հնարավոր է ուղղակի կամ փոխաբերական իմաստով կցել տրված բառը:

1. Մեծ (անձրև, սենյակ, կաթ, իպարտություն, հարգանք)
2. Հինգ (աշակերտ, ագահություն, սյուն, երգ, բաժակ)
3. Ուրախ (երեխա, երաժշտություն, մայրեգոր, տրամադրություն, ուս)
4. Լուսավոր (ճյուղ, քնակարան, ապագա, դահլիճ, սրճարան)
5. Երգող (աղջիկ, առու, պարան, սոխակ, քամի)

Վարժություն 13: Ձախ սյունակից գտե՛ք այն բառերը, որոնք հնարավոր է կապակցել աջ սյունակի անձնանիշ գոյականներին, և այն բառերը, որոնք հնարավոր է կապակցել աջ սյունակի իրանիշ գոյականներին: Կազմե՛ք բառակապակցություններ:

տարեց
ալեհեր
նախշազարդ

աշակերտ
բաժակ
աղբյուր

մետաղյա
բյուրեղապակե
կապուտաշյա
խելացի
սառնորակ
ժպտերես
երկկենցաղ

տանտեր
կենդանի
գորգ
նկարիչ
դուռ
վարպետ
երեխա

Հատուկ և հասարակ գոյականներ

Ծովն է շառաչում, ու ալիքները զարնվում են ափամերձ ժայռերին:

Աշխարհի բոլոր ծովերը անվանում ենք միևնույն բառով՝ **ծով**: Այդ բառով ենք անվանում թե՛ Սև, թե՛ Բալթիկ և թե՛ Միջերկրական ծովերը: Դա նրանց ընդհանուր անունն է:

Միատեսակ առարկաներին տրվող ընդհանուր անունը կոչվում է **հասարակ անուն**: Նման գոյականներ են *մարդ, լեռ, բաղաք, աշակերտ* բառերը:

Արարատի ծեր կատարին դար է եկել վայրկյանի պես ու անցել...

Ավետիք Իսահակյան

Արարատը սրբազան լեռան անունն է, Աստվածաշնչի հանրահայտ լեռը, որի վրա հանգրվանեց Նոյը: Աշխարհում կան նաև բազմաթիվ այլ լեռներ, որոնք ունեն իրենց անունները՝ *Արագած, Կազբեկ, Էվերեստ, Միփան* և այլն: Նույն ձևով իրենց առանձին անուններն ունեն լճերը, օվկիանոսները, բաղաքներն ու երկրները: Այդ անունները, ինչպես նաև բնակավայրեր, վարչական բաժանումներ ցույց տվող գոյականները կոչվում են **տեղանուններ**:

Մարդկանց ևս իրարից զանազանելու համար տալիս են տարբեր անուններ, ազգանուններ, նաև մականուններ, ինչպես՝ *Հայկ, Անահիտ, Գևորգյան, Ռշտունի, Տիգրան Մեծ, Աշոտ Երկաթ* և այլն: Դրանք կոչվում են **անձնանուններ**:

Այն անունները, որոնք տրվում են միանման առարկաներից միայն մեկին՝ մյուսներից զանազանելու համար, կոչվում են **հատուկ անուններ**:

Հատուկ են բոլոր անձնանունները, տեղանունները, երկնային մարմինների անվանումները, ինչպես նաև հիմնարկ-ձեռնարկությունների անվանումները, գրքերի վերնագրերը, կենդանիներին տրվող անվանումները և այլն:

Հատուկ անունները հոգնակի թվով հիմնականում չեն գործածվում: Դրանք հոգնակի թվով կարող են դրվել միայն այն դեպքում, երբ նշում են նույն անունը կամ ազգանունը ունեցող անձեր, օրինակ՝ *Հրավիրված էին նաև Սահակյանները: Նախարարներն էին՝ իրենց համհարզներով՝ Վարդանը, Ամատունին և Արտակները՝ Ռշտունի ու Մոկաց (Դերենիկ Դեմիրճյան)*: Հատուկ անունները, երբեմն հոգնակի դառնալով, պատկերավոր ձևով նշում են հատուկ անվանը բնորոշ հատկանիշը՝ վերածվելով հասարակ անվան, օրինակ՝ *Մեր ժողովուրդն իր պատմության ընթացքում բազում ավարայրներ է տեսել* (այսինքն՝ վճռորոշ հերոսամարտեր, օրհասական կռիվներ):

Բոլոր հատուկ անունները գրվում են մեծատառով:

Հատուկ անունները կարող են բաղկացած լինել մեկ կամ մի քանի բառերից:

Այն հատուկ անունները, որոնք բաղկացած են մեկ բառից, կոչվում են **պարզ**: Օրինակ՝ *Երևան, Սևան, Արարատ, Յրազդան* և այլն:

Այն հատուկ անունները, որոնք բաղկացած են մեկից ավելի բառերից, կոչվում են **բաղադրյալ**: Օրինակ՝ *Հայաստանի Հանրապետություն, Սևանա լիճ, Յրուսի սային Կովկաս, Տիգրան Մեծ, Իրանի Իսլամական Հանրապետություն* և այլն:

Բաղադրյալ հատուկ անունները ունեն գրության երկու հիմնական կանոն:

– Մեծատառով են գրվում բոլոր բաղադրիչները:

– Մեծատառով է գրվում միայն առաջին բաղադրիչը:

1. Բոլոր բաղադրիչները մեծատառով են գրվում հետևյալ դեպքերում:

ա) եթե բաղադրյալ հատուկ անունը որևէ երկրի, պետության կամ պետական կազմավորման անուն է, օրինակ՝ *Հայաստանի Հանրապետություն, Ամերիկայի Միացյալ Նահանգներ, Ռուսաստանի Դաշնություն, Սիրիայի Արաբական Հանրապետություն*:

բ) եթե բաղադրյալ հատուկ անվան բաղադրիչները առանձին-առանձին հատուկ անուններ են, օրինակ՝ *Արփա-Սևան, Դոնի Ռոստով, Ամուրի Կոմսոմոլսկ, Հովհաննես Թումանյան*: Նրանց կազմում եղած բերականական նշանակություն ունեցող բառ-մասնիկները գրվում են փոքրատառ ինչպես՝ *Ռիո դը ժանեյրո, Լեոնարդո դա Վինչի, ժաննա դ'Արկ* և այլն:

գ) եթե բաղադրյալ հատուկ անունը բաղկացած է լրացում-լրացյալից, և լրացյալը հատուկ անուն է. այդ դեպքում լրացումը ևս գրվում է մեծատառով իբրև նրա մականուն, օրինակ՝ *Յուսիսային Կովկաս, Արևելյան Հայաստան, Նոր Նախիջևան, Վազգեն Առաջին, Աշոտ Երկաթ, Ջորջ Միրո*:

դ) Հոգևոր-պատմամշակութային այն բաղադրյալ հատուկ անուններում, որոնց մեջ բոլոր բաղադրիչներն առանձին-առանձին կամ «Սուրբ» մականվան հետ հատուկ անուն են, օրինակ՝ *Անգղա Սուրբ Նշան, Ընծայից Սուրբ Աստվածածին, Մաստարայի Սուրբ Հովհաննես*:

2. Մեծատառով են գրվում բաղադրյալ հատուկ անունների միայն առաջին բաղադրիչները հետևյալ դեպքերում:

ա) եթե լրացում-լրացյալի կապակցության մեջ լրացյալը հատուկ անուն չէ օրինակ՝ *Արարատ լեռ, Արագածոտնի մարզ, Խաղաղ օվկիանոս, Սուլեմայի լեռնանցք, Սուրբ Նշան եկեղեցի*:

բ) Գրական, գիտական և այլ երկերի, գրքերի, պարբերական հրատարակությունների բաղադրյալ անվանումներում, օրինակ՝ *«Պատվի համար» «Թմկաբերդի առումը»*:

գ) Համաշխարհային կազմակերպությունների անվանումներում, օրինակ՝ *Միավորված ազգերի կազմակերպություն, Շախմատի համաշխարհային ֆեդերացիա, Ազգերի լիգա*:

դ) Շքանշանների ու մեդալների, ինչպես նաև պատվավոր կոչումների ու մրցանակների բաղադրյալ անուններում, օրինակ՝ «Մովսես Խորենացի» մեդալ, «Գրիգոր Լուսավորիչ» շքանշան, «Փառքի առաջին աստիճանի» շքանշան, Պետական մրցանակ, Նոբելյան մրցանակ:

ե) Բոլոր պետությունների օրենսդիր, գործադիր և դատական բարձրագույն մարմինների բաղադրյալ անուններում, օրինակ՝ Ազգային ժողով, Պետական դումա, Ներկայացուցիչների պալատ, Գերագույն դատարան, Սահմանադրական դատարան:

զ) Պատմական նշանավոր իրադարձությունների և ազգային ավանդական, պետական տոների բաղադրյալ անուններում, օրինակ՝ Երկրորդ համաշխարհային պատերազմ, Մեծ եղեռն, Թոնդրակյան շարժում, Թարգմանչաց տոն, Սուրբ ծնունդ, Չատկի տոն (Չատիկ):

Այս բոլորից զատ՝ մեծատառով կարող են գրվել հեղինակային հատուկ վերաբերմունք (մեծարանք, բաղաբավարություն, փոխաբերական իմաստ) արտահայտող բառերը, օրինակ՝ «Աբու-Լալա Մահարին» պատկանում է Վարպետի գրչին:

ՅԻՇԵՔ

Արև (արեգակ), երկիր, լուսին, գալակտիկա բառերը հիմնականում գրվում են փոքրատառով: Մեծատառով գրվում են որպես աստղագիտական տերմիններ գործածվելիս, օրինակ՝ Մեր Երկիր մոլորակից մինչև Նրա Լուսին արբանյակը եղած հեռավորությունը փոփոխվում է 356400-406800 կմ սահմաններում:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Որո՞նք են հասարակ գոյականները:
2. Որո՞նք են հատուկ գոյականները:
3. Ինչո՞վ են տարբերվում հատուկ և հասարակ գոյականները:
4. Բաղադրյալ ո՞ր հատուկ անունների բոլոր բաղադրիչներն են գրվում մեծատառ:
5. Բաղադրյալ ո՞ր հատուկ անուններում է միայն առաջին բաղադրիչը գրվում մեծատառ:

Վարժություն 14: Դո՛ւրս գրեք անձնանուններն ու տեղանունները՝ գրելով առանձին սյունակներում: Դո՛ւրս գրեք նաև հատուկ անուններից կազմված բառերը:

Հայաստանի ամեն մի լեռ,

Մի քարացած հայ է անմեռ:

Ամեն մի լեռ մի ճգնավոր,
 Մի իշխան է, մի թագավոր:
 Ամնոս լեռը հովիվ է բաջ՝
 Բլուրների հոտն իր առաջ:
 Անդոկ լեռը՝ մի մարգարե՝
 Սիրտը կրակ, դեմքը բարե:
 Աչքն աղոթող՝ ծովն է Վանա՝
 Նարեկացին՝ սարն է Սասնա:
 Վարագա լեռն արծվի պես
 Զարացել է՝ Հայրիկն է, տե՛ս:
 Աշնակ սարն էլ, աշնակցիներ
 Ձեզ Մուշ կանչող իշխանն է ձեր:
 Վիհ-Շարան է Արագածը,
 Որ տենչում է Կարսա հացը:
 Արարատը Հայկն է վիմված՝
 Երևանվող հույսի դիմաց,
 Վար կնայե՛ մեկ Երևան,
 Հագար ու մեկ՝ դեպ Մուշ ու Վան:
 Ազնանց Փոքր Միերն էլ Սիս՝
 Ժայռի մեջ է, վա՛յ աչքերիս:
 Տավրոս լեռը՝ գիմ Կիլիկիան՝
 Ինքն է հայոց վերջին արբան...

Հովհաննես Շիրազ

Վարժություն 15: Արտագրե՛ք՝ մեծատառերը թողնելով ըստ անհրաժեշտության:

ԶԱՂԱՔԱՄԱՅՐ ԵՐԵՎԱՆԸ՝ ՀԱՅԱՍՏԱՆԻ ՎԵՐՋԻՆ ՄԱՅՐԱՔԱՂԱՔԸ, ՀԱՄԱՅՆ ՀԱՅՈՒԹՅԱՆ ՀՈՒՅՍԵՐԻ ՄԱՐՄԱՅՈՒՄՆ Է: 20-ԲԴ ԴԱՐԻ ՍԿԶԲԻՆ ԱՅՆ ՉԱՎԱՍԿԱՆ ԽՂՃՈՒԿ ԳՅՈՒՂԱՔԱՂԱՔ ԷՐ՝ ԳԵՏԱՌ ԳԵՏԱԿԻ ԱՓԵՐԻՆ ԾՎԱՐԱԾ ԵՐԵՎԱՆԸ՝ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՅՐԱՔԱՂԱՔԸ, ԱՅԺՄ ՎԱՐ ԴԱԳՈՒՅՆ ՀՐԱԾԵ Է, ՈՐԸ ՀԱՌՆՈՒՄ Է ԱՐԱՐԱՏ ԵՎ ԱՐԱԳԱԾ ԼԵՈՆԵՐԻ ԱՌԱՋ:

ԱՇԽԱՐՀԻ ՀՆԱԳՈՒՅՆ ԶԱՂԱՔՆԵՐԻՑ ՄԵԿՆ Է ԵՐԵՎԱՆԸ, ԱՎԵԼԻ ՀԻՆ, ԶԱՆ «ՀԱՎԵՐԺԱԿԱՆ ԶԱՂԱՔ» ՀՈՈՄԸ:

1950 ԹՎԱԿԱՆԻՆ, ԵՐԲ ՀՆԱԳԵՏՆԵՐԸ ՊԵՂՈՒՄ ԷԻՆ ԱՐԻՆ ԲԵՐԴԸ, ԳՏԱՆ ԶԱՂԱՔԻ ԾՆՆԴՅԱՆ ՎԿԱՅԱԿԱՆԸ՝ ՄԻ ԲԱԶԱՆՏԵ ԶԱՐԱԲԵԿՈՐ, ՈՐԻ ՎՐԱ ՈՒՐԱՐՏՈՒԻ ԱՐԳԻԾՏԻ ԹԱԳԱՎՈՐԸ ԳՐԵԼ Է ԷՐԵՐՈՒՄԻ ԶԱՂԱՔ-ԱՄՐՈՑԻ ՀԻՄՆԱԴՐՄԱՆ ՄԱՍԻՆ:

Վարժություն 16: Տրված հատուկ անունները գործածել նախադասությունների մեջ՝ որպես հասարակ անուններ:

Ազնիվ, Անդրանիկ, Անուշ, Աստղիկ, Արփի, Երջանիկ, Չվարթ, Մեխակ, Վարդ, Շուշան, Համեստ, Մարտիկ, Ռազմիկ, Նվեր, Ծաղիկ, Մանուկ, Հարություն, Մանուշակ, Վահան, Ալմաստ, Փայլակ, Զնքուշ, Ծովակ:

Վարժություն 17: Գտե՛ք այն հասարակ անունները, որոնք կարելի է գործածել նաև իբրև հատուկ անուններ:

Մանուշակներ ուտեցիս ու շուշաններ ծեռեցիս,
Եվ վարդերը այտեցիս, ու գարունը կրծքիս տակ,
Ու երկինքը հոգուս մեջ, ու արևը աչքերիս,
Ու աղբյուրները լեզվիս՝ սարից իջա ես բաղաբ...
...Անցնում էի երգելով ու շաղ տալով մայրերին
Մանուշակներ ու վարդեր ու հասմիկներ հոգեթով,
Կարծես մի ողջ բնություն մի պատանի էր դարձել,
Զաղաբ իջել լեռներից, կանցներ գմրուխտ հեքիաթով:

Հովհաննես Ծիրազ

Վարժություն 18: Յուրաքանչյուր տողում գտե՛ք այն կապակցությունը, որի ոչ բոլոր բաղադրիչներն են գրվում մեծատառ:

1. ԱԿՍԵԼ ԲԱԿՈՒՆՑ, ԱՇՈՏ ԵՐԿԱԹ, ԶԱԶ ՆԱԶԱՐ, ԽԻՉԱՆ ՎԱՐԴԱՆ
2. ԴԱԿԻԹ ԱՆՀԱՂԹ, ԱՐՇԱԿ ԵՐԿՐՈՐԴ, ԼԵՈՆԱՐԴՈ ԴԱ ՎԻՆՉԻ, ԻՎԱՆ ԱՅԵՂ
3. ԱՐՓԱ-ՍԵԿԱՆ, ԱՐԱՅԻ ԼԵՌ, ՆԱՐ-ԴՈՍ, ՄԵԾ ՄԱՍԻՍ
4. ԽԱՂԱՂ ՕԿԿԻԱՆՈՍ, ԿՈԼԳԱ-ԴՈՆ, ՀԱՐԱԿԱՅԻՆ ԱՄԵՐԻԿԱ, ԱՐԵՎԵԼՅԱՆ ԵՓՐԱՏ
5. ՆԵՐՍԵՍ ԱՇՏԱՐԱԿԵՑԻ, ԳՈՒՐԳԵՆ ՄԱՀԱՐԻ, ՏՐԴԱՏ ԱՌԱՋԻՆ, ՍԵՎԱՆԱ ԼԻԾ
6. ԱՐԱԲԱԿԱՆ ՄԻԱՑՅԱԼ ԱՄԻՐԱՅՈՒԹՅՈՒՆՆԵՐ, ՓՈՔՐ ԱՍԻԱ, ՓՈՔՐ ՄԱՍԻՍ, ԱՐԱՐԱՏՅԱՆ ԴԱՇՏ
7. ԲՈՒԷՆՈՍ ԱՅՐԵՍ, ԾԻՐ ԿԱԹԻՆ, ՍՅՈՒՆԻԶԻ ՀՈԿԻՏՆԵՐ, ՄԵԼԻԶ-ՀԱԿՈԲՅԱՆ
8. ԲԵԼԱՌՈՒՄԻ ՀԱՆՐԱՊԵՏՈՒԹՅՈՒՆ, ՊԱՐԶ ԼԻԾ, ՀՅՈՒՄԻՍԱՅԻՆ ԱՄԵՐԻԿԱ, ՍԱՀԱԿ ՊԱՐԹԵՎ
9. ԳԱՅԼ ՎԱՀԱՆ, ԹՈՐՈՍ ՌՈՍԼԻՆ, ՍՈՒՐԲ ՍԱՐԳԻՍ ԵԿԵՂԵՑԻ, ՆԵՐՍԵՍ ՇՆՈՐՀԱԼԻ
10. ՀԱԿՈԲ ՄԵՂԱՊԱՐՏ, ԶԱԶ ՄԱՍԻԿՈՆՅԱՆ, ՍԱՍՈՒՆՑԻ ԴԱԿԻԹ, ԳՐԻԳՈՐ ՆԱՐԵԿԱՅԻ

Աճառյան Դրաչյա Հակոբի (1876–1953)



Ականավոր հայագետ, լեզվաբան, ՀԽՍՀ ԳԱ ակադեմիկոս (1943) Փարիզի լեզվաբանական ընկերության անդամ (1897), Զեխուլ-վակիայի արևելագիտության ինստիտուտի գիտական բաժնի թղթակցի անդամ (1937), ծնվել է Կ. Պոլսում, ավարտել է տեղի Կեդրոնական վարժարանը։ Ուսումը շարունակել է Սորբոնի համալսարանում ունկնդրելով Ա. Մեյեիս, այնուհետև Ստրասբուրգում մեկ կիսամյա լսել է Գ. Զյուլշմանի դասախոսությունները։ Զգալի մանկավարժական աշխատանք է կատարել Նախ Արևմտահայաստանում, ապա Էջմիածնում, Շուշիում, Նոր Բայազետում, Նոր Նախիջևանում, Թեհրանում Թավրիզում։ Սկսած 1923-ից՝ մինչև կյանքի վերջը աշխատել է Երևանի պետական համալսարանում՝ Նաև պաշտոնավարելով իբրև ամբիոնի վարիչ։

Մեծավաստակ գիտնականը անդրադարձել է լեզվաբանական համարյա բոլոր գիտակարգերին՝ հայ բարբառագիտություն, պատմահամեմատական բերականություն, պատմություն, բառարանագրություն, տեսական լեզվաբանություն և այլն։ 1911թ. լույս է տեսնում նրա «Հայ բարբառագիտություն» աշխատությունը, ապա առանձին բարբառների վերաբերյալ նրա ուսումնասիրությունները՝ «Քննություն Նոր-Նախիջևանի բարբառի» (1925), «Քննություն Մարահայի բարբառի» (1926), «Քննություն Նոր-Ձուղայի բարբառի» (1940), «Քննություն Համշենի բարբառի» (1947), ինչպես նաև ուսումնասիրություններ Վանի, Առտիալի, Ղարաբաղի, Ասլանբեզի բարբառների վերաբերյալ։ Դր. Աճառյանը հայ բարբառների ձևաբանական դասակարգման հիմնադիրն է։ Ելնելով բայի սահմանական եղանակի ներկայի կազմությունից՝ նա տարբերակել է հայ բարբառների երեք ճյուղերը՝ **ուս, կը և ել**։ Այս ասպարեզում նշանակալից է նաև նրա «Հայերեն գավառական բառարանը», որն ընդգրկում է շուրջ 30 հազար բառ։

1926–35թթ. լույս տեսան Աճառյանի «Հայերեն արմատական բառարանի» յոթ հատորները (երկրորդ հրատ.՝ չորս հատորով՝ 1971–79), որը հայերենի եզակի ստուգաբանական բառարան է Յուրաբանյուր բառահոգված տրվում է հինգ բաժնով՝ բառագիտական, ստուգաբանական, բարբառագիտական, փոխառություններ, ստուգաբանությունների պատմություն։ Ծանրակշիռ է նրա «Հայոց անձնանունների բառարանը» (հ. 1–5, 1942–62), որում ստուգաբանված են անձնանունները։

Ուշագրավ հարցադրումներով ու բացահայտումներով աչքի է ընկնում մեծ գիտնականի «Հայոց լեզվի պատմությունը» (հ. 1–2, 1940–51), որտեղ նա քննում է հայոց լեզվի ծագումը, առանձնացնում է նրա զարգացման փուլերը, աղբյուրները այլ լեզուների հետ և այլն։

Հիրավի, կոթողային աշխատանք է հանճարել գիտնականի «Լիակատար բերականություն հայոց լեզվի՝ համեմատությամբ 562 լեզուների» ուսումնասիրությունը (հ. 1–6, 1952–71, լրացուցիչ հատոր՝ 2005)։ Այս գրքում նա շարադրում է իր ընդհանուր լեզվաբանական հայացքները լեզուների ծագման ու զարգացման, դրանց փոխհարաբերությունների, լեզվի հասարակական դերի վերաբերյալ։

Մեծ երախտավորի գիտական ժառանգությունը ամբողջովին չի սպառվում թվարկվածով, կան նաև մի շարք տպագրված ու անտպագրված աշխատություններ։

Դր. Աճառյանի անունով է կոչվում ԳՀԱ լեզվի ինստիտուտը։

Գոյականի թիվը

Գոյականները կարող են ցույց տալ մեկ կամ մեկից ավելի առարկաներ կամ անձեր: Մեկ առարկա ցույց տվող գոյականները դրվում են եզակի թվով, օրինակ՝ *բար, տուն, ընկեր, աշակերտ, քաղաք*: Մեկից ավելի միատեսակ անձ կամ առարկա ցույց տվող բառերը դրվում են հոգնակի թվով. օրինակ՝ *բարեր, տներ, ընկերներ, աշակերտներ, քաղաքներ*:

Գոյականի հոգնակին հիմնականում կազմվում է **-եր** և **-ներ** մասնիկներով, որոնք ավելացվում են եզակիին:

Միավանկ բառերի հոգնակին կազմվում է **-եր** մասնիկով՝ *բար-եր, ծառ-եր, ան-եր, ազգ-եր*:

Բազմավանկ բառերի հոգնակին կազմվում է **-ներ** մասնիկով՝ *աշակերտ-ներ, գրիչ-ներ, քաղաք-ներ*:

Եթե բազմավանկ բառը վերջանում է **ւ**-ով, ապա հոգնակիում բառն ունենում է երկու **ւ**, օրինակ՝ *գազան-ներ, սեղան-ներ, նստարան-ներ, համալսարան-ներ*:

Որոշ գոյականների հոգնակիի կազմությունը շեղվում է այս ընդհանուր կանոններից:

ա) Մի շարք բառեր (*քեռ, գառ, դուռ, եգ, թոռ, լեռ, ծոռ, ծունկ, ձուկ, մուկ, նուռ, մատ, հարս* և այլն), թեև միավանկ են, սակայն հոգնակին կազմվում են **-ներ** վերջավորությամբ: Օրինակ՝ *գառներ, ծնկներ, ձկներ, մկներ*:

Այս միավանկ բառերը հին հայերենում գրաբարում, վերջանում էին **ւ**-ով (*ծուկն, մուկն*), որը ժամանակի ընթացքում ընկել է, բայց հոգնակիի կազմության ժամանակ վերականգնվում է:

բ) *Ռուս* բառը ևս միավանկ է, բայց ստանում է **-ներ** վերջավորությունը՝ *ռուսներ*:

գ) Եթե երկվանկ բառի երկրորդ վանկը կազմված է գաղտնավանկի **ը**-ով, ապա այդ բառի հոգնակին հիմնականում կազմվում է **-եր** մասնիկով, օրինակ՝ *արկղեր, վագրեր, տետրեր* այլն:

դ) Մի շարք բազմավանկ բաղադրյալ բառերի հոգնակին կարող է կազմվել **-եր** վերջավորությամբ, եթե այդ բառի վերջին միավանկ (կամ երկրորդ վանկը գաղտնավանկի **ը**-ով կազմված երկվանկ) բաղադրիչը գոյական է և պահպանում է իր հիմնական իմաստը, օրինակ՝ *հեռագիր – հեռագրեր, գաղտնավանկ – գաղտնավանկեր, անձրևաջուր – անձրևաջրեր, միջնապատ – միջնապատեր, դրամարկդ – դրամարկդեր* և այլն:

Իսկ եթե բաղադրյալ բառի վերջին միավանկ բաղադրիչը չի պահպանում իր հիմնական իմաստը կամ ունի թաքնված բայական իմաստ, բառը ստանում է **-ներ** վերջավորություն. օրինակ՝ *հետախույզ (հետքը խուզարկող) – հետախույզներ, բեռնակիր (բեռ կրող) – բեռնակիրներ, ազգասեր (ազգը սիրող) – ազգասերներ, մեծատուն (մեծ տուն ունեցող, այսինքն՝ ունևոր) – մեծատուններ*:

ե) Ստացական հոգնակի կազմելիս (որը ցույց է տալիս պատկանելություն մեկից ավելի առարկաների) միավանկ բառերին ավելացվում են **-ներ** և հոդ, օրինակ՝ *ծայրներդ, տուններս, սիրտներդ* և այլն:

զ) *Մարդ, կին (տիկին), պարոն* բառերի հոգնակին լինում է *մարդիկ, կանայք (տիկնայք), պարոնայք*: *Տիկին* և *պարոն* բառերի հոգնակիները կարող են կազմվել նաև **-ներ** վերջավորությամբ՝ *տիկիներ, պարոններ*:

է) **Ցի** ածանցն ունեցող այն բառերի հոգնակին, որոնք ցույց են տալիս **որ-տեղացի լինելը**, կարող է կազմվել նաև **ք** մասնիկով. օրինակ՝ *երևանցի-ք, մեղրեցի-ք, իտալացի-ք*. սա ավելի տարածված է բանավոր խոսքում: Դրանք ունեն իրենց գրական ձևերը՝ *երևանցիներ, մեղրեցիներ, իտալացիներ*: Այլ բառի հոգնակին ևս կարող է կազմվել **ք**-ով՝ *այլք*, թեև գործածվում է նաև *այլեր* ձևը:

ը) *Անձ* բառի հոգնակին լինում է *և՛ անձիսք, և՛ անձեր*:

Հոգնակիի կազմության ժամանակ բառի մեջ կարող է կատարվել ձայնավորների հնչյունափոխություն: Միավանկ բառերում փակ վանկի **ի**-ն դառնում է գաղտնավանկի **ը**, օրինակ՝ *գիր – գրեր, միրգ – մրգեր, սիրտ – սրտեր*: Նույնը կատարվում է փակ վանկի **ու** ձայնավորի դեպքում *ջուր – ջրեր, տուն – տներ, սուր – սրեր*:

Այս հնչյունափոխությունը բնորոշ է ոչ բոլոր բառերին: Չեն հնչյունափոխվում *դիրք – դիրքեր, կիրճ – կիրճեր, հիմք – հիմքեր, նիշ – նիշեր*, ինչպես նաև՝ *բուրգ – բուրգեր, գուրգ – գուրգեր, ռումբ – ռումբեր, սուրճ – սուրճեր, քունք – քունքեր* և այլ բառեր:

Միավանկ բառերի **ու** վերջնահնչյունը հոգնակիի կազմության ժամանակ սովորաբար դառնում է **վ**, օրինակ՝ *լու – լվեր, ծու – ծվեր*:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս գոյականի թվի կարգը:
2. Զանի՞ թիվ ունեն գոյականները:
3. Ի՞նչ վերջավորություններով է կազմվում հոգնակի թիվը:

Վարժություն 19: Կազմե՛ք տրված բառերի հոգնակիները:

ա) Կեղտաջուր, մուկ, տուն, աշակերտ, միջնապատ, ազգասեր, հեռագիր, մատենագիր, լրագիր, սակագին, հանքափոր, հանքահոր, արշալույս, ծունկ, քաղաք, համալսարան, տնամերձ, օրաթերթ, բեռնակիր, բեռնատար, աստղ, գամիռ, ջրհոր, ծովափ, սերմնացան:

բ) Կակղամորթ, ջրմուղ, կին, կեղտաքիծ, գալլածուկ, գյուղացի, լույս, հարս, առանձնատուն, մեծատուն, արևմտահայ, ժամացույց, ծրագիր, պատմագիր, գարեջուր, գրագիր, արոտավայր, շնածուկ, նետածիգ, քարայր, վագր:

**Վարժություն 20: Դո՛ւրս՝ գրեք գոյականները, եզակիները դարձրե՛ք հոգ-
նակի, հոգնակիները՝ եզակի:**

Եվ նա՝ ծաղկատար երեսով իմ ընկերը, նայում է ինձ, շարժում հաստ ու
կարմիր շրթունքները, ձեռքով նշան անում դեպի ներքև, դեպի գետի արմունկը,
փրփուր ջրվեժների մոտ:

Կուրծքը սպիտակ ջրածտերը թռչում են քարից քար, պոչը երերում, ծվծվում
ու գնդակի պես իրենց նետում ջրի երեսին պտույտ անող մժեղների երանը: Մեզ
հաճելի է դիտել, թե ինչպես նրանք թռչում են փրփուրի վրայով, կորչում ջրվեժի
փոշու մեջ, նստում ցից քարերի ծայրին և անվախ ծվծվում, այնինչ շուրջը գետը
կատաղությամբ կրծում է քարերը:

Ալեսի Բակունց

**Վարժություն 21: Յուրաքանչյուր շարքում գտե՛ք այն գոյականը, որի
հոգնակին կազմվում է -եր վերջավորությամբ:**

1. անտառ, պողոտա, դիմանկար, փոստարկդ
2. համակարգիչ, գրչատուփ, վարագույր, սրբապատկեր
3. հեռախոսագրույց, հանրագիտարան, անձրևաջուր, զարդաքանդակ
4. զբոսայգի, ձևծաղիկ, արդուկ, դուստր
5. մարզադաշտ, մարզագետին, կամուրջ, գրապահարան
6. կինոթատրոն, լեռնալանջ, թղթապանակ, լապտեր
7. մկնիկ, օվկիանոս, քարայծ, շրջանակ
8. լուսանկար, բառատետր, ծառուղի, ջահակիր
9. տեսաժապավեն, օրացույց, ջերմոց, ոտնաձայն
10. հանրախանութ, առաստաղ, երթուղի, հենապյուն

**Վարժություն 22: Յուրաքանչյուր շարքում գտե՛ք այն գոյականը, որի
հոգնակին կազմվում է -ներ վերջավորությամբ:**

1. թռչնաբույն, ձեռագիր, մագաղաթ, դասագիրք
2. սիգամարգ, ցայտաղբյուր, շոգենավ, հաղորդալար
3. մայթեզր, ծաղկաթումբ, ծառասունկ, գրավաճառ
4. սառցաջուր, այցետոմս, որմնադիր, գիսաստղ
5. թռչնորս, անտառաշերտ, խճաքար, լողաձև
6. լաստանավ, ավտոմաս, առաքավճար, ներկանյութ
7. ավագահանք, անվադող, մեղրահաց, սրնգահար
8. որսաշուն, մոլախոտ, դիմագիծ, տեղաբնակ
9. ճեմասրահ, քույր, խմբերգ, թվաշարք
10. դերբայ, մարզաձև, մայթաքար, ձայնալար

Վարժություն 23: Յուրաքանչյուր շարքում գտե՛ք այն բառը, որի հոգնակին չի կազմվում կամ էլ կարող է չկազմվել *-եր* կամ *-ներ* վերջավորությամբ:

1. բուժքույր, քեռակին, կին, զարմուհի
2. հորեղբայր, նախապապ, դասընկեր, տղամարդ
3. գիրք, հուշ, այլ, կարգ
4. տեղաբնիկ, նախամարդ, ձկնորս, առաջամարտիկ
5. տղա, աղջիկ, անձ, աշակերտ
6. վարպետ, ընկեր, եղբայր, պարոն
7. գործընկեր, վարորդ, ծովանկարիչ, երևանցի
8. մարզուհի, տիկին, լողորդ, ուսանող
9. ուղևոր, օդաչու, քաղաքացի, վիպասան

Գոյականի առումները

Ես **գիրք** կարդացի:

Հասմիկը մի **գիրք** տվեց Աշոտին:

Հասմիկը **գիրքը** տվեց Աշոտին:

Առաջին նախադասության մեջ **գիրք**-ը նշանակում է խոսողին հայտնի, քանի որ նա է կարդացողը, իսկ մյուսներին անհայտ գիրք:

Երկրորդ նախադասության մեջ **գիրք** նշանակում է մեզ կամ Աշոտին անհայտ, անծանոթ գիրք, մինչդեռ երրորդ նախադասության մեջ **գիրքը** նշանակում է որոշակի, նախապես հայտնի գիրք, որի մասին Հասմիկն ու Աշոտը ինչ-որ տեղեկություն ունեն (Աշոտի խնդրած գիրքը կամ այդ օրվա դասին վերաբերող գիրքը և այլն): Այս ամենի հիման վրա առանձնացվում են գոյականի առումները՝ անորոշ և որոշյալ:

Գոյականի անորոշ առումը ցույց է տալիս խոսողին կամ խոսակցին տվյալ իրադրության մեջ անհայտ առարկա կամ անձ:

Անորոշ առումը արտահայտվում է առանց որևէ վերջավորության, օրինակ՝ *Դեղնած դաշտերին իջել է աշուն:* (Հովհաննես Թումանյան)

Անորոշ առումը կարող է արտահայտվել նաև **մի** բառի միջոցով, օրինակ՝ *Մի հավք գարկի ես մի օր:* (Հովհաննես Թումանյան)

Այս դեպքում **մի** բառը ցույց է տալիս ոչ թե քանակ, այլ առավել շեշտում է անորոշությունը, թեև **մի** բառի հետ գոյականները գործածվում են եզակի թվով:

Գոյականի որոշյալ առումը ցույց է տալիս խոսողին և խոսակցին նախապես ծանոթ, տվյալ իրադրության մեջ հայտնի անձ կամ առարկա և կազմվում է՝ բառին ավելացնելով **ը** կամ **ն** մասնիկները, որոնք կոչվում են **որոշիչ հոդեր**:

Ն հոդը ավելացվում է ձայնավորով վերջացող բառերին, օրինակ՝ *շղթան, գինին, ափսե՛ն, կատու՛ն, Կարո՛ւն:*

Ը հոդը ավելացվում է բաղաձայնով վերջացող բառերին, օրինակ՝ **գիրքը, տետրը, մարդը, սեղանը, աշակերտը**:

Սակայն եթե բաղաձայնով վերջացող գոյականին հաջորդում է ձայնավորով սկսվող բառ, ապա կարող են գործածվել **և՛ ը, և՛ ն** հոդերը, օրինակ՝ **Հայկը ասաց կամ Հայկն ասաց**:

Այս սկզբունքը գործում է նաև **սպ, սկ, ստ, սի, զբ, զգ, շտ** հնչյունախմբերով սկսվող բառերից առաջ, քանի որ նրանցից առաջ թույլ լսվում է **ը** հնչյունը: Օրինակ՝ **Հայկն զգուշացավ** (կարդացվում է՝ **Հայկն ըզգուշացավ**):

Բացի որոշիչ հոդերից՝ կան նաև **ստացական, դիմորոշ և ցուցական հոդեր**:

ա) **Ստացական** հոդերն են՝ **ս, դ, ն, ը**: Դրանք, դրվելով գոյականների վրա, ցույց են տալիս պատկանելություն և փոխարինում են **իմ, քո, նրա, իր, մեր, ձեր, նրանց, իրենց** բառերին:

Թռչում է միտքս, թռչում դեպի տուն:

Միտքս նշանակում է իմ միտքը:

Նույն ձևով *Նեղացել եմ ընկերոջիցդ* նշանակում է *քո ընկերոջից*:

բ) **Դիմորոշ** հոդերն են **ս և դ**, որոնք, դրվելով որևէ բառի վրա, նրան տալիս են առաջին կամ երկրորդ դեմքի իմաստ: Օրինակ՝ **Բանաստեղծս** (ես) *չեմ կարող ապրել հայրենիքից հեռու*: **Հերոսներդ** (դուք) *միշտ կհիշվեք*:

գ) **Ցուցական** հոդը **ս-ն** է, որը բառին տալիս է **այս** դերանվան իմաստը, օրինակ՝

Աշխարհումս (այս աշխարհում) *ախ չիմ քաշի...*

Աշխարհս (այս աշխարհը) *մե փանջարա է...* (Սալաթ-Նովա)

Գիշերս (այս գիշեր) *ծյուն է եկել*:

Օրերս (այս օրերին) *հանդիպեցի ընկերոջս*:

Ս և դ հոդերից առաջ արտասանվում է **ը**, օրինակ՝ **գիրքըս, տունըդ**:

Չի կարելի **ն** հոդը գործածել բաղաձայնով, ինչպես նաև **ո-ով** (վօ) և **ե-ով** (յե) սկսվող բառերից առաջ. **Հայկն կարդաց, Հայկն եկավ, Հայկն որոշեց** ձևերը սխալ են:

Սխալ են նաև **ի-ից** առաջ **ն** հոդի կիրառության դեպքերը՝ **Հայկն հիշեց, Հայկն հասկացավ**:

Դ հոդը արտասանվում է **տ**, սակայն միշտ պետք է գրել **դ** տառով: Օրինակ՝ **արտասանվում է գիրքդտ**, բայց գրվում է **գիրքդ**:

ՀԻՇԵՔ

Մարդիկ, կանայք, տիկնայք, պարոնայք, անծինք, այլք հոգևակիները, ինչպես նաև **-անք, -ենք, -ոնք, -ունք** վերջածանցներով կազմված այն բառերը, որոնք ազգակցություն, տոհմ են ցույց տալիս՝ *Վարդանանք, Գևորգենք, մերոնք, Վեդունք* և այլն, որոշիչ հոդ չեն ստանում:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է արտահայտում առումի կարգը:
2. Ինչպե՞ս է արտահայտվում անորոշ առումը:
3. Ինչպե՞ս է արտահայտվում որոշյալ առումը:
4. Ի՞նչ գործածություններ ունեն **ս**, **դ** հոդերը:
5. Ինչպե՞ս են գործածվում **ը**, **և** հոդերը:

Վարժություն 24: Տեղադրե՛ք անհրաժեշտ հոդերը:

Քիչ անց, երբ կայծակ պտտվում էր հովտի և բլուրների վրա և մտածում էր ճայթել ու դեռ չէր ճայթել, քուռակի մայր մեղմ խրխիսնջով կանչեց քուռակի: Քուռակի մայր գիտեր, որ կայծակ ճայթելու է, ճայթյուն վախեցնելու է քուռակի, իսկ քուռակ կարծեց՝ մայր իրեն կանչում է՝ կուրծք տալու: Քուռակ այնքան էլ չէր ուզում ուտել, ուզում էր խոտերից ու ծաղիկներից հոտ քաշել և մեկիկ-մեկիկ ճանաչել խոտեր: Եվ հենց այդ ժամանակ ճայթեց կայծակ: Քուռակ խրտնեց ու վազեց դեպի մայր, բայց շատ էր վախեցել, մոր չէր տեսնում, ուրիշ կողմ էր փախչում:

Հրանտ Մաթևոսյան

Վարժություն 25: Գտե՛ք հոդերը, որոշե՛ք տեսակը:

ա) Հարի՛, հարի՛, խնոցի՛,
Մեջդ բարի, խնոցի՛,
Ունկդ բարակ, խնոցի՛,
Մեջդ կարագ, խնոցի՛:

Հովհաննես Թումանյան

բ) Երագումս մի մաքի
Մոտս եկավ հարցմունքի.
- Աստված պահի քո որդին,
Ո՞նց էր համը իմ ձագի:

Հովհաննես Թումանյան

գ) Ձեռքս պակաս, ուժս հատած,
Հագար ու մի ցավի տեր,
Ինձ են նայում մերկ ու սոված
Մի տուն լիքը մանուկներ:

Հովհաննես Թումանյան

դ) Մրոտ, ինչպես մի հին ճրագ,
Անքիծ, ինչպես մի հեգ լուսնյակ՝
Մայրս:

Խղճուկ, ինչպես խրճիթը մեր,
Հզոր, ինչպես ջաղացաբար՝
Հայրս:

Հեռու, ինչպես Մասիսը խեղճ,
Մոտիկ, ինչպես Մասիսը պերճ՝
Հոլլաս:

Հովհաննես Շիրազ

ե) Իսկ արդ, վահագնասե՛րդ, բա՛ց հանդեսը տոնական:
Ո՛վ ոսկեմայրդ Անահիտ, ո՛վ Դերկեղո...
Ահա դիմում եմ քեզ և Վահագնին վիշապաբաղ...

Ողջուն ձեզ, մեծագործ Արա,
Արքայամայրոջ վեհ և թագուհի՛,
Բերել եմ ձեզ պատգամը վեհափառ Շամիրամա
Եվ շնորհները Ներուհի:

Նաիրի Զարյան

- գ) Զնքուշ երազով պաճուճի՛ր հոգիս,
Նստի՛ր մահճիս մոտ ու տխուր երգի՛ր,
Մազերդ փռի՛ր հոգնատանջ կրծքիս
Ու մեղմ փայփայի՛ր սիրտս տարագիր:

Վահան Տերյան

Վարժություն 26: Գտե՛ք այն բառերը, որոնք որևէ հոդ ունեն:

Պատճեն, հրագեն, ափսեն, կատուն, դեղատուն, սառը, բարը, ծնունդդ, գիրքդ, տաղանդ, գրիչս, խոտաբույս, պարադոքս, փողոցը, այգին, բերձեն, թատրոնը, կիտրոն, մետրոն, չափածոն, գայիսոն, բարդին, կարկին, վրձին, հայելին, տետրս, բանոնս, տունդ, հանդ, սեղանը:

Վարժություն 27: Արտագրե՛ք և նշե՛ք, թե որ դեպքում են շղատառ բառերի հոդերը որոշիչ, որ դեպքում՝ ստացական, որ դեպքում՝ դիմորոշ և որ դեպքում՝ ցուցական:

1. Օրերս վերադարձել է գործուղումից:
2. Ես գիրքս տվել եմ ընկերոջս:
3. Այդ գեղեցիկ ծաղկամանը նա նվիրել է ինձ ծննդյանս օրվա առթիվ:
4. Հաղթողներդ կպարգևատրվեք և կմասնակցեք մրցույթի եզրափակիչ փուլին:
5. Գիշերս անձրև է եկել:
6. – Օրերս դասընկերներս մեծահասակներիդ կօգնեն այգին մշակելիս,– դպրոցի մոտ ապրող մի բանի ծերերի ասաց դասարանի ավագը:
7. – Պայուսակիդ միջից գրիչդ ընկավ,– ընկերոջը գգուշացրեց Վարդանը:
8. Աշակերտներս պետք է լավ սովորենք:
9. Գրքերը դրված էին սեղանին:
10. Ծաղկամանում դրված ծաղիկները շատ գեղեցիկ էին:

ԳՈՅՍԿՍՆԻ ՀՈՒՐՎՆԵՐԸ

Գոյականը նախադասության մեջ այլ բառերի հետ գործածվելիս կարող է մի շարք փոփոխությունների ենթարկվել: Նրան կարող են ավելանալ վերջավորություններ, օրինակ՝ բաղաբի, բաղաբից, բաղաբով, բաղաբում: Փոփոխությունը կարող է լինել նաև բառարմատի ներսում. ինչպես՝ տուն – տան, հայր – հոր, լավություն – լավության և այլն:

Սրանցից յուրաքանչյուրը առանձին հոլով է:

Հոլովներ են կոչվում բերականական այն ձևերը, որոնցով արտահայտվում են գոյականների կապակցական տարբեր հարաբերությունները այլ բառերի հետ:

Գոյականի այսպիսի ձևափոխությունների ամբողջությունը կոչվում է *հոլովում*:

Հոլովումը լինում է **արտաքին թեքման**, եթե գոյականին ավելանում են վերջավորություններ, և **ներքին թեքման**, եթե փոփոխությունը տեղի է ունենում բառարմատի ներսում:

Այսպիսով՝ գոյականը, բացի հոգնակերտ մասնիկներ ու հոդեր ստանալուց, կարող է հոլովվել: Օրինակ՝

Անտառում ամպի ծվեներն կային,

Կապույտ մշուշներ կային անտառում.

Օրոր էր ասում աշունն անտառին,

Բայց դեռ անտառի բունը չէր տանում:

Համո Մսիյան

Այս օրինակում *անտառ* բառը դրված է երեք տարբեր հոլովներով՝ *անտառում*, *անտառին*, *անտառի*:

Հոլովը հատուկ է գոյականին և դերանվանը, սակայն մյուս խոսքի մասերն էլ կարող են հոլովվել, եթե գոյականաբար գործածվեն:

Հայերենը ունի 7 հոլով՝ ուղղական, սեռական, տրական, հայցական, բացառական, գործիական և ներգոյական:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է հոլովումը:
2. Ի՞նչ է հոլովը:
3. Զանի՞ հոլով կա ժամանակակից հայերենում:
4. Հոլովվելիս ինչպիսի՞ փոփոխությունների կարող է ենթարկվել բառը:

Վարժություն 28: Գծիկով առանձնացրե՛ք տրված բառերի հոլովական վերջավորությունները:

Հայրենիքի, նկարից, ճանապարհով, գրքերով, սենյակում, ծառի, այգում, գրիչներից, գետերում, հեռուստացույցից, աշակերտի, բակում, դասերից, ջրով, ջրում, նկարի, նկարների, մատիտով, ամպերի, ծաղիկներով:

Վարժություն 29: Առանձնացրե՛ք ներքին և արտաքին թեքման միջոցով հոլովված գոյականները:

Գրքի, նախահոր, բրոջ, հեռուստացույցի, ափսեի, փողոցի, մոր, դասընկերոջ, գարնան, աղջկա, ծառի, ծովի, ուրախության, մարդու, եղբոր, մանկան, տան, սիրո, դստեր, շաքաթվա, թղթի, օրվա, շան, աշնան, ուսման, անկյան, մորաբորոջ, տարվա, ձիու, կայսեր, ժապավենի, երգի, լեռան, սյան, խաղաղության:

Վարժություն 30: Դո՛ւրս գրեք գոյականները և որոշե՛ք՝ ուղի՞ղ ձևով են գործածվել, թե՞ թեքված, եզակի՞ են, թե՞ հոգնակի, որոշյա՞լ են, թե՞ անորոշ:

Օրինակ՝ պարիսպը – ուղիղ ձև, եզակի թիվ, որոշյալ առում:

Զինական մեծ պարիսպը կառուցվել է ավելի քան երկու հազար տարի առաջ: Այս վիթխարի պարիսպը բարձրանում է լեռներով, իջնում լեռնանցքները, ապա հովիտներով, դաշտերով ու անապատներով հասնում է Տիբեթի հյուսիսային սահմաններին: Պարսպի երկարությունը ավելի քան չորս հազար կիլոմետր է: Բարձրությունը հասնում է մինչև տասը մետրի: Լայնությունը հիմքում վեց և կես մետր է, իսկ վերևի մասում՝ հինգ և կես մետր: Այնպես որ պարսպով անցել են սայլեր, կառքեր և շարժվել են զորամասեր:

Կամսար Ավետիսյան

Գիտե՞ք, որ...

Լեզուների հոլովների միջին թիվը 5–8 է: Կան լեզուներ, որոնք ունեն մինչև 40 հոլով: Էստոներենում կա 14, ֆիններենում՝ 15 հոլով:

ՈՒՂԱԿԱՆ ՆՈՒՈՎ

Երանն անցավ վերևից,

Ձորը մորմոք է մանում,

Սևեր հազան ստվերի

Ծաղիկները անանում:

Մեծավորը սարերի

Ամպե գլխարկն է հանում,

Շրջվեց գավաթն արևի

Մայրամուտի մառանում,

Ինչ-որ մի տեղ երևի

Բանաստեղծ է մահանում:

Համո Մահյան

Ընդգծված գոյականները դրված են ուղղական հոլովով:

Ուղղական հոլովը ցույց է տալիս մի բան անող կամ լինող առարկա:

Ուղղական հոլովով գոյականները պատասխանում են **ո՞վ, ովքե՞ր, ի՞նչ(ը), ինչե՞ր(ը)** հարցերին:

Այս հոլովը բառի ուղիղ ձևն է՝ առանց որևէ վերջավորության: Ուղղական հոլովին հակադրվում են մնացած բոլոր հոլովները, որոնք կոչվում են **թեք** հոլովներ: Ուղղական հոլովով գոյականները կարող են ստանալ **ը, ն** որոշիչ հոդերը:

Ուղղական հոլովով դրվում են նախադասության հետևյալ անդամները և անդամ չհամարվող բառերը:

ա) **Ենթական**, օրինակ՝

Գիշերն եկավ, զով հովն ընկավ,

Աստղունք լուսնին ձայն տվին:

Ավետիք Բասիակյան

...Ծերունին լուռ չարչարանքով
Մի քանի կոճղեր դրեց կրակին...

Հովհաննես Թումանյան

Բերված նախադասությունների մեջ գիշեր, հով, աստղունք, ծերունի գոյականները ենթականեր են և դրված են ուղղական հոլովով:

բ) **Քաղաղրյալ ստորոգյալի մաս կազմող բառը՝ ստորոգելին**, օրինակ՝

Կյանքը երազ է, աշխարհը՝ հեքիաթ,
ազգեր, սերունդներ՝ անցնող քարավան...

Ավետիք Բասիակյան

Օ՛, գրբերի աշխարհը տիեզերք է անեզր:

Եղիշե Չարենց

Ծո՛ւլ են աչքերը Ջավախքի դստեր...

Հովհաննես Թումանյան

Այս նախադասությունների մեջ քաղաղրյալ ստորոգյալի մաս կազմող երազ, հեքիաթ, քարավան, տիեզերք, ծով գոյականները ուղղական հոլովով են դրված:

գ) **Կոչականը**, որին ուղղված է խոսքը. կոչականը նախադասության անդամ չի համարվում, օրինակ՝

Դու, Արագած, ավաստ վահան
Կայծակեղեն թրերի...

Ավետիք Բասիակյան

Չե՛յ, պարոններ, ականջ արեք
Թափառական աշուղին,

Սիրուն տիկնայք, ջահե՛լ տղերք,
Լա՛վ ուշ դրեք իմ խաղին:

Հովհաննես Թումանյան

Արագած, պարոններ, տիկնայք, տղերք գոյականները կոչականներ են՝ դրված ուղղական հոլովով: Կոչականը որոշիչ հոդ չի ստանում:

դ) **Գոյական որոշիչը**, օրինակ՝

Գոհար աստղերի քարավանները
թափառում էին երկնի ճամփեով...
Եվ ուղտերն իբրև ոսկի մակույկներ,
հուր ալիքները ծով անապատում
ճեղքելով արագ սլանում էին
դեպի բոցավառ, լուսավառ հեռուն...

Ավետիք Բասիակյան

Չրա՛ջք աղջիկ, գիշերների թագուհի...

Վահան Տերյան

Գոհար, ոսկի, հուր, ծով, հրաշք բառերը բերված Նախադասությունների մեջ գոյականական անդամի լրացումներ՝ որոշիչներ են և դրված են ուղղական հոլովով: Գոյականով արտահայտված որոշիչը նույնպես չի կարող որոշիչ հոդով փորձածվել, ինչպես կոչականը:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս ուղղական հոլովը:
2. Ի՞նչ հարցերի են պատասխանում ուղղական հոլովով դրված գոյականները:
3. Նախադասության ի՞նչ անդամներ և անդամ չհանդիսացող բառեր կարող են դրվել ուղղական հոլովով:
4. Նախադասության մեջ ուղղական հոլովով դրված ո՞ր բառերը որոշիչ հոդ չեն ստանում:

Վարժություն 31: *Կազմե՛ք Նախադասություններ՝ բժիշկ, երգահան, նկարիչ, առյուծ, աղվես, Անի, Մասիս բառերը կիրառելով որպես ուղղական հոլովով դրված գոյական որոշիչներ:*

Վարժություն 32: *Դո՛ւրս գրեք ուղղական հոլովով դրված բառերը:*

Է՛յ հին ծանոթներ, Է՛յ կանաչ սարեր,
Ահա ձեզ տեսա ու միտքս ընկան,
Առաջս եկան երջանիկ օրեր...

Հովհաննես Թումանյան

Ա՛խ, մնաք բարև չեմ ասում ես ձեզ,
Իմ հո՛ր գերեզման, օրո՛ցք մայրական,
Իմ հոգին հավերժ խռով է ձեզ հետ,
Հայրենական հա՛րկ, հուշե՛ր մանկական:

Ավետիք Իսահակյան

Այս ամենի համար, օ՛, խեղճ իմ քարեկամ,
Ես բեզ օրինում եմ արդ իմ անաղարտ երգով...

Վահան Տերյան, ինչպե՞ս երգեմ հիշատակը քո,
Թող լուռ փռվի հիմա իմ դեմ անլույս երեկո:

... Օ՛, հեռու ընկեր իմ, օ՛, Վահան Տերյան...

Եղիշե Չաքեև

Հե՛յ, ճամփանե՛ր, ճամփանե՛ր.
Անդարձ ու հի՛ն ճամփաներ,

Ովքե՛ր անցան ձեզանով,
Ո՛ր գնացին, ճամփանե՛ր:

Հովհաննես Թումանյան

Վարժություն 33: Յուրաքանչյուր շարքում գտե՛ք այն գոյականը, որը դրված է ուղղական հոլովով:

1. պատին, սեղանին, բամին, նկարին
2. ձեռքին, լուսամուտին, մայթին, ծերունին
3. այգուն, առուն, մարդուն, ձիուն
4. ընկերոջ, բրոջ, բողբոջ, կնոջ
5. օրվա, ամսվա, տարվա, փախլավա
6. գերան, դռան, լեռան, ձկան
7. սյունին, լուսին, գույնին, ձայնին
8. մեղուն, կաղնուն, մայրուղուն, քաղաքացուն
9. անկողնու, խնձորենու, ծաղրածու, գինու
10. արյան, մեծության, կայան, ձյան

ՍԵՌՍԿՍՆ ՇՈՒՈՎ

Աշակերտի պայուսակը նոր է:

Մայրը կրծքին սեղմեց *որդու* լուսանկարը:

Այս նախադասություններում *աշակերտի* բառը ցույց է տալիս, թե ում է պատկանում պայուսակը, *որդու* բառն էլ ցույց է տալիս, թե ում է վերաբերում լուսանկարը: *Աշակերտի, որդու* գոյականները դրված են սեռական հոլովով և գոյականական անդամի լրացումներ են՝ հատկացուցիչներ:

Սեռական հոլովը ցույց է տալիս պատկանելություն, վերաբերություն:

Սեռական հոլովով գոյականները պատասխանում են **ո՞ւմ, ինչի՞** (ինչերի՞) հարցերին:

Սեռական հոլովը ունի կազմության 2 եղանակ՝ **արտաքին** և **ներքին**:

ա) **Արտաքին թեքում:** Այս դեպքում բառի վերջին ավելանում են **-ի, -ու, -վա, -ան, -ոջ, -ց** վերջավորությունները (օրինակ՝ *սեղանի, մարդու, ամառվա, թռռան, ընկերոջ, Գրիգորենց*): Այսպիսի հոլովումը կոչվում է *արտաքին*, որովհետև փոփոխությունը տեղի է ունենում բառավերջում:

1. **Ի** հոլովման է պատկանում գոյականների մեծամասնությունը՝ *ծառ > ծառի, սեղան > սեղանի, գիրք > գրքի* և այլն: Այսպես են հոլովվում նաև մյուս հոլովումներին (բացի **ց** հոլովումից) պատկանող գոյականների հոգնակիները, ինչպես՝ *ընկեր > ընկերոջ, բայց՝ ընկերների, օր > օրվա, բայց՝ օրերի* և այլն: **Ի**-ով են հոլովվում նաև այլ խոսքի մասերին պատկանող, սակայն տվյալ կապակցության մեջ գոյականաբար գործածված բառերը, օրինակ՝ Վերջին *երեքի* ելույթները հաջող էին: Սպիտակ վարդերի ծաղկամանը դի՛ր սեղանին, իսկ *կարմիրների* ծաղկամանը՝ լուսամուտագոգին:

2. **Ու** հոլովման են պատկանում *Աստված, մարդ, ամուսին, անկողին, ձի* բառերը՝ *Աստծու, մարդու, ամուսնու, անկողնու, ձիու*: Հիմնականում այսպես են

հոլովվում նաև **ի**-ով ավարտվող բառերը, օրինակ՝ *այգի* > *այգու*, *գինի* > *գինու*, *բարդի* > *բարդու* (նաև անորոշ դերբայը՝ *գրել* > *գրելու*):

3. **Վա** հոլովման է պատկանում ժամանակային իմաստ արտահայտող գոյականների մեծ մասը՝ *օր* > *օրվա*, *ամիս* > *ամսվա*, *տարի* > *տարվա*, *շաբաթ* > *շաբաթվա* և այլն: Սակայն ժամանակ ցույց տվող շատ բառեր էլ **վա** հոլովման չեն պատկանում՝ *դար*, *վայրկյան*, *րոպե* և այլն:

4. **Ան** հոլովման պատկանում են *գարուն*, *ամառ*, *աշուն*, *ձմեռ* բառերը՝ *գարնան*, *ամռան*, *աշնան*, *ձմռան*, սակայն *ամառ* և *ձմեռ* բառերը կարող են հոլովվել նաև **վա** հոլովմամբ՝ *ամառվա*, *ձմեռվա*: **Ան** հոլովման են պատկանում նաև *մուկ*, *ծուկ*, *գառ*, *դուռ*, *եզ*, *նուռ*, *լեռ*, *բեռ*, *թոռ*, *ծոռ*, *ծունկ* բառերը, *բեռ*, *թոռ*, *ծոռ*, *ծունկ* բառերը կարող են հոլովվել նաև **ի**-ով: *Մանուկ* բառը՝ որպես հասարակ գոյական, հոլովվում է **ան** հոլովմամբ՝ *մանկան*, իսկ որպես անձնանուն՝ **ի** հոլովմամբ՝ *Մանուկի*: Հիմնականում **ան** հոլովման են պատկանում նաև **-ում** վերջածանցով կազմված բառերը՝ *ուսում* > *ուսման*, *ծագում* > *ծագման* և այլն:

5. **Ոչ** հոլովման են պատկանում *բույր*, *կին*, *ընկեր*, *տեր* բառերը, ինչպես նաև *աներ*, *սկեսուր*, *տեգր*, *տալ* բառերը, որոնք կարող են հոլովվել նաև **ի**-ով:

6. **Ց** հոլովման են պատկանում **-անք**, **-ենք**, **-ոնք**, **-ունք** ածանցներով կազմված անձնանիշ գոյականները՝ *Վարդանանք* – *Վարդանանց*, *Գևորգենք* – *Գևորգենց*, *մերոնք* – *մերոնց*, *Վեդունք* – *Վեդունց*, ինչպես նաև *մարդիկ* և *կանայք* հոգնակիները՝ *մարդկանց*, *կանանց* (տիկնանց):

բ) **Ներքին թեքում**: Այս դեպքում փոփոխվում է բառամիջի ձայնավորը կամ երկինյունը, այդ պատճառով էլ հոլովումը կոչվում է **ներքին**: Կա 2 ներքին հոլովում՝ **ա** և **ո**:

1. Բառամիջի **ու** ձայնավորը փոխվում է **ա**-ի 6 բառերում, որոնք են՝ տուն > տան, շուն > շան, սյուն > սյան, ծուն > ծյան, արյուն > արյան, անկյուն > անկյան: *Անուն* բառի սեռական հոլովի կազմության ժամանակ ավելանում է **ա**՝ *անուն* > *անուան* > *անվան* (ձայնավորից առաջ **ու**-ն փոխվում է **վ**-ի):

Գոյականների **-ություն** ածանցը սեռականում փոխվում է **-ության**՝ *ազնվություն* > *ազնվության*, *մեծություն* > *մեծության*, *լավություն* > *լավության*:

2. Հայր, մայր, եղբայր բառերի սեռականը լինում է *հոր*, *մոր*, *եղբոր*:

Սեռական հոլովով, ինչպես ասվեց, դրվում է **հատկացուցիչը**:

Արարատի ծեր կատարին դար է եկել

վայրկյանի պես ու անցել:

Անհուն թվով **կայծակների** սուրն է բեկվել

աղամանդին ու անցել:

Մահախուճապ սերունդների աչքն է դիպել

յուշ գազաթին ու անցել:

Ավետիք Իսահակյան

Թողած հեռուն անծայրածիր մուրջը գյուղի՝

Բերել էր իր մկաններում բեղմնավորված ուժը հողի:

Եղիշե Չարենց

Արարատի, կայծակների, սերունդների, գյուղի, հողի գոյականները հատկա-
ցուցիչներ են:

Սեռական հոլովով գոյականները չեն ստանում որոշիչ **ը** կամ **և** հող, բայց
նրանց կարող է ավելանալ **ս** կամ **դ** հոդը: Օրինակ՝

Սիրում եմ աչքերիդ տխրությունը խորին,

Անադմուկ խոսքերիդ դաշնակները հիվանդ...

Վահան Տեղյան

Սեռական հոլովով կարող են դրվել նաև Նախադասության ուրիշ անդամներ,
ինչպես օրինակ՝ որոշիչը:

Օրինակներ՝

Սարի ծաղիկը գեղեցիկ է լինում:

Ճաղկածորը հանգստի հիանալի գոտի է:

Սարի և հանգստի բառերը սեռականով դրված գոյական որոշիչներ են:

ՀԻՇԵՔ

Մեր (զգացմունքը) բառը ենթարկվում է ու արտաքին հոլովման՝ սիրո:

Աղջիկ բառը ենթարկվում է ա արտաքին հոլովման՝ աղջկա:

Մահ բառը ենթարկվում է վան արտաքին հոլովման՝ մահվան:

*Դուստր, կայսր բառերը հոլովվում են ի-ով, սակայն կարող են հոլովվել
նաև և ներքին հոլովմամբ՝ դստեր, կայսեր:*

Որպես հին ձևեր՝ որոշ կապակցություններում գործածվում են *հուսո, լուսո, սգո, պատվո, հրո, գալստյան, ծննդյան, հանգստյան, կորստյան* ձևերը,
սակայն այս բառերը հիմնականում հոլովվում են **ի**-ով:

Հոլովական ընդհանուր համակարգից այս շեղումը կոչվում է **այլաձև**
հոլովում:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս սեռական հոլովը:
2. Ի՞նչ վերջավորություններով են կազմվում սեռական հոլովի արտաքին թեքման ձևերը:
3. Սեռական հոլովի ներքին թեքման ի՞նչ ձևեր կան:
4. Ի՞նչ հարցերի են պատասխանում սեռական հոլովով դրված գոյականները:
5. Նախադասության ո՞ր անդամներն են դրվում սեռական հոլովով:

Վարժություն 34: Գրե՛ք սեռական + ուղղական կազմությամբ 10 այն-
պիսի բառակապակցություն, որոնցում սեռական հոլովով դրված
գոյականը արտահայտի հատկանիշ:

Օրինակ՝ կոկորդիլոսի արցունք, սարի ծաղիկ, ոչխարի պանիր:

Վարժություն 35: Արտագրե՛ք և ուղղականով դրված գոյականները նշե՛ք
ուղիղ գծով, սեռականով գոյականները՝ ալիքածև (հոլովը որոշելիս
ուշադրություն դարձրեք շարահյուսական կիրառություններին):

Լեռան թամբին հանգավ հրդեհն ամպի,
Մոխրափոշին փլվեց լանջերն ի վար:
Խառնվեցին ծալքերն արտի ու թմբի,
Ու մոտեցան քիչ-քիչ լեռներն իրար:
Մեջքին ընկավ, փռվեց հասակով մեկ
Քնաթաթախ բամին բարափի մոտ,
Շշուկները մեռան թփերի մեջ,
Կարկաչները ձորում դարձան որոտ:
Ստվերները մտան իրարու գիրկ,
Թռան երկինքն ի վեր, դարձան երկինք:
Ու երկինքը եկավ, փարվեց հողին...
Փառք տանք այս իրիկունն արարողին:

Համր Մսիյան

Վարժություն 36: Գրե՛ք նշված բառերի սեռական հոլովը:

Յեքիաթ, գարուն, ուսում, մանկություն, դուռ, լավություն, ընկեր, նուռ, կին,
գր. տարի, ամիս, ապակի, որդի, Վահանենք, ամուսին, ձերոնք:

Վարժություն 37: Յուրաքանչյուր շարքում գտե՛ք այն գոյականը, որը
սեռական հոլովով չէ:

1. սեղանի, ալբոմի, զամբյուղի, մայրուղի
2. սոսնձի, գետածի, պղնձի, տողադարձի
3. ժապավենի, հայերենի, խնձորենի, պատճենի
4. հայուհի, սեպուհի, իշխանի, դերասանի
5. այգու, կաղնու, եղջերու, գյուղացու
6. փրկագոտու, գետնամորու, նավաստու, վերարկու
7. հրահան, լեռան, գարնան, նռան
8. մանկան, որսկան, ձմռան, ձկան
9. հորեղբոր, նախահոր, նավթահոր, արքայամոր
10. հնձան, մեծության, անվան, ծյան

ՏՐԱԿԱՆ ՀՈՒՈՎ

Աղջիկը ծաղկեփունջ նվիրեց մայրիկին:

Նայում էի աստղալից երկնքին:

Այս նախադասություններում *մայրիկին* բառը ցույց է տալիս այն անձը, որին տրվում է մի առարկա, *երկնքին* բառը ցույց է տալիս, թե ինչին է հանգում ենթակայի գործողությունը:

Տրական հոլովը ցույց է տալիս առարկա կամ անձ, որին հանգում է ենթակայի գործողությունը:

Տրական հոլովով գոյականները պատասխանում են **ո՞ւմ, ինչի՞(ն), ե՞րբ, որտե՞ղ** հարցերին:

Տրականը կազմվում է սեռական հոլովի պես, միայն թե տրական հոլովով գոյականները կարող են որոշիչ հոդ ստանալ:

Տրական հոլովով դրվում են միայն բայական անդամների լրացումները:

ա) **Հանգման խնդիրը**, ինչպես՝

Ապրե՛լ, ապրե՛լ, ապրել մեկտե՛ղ,

Կյանքդ խառնել նրանց կյանքին,

Տառապանքդ՝ տառապանքին,

Զանքդ՝ ջանքին,

Ցանքդ՝ ցանքին,

Եվ ենթարկվել նրանց կամքին,

Նրանց կամքն էլ քեզ ենթարկել,

Դառնալ և՛ շանթ, և՛ շանթարգել...

Պարույր Սևակ

Խարխուլ մակույկով հանձնվիր ծովին,

քան թե հավատա կնոջ երդումին:

Եվ ետ չէր նայում անցած ճամփեքին

և չէր ափսոսում թողած-լքածին,

Ողջույն չէր վերցնում, ողջույն չէր տալիս

անցնող ու դարձող քարավաններին:

Ավետիք Բասիակյան

Ընդգծված բառերը հանգման խնդիրներ են, որոնք դրված են տրական հոլովով:

բ) **Ժամանակի պարագան**, օրինակ՝

Լուսաբացին նա բարձրացավ կախաղան...

Վահան Տերյան

Իրիկնապահին Արթին պապիս նստելու տեղը կամարակապ դարպասի նիշն էր:

Ալեսի Բակունց

գ) **Տեղի պարագան**, օրինակ՝

Ես կանգնած եմ վայրի ժայռի կատարին:

Վահան Տերյան

Ա՛խ, էն կանաչ սարի լանջին

Ո՛վ է քնած էն տղեն:

Հովհաննես Թումանյան

Փերիները սարի գլխին հավաքվեցին գիշերով:

Հովհաննես Թումանյան

դ) Նպատակի պարագան, օրինակ՝

Իջավ աղբյուրը՝ ջրի:

Գնաց խանութ՝ հացի:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս տրական հոլովը:
2. Ինչպե՞ս է կազմվում տրական հոլովը:
3. Ի՞նչ տարբերություն սեռական և տրական հոլովով գոյականների միջև:
4. Ի՞նչ հարցերի են պատասխանում տրական հոլովով դրված գոյականները:
5. Նախադասության ո՞ր անդամները կառող են դրվել տրական հոլովով:

Վարժություն 38: Դո՛ւրս գրեք տրական հոլովով դրված գոյականները՝ նշելով, թե դրանք ինչ են ցույց տալիս՝ տեղ, հանգում և այլն:

ԱՇՏԱՐԱԿԻ ԳԵՐԵՉՄԱՆՈՅԸ

Եվ երբ ես հոգնեմ
Այս դաժան հողի համար ապրելուց,
Այս հողի համար արյուն թափելուց,
Կգամ, կնստեմ այս մամռոտ քարին,
Կգամ, կպառկեմ այս քարի վրա
Կամ... այս քարի տակ,
Եվ, ինչպես առաջ,
Կնայեմ փոշոտ այս արահետին,
Այս այգիների գմրուխտե գետին,
Իմ Աշտարակին,

Իմ հին տնակին,
Արյունից կարմիր իմ Կարմրավորին,
Իմ նախնիների լուռ շիրիմներին,
Եվ իմ Զասաղին,
Որ խորունկ ձորից
Այս հողի մասին կիշշա նորից,
Եվ նրանց մասին,
Որոնց այս հողը այնքան է սիրել,
Որ չի համբերել,
Եվ շտապել ու... իր գիրկն է տարել...

Գևորգ Էմին

Լինե՛ր այնպես՝
Լուսաբացին
Լավ երազով արթնանայի,
Եվ իմ հոգնած ականջներում
Ոչ մի օտար ձայն չլինե՛ր...

Գարնան անավոտ...
Կանաչ է ուռին...
Մի կռունկ իջավ
Մեր տան կտուրին:
Վահագն Դավթյան

Առավոտյան գնում էր հացի, երբ հանդիպեց ընկերոջը, որը մոտենում էր իրենց տանը:

Վարժություն 39: Հետևյալ բառերը տրական հոլովով գործածե՛ք նաև խաղասությունների մեջ. *բաղաբ, կայարան, Մասիս, Հայկ, հող, ջուր, լեռ, այգի, ընկեր, սփռոց:*

Վարժություն 40: Յուրաքանչյուր տողում գտե՛ք այն բառը, որը տրական հոլովով չէ:

1. բարին, հողին, բամին, տերևին
2. ասֆալտին, նստարանին, տանիքին, բալենին
3. պահարանին, ծերունին, մեքենային, մայթեզրին
4. այգուն, հենասյուն, խնձորենուն, բանալուն
5. առուն, ծխուն, որդուն, հայելուն
6. օրվա, ամսվա, տարվա, կատվալվա
7. դռան, փական, լեռան, թոռան
8. ձյանը, ձայնը, սյանը, արյանը
9. տանը, անկյանը, շանը, նշանը
10. ուսմանը, մոտեցմանը, աղամանը, կառուցմանը

Վարժություն 41: Դո՛ւրս գրե՛ք շղատառ գոյականները՝ նշելով, թե որանցից որոնք են ուղղական հոլովով, որոնք՝ սեռական, որոնք տրական:

1. *Աղջիկը* կողովը դրեց *հողաթմբին* և սկսեց հավաքել *ծառի* տակ թափված խնձորները:
2. *Մեքենայի ձայն* հասավ *ականջին*, և *ծերունին*, ծեռքը դնելով *ճակատին*, ու աչքերը *արևի* ճառագայթներից կկոցելով, նայեց գյուղ բերուժ *ճանապարհին*:
3. *Չքոսայգու շատրվանի* զվարթ *խշոցը* զովություն էր հաղորդում *շրջակատին*, և զբոսնողներն ականա պտտվում էին *շատրվանի* շուրջը:
4. *Ֆիլմի* ավարտից հետո վառվեցին *դահլիճի լույսերը*, և սկսվեց *հանդիպումը դերակատարների* հետ:
5. Մոտենալով *պատուհանին** բացեց փեղկը, որպեսզի նայի աստղագառ *երկնքին* և ցրի խառնիճաղանջ մտքերը, բայց թխպոտ երկնքում ոչ մի *աստղ* չէր փայլելում:
6. *Մայրը* բարի ժպիտով նայեց քնած *որդուն*, ապա վերցրեց *սեղանի* դրված զարդատուփը և կամացուկ դուրս եկավ ննջասենյակից՝ աշխատելով չճռագնել *հատակի* տախտակները:
7. Մի տեղ հիևավուրց *կաղնին* իր հսկա բնով և ահագին ճյուղերով գրավեց *ծածկել* էր *գետնի* մի ընդարձակ տարածք՝ ճնշելով իր *հովանու* տակ կծկված գաճաճ թփուտները, մի ուրիշ տեղ *հաճարենին* ուղղածիգ բարձրացել էր, ինչպես *տաճարի* սյուներ:

8. Այդ պահին մենք գտնվում էինք ամենաբարձր լեռներից մեկի լանջին, որտեղից ծառերի միջով վար նայելիս երևում էին այն բլուրներն ու ձորակները, որոնցով քիչ առաջ անցել էինք:
9. Լուսնի թրթռուն շողը ներս ընկավ լուսամուտի բաց փեղկից՝ լուսավորելով մահճակալին պառկած երեխայի դեմքը:
10. Փոքրիկ լաստանավը այնպես էր սահում ջրի հանդարտ երեսին, որ հեռվից անշարժ էր թվում:

ՀԱՅՑԱԿԱՆ ՀՈՒՈՎ

Երեխան կոտրեց բաժակը:

Լողորդը փրկեց խեղդվող տղային:

Բաժակը գոյականը ցույց է տալիս այն առարկան, որն իր վրա է կրում երեխայի կատարած գործողությունը, իսկ տղային գոյականը ցույց է տալիս այն անձը, որն անցնում է լողորդի կատարած գործողությունը: Բաժակը և տղային բառերը հայցական հոլովով դրված բայական անդամի լրացումներ են՝ ուղիղ խնդիրներ:

Հայցական հոլովը ցույց է տալիս այն առարկան կամ անձը, որն իր վրա է կրում ենթակայի կատարած գործողությունը:

Հայցական հոլովով գոյականները պատասխանում են **ո՞ւմ, ի՞նչ(ը), ինչե՞ր(ը), ե՞րբ, ո՞ւր** հարցերին:

Հայցական հոլովը չունի հատուկ ձև. այն նման է կա՛մ ուղղականին, կա՛մ տրականին:

Եթե հայցականով դրված ուղիղ խնդիրը նման է ուղղականին, նշանակում է, որ այն դրված է իրի առումով: Օրինակ՝

Ես իմ անուշ Հայաստանի արևահամ բառն եմ սիրում,

Մեր հին սագի ողբանվագ, լացակումած լարն եմ սիրում...

Եղիշե Չարենց

Իսկ եթե ուղիղ խնդիրը նման է տրական հոլովին, նշանակում է՝ այն անձի առում ունի: Օրինակ՝

Ես սիրում եմ մայրիկին,

Ես չեմ ուզում դառնալ կին:

Հովհաննես Թումանյան

Սակայն անորոշ առումով գործածվելիս անձ ցույց տվող ուղիղ խնդիրը կարող է կազմվել ուղղականի պես, ինչպես՝

Ես մի մարդ տեսա:

Իրանիշ գոյականներով արտահայտված ուղիղ խնդիրն էլ երբեմն կարող է կազմվել տրականի ձևով: Օրինակ՝

Հասոն իր նվագով քարերին էր լացացնում, զեփյուռին ողբացնում:

Վրթակես Փափազյան

Գնդացիները
խեղճ արտույտներին ու տատրակներին
գործազրկեցին:

Պարույր Մնակ

Բացի ուղիղ խնդրից՝ հայցական հոլովով դրվում են բայական անդամի և լրացումներ ևս, որոնք ցույց են տալիս գործողության տեղը, ժամանակը, չափ, քանակը և կոչվում են պարագաներ:

Օրինակներ՝

Գյուղն էին իջել հովիվ պատանիք:

Քշեց նախիրը մեր նախորդի հսկան,
Ելավ Սասունի սարերն աննման:

... Որ կանչեց, նրա ձենից ահավոր
Ղողորղ-ղմբղմբոցն ընկավ սար ու ձոր...

Զմռան մի գիշեր կար մի հարսանիք:

Մի օր սա եկավ, թե չորան Չառին
Ոչխարը թաքուն իմ հանդն է քաշել:

Քերթեցինք, քաշեցինք, դուրս եկավ 60 փուլ:

Հովհաննես Թումանյան

Բայց կայծակը, ավա՛ղ, մի վայրկյան է տևում:

Կահագն Դավթյան

Բերված նախադասություններում գյուղ, սարեր, սար ու ձոր, հանդ գոյականները ցույց են տալիս գործողության կատարման տեղը, ուստի տեղի պարագաներ են, գիշեր, օր գոյականները՝ ժամանակի, իսկ (60) փուլ, (մի) վայրկյան գոյականները չափ ու քանակի պարագաներ են: Հայցական հոլովով արտահայտված չափ ու քանակի պարագաների հետ հիմնականում գործածվում է չափ արտահայտող թվական կամ դերանուն:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս հայցական հոլովը:
2. Ո՞ր դեպքում են հայցական հոլովով դրված գոյականները ուղղականա՞ծ իսկ ո՞ր դեպքում տրականա՞ծ:
3. Ի՞նչ հարցերի են պատասխանում հայցական հոլովով դրված գոյականները:
4. Նախադասության ո՞ր անդամներն են դրվում հայցական հոլովով:

Վարժություն 42: Առանձնացրե՛ք տրական և հայցական հոլովներով դրված գոյականները:

Լույսի հրճվանքը տվեց երկնքին,
Կապույտ ծիծաղը ծովին ծավալեց,
Ճերմակ ժպիտը սփռեց ձյուններին,
Վեհության խիստը լեռներին տվեց:
Դաշտերին՝ կանաչ ժպիտը գարնան,
Դայլայլը տվեց հավք ու հովերին,
Հողին բերկրանքը տվեց մայրության,
Սիրո խայտանքը տվեց ամենքին,
Ու բոլոր վարդերն իր ուրախության
Շաղ տվեց այսպես նորաստեղծ երկրին:

Հովհաննես Շիրազ

Վարժություն 43: Եղիշե Չարենցի «Ես իմ անուշ Հայաստանի» բանաստեղծությունից դո՛ւրս գրե՛ք հայցական հոլովով դրված ուղիղ խնդիրները:

Ես իմ անուշ Հայաստանի արևահամ բառն եմ սիրում,
Մեր հին սագի ողբանվագ, լացակումած լարն եմ սիրում,
Արևանման ծաղիկների ու վարդերի բո՛ւյրը վառման,
Ու նաիրյան աղջիկների հեգաճկուն պա՛րն եմ սիրում:

Սիրում եմ մեր երկինքը մուգ, ջրերը ջինջ, լիճը լուսե,
Արևն ամռան ու ձմեռվա վիշապաձայն բուքը վսեմ,
Մթում կորած խրճիթների անհյուրընկալ պատերը սև
Ու հնամյա քաղաքների հազարամյա քա՛րն եմ սիրում:

Ուր էլ լինեմ, չե՛մ մոռանա ես ողբաձայն երգերը մեր,
Չե՛մ մոռանա աղոթք դարձած երկաթագիր գրքերը մեր,
Ինչքան էլ սո՛ւր սիրտս խոցեն արյունաքամ վերքերը մեր,
Էլի՛ ես որք ու արևավառ իմ Հայաստան-յա՛րն եմ սիրում:

Իմ կարոտած սրտի համար ոչ մի ուրիշ հեքիաթ չկա.
Նարեկացու, Քուչակի պես լուսապսակ ճակատ չկա.
Աշխա՛րհ անցիր՝ Արարատի նման ճերմակ գագաթ չկա.
Ինչպես անհաս փառքի ճամփա՝ ես իմ Մասիս սարն եմ սիրում:

Վարժություն 44: Նշված գոյականները հայցական հոլովով գործածե՛ք նախադասությունների մեջ. *գյուղ, քնություն, բժիշկ, անահիտ, աշխատանք:*

Վարժություն 45: Յուրաքանչյուր շարքում գտե՛ք այն հոլովը, որով կարող է դրվել գոյականով արտահայտված նշված անդամը կառուցվածքային անդամ չհամարվող բառը:

1. Ենթակա – տրական, ուղղական, հայցական
2. Կոչական – ուղղական, սեռական, տրական
3. որոշիչ – ուղղական, տրական, հայցական
4. որոշիչ – տրական, սեռական, հայցական
5. հատկացուցիչ – ուղղական, սեռական, տրական
6. հանգման խնդիր – ուղղական, տրական, հայցական
7. ուղիղ խնդիր – հայցական, սեռական, ուղղական
8. տեղի պարագա – սեռական, ուղղական, հայցական
9. տեղի պարագա – ուղղական, սեռական, տրական
10. ժամանակի պարագա – ուղղական, սեռական, հայցական

Վարժություն 46: Գտե՛ք, թե շղատառ գոյականներից որոնք են ուղղական հոլովով դրված, որոնք՝ սեռական, որոնք՝ տրական, որոնք՝ հայցական, և նշե՛ք այդ բառերի կատարած շարահյուսական պաշտոնները:

1. *Նկարիչ Գևորգը վերցրեց վրձինը, որը դրված էր սեղանին:*
2. *Լուսնի շողերը լուսավորել էին լեռները:*
3. *Արմենը տեսավ ընկերոջը և մոտենալով՝ սեղմեց նրա ձեռքը:*
4. *Երեխան գրկեց շանը և շոյեց նրա գլուխը:*
5. *Առվի մեղմ խոխոջը հասնում էր մինչև պատշգամբ:*
6. *Արշակի մեծ հորեղբայր Գեղամը գիշերը հասավ գյուղ և կիսախավարու հագիվ գտնելով ընկերոջ տունը՝ բախեց դուռը:*
7. *Բակի նստարանին նստած ծերունին մի մարդ տեսավ, որը մոտենում է իրենց այգուն:*
8. *Ձին մոտեցավ մսուրին և սկսեց ուտել այնտեղ լցված գարին:*
9. *Եկեղեցու զանգերի դողանքը հասնում էր մինչև մոտակա գյուղը:*
10. *Մայրեղբորի սիգամարգերում աճած ծաղիկները շատ էին գեղեցկացնում փողոցը:*

ԲԱԾԱՌԱԿՄԱՆ ՇՈՒՈՎ

Հեռացնում էին որդուն **ծնողից**, եղբորը՝ **եղբորից**, կնոջը՝ **ամուսնուց** և ապուց լավ բերք էր ստացել:

Ոչ մի ուժ ինձ չի բաժանի
Իմ շնորհալից պայծառ **քնարից**:

Եղիշե Չալոեան

Այս նախադասությունների մեջ *ծնողից, եղբորից, ամուսնուց, այգուց, քնարից* բառերը ցույց են տալիս, թե ումից կամ ինչից է ծագում, սկսվում, անջատվում գործողությունը: Նշված բառերը բայական անդամի լրացումներ են, որոնք դրված են գրականի բացառական հոլովով:

Բացառական հոլովը ցույց է տալիս այն առարկան, որից սկսվում է, ծագում է գործողությունը:

Բացառական հոլովով գոյականները պատասխանում են **ումի՞ց, ինչի՞ց, որտեղի՞ց, երբվանի՞ց** հարցերին:

Բացառական հոլովը կազմվում է ուղղականից կամ սեռականից՝ **-ից** կամ **-ուց** վերջավորությունների ավելացմամբ: **-ուց** ստանում են սեռականում **-ու** վերջավորություն ստացող բառերը: Մնացած գոյականները ստանում են **-ից**: *Սեր* (զգացմունքը) բառը ևս բացառականում ստանում է **-ուց՝ սիրուց**:

Բացառական հոլովով դրվում են բայական անդամի լրացումները, որոնք անջատվում են ցույց տալիս, այսինքն՝ անջատման անուղղակի խնդիրներ են: Օրինակ՝

*Գարուն էր: Ամառ եկավ,
Ձագ հանեց ձորում կաթավ,
Իսկ հայը գրկվեց ծագից,
Իր պոռթկան թռչնի տաքից,
Իր մորից, հորից, յարից,
Իր քնից ու աշխարհից.
– Գարուն ա, ձուն ա արել...*

Պարույր Մևակ

Բացառական հոլովով է արտահայտվում նաև ներգործող անուղղակի խնդիրը, որը դրվում է միայն կրավորական բայերի հետ և ցույց է տալիս այն առարկան կամ անձը, որը ներգործում, ազդում է ենթակայի վրա: Անձ ցույց տվող գրականների դեպքում ներգործող խնդիրը կազմվում է **սեռական հոլով + կողմից** կապակցությամբ, օրինակ՝

Կամուրջը քանդվել էր հեղեղից (առարկա):

Կամուրջը նորոգվեց շինարարների կողմից (անձ):

Բացառական հոլովով դրվում են նաև գործողության կատարման տեղ, ժամանակ, պատճառ ցույց տվող լրացումները:

*Քաղաքներից ու գյուղերից, ստեպներից հեռու ու մոտ
Եկել էին նրանք նորից՝ հուսավառված ու կրակոտ:*

Եղիշե Չարենց

*Եվ մուգ այրերից մամոռտ ժայռերի,
Թավուտ ծմակի լռին խորքերից,
Մանուկ հասակիս հնչուն ծիծաղի
Արձագանքն ահա լսում եմ նորից:*

Հովհաննես Թումանյան

Քաղաքներից, գյուղերից, ստեպներից, այրերից, խորքերից բառերը տեղ
պարագաներ են:

Ես միշտ էլ էսպես անբախտ կլինեմ.

Մանուկ **օրից** են դեռ ինձ անիծել...

Այն **օրվանից** սրա համար

Կղզին կոչվեց Ախթամար...

Հովհաննես Թումանյան

Օրից, օրվանից բառերը ժամանակի պարագաներ են:

Երեխան **բարձր** ծայնից արթնացավ:

Ձայնից գոյականը ցույց է տալիս գործողության կատարման պատճառը
պատճառի պարագայի պաշտոն է կատարում:

Բացառական հոլովով դրվում են նաև վերաբերության անուղղակի խնդիր
ները, որոնք ցույց են տալիս, թե ինչին է վերաբերում խոսքը, ինչի մասին է ասվո
կամ մտածվում, օրինակ՝

Խոսում են Լոռու հին-հին **քաջերից**...

Հովհաննես Թումանյան

Բացառական հոլովով կարող է դրվել նաև որոշիչը:

Երկու մահճակալ կար **երկաթից**, սպիտակ **պղնձից** ինքնա
ափսեներ, բաժակներ՝ հասարակ **ապակուց**:

Ընդգծված բառերը որոշիչներ են:

Բացառական հոլովով գոյականները որոշիչ հոդ չեն ստանում:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս բացառական հոլովը:
2. Ինչպե՞ս է կազմվում բացառական հոլովը:
3. Ի՞նչ հարցերի են պատասխանում բացառական հոլովով դրված գոյա
կանները:
4. Նախադասության ո՞ր անդամները կարող են դրվել բացառական հոլովով:

Վարժություն 47: Կազմե՛ք նախադասություններ՝ հետևյալ բառերը գոր
ծածելով բացառական հոլովով. *այգի, գարուն, սեր, եղբայր, հայրե
նիք, ընկեր:*

Վարժություն 48: Դո՛ւրս գրեք բացառականով դրված գոյականները
որոշե՛ք՝ նախադասության ինչ անդամ են դրանք:

Երգել են կրանք մեր պտղած հողից,

Գինուց, խաղողից,

Մեր սրտի դողից,

Երգել են նրանք մեր ցորեն հացից,

Մեր խինդ ու լացից,

Մարտում ընկածից...

... Թեթևանում էր երբ աշխատանքից,

Ծառայությունից օծիքն ազատում,

Հեռանում էր նա խուցից ու վանքից,

Գնում էր այնտեղ, ուր երգն էր հնչում:

Պարույր Սևակ

Վարժություն 49: Յուրաքանչյուր շարքում գտե՛ք այն միավորը, որը կարող է դրվել բացառական հոլովով:

1. հանգման անուղղակի խնդիր, հատկացուցիչ, անջատման անուղղակի խնդիր
2. ներգործող անուղղակի խնդիր, հատկացուցիչ, կոչական
3. հանգման անուղղակի խնդիր, տեղի պարագա, միջոցի անուղղակի խնդիր
4. ժամանակի պարագա, կոչական, հատկացուցիչ
5. միջոցի անուղղակի խնդիր, որոշիչ, հատկացուցիչ

Վարժություն 50: Յուրաքանչյուր շարքում գտե՛ք այն գոյականը, որի բացառականը կազմվում է ոչ թե *-ից*, այլ *-ուց* վերջավորությամբ:

1. երգեհոն, հորիզոն, աշակերտ, մարդ
2. ընկեր, երկինք, Աստված, ամիս
3. տատ, ամուսին, հայր, մայր
4. ուղտ, արջ, ձի, վագր
5. գորգ, անկողին, լամպ, բազմոց
6. կուղք, օձ, լորտու, ոգևի
7. պարտեզ, բանջարանոց, այգի, արտ
8. այր, ժայռ, սար, բարդի
9. կաղին, խնձոր, թթենի, արևածաղիկ
10. եղանակ, սպունգ, սանր, հայելի

Վարժություն 51: Տրված նախադասություններն ամբողջացրե՛ք՝ ավելացնելով բացառական հոլովով դրված այնպիսի գոյականներ, որոնք կհամապատասխանեն իմաստով:

1. Ծառերն օրորվում էին լճի կողմից փչող մեղմ ...:
2. Ճամփորդները նստեցին ... սկիզբ առնող վտակի մոտ և ... հանելով ուտելիքները՝ սկսեցին ընթերել:
3. Խաղողի ... վերադարձող բեռնատար մեքենաների ... շփոթված աղվեսը մի պահ կանգ առավ, ապա անհետացավ ճամփեզրի թփերում:

4. ... փախած թուրքակը թռչում էր սենյակում՝ խուսափելով իր վրա նետվելից ... , որով նրան փորձում էին որսալ երեխաները:
5. ... հետո Արմենը դուրս եկավ ... և ... մի հաց գնելով՝ գնաց տուն:
6. ... վերադառնալիս ճանապարհին կանգ առանք, ... ջուր խմեցինք, ապա շարունակեցինք ճանապարհը, որպեսզի ... առաջ հասնենք քաղաք:
7. ... կամուրջը քանդվել էր, և ուղևորները ստիպված իջան ... , որպեսզի ոտքով գնան շրջանցող կաճանով ու ... առաջ հասնեն գյուղ:
8. ... պատրաստված մուրաբան շատ համեղ էր, և հյուրերը, ... իմանալով պատրաստման եղանակը, որոշեցին ամռանը եփել այդ ... :
9. Շունը գլուխը հանել էր ... և հաչում էր, իսկ ... վախեցած երեխան կանգնել էր դարպասի մոտ և սպասում էր, որ որևէ մեկը ... դուրս գա:
10. Լողացող երեխաները դուրս էին եկել ... և ափի ավազին նստած՝ զրուցում էին ...՝ կկոցած աչքերով նայելով ... փայլվող այլակներին:

ԳՈՐԾԻԱԿԱՆ ՆՈՒՈՎ

Եվ ո՞վ է հյուսել հեքիաթն այս վսեմ,

*հյուսել **աստղերով**, բյուր **հրաշքներով**,*

*Եվ ո՞վ է պատմում բյուր-բյուր **ձևերով**՝*

*անդուլ ու անխոնջ՝ այսպես **թովջանքով**:*

Ավետիք Բաախակյան

Այս օրինակում **աստղերով**, **հրաշքներով**, **ձևերով**, **թովջանքով** բառերը ցույց են տալիս, թե ինչի միջոցով, ինչպես է կատարվում գործողությունը: Այդ բառերը դրված են գործիական հոլովով:

Գործիական հոլովը ցույց է տալիս այն առարկան, որի միջոցով կատարվում է գործողությունը:

Գործիական հոլովով գոյականները պատասխանում են **ինչո՞վ**, **ումո՞վ**, **ե՞րբ**, **որտեղո՞վ**, **ինչպե՞ս** հարցերին:

Գործիական հոլովը կազմվում է՝ ուղղական կամ սեռական հոլովաձևին ավելացնելով **-ով** կամ **-ք** վերջավորությունները: **-Բ** վերջավորություն կարող են ստանալ **-ուքյուն**, **-ում** ածանցներով վերջավորվող բառերը, նաև **արյուն** բառը: **Բ** բաղաձայնից առաջ **ն** հնչյունը փոխվում է **մ**-ի (լավություն > լավությամբ, զգացում > զգացմամբ, արյուն > արյամբ):

Գործիական հոլովով գոյականները որոշիչ հոդ չեն ստանում: Գործիական հոլովով հիմնականում դրվում են բայական անդամի լրացումները, որոնք ցույց են տալիս գործողության կատարման միջոցը, տեղը, ձևը, ժամանակը և այլն: Օրինակ՝

*Գյուղացին **քահով** փորում էր հողը:*

*Աշակերտը գրում է **գրիչով**:*

Հունձք կտողվեմ մանգաղով,

Լուսնյակը յարս է...

Դանիել Վարուժան

Բահով, գրիչով, մանգաղով բառերը ցույց են տալիս գործողության
կատարման միջոցը, այսինքն՝ միջոցի անուղղակի խնդիրներ են:

Մայր Արաքսի **ափերով** քայլամուտը գնում եմ:

Ռափայել Պատկանյան

Սարերով ու դաշտերով էր գնում ծիավորը:

Ընդգծված բառերը ցույց են տալիս գործողության կատարման տեղը և տեղի
պարագաներ են:

Մեր սուրը **փառքով** դրեցինք պատյան:

Ավետիք Բասիսյան

Պսակվելիս ո՞նց են պարել այս ձեռքերը,

Ի՞նչ **նազանքով**,

երազանքով:

Պարույր Սևակ

Բերված օրինակներում ընդգծված բառերն էլ արտահայտում են գործո-
ղության կատարման ձևը, այսինքն՝ ձևի պարագաներ են:

Գործիական հոլովով կարող է դրվել նաև հիմունքի պարագան, որը ցույց է տա-
լիս թե ինչ հիմունքով, ինչի հիման վրա է կատարվում գործողությունը, օրինակ՝

Տնօրենի **կարգադրությամբ** նա մեկնեց գործուղման:

Իմ **կարծիքով** դա ճիշտ է:

Գործիական հոլովով կարող է դրվել ժամանակի պարագան, օրինակ՝

Հորս **կնունքով**, մորս **ծնունդով** վեր կացանք մի օր, հինգ թե վեց
հոգով գնացինք որսի:

Հովհաննես Թումանյան

Էն, որ **գիշերով** շիու եմ փչում,

Էն ո՞ւմ եմ կանչում...

Հովհաննես Թումանյան

Կնունքով, ծնունդով, գիշերով գոյականները ցույց են տալիս գործողության
կատարման ժամանակը և կատարում են ժամանակի պարագայի պաշտոն:

Գործիական հոլովով կարող է դրվել նաև գոյական որոշիչը, ինչպես՝

Մի ուրու անցավ, մի գունատ աղջիկ՝ ճերմակ **շորերով**:

Վահան Տերյան

Լուսամփոփի պես աղջիկ՝

Աստվածամոր **աչքերով**...

Եղիշե Չարենց

Խանութից գնեցինք **մսով** կարկանդակ, **ընկույզով** շոկոլադ:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս գործիական հոլովը:
2. Ինչպե՞ս է կազմվում գործիական հոլովը:
3. Ի՞նչ հարցերի են պատասխանում գործիական հոլովով դրված գոյականները:
4. Նախադասության ո՞ր անդամները կարող են դրվել գործիական հոլովով:

Վարժություն 52: Սյունակներով դո՛ւրս գրե՛ք գոյականները՝ նշելով դրանց հոլովները:

Նրան անվանում էին Սեթ և, որովհետև հայրը վաղուց էր մեռել, կոչում էին մոր՝ Երանուհու անունով՝ Երանի տղա Սեթ և կամ՝ Երանի Սեթ:

Կա՞րճ էր հասակը, թե՞ բարձր, թա՞վ էր ձայնը, թե՞ բարակ, և գիտե՞ր նա սրինգ նվագել, սիրե՞լ էր նա մի աղջկա և հենց այդ չինարու տակ մեզ նման հանգստացե՞լ էր նա, երբ վերադառնում էր Արաքսի ափերի արտերից, այդ բոլորն ինձ չավանդեց իմ ընկեր Ավագը կամ գուցե և պատմեց, սակայն իմ հիշողության մեջ ժամանակը խուճապեց այդ պատմության պայծառ գույները:

...Արաքսը գարնանը ելնում է իր ափերից, վարար ջրերը տիղմ են փռում լայն տափարակի վրա, և առափնյա եղեգնուտները դառնում են կանաչ կղզիներ: Սերմնացանը ցանում է սերմը, երբ ետ են գնում ջրերը, և գետնին նստում է թաց տիղմը: Նա հանում է ոտքերը, մինչև ծնկները վեր բաշում և փայտյա կոտր պարանոցից կախ՝ գնում է օրոր և հաստատ քայլերով:

Ակսել Բակունյց

Վարժություն 53: Նախորդ վարժության տեքստից դո՛ւրս գրե՛ք գոյականները և նշե՛ք դրանց հոլովումը, թիվը և առումը:

Վարժություն 54: Կազմե՛ք հետևյալ գոյականների գործիական հոլովը, գործածե՛ք դրանք նախադասությունների մեջ. ճանապարհ, արյուն, քարեկամություն, քույր, եղբայր, օր, կամուրջ:

Վարժություն 55: Տրված նախադասություններն ամբողջացրե՛ք՝ ավելացնելով գործիական հոլովով դրված այնպիսի գոյականներ, որոնք կհամապատասխանեն իմաստով:

1. Այգեգործը ... փորում էր հողը:
2. Երկու լեռնաշղթաների միջև եղած ... անցնող ասֆալտապատ ... սլանում էր մի մեքենա:
3. ... կարկանդակն ուտելուց հետո երեխան սկսեց խաղալ:
4. ... անցնող ճանապարհը հորդառատ անձրևների պատճառով անանցանելի էր դարձել, և շինարարները փորձում էին մաքրել այն քարերից:

5. Ուշ ... վերադառնալով գործուղումից՝ նա օդանավակայանից ... հասավ տուն և պառկեց քնելու, որովհետև վաղ առավոտյան տնօրենի ... պետք է մեկներ հարևան բաղաբը:
6. Փայլուն ... ծածկված տանիքը պատվել էր գիշերը տեղացած ..., և տանտերը առավոտյան ... մաքրում էր ձյունը:
7. ... փորելով հողը՝ հնէաբանները պեղումներ էին կատարում և որևէ առարկա գտնելիս ... մաքրում էին նրա վրայի հողը ու մեծ ... զննում գտածոն:
8. Երեխան ... կտրում էր գունավոր թղթերը, դրանք ... կպցնում իրար, այնուհետև ... դրանց վրա ծաղիկներ էր նկարում:
9. Ճերմակ ... ծածկելով սեղանը՝ տանտիրուհին սկսեց բերել ափսեները, բաժակները, ապակե տարբեր ... խմիչքները, ..., կարկանդակները:
10. Տանտերերը հյուրերին դիմավորեցին մեծ ..., ներս հրավիրեցին նրանց, այնուհետև բոլորը ... բարձրացան երկրորդ հարկ, որպեսզի նոր գնած ... դիտեն մի հետաքրքիր ֆիլմ:

ՆԵՐՈՑԱԿԱՆ ՀՈՒՈՎ

*Բացել ես իմ դեմ ոսկեղեն հեռուն,
Ծաղկել ես սարում, անտառում, արտում...
Ուրիշ երգեր են հնչում իմ սրտում,
Ողջո՛ւյն քեզ, արև՛, ողջո՛ւյն քեզ, զարո՛ւն...*

Վահան Տերչյան

Սարում, անտառում, արտում, սրտում գոյականները ցույց են տալիս գործողական կատարման տեղը: Դրանք դրված են ներգոյական հոլովով:

Ներգոյական հոլովը ցույց է տալիս այն տեղը, որտեղ կատարվում է գործողությունը, այն ժամանակը, որի ընթացքում կատարվում է գործողությունը:

Ներգոյականով դրված գոյականները պատասխանում են **որտե՞ղ, ինչո՞ւմ, ե՞րբ** հարցերին: Այս հոլովը կազմելու համար ուղղականին ավելացնում են **-ում** վերջավորությունը: Այս հոլովով գոյականները նույնպես որոշիչ հոդ չեն ստանում: Այլ բոլոր գոյականներն ունեն ներգոյական հոլով: Այսպես՝ անձնանիշ հատուկ ու հասարակ անունները, կենդանիների անունները, **-եղեն, -ություն** ածանցներով կազմված գոյականները զուրկ են ներգոյական հոլովից, և նրա իմաստն արտահայտելու համար սովորաբար գործածվում են **սեռական հոլով + մեջ** կառույցները, օրինակ՝ *Արմենի մեջ, ընկերության մեջ* և այլն:

Ներգոյական հոլովով բառերը երբեմն համախոս են դառնում **-ում** ածանցով կազմված բառերին, օրինակ՝ *տապակել յուղում* (ներգոյական հ.) և *կատարել շարժիչի յուղում* (**-ում** ածանցով բառ):

Ներգոյական հոլովով դրվում է *տեղի պարագան*: Օրինակ՝

*Լինում է մի սար,
Էն սարում մի ծառ,*

Էն ծառում փրչակ,
Փղակում մի բուն,
Բընում երեք ձագ...

Հովհաննես Թումանյան

Ներգոյական հոլովով կարող են դրվել բայական անդամի՝ ժամանակ ցույց տվող լրացումները՝ ժամանակի պարագաները, օրինակ՝

Նա կյանքում իր հայրենի քաղաքից չէր հեռացել:

Քառասուն տարում «ախ» չէր քաշել դեռ նա իրեն օրում:

Հովհաննես Թումանյան

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս ներգոյական հոլովը:
2. Ինչպե՞ս է կազմվում ներգոյական հոլովը:
3. Ի՞նչ հարցերի են պատասխանում ներգոյական հոլովով դրված գոյականները:
4. Ո՞ր բառերը հիմնականում ներգոյական հոլով չեն ունենում:
5. Նախադասության ո՞ր անդամները կարող են դրվել ներգոյական հոլովով:

Վարժություն 56: Հետևյալ բանաստեղծությունից դո՛ւրս գրեք գործիական և ներգոյական հոլովներով դրված բառերը:

Ձեռներում Ձեր մանրիկ, նվագուն,
Ձեր ձայնում, երբ ասում եք «Տերյան»,
Ձեր բարակ ժպիտում Նաիրյան
Մի թախիծ կա մեղմած ու թաթուն:
Շուրթերում Ձեր մաքուր ու բուրյան,
Ձեր պարում հեզանազ ու ճկուն,
Հաշտորեն խոնարհված Ձեր հոգում
Նաիրյանն է երգում, հնօրյան...
Երբ կիզում եք Ձեր միշտ հրախանդ
Նայվածի բոցերով մթամած,
Ուզում եմ օրորել Ձեզ կամաց,
Փայփայել երգերով հնավանդ,
Տխրությամբ հնազանդ ու մեղմած,
Նաիրյան նվագով իմ հիվանդ...

Վահան Տերյան

Վարժություն 57: Գրե՛ք 10 այնպիսի գոյական, որոնք չունեն ներգոյական հոլով:

Վարժություն 58: Յուրաքանչյուր շարքում գտե՛ք այն բառը, որը ներգոյական հոլովով չէ:

1. սենյակում, փողոցում, ծուկում, այգում
2. գրքում, հղկում, սրտում, մտքում
3. գյուղում, ձեռքում, բաժակում, նվաճում
4. դարակում, համեմատում, խճուղում, անտառում
5. շեղում, հողում, ձորում, ափսեում
6. գետում, հատում, արտում, բակում
7. էջում, կաթսայում, պեղում, նավակում
8. նկուղում, պարկում, արկղում, ուղղում
9. թափքում, ցանցում, մղում, ամանում
10. բնում, սղում, ծովում, ալբոմում

Վարժություն 59: Յուրաքանչյուր շարքում գտե՛ք այն բառը, որը կարող է համարվել և՛ ներգոյական հոլովով դրված, և՛ -ում ածանցով կազմված բառ, որոնք համանուններ են:

Օրինակ՝ տեղում – տեղ բառի ներգոյականը և տեղալը՝ մթնոլորտային տեղում:

1. դիմում, յուղում, սամում, հմայում
2. ճոճում, ճնշում, խճողում, սրսկում
3. հարձակում, քննարկում, ծավալում, հաղորդում
4. ձեռնարկում, հաճախում, միաձուլում, բաշխում
5. ձևափոխում, շաղախում, տեղափոխում, կանխում
6. հրատարակում, բողարկում, հրապարակում, թվարկում
7. սահմանում, բաժանում, ժամանում, հանձնում
8. որոնում, ճնշում, պատճենում, բնորոշում
9. ներշնչում, հանդիպում, ընդմիջում, ակոսում
10. հապավում, հոլովում, գնահատում, կատարում

ԱՄՓՈՓԻՉ ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս գոյականը:
2. Ինչո՞վ են տարբերվում հատուկ և հասարակ գոյականները:
3. Ո՞ր բաղադրյալ հատուկ անունների բոլոր բաղադրիչներն են գրվում մեծատառ:

4. Ո՞ր բաղադրյալ հատուկ անունների միայն առաջին բաղադրիչն է գրվում մեծատառ:
5. Ի՞նչ է ցույց տալիս գոյականի թիվը, և քանի թիվ ունի գոյականը:
6. Որո՞նք են գոյականի հոգնակի թիվը կազմող վերջավորությունները:
7. Ի՞նչ առումներ ունի գոյականը, և ինչպես են դրանք արտահայտվում:
8. Ի՞նչ է հոլովումը, և որո՞նք են հայերենի հոլովները:
9. Ի՞նչ է ցույց տալիս ուղղական հոլովը:
10. Նախադասության ո՞ր անդամները կարող են դրվել ուղղական հոլովով:
11. Ի՞նչ է ցույց տալիս սեռական հոլովը և ինչպե՞ս է կազմվում:
12. Նախադասության ո՞ր անդամները կարող են դրվել սեռական հոլովով:
13. Ի՞նչ է ցույց տալիս տրական հոլովը և ինչպե՞ս է կազմվում:
14. Նախադասության ո՞ր անդամները կարող են դրվել տրական հոլովով:
15. Ի՞նչ է ցույց տալիս հայցական հոլովը և ի՞նչ ձևեր կարող է ունենալ:
16. Նախադասության ո՞ր անդամները կարող են դրվել հայցական հոլովով:
17. Ի՞նչ է ցույց տալիս բացառական հոլովը և ինչպե՞ս է կազմվում:
18. Նախադասության ո՞ր անդամները կարող են դրվել բացառական հոլովով:
19. Ի՞նչ է ցույց տալիս գործիական հոլովը և ինչպե՞ս է կազմվում:
20. Նախադասության ո՞ր անդամները կարող են դրվել գործիական հոլովով:
21. Ի՞նչ է ցույց տալիս ներգոյական հոլովը և ինչպե՞ս է կազմվում:
22. Նախադասության ո՞ր անդամները կարող են դրվել ներգոյական հոլովով:
23. Ո՞ր բառերը հիմնականում ներգոյական հոլով չեն ունենում:

Վարժություն 60: Փակագծերում առնված գոյականները դրե՛ք անհրաժեշտ հոլովով և առումով:

Աշուն եր՝ տերևաթափով, (արև) նվազ (ջերմություն), դառնաշունչ (քամի), որ (ծառեր) (ճյուղեր) պոկում էր դեղնած (տերևներ), (խմբեր) քշում, տանում հեռու (ծորեր): Նույնիսկ (քարափ) հաստաբուն (կաղնի) խոնարհվում էր (քամի) առաջ:

Ամայի (ծորեր), դեղնակարմիր (անտառ) և հնձած (արտեր) վրա իջել էր մի պայծառ տխրություն:

Ջինջ (օդ) (սառնություն) մեջ զգացվում էր առաջին (ծյուն) (շունչ):

(Այգի) երիտասարդ (կեռասենիներ) մրսում էին, (քամի) խշշում: (Սիմֆոնի) երկար (տերևներ) (թերեր) նման քսվում էին իրար, (պողպատ) ձայն հանում: Կարծես ձիավորներ էին արշավում իրար դեմ, և (սիմֆոնի) (տերև) որպես բեկված սուսեր ընկնում էր (քամի) առաջ:

(Արև) տակ ժպտում էր վերջին (արևածաղիկ) և օրորում դեղին (զուլիս):

Ալեսի Բակունց

Վարժություն 61: Եզակի և հոգնակի հոլովէ՛ք քաղաք, բարդի, ժամ, թոռ, ընկեր, մարդ, շուն, մայր գոյականները:

Հոլովման տախտակ


Արտաքին հոլովում

հոլովը	Եզակի թիվ					
	ի	ու	վա	ան	ոջ	ց
աղբյական	սար(ը)	այգի(ն)	օր(ը)	բեռ(ը)	բույր(ը)	–
մեռական	սարի	այգու	օրվա	բեռան	բրոջ	–
գլուխական	սարի(ն)	այգու(ն)	օրվա(ն)	բեռան(ը)	բրոջ(ը)	–
հազարական	սար(ը)	այգի(ն)	օր(ը)	բեռ(ը)	բրոջ(ը)	–
քաղաքական	սարից	այգուց	օր(վան)ից	բեռից	բրոջից	–
գործիական	սարով	այգով	օրով	բեռով	բրոջով	–
մեծգյական	սարում	այգում	օրում	բեռում	–	–

հոլովը	Հոգնակի թիվ					
	ի	ու	վա	ան	ոջ	ց
աղբյական	սարեր(ը)	այգիներ(ը)	օրեր(ը)	բեռներ(ը)	բույրեր(ը)	մարդիկ
մեռական	սարերի	այգիների	օրերի	բեռների	բույրերի	մարդկանց
գլուխական	սարերի(ն)	այգիների(ն)	օրերի(ն)	բեռների(ն)	բույրերի(ն)	մարդկանց
հազարական	սարեր(ը)	այգիներ(ը)	օրեր(ը)	բեռներ(ը)	բույրերի(ն)	մարդկանց
քաղաքական	սարերից	այգիներից	օրերից	բեռներից	բույրերից	մարդկանցից
գործիական	սարերով	այգիներով	օրերով	բեռներով	բույրերով	մարդկանցով
մեծգյական	սարերում	այգիներում	օրերում	բեռներում	–	–

Ներքին հոլովում

հոլովը	Եզակի թիվ		Հոգնակի թիվ	
	ա	ո	ա	ո
աղբյական	անկյուն(ը)	հայր(ը)	անկյուններ(ը)	հայրեր(ը)
մեռական	անկյան	հոր	անկյունների	հայրերի
գլուխական	անկյան(ը)	հոր(ը)	անկյունների(ն)	հայրերի(ն)
հազարական	անկյուն(ը)	հոր(ը)	անկյուններ(ը)	հայրերի(ն)
քաղաքական	անկյունից	հորից	անկյուններից	հայրերից
գործիական	անկյունով	հորով	անկյուններով	հայրերով
մեծգյական	անկյունում	–	անկյուններում	–



Հայնրիխ Հյուբշման (1848–1908)

Գերմանացի նշանավոր հայագետ և իրանագետ: Ծնվել է Էրֆուրտում, ուսումնառությունը ձեռք է բերել տարբեր համալսարաններում: 1872թ. Նրան շնորհվել է դոկտորի գիտական աստիճան: Ստրասբուրգի համալսարանում կարդացել է դասախոսություններ հնդեվրոպական լեզուների համեմատական քերականության վերաբերյալ: 1875թ. լույս տեսավ նրա «Հայերենի դիրքը հնդեվրոպական լեզուների շրջանում» հոդվածը, որը միանգամից հանրահայտ դարձրեց հեղինակին: Մինչ այդ իշխում էր այն տեսակետը, որ հայերենը իրանական լեզու է: Խորությամբ ու համակողմանիորեն ուսումնասիրելով հայ-իրանական լեզվական ընդհանրությունները և տարբերակելով քնիկ հայկականն ու իրանական փոխառությունները՝ Հյուբշմանը եզրակացրեց, որ հայոց լեզուն, պատկանելով հնդեվրոպական լեզվաընտանիքին, նրա մեջ ներկայանում է իբրև ինքնուրույն, անկախ ճյուղ և միջին դիրք է գրավում սլավոնականի ու իրանականի նկատմամբ: Այս ուշագրավ տեսությունն իր ընդլայնված փաստական հաստատումը գտավ նրա հետագա ուսումնասիրություններում, մասնավորապես «Հայկական ուսումնասիրություններ» շարքում (1883) և «Հայերենի քերականության» մեջ (1885–87):



Հնչյունական համապատասխանությունների մի շարք օրենքներ ձևակերպելուն զուգահեռ՝ Հյուբշմանը նաև ճիշտ ստուգաբանեց բազմաթիվ բառեր, հայերենի համար կազմեց գիտական տառադարձության այբուբեն, որը այժմ էլ գործածվում է: Հյուբշմանի առաջ քաշած գաղափարներն ու սկզբունքները հեղաշրջող նշանակություն ունեցան հայերենագիտության մեջ:

Ղոփում են, դոփում են, դոփում են ձիերը,

Մթի մեջ դոփում են, խփում են պայտերը...

Եղիշե Չարենց

Բերված օրինակում *դոփում են, խփում են* բառերը բայեր են և ցույց են տալիս գործողություն:

Հոգնած նայում եմ ճամփաներին.

Սերմնացանները չդարձան տուն...

Գեղամ Մարյան

Այս օրինակում *հոգնած* բառը դարձյալ բայ է և ցույց է տալիս վիճակ, դրություն: Այն բառերը, որոնք ցույց են տալիս առարկայի գործողություն կամ վիճակ, կոչվում են բայ:

Բայը հայերենի ամենակարևոր խոսքի մասն է: Այն առանձին կարող է խոսք կազմել, քանի որ խոնարհված բայը իր մեջ ընդհանուր ձևով ունի ենթակայի փաղափարը. օրինակ՝ *Զայլում եմ ու հիանում ճարտարապետական կոթողներով:*

Ակնհայտ է, որ ենթական խոսողն է (ես):

Դիմավոր և անդեմ բայեր

Կան բայեր, որոնք գործողությունն այնպես են արտահայտում, որ հնարավոր է որոշել, թե ով է կատարում գործողությունը, քանի հոգով են կատարում և երբ են կատարում: Նման բայերը կոչվում են դիմավոր, ինչպես օրինակ՝ *գրեցի, նայում եմ, հեռացի՛ր, պիտի գոչեմ* և այլն: Սրանք կոչվում են **դիմավոր բայեր**:

Բայերի մի այլ խումբ ցույց է տալիս վիճակ, դրություն: Այս բայերը չունեն ռեմբ, և հնարավոր չէ որոշել դրանց արտահայտած գործողությունը կատարողին և այլ հանգամանքներ, ինչպես օրինակ՝ *վազել, նստած, հոսող, խոսելիս*:

Նման բայերը կոչվում են **անդեմ բայեր** կամ **դերբայներ**:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս բայը:
2. Ինչո՞վ են տարբերվում բայի դիմավոր և անդեմ ձևերը:
3. Ի՞նչ են կոչվում բայի անդեմ ձևերը:

Վարժություն 62: Գտե՛ք գործողություն ցույց տվող բայերը և ընդգծե՛ք մեկ, իսկ վիճակ ցույց տվող բայերը՝ երկու գծով:

- ա) Ինչպես մի հեղեղ վեր կենար հանկարծ,
Երկնքի մթնած ամպերից իջներ,
Ինչպես փոթորիկ սաստիկ սրընթաց,
Գյուղից սլացան մի խումբ կտրիճներ:
Ցավից տաքացած՝ էլ բան չեն հարցնում,

Թռչում են՝ ասես ահից հալածված,
 Ու նրանց առջև ահռելի բացվում,
 Թշնամ է ձորը՝ արյունով լցված:
 Գյուղը դատարկվեց մի ակնթարթում,
 Զարափի գլխին կանգնած անհամբեր՝
 Լուռ, սրտատրոփ ականջ են դնում,
 Նայում են ներքև... ձեն չի գալիս դեռ,
 Դեբեդն է մենակ անդնդում հուզված
 Խլածայն ողբով սողում դեպի ցած:

Հովհաննես Թումանյան

- բ)** Տիեզերքի գիրքն է բացում ամեն ծաղիկ բացվելիս,
 Ամեն կյանքի գիրքն է գոցում ամեն ծաղիկ գոցվելիս,
 Իմաստունը մի ծաղկով էլ տիեզերքն է կշռում,
 Մի մրջյունն էլ մի մոր սիրտ է ձագի մահով խոցվելիս:
- գ)** Կարծես շատ քիչ է աշխարհի հողը,
 Որ մարդիկ մեռնում և հող են դառնում,
 Բայց տեսես գիտե՞՞ բարի մեռնողը,
 Թե ո՞ւմ հողին է իր հողը խառնում:
 Բարին ու չարը կոպելով մեռնում,
 Սև հող են դառնում, խառնվում իրար,
 Հողը չի հողի կոկորդից բռնում,
 Իրար գրկում են՝ հավիտյան խոնարհ,
 Սուզված նավի պես հանգիստ են առնում...

Հովհաննես Շիրազ

Վարժություն 63: Գտե՛ք դիմավոր և անդամ բայերը՝ դերբայները, և գրե՛ք առանձին սյունակներում:

Խոր ձորի պռնկին եմ: Ձորը ողողվել է աշնանային բոցերով. ձեռքդ դեմ անես՝ կխանձի:

Այլևս անհնարին է ձիու թամբին շարունակել ճանապարհը:

Մի շաբաթ է՝ մեն-մենակ շրջագայում եմ լեռներում: Այդ օրը գլուխս հանդուզն միտք խուժեց՝ մտնել այս խորունկ ձորը, անցնել գետն ու բարձրանալ մյուս կողմի բարձունքին գտնվող գյուղը:

...Ահա և ձորի այն գյուղը, որի տների կտուրները քիչ առաջ հագիվ էին երևում բարձունքից: Երեսիս է զարնվում մեծ կալի ցորենաբույր տաքությունը: Ձիս խրխնջում է հոգնած, դառնացած: Մոտիկ կտուրին մի շուն կանգնում, ձգվում է ու ալարելով չի հաչում:

Կալը ժայռի պռնկին է: Ժայռի եզրերով քարեր են դրել, որ կավորները չգլորվեն անդունդ: Այդ ցից քարերի արանքով ոսկե առվակի պես դարման է հոսում ցած և դեռ անդունդի եզրին չհասած՝ մարում օդի մեջ:

Սերո Խանգաղյան

Վարժություն 64: Գտե՛ք դիմավոր բայերը և դո՛ւրս գրե՛ք իրենց ենթակա- ների հետ: Եթե ենթական գեղջված է, վերականգնե՛ք այն:

Միշտ էլ հետաքրքրվել եմ բնության բոլոր արարածներով, և դրանցից որևէ պատահել է, ուսումնասիրել եմ: Մի օր՝ տարիներ առաջ՝ ճահճային թռչունների որ-
մի ժամանակ, մի կրիա գտա և բերեցի տուն: Տանը՝ պատշգամբի մի անկյունում,
երբ համար ստեղծեցի մի հարմար անկյուն՝ բերելով խոտեր ու ճյուղեր: Ինքնամ-
բողի ու զգույշ են կրիաները, բայց երբ համոզվում են, որ իրենց որևիցե վտանգ չի
ապառնում, պատյանից դուրս են հանում գլուխն ու ոտքերը և քայլում՝ դանդաղ ու
անճոռնի շարժումներ անելով: Փոքր-ինչ ընտելանալուց հետո նույնիսկ կեր են
վերցնում ձեռքից: Ընդհանրապես սակավապետ ու քչակեր կենդանիներ են
դրանք. շաբաթներով կարողանում են ոչինչ չուտել, բայց շատ հեշտ են դիմանում,
որովհետև շարժումներ քիչ են անում, և եներգիա քիչ է ծախսվում: Ժողովրդական
մի հինավուրց ավանդություն կրիայի դանդաղաշարժությունը բացատրում է նրա-
նով, որ, ուր էլ լինի, կրիան իր տան մեջ է, ուստի չի շտապում:

Իմ բերած կրիան էլ արագ հարմարվեց պատշգամբում ապրելուն. միայն ջրի
ապակասությունից էր մի քիչ նեղվում: Մեծ ամանով ջուր էի դնում, բայց դե ամանով
ջուրը գովաստան լճին ու ճահճին չէր փոխարինի: Մի օր էլ, երբ համոզվեցի, որ
կրիան երկար չի դիմանա առանց իր սիրած ջրի ու սննդի, որոշեցի ազատություն
ապրգնել նրան: Այդ օրը անձրև էր տեղում, բայց ես, ուշադրություն չդարձնելով
դրան, կենդանուն փաթաթեցի մի կտորի մեջ, դրեցի թևիս տակ և գնացի Զրազ-
դան գետի ափը: «Հաղթանակ» կամրջին հասնելով՝ իջա, կրիային դրեցի կամրջի
տակ և բարձրացա վեր:

Ըստ Վահթանգ Անանյանի

ԴԵՐԲԱՅՆԵՐ

Դերբայները ցույց են տալիս տարբեր վիճակներ՝ առանց նշելու դրանց
տոնկրետ հանգամանքները:

Դերբայները լինում են չորս տեսակի՝ **անորոշ, համակատար, ենթակայական
և հարակատար:**

Անորոշ դերբայ

Անորոշ դերբայը գործողության անունն է. այն ընդհանրապես անվանում է
գործողությունը՝ **գրել, վագել, խաղալ:**

Անորոշ դերբայն ունի **-ել** և **-ալ** վերջավորությունները: Ըստ այդ վերջավորու-
թյունների որոշվում են բայի խոնարհման տիպերը:

-ել վերջավորություն ունեցող բայերը կոչվում են **ե** խոնարհման բայեր՝ **գրել,
փրել, վագել, երգել:**

-ալ վերջավորություն ունեցող բայերը կոչվում են **ա** խոնարհման բայեր՝
կարդալ, խաղալ, հեռանալ, հագենալ:

Ա և Ե խոնարհումները կոչվում են նաև **լծորդություններ**:

Անորոշ դերբայը բայի ուղիղ ձևն է: Բառարաններում բոլոր բայերը տրվում են անորոշ դերբայով:

Անորոշ դերբայով որոշվում է բայի կազմությունը: Եթե **-ել** և **-ալ** վերջավորություններից առաջ կան բայական հատուկ ածանցներ, ապա այդ բայն ածանցավոր է, իսկ եթե չկան, պարզ է: Օրինակ, *թռ-չ-ել*, *ընկ-ն-ել*, *բար-ան-ալ*, *մոտ-են-ալ*, *հագ-ցն-ել*, *կոտր-ատ-ել* բայերը ածանցավոր են, քանի որ վերջավորությունից առաջ ունեն բայական ածանցներ:

Բայական ածանցներն են՝ **սոսկածանցներ** (ան, են, ն, չ), **պատճառական** (ացն, եցն, ցն), **բազմապատկական** (ատ, ոտ, կոտ, տ), **կրավորական** (վ):

Անորոշ դերբայը կարող է ստանալ որոշիչ հոդ և հիղովվել՝ ենթարկվելով ու հիղովման: Անորոշի ներգոյական հիղովաձևը հազվադեպ է գործածվում, օրինակ՝ *ես շատ ծույլ եմ նամակներ գրելում* (Նար-Դոս):

Ուղղական	վազել(ը), խաղալ(ը)
Սեռական	վազելու, խաղալու
Տրական	վազելու(ն), խաղալու(ն)
Հայցական	վազել(ը), խաղալ(ը)
Բացառական	վազելուց, խաղալուց
Գործիական	վազելով, խաղալով
Ներգոյական	վազելում, խաղալում (հազվադեպ)

Նախադասության մեջ անորոշ դերբայը կարող է ստանալ բոլոր այն պաշտոնները, որոնք կատարում է գոյականը՝ ենթակա, ստորոգյալ կազմող բառ՝ ստորոգելի, և տարբեր լրացումներ: Օրինակներ.

Աշխատելը յուրաքանչյուրիս պարտականությունն է (ենթակա):

Թղթի վրա խզբզելը դեռևս նկարել չէ (ստորոգելի):

Շտապելուց նա գիրքը տանը մոռացավ (պատճառի պարագա):

Նա հնալով մտավ դասարան (ձևի պարագա):

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Որո՞նք են ժամանակակից հայերենի դերբայները:
2. Ի՞նչ է ցույց տալիս անորոշ դերբայը:
3. Որո՞նք են անորոշ դերբայի վերջավորությունները:
4. Ինչպե՞ս է որոշվում բայի խոնարհումը (լծորդությունը):
5. Որո՞նք են բայածանցները:
6. Ինչպե՞ս է որոշվում բայի կազմությունը:
7. Նախադասության մեջ ո՞ր պաշտոններով կարող է գործածվել անորոշ դերբայը:

Վարժություն 65: Գտե՛ք անորոշ դերբայները, որոշե՛ք լծորդությունները:

- ա) Զեռանալ, մոռանալ ամեն ինչ,
Ամենին մոռանալ:
Չսիրել, չխորհել, չափսոսալ,
Զեռանալ:

Վահան Տերյան

- բ) Ապրե՛լ, ապրե՛լ, այնպե՛ս ապրել,
Որ սուրբ հողդ երբեք չզգա թո՛ւ ավելորդ ծանրությունը:
Ապրե՛լ, ապրե՛լ, այնպե՛ս ապրել,
Որ դու ինքդ էլ երբեք չզգաս թո՛ւ սեփական մանրությունը:

Ապրե՛լ, ապրե՛լ, ապրե՛լ մեկտե՛ղ,
Կյանքդ խառնել նրանց կյանքին,
Տառապանքդ՝ տառապանքին,
Ջանքդ՝ ջանքին,
Ցանքդ՝ ցանքին,
Եվ ենթարկվել նրանց կամքին,
Նրանց կյանքն էլ թեզ ենթարկել,
Դառնալ և՛ շանթ, և՛ շանթարգել...

Դարույր Սևակ

Վարժություն 66: Դո՛ւրս գրե՛ք դիմավոր և անդեմ բայերը և կազմե՛ք դրանց անորոշ դերբայները:

- ա) Կանչում է կրկին, կանչում անդադար
Էն չքնաղ երկրի կարոտը անթուն,
Ու թևերն ահա փռած տիրաբար՝
Թռչում է հոգիս, թռչում դեպի տուն:
Ուր որ հայրենի օջախի առաջ
Վաղո՛ւց կարոտով սպասում են ինձ
Ու ձմռան երկար գիշերը նստած՝
Խոսում են Լոռու հին-հին բաջերից:

Հովհաննես Թումանյան

բ) Տիգրան աղան ժպտաց կոտրված ժպիտով, ապա կանաչ մետաքսե թաշկինակով սրբեց աչքերն ու այտերը և մտավ խանութ: Նա բացեց փողոցի դուռը. ներս մտավ մի գինվորական: Տիգրան աղան ընդունեց նրան ուրախ ժպիտով, ապրանք տվեց, վերցրեց փողը, նետեց դրամարկղը, իսկ երբ գինվորականը հեռացավ, նա նորից մռայլվեց. ինձ թվաց, որ նորից նա լաց կլինի, բայց այդ միջոցին ներս մտան նոր հաճախորդներ, և նա նորից ժպտաց ուրախ և հյուրընկալ ժպիտով: Այդ ամենը ես դիտեցի սենյակի կիսաբաց դռնից:

Գուրգեն Մահարի

Վարժություն 67: Կազմե՛ք նախադասություններ՝ տրված անորոշ դերբայները գործածելով նշված հոլովներով:

Պատմել (ուղղական), հիանալ (սեռական), ստանալ (տրական), մտածել (հայցական), պարել (բացառական), կրկնել (գործիական):

Վարժություն 68: Գտե՛ք անորոշ դերբայները և որոշե՛ք դրանց պատճենը նախադասության մեջ:

- ա) Առատ, անհատ՝ Աստծու նման՝ միշտ տեղալուց հոգնել եմ ես, Զոգիս ծարավ՝ սրան-նրան մտիկ տալուց հոգնել եմ ես.
Մինը պիտի գար իմ դեմը՝ ճոխ ու շռայլ անհաշիվ,
Ամեն ճամփում սպասելուց ու փնտրելուց հոգնել եմ ես:

Հովհաննես Թումանյան

բ) 1. Միջատները թռչելով ու վազելով բարձրանում էին պատն ի վեր: 2. Ընդդիմանալը կնշանակեր, որ արթունիքը համաձայն չէ առաջադրվող պայմաններին: 3. Դերասանի բոլոր արարքները՝ հախուռն և անկանխատեսելի, բխում էին արվեստը սիրելուց: 4. Ամբողջ օրն աշխատելուց նա չափազանց հոգնել էր: 5. Ծաղիկները ինսամելը նրա սիրած զբաղմունքն էր: 6. Մետաղը կրակին շատ մոտ գտնվելուց տաքացել էր: 7. Ոչ ոք չէր հավատում նրա վերադառնալուն: 8. Երեխան սուլելով բայլում էր այգում: 9. Գյուղացիները տեսան ծառի տապալվելը: 10. Կարդալը զարգացնում է մարդուն:

Վարժություն 69: Գտե՛ք դիմավոր և անդեմ բայերը, կազմե՛ք դրանց անորոշ դերբայը և որոշե՛ք լծորդությունը:

Մի անգամ ետ նայեց Ավին անցած ճամփին. ո՛չ Պանինը երևաց, ո՛չ էլ շները: Ավին պարզ տեսնում էր ծառի բները, անցած ճամփան, ընկած հաստաբուն գերանները:

Իջավ ձորը, լսեց, թե ինչպես սառույցի տակ խոխոջում է ջուրը: Ջրի ձայնը նրան հիշեցրեց եռման կաթսան, տուրը, վառած օջախը: Տանը երևի սպասում են: Թվաց, թե ձյունի ծանրոցից մի ճյուղ ջարդվեց: Վեր բարձրանալիս Ավին զգաց, որ մեկը հետևում է իրեն: Ետ նայեց, մի մարդաբոյ արջ էր կանգել մի քիչ հեռու՝ ճյուղն ուսին՝ չորանի մահակի պես:

Ակսել Բակունց

Եվ հիմա այնտեղ՝ խորունկ մի ձորում,
Գարունն է վառում քնքշանքն իր վայրի,
Ձնծաղկի աչքից կապույտ է ծորում,
Կապույտով լցնում անդունդն ամայի:

Աղբյուրը ժայռից ներքև է կախում
Իր հեկեկանքն ու լույսը իր թախծի,

Եվ պատահողոված ժայռի երախում
Շվար դողում է մենավոր մի ծիլ:

Անդունդներն ի վար թավալվում են դեռ
Չարթնող որոտներ ու մեռնող ծյուններ,
Ու լեռներն ի վեր գալարվում են դեռ
Անձև կարոտներ ու թախծություններ:

Գարնան պաղ բամին մոլորվում ծորում,
Զարայր է մտնում, որ տխուր վայի,
Ձնծաղկի աչքից թախիծ է ծորում,
Թախիծով լցնում անդունդն ամայի:

Վահագն Դավթյան

Վարժություն 70: Յուրաքանչյուր շարքում գտե՛ք այն բառը, որն անորոշ դերբայ է:

1. մեծանալ, գլանալ, լիանալ, ֆեռդալ
2. հարստանալ, բարձրանալ, գրնգալ, արևագալ
3. կարդալ, գդալ, գթալ, դղրդալ
4. ափսոսալ, հախճասալ, փսփսալ, որսալ
5. միջանկյալ, շողշողալ, զարգանալ, հորդանալ
6. շրխկալ, տոկալ, հյուրընկալ, մկկալ
7. զուլալ, ծխալ, ցուլալ, ծվվալ
8. նախագգալ, սողալ, տառասխալ, սնանկանալ
9. կորանալ, բազմածալ, ցնծալ, անեանալ
10. հավատալ, ճրագակալ, փռթկալ, շորորալ
11. երերալ, հուրհրալ, դյուրահալ, ըղձալ
12. խայտալ, վխտալ, նվնվալ, ձնհալ
13. հիանալ, տրտնջալ, ստորոգյալ, մրմնջալ
14. թրթռալ, գառամյալ, քչիչալ, հագենալ
15. թվալ, անշքանալ, մոխրաթավալ, խելոթանալ

Համակատար դերբայ

Երեխան վագելիս ընկավ:

Կարդալիս նա ոգևորվում է:

Այս օրինակներում ենթակայի կատարած գործողությունը (ընկավ, ոգևորվում է) ունի զուգահեռ մի այլ գործողություն՝ վագելիս, կարդալիս:

Հիմնական գործողությանը զուգահեռաբար կատարվող գործողություն ցույց տվող դերբայը կոչվում է համակատար:

Համակատար դերբայը կազմվում է՝ անորոշ դերբային ավելացնելով **-իս** վերջավորությունը՝ գրելիս, նայելիս, աղալիս, հեռանալիս, մեռնելիս:

Համակատար դերքայը չի միանում օժանդակ բային և նրա հետ ստորոգյալ չի կազմում:

Լեռներ տեսնելիս նա միշտ հուզմունք էր ապրում:

Այս օրինակում համակատար դերքայով արտահայտված *տեսնելիս* բառը ցույց է տալիս գործողության կատարման ժամանակը, ուստի ժամանակի պարագա է: Սա նրա հիմնական կիրառությունն է:

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս համակատար դերքայը:
2. Ինչպե՞ս է կազմվում համակատար դերքայը:
3. Կարո՞ղ է արդյոք համակատար դերքայով և օժանդակ բայով կապակցություն կազմվել:
4. Շարահյուսական ի՞նչ պաշտոնով է հիմնականում գործածվում համակատար դերքայը:

Վարժություն 71: Դո՛ւրս գրեք համակատար դերքայները, կազմե՛ք դրանց անորոշը և որոշե՛ք լծողությունը:

Իմ աչքերի մեջ այնքա՛ն կրակներ եմ մարել ես
Եվ հոգուս մեջ հուսահատ այնքա՛ն աստղեր եմ մարել:
Կյանքս, որ հուշ է դարձել, հեռանալիս չանիծես.
Կյանքս կանցնի, կմարի, բայց երգս կա, կապրի դեմ:

Մանկությունս հիշելիս սիրտս դառնում է գինով,
Ես մի ընկեր ունեի Լիպո անունով...

Երգով խնդամ թող բոլորին,
Որ մեռնելիս զգամ, որ իմ
Օրերն անցան ու չկորան:

Եղիշև Չարենց

Ո՞վ ցած կբերի նրան թռչելիս,
Թե չլինեն կինն ու գինին:

Տարիներ անցան, և աչքը ճամփին
Մնաց նայելիս նորահարս Մեհրին:

Հովհաննես Թումանյան

Հայաստան, անունդ տալիս
Ժայռի մեջ մի տուն եմ հիշում...

Հայաստան ասելիս այտերս այրվում են...

Համո Մսիքյան

Թռիչքի մեջ են փորձվում թևերը,
 Մարմնի ձևերը՝
 լոկ մերկանալիս,
 Անգին նվերը՝
 լոկ ստանալիս,
 Լոկ ճուտ հանելիս՝
 Թռչունի առողջ կամ լակ ձվերը,
 Թռչուններն իրենք՝
 Երբ սկսվում է նրանց չվելը:

Պարույր Սևակ

**Վարժություն 72: Յուրաքանչյուր շարքում գտե՛ք այն բառը, որը համա-
 կատար դերբայ է:**

1. նվագելիս, երագելիս, օագիս, կարդալիս
2. շահելիս, հուլիս, արտասանելիս, երգելիս
3. սովորելիս, ասելիս, ասուլիս, կախարդելիս
4. ամսեամիս, հեղեղելիս, խաղալիս, աշխատելիս
5. տպագրելիս, միգրելիս, նշանակելիս, պտղամիս
6. ըմպելիս, ընթրելիս, էտելիս, էլեկտրամագնիս
7. կառուցելիս, քարաքաղնիս, մշակելիս, բժշկելիս
8. գրելիս, հունիս, հիշելիս, նայելիս
9. ողջունելիս, հյուսիս, ճախրելիս, չվելիս
10. կատարելիս, կազմելիս, կգաքիս, մաքրելիս
11. ջրելիս, հնծելիս, նվիրելիս, ավետիս

Հարակատար դերբայ

Համեմատե՛ք հետևյալ երկու նախադասությունները.

Հայկը շատ է կարդացել: Նա հիմա կարդացած տղա է:

Ակնհայտ է, որ *կարդացած* բառը ցույց է տալիս մի վիճակ, որ կատարված գործողության հետևանքն է: Նույնը տեսնում ենք նաև հետևյալ օրինակում.

Որպես լքված թավջութակի ձգված մի լար

Դողում է սիրտս կարոտով մի ահարկու...

Եղիշե Չարենց

Կարդացած, լքված և ձգված բառերը հարակատար դերբայներ են:

Հարակատար դերբայը կազմվում է **-ած** վերջավորությամբ, օրինակ՝ *գրած, կապած, ասած, ներկած, կարդացած, խաղացած, զգացած* և այլն:

Ինչպես տեսնում ենք, **ա** խոնարհման բայերը ունեն **-ացած** վերջավորությունը, որտեղ **աց**-ը հիմքի ածանցն է:

Ն և **չ** սոսկածանցները հարակատար դերբայում ընկնում են, իսկ **ան, են** սոսկ-ածանցների փոխարեն դրվում են **աց, եց**, ինչպես՝ *գտնել – գտած, մտնել – մտած, փախչել – փախած, դիպչել – դիպած, հեռանալ – հեռացած, ծուլանալ – ծուլացած,*

հագենալ – հագեցած, վախենալ – վախեցած, կամենալ – կամեցած և այլն: Իսկ պատճառական **ացն, եցն, ցն** ածանցների փոխարեն դրվում են **ացր, եցր, ցր**, ինչպես՝ բարձրացնել – բարձրացրած, հեռացնել – հեռացրած, փոքրացնել – փոքրացրած, հագեցնել – հագեցրած, հանգցնել – հանգցրած, հասցնել – հասցրած և այլն:

Հարակատար դերբայը հանդես է գալիս տարբեր պաշտոններով: Ամենից շատ այն հանդիպում է որոշիչ պաշտոնով և պատասխանում է **ինչպիսի՞, ո՞ր** հարցերին՝ կանգնած մարդ, տպված գիրք, հոգնած ձի:

Այս դերբայը կարող է գոյականների նման հոլովվել և որոշիչ հոդ ստանալ: Հոլովվում է ի հոլովմամբ.

Ուղղական	հոգնած(ը)	բերած(ը)
Սեռական	հոգնածի	բերածի
Տրական	հոգնածի(ն)	բերածի(ն)
Հայցական	հոգնածի(ն)	բերած(ը)
Բացառական	հոգնածից	բերածից
Գործիական	հոգնածով	բերածով
Ներգոյական	–	բերածում

Այս դեպքում հարակատար դերբայը կարող է ունենալ գոյականի բոլոր պաշտոնները. օրինակ՝

Չնացածները վերադարձան (ենթակա):

Նա կարդաց գրվածը (ուղիղ խնդիր):

Հարակատար դերբայն արտահայտում է վիճակ, դրություն՝ իբրև ավարտված գործողության հետևանք: Օրինակ՝ **Նա շատ է մարզվել և դարձել է մարզված և ուժեղ բռնցքամարտիկ:**

Այլ դեպքերում հարակատար դերբայն արտահայտում է կատարված-ավարտված գործողության իմաստ: Օր.՝ **Այդ մասին գրված է բոլոր գրքերում:** Նման դեպքերում հարակատար դերբայը, միանալով օժանդակ բային, դառնում է ստորոգյալ կազմող բառ՝ ստորոգելի:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս հարակատար դերբայը:
2. Ո՞ր վերջավորությամբ է կազմվում հարակատար դերբայը:
3. Հիմնականում ի՞նչ անդամի պաշտոնով է գործածվում հարակատար դերբայը:

Վարժություն 73: Գտե՛ք հարակատար դերբայները, դո՛ւրս գրե՛ք և նշե՛ք, թե որ խոնարհման (լծորդության) են դրանք՝ ե՞՞, թե՞ ա:

Երկնքից առկախ մի լեռնակղզի՝

Հայաստան աշխարհ:

Երկնքից առկախ այդ լեռնակղզու ուղիղ կենտրոնում՝

երկու զանգ՝ հսկա և անձեռագործ:

Եվ այնքան հսկա, այնքան վիթխարի,
որ չէին կարող որևէ կեռից ոչ մի կերպ կախվել,
ուստի պարզապես կործանված են հողին:
Անունն՝ Արարատ
կամ
Սիս ու Մասիս:

Նրանց ռումբաձև զույգ լեզվակները խրված են հողում
և խարսխի պես հասնում են մինչև հրահեղուկի մթին հատակը:

Այս լեռնակղզում լեռքարե՞րն են շատ,
թե՞ կերպածևված շիրմաքարերը:
Եվ ծառե՞րն են շատ այս լեռնակղզում,
թե՞ վեր ծառացած սուրբ խաչքարերը:

Պարույր Մնակ

Սառած ծերպերով գնում էինք մենք՝
Ե՛վ զենք, և՛ զրահ ուսերիս ամած:

Վագրերի նման ճկուն էինք մենք՝
Հայացքներս լուրթ գազաթին հառած:

Իսկ ձյունն անընդհատ լարում էր դավեր,
Ոտքերիս կպած՝ մեզ վա՛ր էր կանչում:

Եվ ծանրաբեռնված քարավաններով՝
Դառնում էր մեկը ճամփաներից ետ:

Եղիշե Չարենց

Վարժություն 74: Կազմե՛ք տրված բայերի հարակատար դերբայները և
դրանցից առաջին հինգով կազմե՛ք նախադասություններ:

Վարժվել, ոգևորվել, աշխատել, սխալվել, տպել, ազատել, նստել, գնալ,
ունենալ, կարդալ, տառապել, լռել, զարգանալ, գայրանալ, խաչվել, երգել, հասնել,
թողնել, տեսնել, սփրթնել:

Վարժություն 75: Յուրաքանչյուր շարքում գտե՛ք այն բառը, որը հա-
րակատար դերբայ չէ:

1. վստահած, շնորհած, հողմահաված, վերաբաշխած
2. ամոթխած, հաղթանակած, խնամած, կարոտած

3. կարդացած, վաստակած, հասարակած, մոռացած
4. քառապատկած, խաշնարած, քերած, ոսկեզօծած
5. ներկած, ծածկած, վարկած, հյուսած
6. տախտակամած, կարկամած, վերակազմած, տեղավորած
7. անծրևած, ամպամած, խնամած, հուզված
8. հեռացած, սոխառած, ծանրաբեռնած, որոնած
9. հողազանգված, արշաված, ներգրաված, իմացած
10. արտագրված, մեկնաբանված, բառահողված, ներկայացված
11. տեսակավորած, լայնատարած, բնակված, հեռացած
12. ստեղծված, առեղծված, հռչակված, սուզված
13. ժամանած, ժամանակահատված, միաբանված, ոգևորված
14. տպագրված, նորոգված, խանդավառված, բազմաստված
15. նկարազարդված, փորված, հակահարված, վերահաշված

Վարժություն 76: Արտագրե՛ք նախադասությունները, գտե՛ք դրանցում գործածված հարակատար դերբայները և որոշե՛ք դրանց շարահյուսական պաշտոնները:

1. Հուզված հանդիսատեսները երկար ծափահարում էին:
2. Իրենց հրամանատարի քաջությունից ոգևորված զորքը համախմբվեց և հակահարված տվեց թշնամուն:
3. Մցույթում հաղթածները ստացան իրենց պարգևները:
4. Երեխան հպարտանում էր իր նկարածով և այն ոգևորված ցույց էր տալիս բոլորին:
5. Մի ամպամած օր, երբ կուտակված թուխպերից արդեն պոկվում էին անծրևի առաջին կաթիլները, ընկերս հուզված եկավ մեր տուն:
6. Դասը չսովորած աշակերտը քարտեզի վրա չէր կարողանում ցույց տալ հասարակածը, և առաջին նստարանին նստածները փորձում էին հուշել նրան, սակայն զայրացած ուսուցիչը սաստեց նրանց:
7. Գյուղացին խնձորի մի նոր ծառ էր աճեցրել. իր աճեցրածից մի քանի խնձոր պոկեց և հյուրասիրեց քաղաքից եկածներին, որոնց շատ դուր եկան հասած խնձորները:
8. Խմբից հետ մնացածները փորձեցին կամրջով անցնող կարճ ճանապարհով հասնել իրենց խմբին, սակայն հանդիպակաց ափից նրանց տեսածները ձայն տվեցին, որ կամուրջը խարխլված է, և անցնելը վտանգավոր է:
9. Նա տեսավ կատարվածը, հասկացավ, թե ով է իր իսկական ընկերը, և մնացածների խոսքերին այլևս չէր հավատում:
10. Կատարվածի հետևանքը դժվար էր վերացնել. անհրաժեշտ էին փորձառու մասնագետներ, որոնք միայն կկարողանային վերակառուցել բանդվածը:

Ենթակայական դերբայ

Բարի բերք մաղթենք մեր հողին,
Մեր հողի ոսկե խաղողին,

Խաղողից գինի քամողին,
Այս երկիրը շեն պահողին:

Գեղամ Մարյան

Քամողին, պահողին բառերը ցույց են տալիս գործողություն՝ իբրև այն անտարրողի հատկանիշ: Այս անդամ բայերը ենթակայական դերբայներ են:

Ենթակայական դերբայը ունենում է **-ող** վերջավորությունը, որը դրվում է անորոշի **-ել** վերջավորության փոխարեն՝ վազող, նկարող, թռչող, հագնող, իսկ առնարհման բայերի դեպքում ավելանում է **-ացող** վերջավորությունը՝ կարդացող, խաղացող: Ան, են սուկածանցների փոխարեն ենթակայականում դրվում են **աց, ցց՝** հեռանալ – հեռացող, մոտենալ – մոտեցող:

Մի բանի բառերի ենթակայական դերբայներից առաջացել են գոյականներ, ինչպես՝ գրող, ուսանող, ծնող:

Ենթակայական դերբայը գոյականաբար գործածվելիս կարող է հոլովվել և ձեռք ստանալ: Ենթակայականը հոլովվում է ի հոլովմամբ.

Ուղղական	վազող(ը)
Սեռական	վազողի
Տրական	վազողի(ն)
Հայցական	վազողի(ն)
Բացառական	վազողից
Գործիական	վազողով
Ներգոյական	–

Ենթակայական դերբայները նախադասության մեջ կարող են հանդես գալ գոյականական տարբեր պաշտոններով՝ ենթակա, ստորոգելի և լրացում: Օրինակ՝

Վազողները հասան վերջնագծին (ենթակա):

Նա **չարչարվողը** չէ (ստորոգելի):

Ծառի տակ հավաքվել էր **նկարողների** խումբը (հատկացուցի):

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս ենթակայական դերբայը:
2. Ո՞ր վերջավորություններով է կազմվում ենթակայական դերբայը:
3. Շարահյուսական ի՞նչ պաշտոններով կարող է գործածվել ենթակայական դերբայը:

Վարժություն 77: Գտե՛ք և դո՛ւրս գրե՛ք ենթակայական դերբայները, գրե՛ք դրանց անորոշը, համակատարը, հարակատարը:

Ինչ իմանաս Ստեղծողի գաղտնիքները անմեկին.

Ընկեր տվավ, իրար կապեց ես աշխարհում ամենքին:

Հովհաննես Թումանյան

Կործանվող մեր երկրի համար դու եղար փրկության առաքալ...

Եղիշե Չարենց

Վճռել եմ դառնալ խաղալիք սարքող,
Եվ, հավատացե՛ք, իրո՛ք կդառնամ:
Իսկ ի պատասխան հարցնողի հարցի
Ես կասեմ. «Ողջո՛ւյն»:

Պտուղը քաղող չկա,
Մասրենի՛, սարի՛ մասրենի,
Պատիվը պահող չկա,
Մասրենի՛, բարի՛ մասրենի:

Եվ խոսո՛ւն-խոսո՛ւն՝
Քամիների հետ վիճող ծառի պես...

Պարույր Սևակ

Երեսիդ նայող չկա,
Մասրենի՛, վայրի՛ մասրենի...

Համո Մսիսյան

Վարժություն 78: Կազմե՛ք տրված բայերի դերբայական բոլոր ձևերը.
լսել, նայել, տպել, չորանալ, ցնցել, կարոտել, զարգանալ, ընկնել,
կարողալ, գտնել:

Վարժություն 79: Յուրաքանչյուր շարքում գտե՛ք այն բառը, որը ենթակայական դերբայ է:

1. նկարող, նվագող, ձիագող, վերանորոգող
2. անվադող, հետապնդող, նկարագրող, պատմող
3. հարատևող, ասեղնագործող, ահուկող, եռացող
4. պայթող, պաշտոնաթող, նորոգող, կառուցող
5. թիկնալող, աջակցող, շրջափակող, մրցող
6. տաքացնող, ծածկող, արևկող, ծանոթացնող
7. մշակող, ցանող, ակոսող, վարելահող
8. կարդացող, կարթածող, մտերմացող, մոռացող
9. արջախաղող, կերակրող, խաղացող, ուսուցանող
10. զարդանախշող, արծաթաշող, հրավիրող, մասնակցող
11. կարկաչող, պահանջող, բարեհաջող, բարեհաճող
12. թրթռացող, ելևէջող, ծալծլող, հնգատող
13. խայտացող, այգացող, հեռացող, կամեցող
14. խուսափող, խոսափող, շրջապատող, հետապնդող
15. հոսող, ձուլող, ժայթքող, կիսասքող
16. լուսավորող, ներկայացնող, հաղթող, հաստակող
17. նայող, դիտող, հեռուստադիտող, նվիրող
18. շատախոսող, նկարահանող, նկարագրող, ռադիոլսող
19. ձայնագրող, լրագրող, հեռագրող, տպագրող
20. մտածող, հիշող, սևացող, սևահող

1. Ինչո՞վ են տարբերվում բայի դիմավոր և անդեմ ձևերը:
2. Ի՞նչ են կոչվում բայի անդեմ ձևերը:
3. Ի՞նչ է ցույց տալիս անորոշ դերբայը:
4. Ի՞նչ վերջավորություններով է կազմվում անորոշ դերբայը:
5. Ինչպե՞ս է որոշվում բայի խոնարհումը (լծորդությունը):
6. Ինչպե՞ս է որոշվում բայի կազմությունը:
7. Որո՞նք են բայածանցները:
8. Շարահյուսական ի՞նչ պաշտոններ կարող է կատարել անորոշ դերբայը:
9. Ի՞նչ է ցույց տալիս համակատար դերբայը:
10. Ինչպե՞ս է կազմվում համակատար դերբայը:
11. Ո՞րն է համակատար դերբայի շարահյուսական հիմնական կիրառությունը:
12. Ի՞նչ է ցույց տալիս հարակատար դերբայը:
13. Ինչպե՞ս է կազմվում հարակատար դերբայը:
14. Սոսկածանցների և պատճառական ածանցների ի՞նչ փոփոխություններ են կատարվում հարակատար դերբայը կազմելիս:
15. Շարահյուսական ի՞նչ պաշտոններով կարող է գործածվել հարակատար դերբայը:
16. Ի՞նչ է ցույց տալիս ենթակայական դերբայը:
17. Ինչպե՞ս է կազմվում ենթակայական դերբայը:
18. Շարահյուսական ի՞նչ պաշտոններով կարող է գործածվել ենթակայական դերբայը:
19. Ո՞ր դերբայները կարող են հոլովվել:

Վարժություն 80: Արտագրե՛ք նախադասությունները և ամբողջացրե՛ք տրված բայերով՝ դրանք ըստ անհրաժեշտության դարձնելով համակատար, հարակատար, ենթակայական դերբայներ, ինչպես նաև հոլովելով:

1. Անհրապույր ... դաշտը, արևի առաջին շողերից ..., բաց դեղին հագավ, ասես կենդանացավ՝ ... թռչունների դյուրթից դալալով: (թվալ, կերպարանափոխվել, լցվել)
2. Վտանգը ամենևին չգիտակցելով կամ էլ ...՝ նա իսկույն ևեթ հասավ Արտակ Ռշտունուն, որը, զինվորների խիտ շարքի միջից ..., առաջ էր մղվում իր հետևից ... գորագունդը: (ելնել, տանել, արհամարհել)
3. Զամի ... քաղաքն ստանում էր հսկայական աղացի կերպարանք, քանի որ ավազափոշին, օդը ... գորշ մշուշի, թափանցում էր ամենուր՝ ... տների ամենախուլ անկյուններից մինչև մարդկանց կոկորդները: (վերածել, բարձրանալ, սկսել)

4. Չամբուղը ... աղբյուրի մոտ՝ գնաց ... իր սիրեցյալին և ամբողջ օրը անդադրում թափառեց Աղամը՝ բարձր ... Լիլիթի անունը: (*ձայնել, թողնել, որոնել*)
5. Ընկերները՝ ամրակազմ, աշխատանքից ... այտերով ու ... աչքերով, սայլ բարձրացան և ... սառած ձեռքերը՝ տեղավորվեցին կողք կողքի: (*փայլփլել, շփել, շիկնել*)
6. Երեկոյան, երբ անակնկալ ... ինչ-որ աղբյուրի մոտ բանակը կանգ առավ ..., Չաբարիան մի փոքրիկ ջոկատ ուղարկեց մոտակա գյուղը՝ սննդամթերք ...: (*ճարել, գիշերել, պատահել*)
7. ... ցանկապատին՝ տղան ցատկեց, սակայն ... ոտքը կպավ բարձր ... փայտերից մեկին, և մի բանի տախտակներ դրոյոյունով ընկան: (*թռչել, հասնել, մեխել*)
8. Շուրջը ... զինվորներին՝ զորավարը մտավ պարտեզ, առջևից արագ-արագ ... զինվորները պարզել էին նիզակները, իսկ հետևից հազիվ ... լարել էին աղեղները, ոմանք էլ պատրաստ պահել էին դաշույնները: (*զնայ, հասնել, համախմբել*)
9. Երկնքի հարավարևմտյան մասում նույնիսկ ուշադիր ... հազիվ նշմարվող մի գիծ երևաց, որը ... մթնեց, սևացավ, ոգնու պես կծկվեց, ապա բացվեց ... սարսափազդու վիշապի հրեշավոր նմանություն: (*զնայ, նայել, ստանալ*)
10. Ծառերի խիտ-խիտ սաղարթները ... խավարի մեջ խորհրդավոր տեսք էին ստացել, սակայն արագ ... կառքի միջից ... մարդկանց դրանք միաձուլ էին թվում: (*ընթանալ, նայել, թանձրանալ*)

Վարժություն 81: Գտե՛ք, թե որ դերբայը իմաստով և բերականորեն ցի համապատասխանում տրված նախադասությանը:

1. Դեռվից (*նայողին, նայելու*) բարաժայռը արջի գլուխ էր թվում:
2. Հապճեպ (*հեռացողները, հեռանալուց, հեռացածները, հեռանալը*) մոռացել էին իրենց գրքերը:
3. (*խմելու, խմելիս, խմող, խմած*) ջուրը նրան աղի թվաց:
4. Այդ վտանգավոր աշխատանքը (*կատարածները, կատարելիս, կատարելու, կատարողները*) վնասվածքներ էին ստացել, որոնք բարեբախտաբար վտանգավոր չէին:
5. Հայացքը այդ գեղատեսիլ անտառներին (*հառողը, հառելը, հառելիս, հառած, հառելով*) [] կտրվում էր առօրյա ամեն ինչից:
6. Որևէ առիթով այդ չարաբաստիկ դեպքը (*հիշելիս, հիշելով, հիշելուց, հիշածից, հիշողները*) [] զայրանում էին:
7. Ընկերը (*կառուցողները, կառուցողներից, կառուցածներից, կառուցելիս, կառուցելուց, կառուցել*) գոհ չէին:

Աղայան Էդուարդ Բագրատի (1913–1991)



Ծնվել է Մեղրիում: 1933–38թթ. սովորել է Երևանի պետական համալսարանի պատմագրական ֆակուլտետում: 1941-ին պաշտպանել է թեկնածուական, իսկ 1945-ին՝ դոկտորական ատենախոսություն: Նա ՀԽՍՀ ԳԱ ակադեմիկոս էր (1982): Է. Աղայանը 1938-ից մինչև կյանքի վերջը աշխատել է Երևանի պետական համալսարանում. եղել է համալսարանի ընդհանուր լեզվաբանության ամբիոնի վարիչ, Հայագիտական կենտրոնի ղեկավար, «Քաները Երևանի համալսարանի» հանդեսի խմբագիր, ԵՊՀ գիտական աշխատանքների գծով պրոռեկտոր, բանասիրական ֆակուլտետի ղեկան: Նա աշխատել է նաև ԳԱԱ Հ. Աճառյանի անվան լեզվի ինստիտուտում, եղել է բաժնի վարիչ, փոխտնօրեն:

Է. Աղայանի գիտական հարուստ ժառանգությունն ընդգրկում է լեզվաբանության համարյա բոլոր բաժինները՝ ընդհանուր լեզվաբանություն, հայ լեզվաբանության պատմություն, համեմատական բերականություն, բարբառագիտություն, ժամանակակից հայոց լեզու, գրաբար, Արևելքի գրականության պատմություն և այլն: Առանձնապես նշանակալից է նրա «Լեզվաբանության ներածությունը», որը ԽՍՀՄ Բարձրագույն կրթության նախարարության կողմից երաշխավորվել է որպես միութենական բուհական գրադիր և թարգմանվել է ռուսերեն: Նրա հանրահայտ աշխատություններից են «Պատմահամեմատական մեթոդը լեզվաբանության մեջ» (1957), «Գրաբարի բերականություն» (1964), «Հայ լեզվաբանության պատմություն» (հ. 1–2, 1958–62), «Ընդհանուր և հայկական բառագիտություն» (1984), «Արդի հայերենի բացատրական բառարան» (1976) և այլն: Նա համահեղինակ է հայոց լեզվի 4–7-րդ դասարանների դպրոցական դասագրքերի, որոնք ունեցել են բազմաթիվ վերահրատարակություններ:

Է. Աղայանը եղել է ՀԽՍՀ Գերագույն խորհրդի պատգամավոր (1985), պարգևատրվել է Աշխատանքային կարմիր դրոշի շքանշանով, Աշխատանքային արիության, Խ. Աբովյանի անվան մեդալներով, քառասունգել է ՀԽՍՀ գիտության վաստակավոր գործչի կոչման:

Աբրահամյան Սերգեյ Գյանջումի (1925–2005)



Հայ լեզվաբան, հայերենագետ, բանասիրական գիտությունների դոկտոր (1966), պրոֆեսոր (1970), ԳԱԱ ակադեմիկոս (1996):

Ծնվել է ԼՂԻՄ Հաղորդքի շրջանի Տումի գյուղում: Բարձրագույն կրթությունն ստացել է Երևանի պետական համալսարանում: Պատասխանել է հանրապետության տարբեր բուհերում: Երկար տարիներ վարել է ԳԱԱ լեզվի ինստիտուտի ժամանակակից հայոց լեզվի բաժնի վարիչի պաշտոնը: Զբաղվել է ժամանակակից հայերենի կառուցվածքի նկարագրության, նրա պատմության ու դասավանդման մեթոդիկայի, ինչպես նաև խոսքի մշակույթի հարցերով:

Ա. Աբրահամյանը արժեքավոր ներդրում ունի հատկապես հայերենի խոսքի մասերի գիտական բնութագրման, շարահյուսության առանցքային հիմնահարցերի մշակման բնագավառներում: Նրա հրապարակած աշխատություններից առավել նշանակալից են «Արդի հայերենի դերասանները» (1956), «Ժամանակակից հայերենի շարահյուսության մի բանի հարցեր» (1962), «Զթեքվող խոսքի մասերը և նրանց բառաբերականական հատկանիշների փոխհարաբերությունը ժամանակակից հայերենում» (1965) և այլն: Հեղինակ է շարահյուսության դպրոցական դասագրքի, որն ունեցել է բազմաթիվ վերահրատարակություններ:

Ձևաքայեր

Կան անդեմ բայեր, որոնք, ի տարբերություն դերբայների, չեն կարող ինքնուրույն գործածվել և նախադասության մեջ դառնալ առանձին անդամ: Նման անդեմ բայերը կոչվում են ձևաբայեր: Դրանք ունեն միայն մեկ կիրառություն. միանալով օժանդակ բային՝ կազմում են բայի դիմավոր ձևերը և նախադասության մեջ դառնում են ստորոգյալ:

Կանչում է կրկին, **կանչում** անդադար

Են չքնաղ երկրի կարոտը անթուն...

Հովհաննես Թումանյան

Դու նորից եկել ես, ի՞նչ անեմ...

Դև (Մարգար Ղարաբեգյան)

Ընդգծված **կանչում է**, **եկել ես** բայերը դիմավոր են, քանի որ գործողության հետ միաժամանակ ցույց են տալիս գործողությունը կատարողի դեմքը. **կանչում է (նա)**, **եկել ես (դու)**:

Այս դիմավոր բայերի մեջ **կանչում**, **եկել** բառերը ձևաբայեր են: Դրանք նախադասության մեջ չեն կարող ինքնուրույն գործածվել:

Հայերենն ունի չորս ձևաբայ՝ **անկատար**, **ապակատար**, **վաղակատար** և **ծխտական**:

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ տարբերություն կա դերբայների և ձևաբայերի միջև:
2. Ի՞նչ կիրառություն ունեն ձևաբայերը:
3. Որո՞նք են հայերենի ձևաբայերը:

Վարժություն 82: Գտե՛ք դիմավոր բայերը և կազմե՛ք դրանց անորոշ դերբայները:

Քարափոր տներից կապույտ ծուխը ձգվում է դեպի վեր և լիզում խոնավ ժայռերը: Լուսանում է. լեռան հետևից ելնում է արևը, մամուռից պոկվում են անձրևի կաթիլները և ջինջ արցունքի նման շողշողում: Տարին բոլոր այդ ձորերում ստվեր է, խոնավություն: Մարդիկ ապրում են քարանձավներում և բարձրանում են քարե սանդղաթևերով: Ուռենու մամուռած փչակով ժայռից ժայռ ջուր են բերել ու քարերի վրա բազմացրել ընկուզենի: Հորդ անձրևին ավազախառն հեղեղը ահագին վշտոցով իջնում է սարերից, աղմկում, քամուց ընկուզենիները խշշում են, ձգում են արմատները և կռանում ձորի վրա:

Ալեսի Բակունց

Վարժություն 83: Յուրաքանչյուր տողում գտե՛ք ձևաբայի անվանումը:

1. անորոշ, անկատար, ենթակայական
2. հարակատար, համակատար, վաղակատար

3. ապակատար, անորոշ, ենթակայական
4. անկատար, համակատար, անորոշ
5. ժխտական, ենթակայական, հարակատար
6. հարակատար, համակատար, ապակատար
7. անորոշ, ենթակայական, ժխտական
8. հարակատար, ենթակայական, վաղակատար
9. ապակատար, համակատար, անորոշ
10. վաղակատար, հարակատար, անորոշ

Մեկատար ձևաբայ

Անկատար ձևաբայը կազմվում է **-ում** վերջավորությամբ, որը դրվում է անորոշ բերայի **-ել** և **-ալ** վերջավորությունների փոխարեն, ինչպես օրինակ՝ *վազել* – *վազում*, *խաղալ* – *խաղում*, *հագնել* – *հագնում*, *դիպչել* – *դիպչում*, *մոռանալ* – *մոռանում*, *մոտենալ* – *մոտենում*, *կարդացնել* – *կարդացնում*։

Միանալով օժանդակ բային՝ այս ձևաբայը կազմում է դիմավոր բայեր, ընդ որում օժանդակ բայը կարող է դրվել և՛ ձևաբայից առաջ, և՛ հետո (*Աշտոտ կարդում է և Աշտոտ է կարդում*)։

Մի շարք բայերի անկատար ձևաբայը ձևով նույնանում է **-ում** ածանց ունեցող բայ ներգոյական հոլովով գոյականներին՝ դառնալով համանուն։ Համեմատենք՝ *վազեցանք ջրում* է այգին (անկատար ձևաբայ)։ *Ձկները լողում էին ջրում* (ջուր լողի ներգոյականը)։ *Զամին շարժում է տերևները* (անկատար ձևաբայ)։ *Այդ ժամանակ սկսվեց գրական մի նոր շարժում* (**-ում** ածանցով գոյական)։

Գալ, լալ, տալ բայերը չունեն **-ում** վերջավորությամբ ձևավորվող անկատար ձևաբայ. գործածվում են *գալիս, լալիս, տալիս* ձևերը, որոնք համընկնում են համակատար դերբային, օրինակ՝ *Մեր տուն գալիս հանդիպել էր եղբորս* (համակատար)։ *Նա ամեն օր ճիշտ ժամին գալիս է դպրոց* (անկատար)։

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ո՞ր վերջավորությամբ է կազմվում անկատար ձևաբայը։
2. Ի՞նչ կիրառություն ունի անկատար ձևաբայը։
3. Անկատար ձևաբայերը ձևով ո՞ր բառերին են նույնանում նրանցից տարբերվելով իմաստով ու կիրառությամբ։

Վարժություն 84: Գտե՛ք անկատար ձևաբայով կազմված դիմավոր ձևերը։

Փակում եմ հոգնած աչքերս մի պահ
Եվ տեսնում եմ ես – այնքան, այնքան պարզ.–

Գալիք մի գարուն, վառ մի օր ահա,
 Երկինքը կապույտ, օրը հրավարս:
 Արևը արդեն բարձրացել է քիչ,
 Չնգում է օրը, ինչպես երգեհոն –
 Ու կապո՛ւյտ, կապո՛ւյտ, կապո՛ւյտ երկնքից
 Թափվում է կարծես երգ ու խնդություն:–
 Ոլորապտույտ ձգվում է շոսսեն
 Նոր Երևանից դեպի Արարատ...

Եղիշն Չարենց

Նիրհ էին մտել ծաղկունքը բուրյան՝
 ադամանդներով, շքեղ գինդերով,
 Ծիածանաթև հավքերը իրար
 գուրգուրում էին քնքուշ մրմունջով:
 Մեխակի բույրով հովն էր շշնջում
 հեքիաթներն հազար ու մի գիշերվա,
 Արմավն ու նոճին անուշ քնի մեջ՝
 օրորվում էին ճամփեքի վրա:

Ավետիք Բասիակյան

Վարժություն 85: Տրված բառերը անորոշ դերբայ դարձնելու միջոցով գտե՛ք, թե յուրաքանչյուր տողի որ բառը անկատար ձևաբայ է:

1. վազում, աշխատում, կարդում, երդում
2. լվանում, փայլեցնում, տրտում, գեղչում
3. հմայում, ցատում, տպագրում, արտադրում
4. վիրավորում, դասավորում, քիմնաբերում, թոթովում
5. կառուցում, միջոցառում, խզմզում, թևածում
6. անեացնում, եփում, հեռուստահաղորդում, զրնգացնում
7. ջերմացնում, տարկետում, լիացնում, ամայացնում
8. զարդարում, հասցնում, վերցնում, խոստում
9. գիջում, տառապում, շատախոսում, աններում
10. ափսոսում, մրսում, ավտոնորոգում, խոսում

Վարժություն 86: Տրված բառերով կազմե՛ք մեկական նախադասություն՝ յուրաքանչյուր բառը գործածելով և՛ որպես անկատար ձևաբայ, և՛ որպես -ում ածանցով կազմված գոյական:

Օրինակ՝ Ուսուցիչն ուղղում էր աշակերտի սխալները (անկատար ձևաբայ):
 Աշակերտներն ավարտեցին սխալների ուղղումը (-ում ածանցով գոյական):

Բուժում, զղջում, դիմում, բնորոշում, փոխադրում:

Ապակատար ձևաբայ

Ապակատար ձևաբայը կազմվում է՝ անորոշ դերբային ավելացնելով **-ու** վերջավորությունը, ինչպես օրինակ՝ *վազել – վազելու, խաղալ – խաղալու, հազնել – հազնելու, դիպչել – դիպչելու, մոռանալ – մոռանալու, մոտենալ – մոտենալու, կարդացնել – կարդացնելու*:

Այս ձևաբայը նմանվում է անորոշ դերբայի սեռականի ձևերին: Այսպես՝

Նա երկար ճամփա ունի անցնելու:

Նա անսպասման անցնելու է մեր փողոցով:

Սրանք իրարից տարբերելը շատ հեշտ է, եթե հիշենք, որ ապակատար ձևաբայն ունի միայն մեկ կիրառություն. օժանդակ բայի հետ կազմում է դիմավոր ձևեր, իսկ անորոշ դերբայը կարող է հոլովվել՝ նախադասության մեջ ստանալով տականին բնորոշ պաշտոններ: Ուստի առաջին օրինակում *անցնելու* բառը անորոշ դերբայի սեռական հոլովածն է, իսկ երկրորդում՝ ապակատար ձևաբայ:

Բացի այդ՝ հնարավոր է տարբերել ժխտական օժանդակ բայի միջոցով: Օրինակ՝ *Այս ջուրը խմելու է – Այս ջուրը խմելու չէ: Նա այս ջուրը խմելու է – Նա այս ջուրը չի խմելու:* Ապակատարի դեպքում օժանդակ բայի ժխտական ձևն ավելանում է նախադաս շարադասություն և 3-րդ դեմքի է-ն դառնում է **ի՝ չի**: Իսկ անորոշ դերբայի հետ գործածված ժխտական օժանդակ բայը դրվում է հետադաս շարադասությամբ և չի փոխվում **ի-ի**:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ինչպե՞ս է կազմվում ապակատար ձևաբայը:
2. Ո՞ր դերբայի ո՞ր հոլովածին է նման ապակատար ձևաբայը:
3. Ինչպե՞ս տարբերել ապակատար ձևաբայը անորոշի սեռականից:

Վարժություն 87: Գտե՛ք ապակատար ձևաբայերը և կազմե՛ք դրանց անկատարը: Որոշե՛ք այդ բառերի խոնարհումը (լծորդությունը):

Վեր կացավ Մոսին, իրեն կտրատում.

– Թող գա՛, – գոռում է, – որ բռնենք նորից,

Թե չէ նամարդը, արևս եմ երդվում,

Էլ չի պրծնելու երբեք իմ ձեռքից:

– Դե իմ անունո՛վ երդվիր, անգգա՛մ,

Որ էլ Սարոյին դու չես սիրելու,

Թե չէ տեսնո՛ւմ ես խանչալը համա՛ծ՝

Մինչև դաստակը սիրտդ եմ խրելու:

Ինչպես դատարկվեց կյանքում ամեն բան,

Սարերը մնացին որք ու անչորբան,

Թե ինչպես հանկարծ նա գնաց հեռու,
Էլ չի դառնալու՛, Էլ չի դառնալու՛...

Հովհաննես Թումանյան

Վարժություն 88: Առանձին սյունակներով դո՛ւրս գրեք անորոշ դերբայի սեռական հոլովածները և ապակատար ձևաբայերը: Որոշե՛ք այդ բայերի կազմությունը (պարզ կամ ածանցավոր):

Աչքերիս մեջ գարնան օրեր,
Ճամփես դեպի աստղերն անմեռ՝
Ինձ ելնելու քարեր կան դեռ,
Ինձ ելնելու սարեր կան դեռ,
Սարեր, քարեր, դարեր կան դեռ...

Հովհաննես Շիրազ

1. Բաղու կինը՝ իր պես զառամած մի պառավ, ընթրիք եփելու ժամանակը գիտեր: 2. Թե սաղ մնամ, եկող աշունք գնալու եմ: 3. Նա չէր սիրում Ավանին, որ որսկան շան պես հոտոտում էր, թե որտեղից կարող է պլոկել, երկու խոսք գրելու համար մի հավ առնել: 4. Մի օր էլ հոր հետ միասին դուրգար Դավիթի մոտ գնացին՝ Զաքուդին նրա մոտ թողնելու համար: 5. Իսանանց տանուտեր ախպերն ասում էր, որ կռիվը օգուտ է ժողովրդին, որ ռուսի թագավորի թախտը հաստատ է, ժողովուրդը՝ շատ, և որ շուտով Գերմանի թագավորը հաղթվելու է: 6. Վարժապետ Մինասն ասաց, որ շուտով գալու են, հողերը չափեն, հարուստից խլեն աղքատին տան, չունևորին ճոթ ու կտոր են տալու: 7. Երբ տասնապետը եկավ խրամատին նայելու, տեսավ Պետուն՝ ընկած երեսնիվայր: 8. Ծիրանի տափը հիշատակելու ոչինչ չէր ունենա, եթե երկու գյուղի՝ Միրի և Մրոցի միջև անվերջ շարունակվող կռիվների, խոսք ու զրույցի առարկա չդառնար:

Ակսել Բակունց

Ես չեմ երգելու այժմ շառաչուն
Գալիքի մասին, որ գալու է դեռ:

Եղիշե Չարենց

Վարժություն 89: Ո՞ր շարքի բոլոր բայերն են ապակատար ձևաբայ:

- ա) 1. Լինելու է, չէր կարողանալու, ելնելու ենք, երդվելու էր:
2. Պատրաստվում է գրոհելու, մեկնում է մրցելու, գրվելու է, խոսվելու է:
3. Եկել է կռվելու, մնալու էին, չէր անելու, հասնելու են:
4. Ուտելու բույս, անցնելու ճամփա, գրելու գիրք, չեմ տեսնելու:
- բ) 1. Պատասխանելու էր, ստանալու էին, գրոհելու հրաման, անցնելու ճանապարհ:
2. Դրոշմելու եք, գնում էին հաղթելու, ցանելու կարտոֆիլ, զարմանալու առիթ:
3. Պարելու ցանկություն, հիշելու դեպք, ծիծաղելու են, չեն նկատելու:
4. Փորելու են, բանդելու էին, չեն կառուցելու, չեն հասնելու:

Վաղակատար ձևաբայ

Վաղակատար ձևաբայի վերջավորություններն են **-ել, -(աց)ել**:

Անորոշ դերբայ

վագ-ել
խաղ-ալ
մոտ-են-ալ
հեռ-ան-ալ
գտ-ն-ել
դիպ-չ-ել
հեռ-ացն-ել
մոտ-եցն-ել
հաս-ցն-ել

Վաղակատար ձևաբայ

վագ-ել
խաղ-ացել
մոտ-եց-ել
հեռ-աց-ել
գտ-ել
դիպ-ել
հեռ-ացր-ել
մոտ-եցր-ել
հաս-ցր-ել

Ինչպես տեսնում ենք, **ն, չ** սոսկածանցները վաղակատարում ընկնում են, իսկ **ան, են** ածանցների փոխարեն դրվում են **աց, եց**: Պատճառական **ացն, եցն, ցն** ածանցների փոխարեն էլ դրվում են **ացր, եցր, ցր**:

Ե խոնարհման պարզ բայերի անորոշ դերբայը և վաղակատար ձևաբայը **ձևով** համընկնում են: Դրանք հնարավոր է իրարից տարբերել գործածությամբ. անորոշ դերբայը հիմնականում օժանդակ բայի հետ չի գործածվում, իսկ վաղակատար ձևաբայը հանդես է գալիս միայն օժանդակ բայի հետ՝ դառնալով պարզ ստորոգյալ: Եթե անորոշ դերբայն էլ օժանդակ բայի հետ կազմել է բաղադրյալ ստորոգյալ, ապա անորոշն ու վաղակատարը հնարավոր է իրարից տարբերել ժխտական օժանդակ բայի միջոցով: Անորոշի դեպքում ժխտական օժանդակ բայը հետադաս է, իսկ վաղակատարի դեպքում՝ նախադաս: Այսպես՝

Արեգակին պետք է հեռվից նայել:

Արամայիս Սահակյան

Նրա սիրած զբաղմունքը ֆիլմեր նայելն է (նայելը չէ):

Նա նայել է այդ բոլոր ֆիլմերը (չի նայել):

Առաջին երկու դեպքում **նայել**-ը անորոշ դերբայ է, իսկ երրորդում՝ վաղակատար ձևաբայ:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ինչպե՞ս է կազմվում վաղակատար ձևաբայը:
2. Սոսկածանցների և պատճառական ածանցների ի՞նչ փոփոխություններ են կատարվում վաղակատարում:
3. Ո՞ր բայերի անորոշն ու վաղակատարն են ձևով նույնը:
4. Ինչպե՞ս տարբերել նույն ձևն ունեցող անորոշ դերբայն ու վաղակատար ձևաբայը:

Վարժություն 90: Գտե՛ք և առանձին սյունակներով արտագրե՛ք անորոշ դերբայները (նաև հոլովված) և վաղակատար ձևաբայերը:

Ինչքան ցավ եմ տեսել ես,
Նենգ ու դավ եմ տեսել ես,
Տարել, ներել ու սիրել,–
Վատը լավ եմ տեսել ես:

Քանի՜ ձեռքից եմ վառվել,
Վառվել ու հուր եմ դառել¹,
Հուր եմ դառել՝ լույս տվել,
Լույս տալով եմ սպառվել:

Հովհաննես Թումանյան

Բոլորը դաշտ շտապեցին
Աղոթարան բացվելու հետ՝
Լուսն ու մութին,
Ուսներին քահ ու գերանդի՝
Հավաքելու սերը հանդի:

Մարտ Մարգարյան

Դու ասիր՝² նայել, հասկանալ ու սուզվել, դառնալ անէ.–
Նա ասաց՝ լինել, կատարել, ներծծել հուրեր ու շողեր:

Դու ասիր՝ ամփոփել ամբողջը, հաշտվել ու խաղաղ լինել, –
Նա ասաց՝ ամբողջին տիրանալ, որպեսզի ամբողջը փոխել:

Եղիշե Չարենց

Վարժություն 91: Սոսկածանցների և պատճառական ածանցների փոփոխությունները հաշվի առնելով՝ յուրաքանչյուր շարքում գտե՛ք երեք վաղակատար ձևաբայ և մեկ անորոշ դերբայ:

1. թողել, իջել, գտել, մտնել
2. տեսել, հասել, մեռնել, բուսել
3. կպել, թռել, դիպել, սառչել
4. հեռացել, փոքրացել, տաքանալ, անշքացել
5. սևացել, թեթևանալ, չեզոքացել, խելոքացել
6. հագեցել, մոտեցել, արժենալ, կամեցել
7. զարգացրել, թեժացրել, հիացրել, ուրախացնել
8. ճոխացնել, շիկացրել, հատկացրել, չորացրել
9. գոհացրել, կենդանացնել, սքանչացրել, կայտառացրել
10. վարժեցնել, ծիծաղեցրել, հոգևեցրել, արածեցրել
11. փակցրել, փախցնել, հասցրել, կորցրել

Վարժություն 92: Կազմե՛ք տրված բայերի վաղակատար ձևաբայերը և դրանք գործածե՛ք նախադասություններում:

Նոսրանալ, ծերանալ, թանձրանալ, սովորեցնել, փայլեցնել, նվազեցնել, փախչել, գտնել, մոտենալ, հեռանալ:

¹ Գրական ձևն է՝ դարձել:

² Գրական ձևն է՝ ասացիր:

Ժխտական ձևաբայ

Ժխտական ձևաբայը կազմվում է՝ անորոշ դերբայի **-ել** վերջավորության փոխարեն կցելով **-ի**, իսկ **-ալ**-ի փոխարեն՝ **-ա** վերջավորությունը, օրինակ՝ *վազել* – *վազի*, *խաղալ* – *խաղա*։

Այս ձևաբայը ևս չունի ինքնուրույն գործածություն. միանալով օժանդակ բայի ժխտական ձևերին՝ այն կազմում է համապատասխան դիմավոր ձևեր՝

չեմ վազի *չեմ խաղա*

չես վազի *չես խաղա*

չի վազի *չի խաղա*։

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ինչպե՞ս է կազմվում ժխտական ձևաբայը։
2. Ի՞նչ կիրառություն ունի ժխտական ձևաբայը։

Վարժություն 93: Գտե՛ք ժխտական ձևաբայերը։

- ա) Կարմիր կովը իր կաշին չի փոխի։
Միսն առանց ոսկորի չի լինի։
Լամպն իր տակը լույս չի տա։
Վարդն առանց փշի չի լինի։
Խնձորը ծառից հեռու չի ընկնի։
- բ) Մի ծաղիկ չի տա օտար հողը բեզ,
Բայց թեկուզ ծաղկես օտար դաշտերին,
Թե հայրենիքում մի գավաթ չունես,
Գինիդ արցունք է բո ել շուրթերին։

Օտար աշխարհը մի հյուղ չի տա բեզ,
Բայց թե պալատ էլ տա արևի տակ,
Թե հայրենիքում մի խրճիթ չունես,
Մոռացված որք ես օտար լուսնի տակ։

Հովհաննես Շիրազ

Եվ չի լսի ոչ մի կին իմ անկումի մասին այս,
Որ դարձրեց իմ հոգին թարախակալ մի երազ։
Ու չի մատնի ոչ մի բառ շնչում իմ տոթ երգերի,
Որ եղել եմ ես տկար, որ եղել եմ ես գերի։

Եղիշե Չարենց

Վարժություն 94: Կազմե՛ք տրված բայերի ժխտական ձևաբայերը։

Հեռանալ, աղալ, հնարել, գտնել, թաքցնել, սառչել, տպել, հանգստանալ, նայել, ընկնել, հագնալ, սիրել։

ԴՈՇԽՈՒՇԻԻ ԻՐ ԴՈՄԶԻՈՐԱԿԱՆ ՏՈՒ . ՃԱԳԵՈՒՄԻՆԻԳԵ ԻՐ ՃԱԳԵՈՒՄԻՆԻԳԵ

ԵՐԵՎԱՆ									
	Է- խոնարհ- ման պարզ	ա- խոնարհ- ման պարզ	ա-ն- տուկա- ծանցով	Է-ն- տուկա- ծանցով	ն- տուկա- ծանցով	չ- տուկա- ծով	ա-ն- պարզ աշխատանքով	Է-ն- պարզ աշխատանքով	չ- պարզ աշխատանքով
անորոշ	գրել	կարդալ	հեռանալ	մոտենալ	գտնել	փախչել	հեռացնել	մոտեցնել	հասցնել
հանակատար	գրելիս	կարդալիս	հեռանալիս	մոտենալիս	գտնելիս	փախչելիս	հեռացնելիս	մոտեցնելիս	հասցնելիս
խորակատար	գրած	կարդացած	հեռացած	մոտեցած	գտած	փախած	հեռացրած	մոտեցրած	հասցրած
ենթակայական	գրող	կարդացող	հեռացող	մոտեցող	գտնող	փախցող	հեռացնող	մոտեցնող	հասցնող
ՃԵՈՒՄԻՆԻԳԵ									
անկատար	գրում	կարդում	հեռանում	մոտենում	գտնում	փախչում	հեռացնում	մոտեցնում	հասցնում
ապակատար	գրելու	կարդալու	հեռանալու	մոտենալու	գտնելու	փախչելու	հեռացնելու	մոտեցնելու	հասցնելու
վաղակատար	գրել	կարդացել	հեռացել	մոտեցել	գտել	փախել	հեռացրել	մոտեցրել	հասցրել
ժխտական	գրի	կարդա	հեռանա	մոտենա	գտնի	փախի	հեռացնի	մոտեցնի	հասցնի

ԽՄՓՈՓԻՉ ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Ինչո՞վ են տարբերվում դերբայներն ու ձևաբայերը:
2. Որո՞նք են ժամանակակից հայերենի ձևաբայերը:
3. Ո՞ր վերջավորությամբ է կազմվում անկատար ձևաբայը:
4. Ինչպե՞ս է կազմվում ապակատար ձևաբայը:
5. Ո՞ր դերբայի ո՞ր հոլովածին է նմանվում ապակատար ձևաբայը:
6. Ինչպե՞ս է կազմվում վաղակատար ձևաբայը:
7. Սոսկածանցների և պատճառական ածանցների ի՞նչ փոփոխություններ են կատարվում վաղակատար ձևաբայը կազմելիս:
8. Ինչպե՞ս է կազմվում ժխտական ձևաբայը:

Վարժություն 95: Արտագրե՛ք՝ փակագծերում տրված անորոշ դերբայները վերածելով անհրաժեշտ ձևաբայերի:

Մի կետ կա, որտեղից նայելիս քարաժայռը (թվայ) է տղամարդու վիթխարի գլուխ: Վայոց ձորում է (գտնվել) անձեռակերտ այդ հրաշքը, որին ժողովուրդը (տալ) է անուն՝ Վարդանի քար: Եվ նրան, իրոք, երբ (նայել) ես այդ կետից, (թվայ) է՝ (շենել) ես սպարապետի կիսադեմը: Երկնակարկառ (եռների միջև (երևալ) է վիթխարի անձեռակերտ արծանի գլուխը, իսկ մարմինը հողի մեջ է: (Մտածել) ես, թե արծանը դրված է եղել բարձրաբերձ (եռան գլխին, բայց մի օր անակնկալ (տապալել) ու (ընկնել) է ձորը:

Հինավուրց մի առասպել (վկայել) է, որ Ավարայրի ճակատամարտի ժամանակ՝ չորս հարյուր հիսունմեկ թվականին, երբ ընկան հազարավոր հայ կտրիճներ և սպառապետ Վարդան Մամիկոնյանը, ժողովուրդը լացուկոծով լցրեց այս խորունկ ձորը, որը կոչվեց Վայոց ձոր: Մարդիկ չէին (ուզել) հավատալ անվեհեր քաջորդու մահվանը և Աստծուն թախանձագին (աղերսել) էին, որ վերադարձնի նրան: Եվ մի առավոտ նրանք տեսան Վարդանի քարեղեն կիսադեմը:

Եգիպտական սֆինքսները, փարավոնների վիթխարի արձանները, խորհրդավոր ու առեղծվածներով լի բուրգերն անգամ (ստեղծել) են մարդիկ. Վարդանի դիմաբանդակը քնության գործն է և, այո՛, նաև ժողովրդի. նրա հազարամյա հորդաքուխ սերն է (ծնել) քարեղեն այս անըմբռնելի հրաշքը:

Ըստ Վարդգես Պետրոսյանի

Վարժություն 96: Խմբավորե՛ք և առանձին սյունակներով գրե՛ք յուրաքանչյուր տեսակի դերբայներն ու ձևաբայերը (հոլովված ձևեր տրված չեն):

Վագում, կարդալ, սպասելու, գրի, արտասանող, հաղորդելիս, աշխատող, երգող, հեղեղելու, հիացող, ելնում, պակասեցրել, սպասում, հիվանդացել, դիմավորում, խաղալ, հեռանալ, գտնել, հոգնած, ընդգծում, նկարած, տպագրելիս, նորոգած, մոտենալ, իմացած, առկայծելիս, մոտենա, հղկելիս, մոտենում, ձևավորի, ճախրում, սեղմելու, բացատրում, հեռացել, հյուսած, հպատակեցրել, տնտեսելու, պլանում, ընծայի, գրելիս, նշելու, քաղցրացել, գովի:

Գիտե՞ք, որ...

Աջխարհահոգակ ծովանկարիչ Հովհաննես Այվազովսկու շիրմաքարին գրված է Մովսես Խորենացու «Հայոց պատմությունից» քաղված հետևյալ արտահայտությունը. «Մահկանացու ծնեալ, անմահ գիւր յիշատակ եթող»:

«Բազմավեպը» հայագիտական, բանասիրական, գրական հանդես է: Լույս է տեսնում 1843-ից Վենետիկի Սուրբ Ղազար կղզում առանց ընդհատումների և հայերեն ամենաերկարակյաց պարբերականն է: Հիմնադիր խմբագիրը Գաբրիել Այվազովսկին է՝ ծովանկարիչ Հովհաննես Այվազովսկու եղբայրը:

Մալխասյանց Ստեփան Սարգսի (1857–1947)

Ծնվել է Ախալցխայում: 1874-78 թթ. սովորել է Էջմիածնի Գևորգյան ճեմարանում, 1889-ին ավարտել է Պետերբուրգի համալսարանի արևելյան լեզուների ֆակուլտետը, այդտեղ էլ ստացել է թեկնածուի գիտական աստիճան: 1940-ին ստացել է բանասիրության դոկտորի գիտական աստիճան: ՀԽՍՀ ԳԱ հիմնադիր անդամներից է: Երկար տարիներ զբաղվել է ուսուցչությամբ, շուրջ 20 տարի պաշտոնավարել է Թիֆլիսի Ներսիսյան դպրոցում: Կյանքի վերջին տարիներին ամբողջովին նվիրվել է գիտահետազոտական աշխատանքին: Նրա պատմաբանասիրական հետաքրքրությունները բազմազան են: Հրատարակել է Ստեփանոս Տարոնացու (Ասողիկ) «Պատմություն տիեզերական» գիրքը՝ քննական բնագրով ու ծանոթագրություններով (1885), ինչպես նաև Ղևոնդ վարդապետի «Պատմությունը», Ղազար Փարպեցու (1904), Ագաթանգեղոսի (1909), Մ. Խորենացու (1913) «Պատմությունները», Ամիրդովլաթի «Օգուտ բժշկության» գիրքը: Թարգմանություններ է կատարել այլ լեզուներից և գրաբարից: Ունի մի շարք արժեքավոր ուսումնասիրություններ, հատկապես զբաղվել է գրաբարի կառուցվածքի նկարագրությամբ, աշխարհաբարի քերականության հարցերով: Նրա գլուխգործոցը բառահատոր «Հայերեն բացատրական բառարանն» է, որն արժանացել է պետական բարձրագույն պարգևի:



Բայի փոփոխությունը եղանակով ու ժամանակով կոչվում է **խոնարհում**:
Խոնարհված բայերը կոչվում են նաև **դիմավոր բայեր**: Խոնարհումը կատարվում է երկու եղանակով:

ա) Վերջավորություններով, որոնք ավելանում են բայահիմքին (գրեց-ի, նայ-իր, տես-ի, զարմաց-ա և այլն): Սրանք կոչվում են **պարզ դիմավոր ձևեր**:

բ) Ձևաբայերով և օժանդակ բայով: Այս ձևերի կազմությանը մասնակցում են անկատար, ապակատար, վաղակատար և ժխտական ձևաբայերը (վազում է, նկարելու է, լսել էր, չեմ մոտենա): Ձևաբայերով ու օժանդակ բայով կազմված **բայաձևերը** կոչվում են **բաղադրյալ դիմավոր ձևեր**:

Խոնարհված բայերով արտահայտվում են բայի եղանակը, ժամանակը, դեմքը և թիվը:

Բայի եղանակները

Խոսողը գործողության նկատմամբ կարող է ունենալ տարբեր վերաբերմունք՝ պայմանավորված նրանով, թե նա ինչպես է ընկալում նախադասության բովանդակության հարաբերումն իրականությանը: Այդ վերաբերմունքը կարող է լինել չեզոք, այսինքն՝ բայը կարող է արտահայտել իրականությունը՝ առանց որևէ վերաբերմունքի, որպես ստույգ գործողություն, օրինակ՝

Ու խոսում է տղան կրկին

Հեռու-մոտիկ ընկերներից:

Մարո Մարգարյան

Դա կարող է լինել ցանկալի գործողություն.

Լինեի չորան սարերում հեռու:

Վահան Տերյան

Կարող է արտահայտվել հրամանի ձևով.

Գրի՛ր այդ նախադասությունը:

Վերաբերմունքը կարող է լինել նաև ենթադրական.

Զգիտեմ՝ **նա կգա՞**, **թե՞ ոչ**:

Բայի եղանակը հատուկ բայաձևերով արտահայտում է գործողության նկատմամբ խոսողի վերաբերմունքը:

Բայն ունի հինգ եղանակ՝ **սահմանական, հրամայական, ըղձական, ենթադրական (պայմանական) և հարկադրական**:

Բայի ժամանակները

Գործողությունը կարող է կատարվել տարբեր ժամանակներում: Այն կարող է համընկնել խոսելու պահին, կարող է կատարվել դրանից առաջ կամ հետո:

Խոսելու պահին համընկնող գործողությունն արտահայտող բայը դրվում է **ներկա ժամանակով**.

Նա այժմ ապրում է Հայաստանում:

խոսելու պահից առաջ կատարված գործողությունը դրվում է **անցյալ** ժամանակով:

*Շատ դարեր առաջ հին Հայաստանում
Տորթ Անգեղ անվամբ մի մարդ էր կենում...*

Ղազարոս Աղայան

խոսելու պահից հետո կատարվելիք գործողությունը դրվում է **ապառնի** ժամանակով:

Նա վաղը մեկնելու է գործուղման:

խոնարհված բայերն արտահայտում են նաև բազմաթիվ միջանկյալ ժամանակներ՝ հեռավոր անցյալ, խոսելու պահին ավելի մոտ անցյալ, օրինակ.

Գնաց, խորունկ մի հոր փորեց,

Իջավ, մտավ վիհն են խավար (մոտ անցյալ):

Հովհաննես Թումանյան

Այդ ցեղերն ապրում էին լեռնային շրջաններում (վաղ անցյալ):

Բայի դեմքը

Բայի դեմքը ցույց է տալիս խոսողի, խոսակցի կամ մի երրորդ անձի (առարկայի) կատարած գործողությունը: Բայն ունի երեք դեմք:

Բայի առաջին դեմքը ցույց է տալիս, որ գործողությունը կատարում է խոսողը:

Փակում եմ հոգևած աչքերս մի պահ (ես):

Եղիշե Չարենց

Բայի երկրորդ դեմքը ցույց է տալիս, որ գործողությունը կատարում է խոսակիցը:

Պալիս ես մրցույթի (դու):

Բայի երրորդ դեմքը ցույց է տալիս, որ գործողությունը կատարում է ոչ խոսողը, ոչ էլ խոսակիցը, այլ մի երրորդ անձ (կամ առարկա):

Նա նվագում է, իսկ Աննան երգում է:

Զամին ոռնում էր:

Բայի թիվը

Բայի թիվը ցույց է տալիս՝ մե՞կ, թե՞ մեկից ավելի անձերի կամ առարկաների կողմից է կատարվում գործողությունը: Բայն ունի երկու թիվ՝ եզակի և հոգնակի:

Եզակի թիվը ցույց է տալիս մեկ անձի կամ առարկայի կատարած գործողությունը:

Տեսնում եմ ասես քեզ մինչև հիմա

Այն մեծ քաղաքի ժխորների մեջ:

Մարտ Մարգարյան

Հոգնակի թիվը ցույց է տալիս մեկից ավելի անձերի կամ առարկաների կատարած գործողությունը:

Երեխաները գնացել են գրոսանքի:

Աղբյուրները հնչում են ու անց կենում:

Հովհաննես Թումանյան

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է խոնարհումը:
2. Որո՞նք են բայի եղանակները:
3. Որո՞նք են բայի հիմնական ժամանակները:
4. Ի՞նչ է ցույց տալիս բայի դեմքը:
5. Ի՞նչ է ցույց տալիս բայի թիվը:

Վարժություն 97: Գրե՛ք շղատառ բայերի դեմքը և թիվը:

Շատ թաքցրի սրտիս միջին
Չգայագուրկ մարդկանցից,
Այժմ ուզում եմ քո առաջին
Ողջը դատարկել իմ սրտից:
Հովհաննես Թումանյան

Լսո՞ւմ եք ինձ:
Բավական է,
Հանեցե՛ք ձեր դիմակները:
Հանեցե՛ք,
Որ բամու ձեռքով
Ձեզ կարոտած օդն ապտակի
Ձեր իսկական դեմքը տխեղծ,
Եվ շող-շաղափն արեգակի
Սրսկումի նման ծակի
Ընդարմացած ձեր դեմքը խեղճ:
Պարույր Սևակ

Եվ ես նրան մի անգամ
Այսպես տեսա երագում...
...Ամպը լացել, հեռացել,
Ու թաց հողն էր երագում:
Նա հանդերից էր գալիս
Գյուղի ճամփով խաղաղիկ,
Սև սքեմի փեշերին
Փուշ էր կպել ու ծաղիկ:
Նա հանդերից էր գալիս,
Գունատ շուրթերը միում,
Դողում էին ականա,
Ու մեղեդին էր քիում...
Վահագն Դավթյան

Վարժություն 98: Յուրաքանչյուր շարքում գտե՛ք նշված դեմքի և թվի բայաձևը՝ ավելացնելով համապատասխան անձնական դերանուն:

1. 1-ին դեմք, հոգնակի թիվ – գրել է, կարդացիր, գրում եմ, գրում ենք
2. 2-րդ դեմք, եզակի թիվ – վագեց, գնալու էին, անցավ, գնալու ես
3. 3-րդ դեմք, հոգնակի թիվ – ծածկել է, հանձնեցիք, գրում են, լսեցի
4. 2-րդ դեմք, հոգնակի թիվ – միացրինք, նկարել էիք, մրցելու էին, հոգնեց
5. 1-ին դեմք, եզակի թիվ – նորոգեցի, կմոտենան, հիշում էին, պարզեցին
6. 3-րդ դեմք, եզակի թիվ – այցելել են, ներկեց, նշում էիք, այցելեցի
7. 2-րդ դեմք, եզակի թիվ – մեկնում ենք, հիշել էին, մասնակցելու ես, տեսա
8. 3-րդ դեմք, հոգնակի թիվ – հաղթեցին, հիացա, գծում ես, մոտեցավ
9. 1-ին դեմք, հոգնակի թիվ – զբոսնում է, երթնեկում են, դիտում ենք, հայտնեցին
10. 2-րդ դեմք, եզակի թիվ – բացատրեց, հիշեցրի, ասել ես, նայեց

Դրական և ժխտական խոնարհում

Բոլոր խոնարհված բայերը կարող են ունենալ դրական և ժխտական ձևեր:
Դրական խոնարհման ժամանակ հաստատվում է գործողության կատարումը:

Ես լսում եմ նրա ոտնաձայները:

Երգի՛ր այդ երգը:

Հայկը նամակ էր գրում:

Ժխտական խոնարհման ժամանակ գործողության կատարումը ժխտվում է:

Քեզ երբեք սիրտս չի մոռանա...

Վահան Տերյան

Մի՛ գնա այնտեղ:

Նա չէր եղել այդ բաղաբում:

ՕժԱՆԳԱԿ ԲԱՅ

Օժանդակ բայը անվանվում է նաև **եմ** բայ: Օժանդակ բայը մասնակցում է բաղադրյալ ժամանակաձևերի կազմությանը՝ գործածվելով համապատասխան ձևաբայերի հետ: Կարող է կազմել նաև բաղադրյալ ստորոգյալ՝ *գեղեցիկ է:*

Օժանդակ բայն ունի երկու ժամանակ՝ ներկա և անցյալ, երկու թիվ՝ եզակի և հոգնակի, և երեք դեմք:

ԴՐԱԿԱՆ ԽՈՆԱՐԴՈՒՄ

Ներկա			Անցյալ	
դեմք	եզակի թիվ	հոգնակի թիվ	եզակի թիվ	հոգնակի թիվ
I	եմ	ենք	էի	էինք
II	ես	եք	էիր	էիք
III	է	են	էր	էին

ԺԽՏԱԿԱՆ ԽՈՆԱՐԴՈՒՄ

Ներկա			Անցյալ	
դեմք	եզակի թիվ	հոգնակի թիվ	եզակի թիվ	հոգնակի թիվ
I	չեմ	չենք	չէի	չէինք
II	չես	չեք	չէիր	չէիք
III	չի	չեն	չէր	չէին

Օժանդակ բայի ուղղագրությունը և արտասանությունը

Օժանդակ բայը գրվում է բայաձևից անշառ: Ներկա ժամանակի բոլոր ձևերը գրվում են **ե-ով**՝ բացի եզակի երրորդ դեմքից, որը գրվում է **է-ով**: Անցյալ ժամանակի բոլոր ձևերը գրվում են **է-ով**: Ժխտական խոնարհման դեպքում ներկա ժամանակի եզակի երրորդ դեմքի **է-ն** դառնում է **ի՛**՝ *գրում է – չի գրում*:

Օժանդակ բայի ներկա ժամանակի **ե-ով** գրվող ձևերում **ե-ն** արտասանվում է **ե**:

ՀԻՇԵՔ

Բայն ունի երեք սեռ՝ **ներգործական, կրավորական և չեզոք**:

Ներգործական են այն բայերը, որոնք կարող են ստանալ ուղիղ խնդիր լրացում (կրող առարկա), օրինակ՝ *գրել* (նամակ), *կառուցել* (շենք), *երգել* (երգ), *նկարել* (ծառ), *հիշել* (դեպքը) և այլն:

Կրավորական են այն բայերը, որոնք կարող են ստանալ ներգործող անուղղակի խնդիր լրացում (այն առարկան, որից գործողությունն անցնում է ենթակային): Կրավորական բայերի մեջ պարտադիր կա **-վ-** ածանցը, օրինակ՝ *Ապակին կոտրվեց* քամուց: Աշխատանքը *գնահատվեց* հանձնաժողովի կողմից:

Չեզոք բայերը չեն կարող ստանալ ո՛չ ուղիղ խնդիր, ո՛չ ներգործող խնդիր, իսկ նրանց կազմում **-վ-** ածանցը կարող է և՛ լինել, և՛ չլինել, օրինակ՝ *Նա զբոսնում է*: Մենք *զրուցում ենք*: Նա *շարժվեց* տեղից: *Բնակվում է* քաղաքում:

Ամփոփում

Անդեմ բայերն արտահայտում են գործողության ընդհանուր գաղափար:

Դիմավոր բայերը անդեմ բայերից տարբերվում են նրանով, որ ունեն դեմք, թիվ, եղանակ և ժամանակ:

Նշված հատկանիշներն արտահայտվում են բայի խոնարհման վերջավորությունների կամ օժանդակ բայերի միջոցով:

Թե՛ անդեմ, թե՛ դիմավոր ձևերն ունեն սեռ:

Բառերի թեքված ձևերի ամբողջական համակարգը կոչվում է *հարացույց* (օրինակ՝ *հոլովման, խոնարհման հարացույցներ*):

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ինչպե՞ս են արտահայտում գործողությունը դրական խոնարհման բայերը:
2. Ինչպե՞ս են արտահայտում գործողությունը ժխտական խոնարհման բայերը:
3. Ո՞րն է օժանդակ բայը, քանի ժամանակ, դեմք և թիվ ունի:
4. Ի՞նչ է հարացույցը:

Վարժություն 99: Դո՛ւրս գրեք ձևաբայերով կամ վերջավորություններով կազմված դիմավոր բայերը և նշե՛ք դրանց դեմքը, թիվը, դրական կամ ժխտական խոնարհում ունենալը:

Ակսել Բակունցի մասին հիշողություններ գրող ընկերները նրան գրեթե միշտ պատկերել են որպես գերազանցապես զգայուն ու թախծոտ մարդու: Իմ ճանաչած Բակունցը նաև ուրախ էր, կենսախիղ, լավատես և հաճախ էր զվարճանում, թեև խմիչքը գործածում էր չափավոր: Հիշում եմ (կարծեմ հազար ինը հարյուր

երեսուններեք թվականն էր) Չարենցն ու Բակունցը մի օր ինձ դիտմամբ հանդիմանեցին, թե միշտ ասում եմ, որ որսորդ եմ, սակայն որսս դեռ չեն տեսել:

– Լավ, – ասացի ես, – հենց այսօր կգնամ Լոռի. երկու օրից եթե կիստարը չալակիս բաղաք չմտա, այն ժամանակ իրավունք ունեք ինձ ծաղրելու:

Ասացի ու աղջամուղջին ճամփա ընկա: Մյուս օրը մի երկու ընկերների հետ բարձրացա Լալվարի երկնակարկառ ծերպերը, ու շատ ժամանակ չանցած՝ բարձունքներում մի եղևիկ խփեցինք: Երբ հոգևած ու չարչարված իջնում էինք Սանահինի կայարան, ձայն տվի ընկերներիս.

– Տո՛ւ՛րք, գնանք Երևան, ու ձեզ ծանոթացնեմ Ակսել Բակունցի և Եղիշե Չարենցի հետ:

Ի սրտե ուրախացան, բայց բաշվում էին. գեղջկական ամոթխածությունը նրանց մեջ դաստիարակվել էր մանկությունից: Բայց ես չթողեցի, որ վերադառնան. հենց որսի հագուստով էլ գնացք նստեցինք:

Հաջորդ օրը մեծ խնջույք կազմակերպեցի մեր տանը, և լոռեցի որսորդները անմոռանալի ու սրտառուչ մի երեկո անցկացրին մեր արծակի ու պոեզիայի երկու գագաթների հետ: Ծառ կատակներ արեց այդ երեկո Բակունցը, շատ սրամիտ ու խելացի խոսքեր ասաց՝ չափի գգացումը, սակայն, չկորցնելով նույնիսկ կատաղի գինարբուքի ժամանակ:

Ըստ Վախթանգ Անսյանի

Վարժություն 100: Դո՛ւրս գրեք դիմավոր բայերը և դարձրե՛ք անորոշ դերբայ:

Առաջին անգամ էի ոչ միայն ճամփորդում օվկիանոսով, այլև տեսնում այն: Երբ ափը բոլորովին աներևութացավ, ինձ պաշարեց մի տարօրինակ թախիժ: Թվաց՝ լիովին անջատվեցի երկրագնդից և ընկա նոր տարերքների գիրկը: Ծառ եմ ճամփորդել ծովերով, շատ մորիկներ ու փոթորիկներ եմ տեսել, բայց ծովերը երբեք ինձ այնքան երկյուղ չեն ներշնչել, որքան արտաբուստ նրանցից պելլի անդորր ու անվորդ օվկիանոսը: Այնտեղ՝ ծովերի վրա, երկիրը գրեթե միշտ մոտոլ է, և եթե երբեմն չես էլ տեսնում, կարծես հովանավորում է քեզ իր մերձությամբ: Այստեղ ջրի ու երկնքի միջև ես, և այն միտքը, թե մի բանի մղոն է այդ ջրի խորությունը, անընդհատ ճնշում է հոգիդ: Մի առավուտ օվկիանոսը ծածկվեց մշուշով, իսկ երկինքը՝ գորշ թուփապերով, որոնք հետզհետե թանձրացան՝ փակելով ամբողջ երկնակամարը: Շուտով փրփրաբաշ ալիքներն այնքան էին բարձրանում, որ նավը տաշեղի պես ելնում էր նրանց կատարները: Փոթորիկը տևեց կես օր: Այնուհետև մառախուղը ցրվեց, երկինքը պարզվեց: Գամպերը, վախից և ալեկոծությունից սփրթնած, բայց իրենց հոգեկան անդորրը ինչ-որ չափով վերագտած, սեթևեթանքով ծիծաղում էին, իսկ տղամարդիկ շինծու զվարթությամբ աշխատում էին ցույց տալ, թե փոթորիկը բնավ չի խռովել իրենց հոգիները:

Նեապոլ-Նյու Յորք մեր ճամփորդությունը տևեց տասնութ օր: Տասնիններորդ օրը հորիզոնում աղոտ նկատվեցին Ամերիկայի Միացյալ Նահանգների ափերը:

Ըստ Ալեքսանդր Ծիրվանզադեի

Սահմանական եղանակ

Սահմանական եղանակի բայաձևերը ցույց են տալիս ստույգ, հավաստի կատարվող գործողությունն բոլոր ժամանակներով: Գործողությունն իրականում կարող է չկատարվել, սակայն խոսողը այն ներկայացնում է որպես ստույգ գործողություն, օրինակ՝ **Ես գրում եմ**:

Սահմանական եղանակն ունի յոթ ժամանակաձև, որոնցից վեցը բաղադրյալ են, իսկ մեկը՝ պարզ:

Բաղադրյալ ժամանակաձևերը կազմվում են **անկատար, ապակատար, վաղակատար** ձևաբայերով և **օժանդակ բայով**: Սահմանական եղանակի բաղադրյալ դիմավոր ժամանակաձևերը անվանվում են ձևաբայի և օժանդակ բայի ժամանակի անունով՝ **անկատար ներկա, անկատար անցյալ, ապակատար ներկա, ապակատար անցյալ, վաղակատար ներկա, վաղակատար անցյալ**:

Պարզ ժամանակաձևը մեկն է՝ **անցյալ կատարյալ**: Պարզ դիմավոր ձևերը կազմվում են՝ բայի հիմքին ավելացնելով համապատասխան վերջավորություններ՝ **գրեցի, տեսավ**:

Անկատար ներկա

Քայլում եմ ու հիանում եմ ճարտարապետական գլուխգործոցներով:

Ընդգծված բառերը դրված են անկատար ներկա ժամանակաձևով և ցույց են տալիս խոսելու պահին կատարվող և դեռ չավարտված, ընթացքի մեջ գտնվող գործողություն:

Անկատար ներկա ժամանակաձևը կազմվում է անկատար ձևաբայով և օժանդակի բայի ներկայի ձևերով:

դեմք	Եզակի թիվ	Չզևակի թիվ
I	գրում եմ, կարդում եմ	գրում ենք, կարդում ենք
II	գրում ես, կարդում ես	գրում եք, կարդում եք
III	գրում է, կարդում է	գրում են, կարդում են

Անկատար անցյալ

Ես քայլում էի փողոցով:

Նա աշխատում էր այգում:

Երեխան խաղում էր բակում:

Ընդգծված բառերը դրված են անկատար անցյալ ժամանակաձևով և ցույց են տալիս խոսելու պահից առաջ սկսված և անավարտ, ընթացքի մեջ գտնվող գործողություն:

Անկատար անցյալը կազմվում է անկատար ձևաբայով և օժանդակ բայի անցյալի ձևերով:

Դեմք	Եզակի թիվ	Հոգնակի թիվ
I	գրում էի, կարդում էի	գրում էինք, կարդում էինք
II	գրում էիր, կարդում էիր	գրում էիք, կարդում էիք
III	գրում էր, կարդում էր	գրում էին, կարդում էին

Ապակատար ներկա

Շենքի կառուցումն ավարտվելու է եկող տարի:

Ընդգծված բառը դրված է ապակատար ներկա ժամանակաձևով և ցույց է տալիս խոսելու պահից հետո կատարվելիք գործողություն:

Ապակատար ներկան կազմվում է ապակատար ձևաբայով և օժանդակ բայի ներկայի ձևերով:

Դեմք	Եզակի թիվ	Հոգնակի թիվ
I	գրելու եմ, կարդալու եմ	գրելու ենք, կարդալու ենք
II	գրելու ես, կարդալու ես	գրելու եք, կարդալու եք
III	գրելու է, կարդալու է	գրելու են, կարդալու են

Ապակատար անցյալ

Քնացքը շարժվելու էր կեսգիշերից հետո, բայց մեկնումը հետաձգեցին:

Ընդգծված բառը դրված է ապակատար անցյալ ժամանակաձևով և ցույց է տալիս մի անցյալ ժամանակակետից հետո կատարվելիք գործողություն:

Ապակատար անցյալը կազմվում է ապակատար ձևաբայով և օժանդակ բայի անցյալի ձևերով:

Դեմք	Եզակի թիվ	Հոգնակի թիվ
I	գրելու էի, կարդալու էի	գրելու էինք, կարդալու էինք
II	գրելու էիր, կարդալու էիր	գրելու էիք, կարդալու էիք
III	գրելու էր, կարդալու էր	գրելու էին, կարդալու էին

Վաղակատար ներկա

Ես գրել եմ հանձնարարված աշխատանքը:

Ընդգծված բառը դրված է վաղակատար ներկա ժամանակաձևով և ցույց է տալիս խոսելու պահից առաջ սկսված և ավարտված գործողություն:

Վաղակատար ներկան կազմվում է վաղակատար ձևաբայով և օժանդակ բայի ներկայի ձևերով:

Դեմք	Եզակի թիվ	Հոգնակի թիվ
I	գրել եմ, կարդացել եմ	գրել ենք, կարդացել ենք
II	գրել ես, կարդացել ես	գրել եք, կարդացել եք
III	գրել է, կարդացել է	գրել են, կարդացել են

Վաղակատար անցյալ

Անտառապահը շատ էր հոգնել. ման էր եկել ամբողջ օրը:

Ընդգծված բառերը դրված են վաղակատար անցյալ ժամանակաձևով և ցույց են տալիս մի անցյալ ժամանակակետում սկսված և ավարտված գործողություն:

Վաղակատար անցյալը կազմվում է վաղակատար ձևաբայով և օժանդակ բայի անցյալի ձևերով:

Դեմք	Եզակի թիվ	Հոգնակի թիվ
I	գրել էի, կարդացել էի	գրել էինք, կարդացել էինք
II	գրել էիր, կարդացել էիր	գրել էիք, կարդացել էիք
III	գրել էր, կարդացել էր	գրել էին, կարդացել էին

Վաղակատար ձևաբայով կազմվող դիմավոր ձևերը (ներկա և անցյալ) հիմնականում ցույց են տալիս մի այնպիսի գործողություն, որին խոսողը ականատես չի եղել: Օրինակ՝

Երեկ Փարիզում կայացել է Շառլ Ազնավուրի մենահամերգը:

Անցյալ կատարյալ

Մատաղ սիրտս լացով լցվեց,

Դարձավ կուժը ջուր ծախողիս,

Քանի անգամ նա փշրվեց՝

Ծախելով ծովն արցունքներիս:

Հովհաննես Շիրազ

Ընդգծված բառերը դրված են անցյալ կատարյալ ժամանակաձևով և ցույց են տալիս մի անցյալ ժամանակակետում սկսված և ավարտված գործողություն:

Անցյալ կատարյալը սահմանական եղանակի միակ պարզ ժամանակաձևն է, քանի որ կազմվում է առանց օժանդակ բայի՝ վերջավորություններով: Անցյալ կատարյալը կազմվում է երեք տիպի վերջավորություններով՝ 1) -ի, -իր, -, -ինք, -իք, -ին. 2) -ի, -իր, -եց, -ինք, -իք, -ին. 3) -ա, -ար, -ավ, -անք, -աք, -ան:

1-ին տիպի վերջավորություններով կազմվում է ե և ա խոնարհման պարզ և բազմապատկական բայերի անցյալ կատարյալը:

Դեմք	Եզակի թիվ	Հոգնակի թիվ
I	գրեց - ի	գրեց - ինք
	կարդաց - ի	կարդաց - ինք
	կտրատեց - ի	կտրատեց - ինք
II	գրեց - իր	գրեց - իք
	կարդաց - իր	կարդաց - իք
	կտրատեց - իր	կտրատեց - իք
III	գրեց - -	գրեց - ին
	կարդաց - -	կարդաց - ին
	կտրատեց - -	կտրատեց - ին

Վերջավորություններից առաջ դրված **ազ** և **եզ** մասնիկները հիմքի ածանց-
ներ են:

Ան, են ածանց ունեցող **ա** խոնարհման բայերի անցյալ կատարյալը կազմվում
է **-ա, -ար, -ավ, -անք, -աք, -ան** վերջավորություններով, և **ան, են** ածանցների
փոխարեն դրվում են **ազ, եզ**: **Ն** և **չ** սոսկածանցները անցյալ կատարյալում ընկ-
նում են:

Դեմք	Եզակի թիվ	Յոզնակի թիվ
I	հեռաց - ա , մոտեց - ա , գտ - ա , փախ - ա	հեռաց - անք , մոտեց - անք , գտ - անք , փախ - անք
II	հեռաց - ար , մոտեց - ար , գտ - ար , փախ - ար	հեռաց - աք , մոտեց - աք , գտ - աք , փախ - աք
III	հեռաց - ավ , մոտեց - ավ , գտ - ավ , փախ - ավ	հեռաց - ան , մոտեց - ան , գտ - ան , փախ - ան

Պատճառական բայերի անցյալ կատարյալը կազմվում է **-ի, -իր, -եց, -ինք, -իք, -ին** վերջավորություններով: Պատճառական **ացն, եցն, ցն** ածանցների փո-
խարեն անցյալ կատարյալում դրվում են **ացր, եցր, ցր**:

Դեմք	Եզակի թիվ	Յոզնակի թիվ
I	հեռացր - ի , վազեցր - ի , թոցր - ի	հեռացր - ինք , վազեցր - ինք , թոցր - ինք
II	հեռացր - իր , վազեցր - իր , թոցր - իր	հեռացր - իք , վազեցր - իք , թոցր - իք
III	հեռացր - եց , վազեցր - եց , թոցր - եց	հեռացր - ին , վազեցր - ին , թոցր - ին

Անցյալ կատարյալ ժամանակաձևով դրված բայերը հիմնականում ցույց են
տալիս խոսելու պահից առաջ կատարված գործողություն, որին խոսողը ականա-
տես է եղել:

ՀԱՐՑՆԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս սահմանական եղանակը:
2. Քանի՞ ժամանակաձև ունի սահմանական եղանակը, և որո՞նք են դրանք:
3. Որո՞նք են սահմանական եղանակի բաղադրյալ ժամանակաձևերը:
4. Ո՞րն է սահմանական եղանակի միակ պարզ ժամանակաձևը:
5. Ինչպե՞ս են կազմվում սահմանական եղանակի բաղադրյալ ժամանակա-
ձևերը:
6. Ի՞նչ վերջավորություններով է կազմվում անցյալ կատարյալը:

Վարժություն 101: Ո՞ր շարքի բոլոր բայերն են դրված սահմանական եղանակով:

- ա) 1. գրել է, նայում էր, չեմ ների, չարչարեց
2. դասավորեմ, շնորհի՛ր, տանելու է, բերեց
3. ապաքինվելու էր, պոռթկացել է, փղծկում էին, տարավ
4. սարսափում է, արշավեց, չէր ուզում, հանդգնի՛ր
- բ) 1. պապանծվեց, կսթափվի, համարձակվում են, անեացել է
2. չի ուզում, չեմ վազի, չեք օժանդակել, չէր հեռանալու
3. անըջում է, վերացրել է, թռավ, գրեց
4. կգրավես, մեղադրում է, պտուտակվեց, հասավ
- գ) 1. անցի՛ր, կարդացիր, մոռացել է, տեսավ
2. դարձի՛ր, խաղացիր, նայեցիր, բերում էր
3. տնտղեց, սավառնելու է, զրպարտել է, չի մոտեցրել
4. կառանձնանամ, փթթեր, շշջաց, փակցրել էր

Վարժություն 102: Գտե՛ք և դո՛ւրս գրեք սահմանական եղանակի բայա-
ծևերը՝ նշելով դրանց ժամանակը, դեմքը և թիվը:

Երգում է քաղաքն իր երգն առօրյա,
Իսկ ես մտածկոտ, տրտում ու լռին
Կանգնել եմ ահա կամուրջի վրա
Եվ նայում եմ հորդ, հեռացող ջրին:
Նայում եմ տարված, մոռացված, անթարթ:
Վազում են, վազում ջրերը անվերջ:
Փրփուրի միջից ահա մի նայադ՝
Ինձ ձեռքով արեց և իր մոտ կանչեց,
Որպես մանկական կապույտ երագում,
Խառնվեց ահա ճերմակ փրփուրին.
Եվ թվում է, թե կամուրջն է վազում,
Որ հասնի անդարձ հեռացող ջրին:

Եղիշե Չարենց

Նադիր շահը գորք հավաքեց,
Չորք հավաքեց անհամար,
Եկավ, Թըմկա բերդը պատեց,
Ինչպես գիշերն էն խավար:
- Դե՛յ, բա՛ջ Թաթուկ,- կանչեց շահը,-
Ամա՞հ էիր քեզ կարծում,
Ե՛կ, բերել եմ ես քո մահը,
Ի՛նչ ես թառել ամրոցում:

Հովհաննես Թումանյան

՝ Գոսող ջրերի հավերժահարս, ջրահարս:

Վարժություն 103: Ո՞ր շարքի բոլոր բայերն են դրված անցյալ կատարյալ ժամանակով:

- ա) 1. կվազեմ, տեսա, նայեցի, խաղա
2. հասավ, գրեցինք, զարգացար, ընկաք
3. նստեց, աշխատենք, տպեցիք, մոռացանք:
4. դարձան, փոխվեց, հասի՛ր, տեսաք:
- բ) 1. հնչեց, լռեցի, մոտեցաք, թռան
2. տե՛ն, կոտրվեց, հեռանանք, վայելեի
3. ջրեցի, քանդեցի, խլեցի, զարգացնեի
4. պատռվեց, ջնջեցիք, երգենք, մեռավ
- գ) 1. աշխատեցիք, թաքցնեմ, քողարկեց, շողացի
2. բուժված, գովերգի՛ր, շարժվեցինք, լոջացան
3. բարկացանք, փութաց, նայեց, հոգնած
4. գծվեցիք, արթնացավ, դրեց, մտորեցի

Վարժություն 104: Արտագրե՛ք նախադասությունները՝ փակագծերում տրված բայերը դնելով սահմանական եղանակի համապատասխան ժամանակաձևերով:

1. Արևի ճառագայթները ... նեղփեղկ լուսամուտից, և նրանցով ... մի աներևույթ պատ, որի միջով քուլա-քուլա ... բուրվառի ծուխը: *(ներս ընկնել, բարձրանալ, ստեղծել)*
2. Ցերեկը, երբ արևի լույսը պայծառ է, ... ժամանակի ավերիչ հետքերը, իսկ գիշերը սֆինքսի դեմքը ավելի հարթ ..., և ստվերների մեկընդմեջ փոփոխություններից սֆինքսը կարծես ..., մտածում և զգում: *(թվալ, երևալ, հուզել)*
3. Հազար ինը հարյուր բսաներկու թվականին անգլիացի հնագետ Հովարդ Կարտերի գլխավորությամբ եգիպտոսում՝ Նեղոսի ձախ ափին, երկարատև որոնումներից հետո ... ստորերկրյա մի խորհրդավոր դամբարան, որը ... եգիպտական փարավոններից մեկին՝ Թութանհամոնին. նա ... մեզանից երեք հազար հինգ հարյուր տարի առաջ: *(պատկանել, իշխել, հայտնաբերել)*
4. Սյունազարդ եկեղեցում մի տարեց կին աղոթք ..., մի կին էլ, խախտելով խորհրդավոր լռությունը, բրիչով հատակին կաթկթած մոմերն ..., և բրիչը սուր ճռռոց ...: *(բերել, արձակել, մրմնջալ)*
5. Իրիկնապահին, երբ բոսոր արևը տխուր գգվանքով աստիճանաբար ... բարձրաբերձ սարերի կատարներին, մենք ... մի կածան, որը ... դեպի մոտակա եկեղեցին: *(գտնել, փարվել, տանել)*
6. Առատ լուսից շլացած՝ անընդմեջ այս ու այն կողմ ... խայտացող ձկները, հագիվ մի երկու թզաչափ ... ծփծփացող ջրից, ապա դարձյալ ճողփյունով ... ջուրը: *(ընկնել, ցատկել, կտրել)*

7. Արդեն բարձրացած արփին ... թիավարի մեջքն ու ծոծրակը, և նա վերջ-նականապես ... վաղորդայնի թմբիրից ու աչքերը լայն ... ծուլորեն զննե-լով շուրջը: *(սթափվել, տաքացնել, բաց անել)*
8. Արդեն փոքր-ինչ ... արևելքը, և աստիճանաբար տարրալուծվող խավա-րում ... շրջապատի առարկաները՝ աղյուսե տները, տախտակե ցանկապա-տը, իսկ հեռվում ... լեռնաշղթան: *(սևին տալ, շառագունել, նշմարել)*
9. Թեև նախորդ օրը հոգնած էի, այնուամենայնիվ շատ վաղ ... գյուղում մարդը կարծես մի տեսակ ..., եթե չասենք ափսոսում, որ վաղորդյան զով ժամերը քնին ...: *(ամաչել, նվիրել, արթնանալ)*
10. Առավոտյան աղջամուղջը դեռ նոր ..., և արևելքը դեռ նոր ..., բայց հյուրըն-կալս՝ քահանան, արդեն փութկոտ քայլերով ... դեպի գյուղի հինավուրց եկեղեցին: *(ցրել, գնալ, շառագունել)*

Վարժություն 105: Յուրաքանչյուր շարքում գտե՛ք նշված ժամանակա-ծնի բայածևը

1. անկատար ներկա – գրել եմ, գրելու եմ, գրեցի, գրում եմ
2. վաղակատար ներկա – նորոգել էին, նորոգել են, նորոգում են, նորոգում էին
3. անկատար անցյալ – նկարեցին, նկարում էր, նկարելու էին, նկարել է
4. ապակատար ներկա – հիշում եմ, հիշել էին, հիշել ես, հիշելու են
5. վաղակատար անցյալ – երգեցին, երգել էր, երգելու է, երգում էր
6. ապակատար անցյալ – կարդալու էր, կարդացել էր, կարդում էր, կարդում է
7. անցյալ կատարյալ – խաղում է, խաղացել է, խաղացին, խաղալու էր
8. անցյալ կատարյալ – գտնում է, գտել է, գտնելու են, գտան
9. վաղակատար ներկա – տեսել է, տեսել էր, տեսնելու էիր, տեսավ
10. անկատար ներկա – մտածեցին, մտածելու են, մտածում ես, մտածում էր

Վարժություն 106: Դո՛ւրս գրեք սահմանական եղանակի բայածևերը և խմբավորե՛ք ըստ ժամանակածևերի՝ նշելով նաև դեմքը և թիվը:

ա) Մեր ընտանիքում բացարձակ ներդաշնակություն էր տիրում: Միայն վաղե-մի մի քեռն երբեմն մորս՝ Զնարին, հակադրում էր հորս: Մայրս ծնվել էր Իզմիր քա-ղաքում: Նրա աղջկական ազգանունը Բաղդասարյան էր, բայց անձնագրում Բաղ-դասարյանը խեղաթյուրվել, տեղի էր տվել Փափագյանին: Այդ անհեթեթ թյուրիմա-ցության միակ մեղավորը հայրս էր: Անձնագրային սեղանի մոտ կանգնած՝ նա մի ակնթաթ մոռանում է մորս ազգանունը ու ստիպված ասում է առաջին ազգանու-նը, որը միտքն է գալիս: Հայրս՝ Միշա Մամիկոնի Ազնավուրյանը, ծախսարար ու ղյուրահավատ մի մարդ էր՝ ծնված Թիֆլիսում՝ Վրաստանի մայրաքաղաքում: Զույրս՝ Աիդան, ծնվել էր հինավուրց Սալոնիկում՝ Հունաստանում: Մենք հայ ընտա-նիք էինք ու բոլոր գաղթական հայերի պես կապված էինք մեր լեզվին, սովորույթ-ներին ու եկեղեցուն: Հավասար չափով զգայուն էինք և՛ հումորի, և՛ ողբերգության

Նկատմամբ: Սիրում էինք սրտաբուխ ծիծաղել, մեղմահնչյուն երգել, առանց գլուխը կորցնելու հարբել, խրոխտ պարել և սրտահույզ դեպքերից արտասվել: Այո՛, նաև արտասվում էինք, որովհետև հայի հոգին շատ նրբազգաց է: Հայը լաց է լինում և՛ կնունքին, և՛ պսակին, և՛ թաղմանը:

Ըստ Շառլ Ազնաւուրի

բ) Հարմար դիրք ընտրելուց և կտավը տախտակին ամրացնելուց հետո միայն նկատեց, որ Վարազա գագաթը արդեն շառագունել է: Ամպերը գունատվում և ապա շիկանում էին՝ դեղին, կարմիր, նարնջագույն երանգներ ընդունելով: Կարծես արևի լուսեղեն հեղեղը եկել ու ծովացել էր կորնթարդ լեռան առաջ և ուր որ է նրա ձյունափառ գագաթներից խուժելու էր ցած՝ դեպի բնից նոր արթնացած Վանա չքնաղ ծովը՝ հանկարծակիի բերելով նրան, որը, անակնկալից ուշքի գալով, ագահորեն կլանելու էր այդ վիթխարի հեղեղը և հազարագույն նրբերանգներով անդրադարձնելու երկինքը: Թերլեմեզյանը, հրացանն ու պատմութանը մի կողմ դրած, ինքնամոռաց դրսում ու անընդմեջ կտավին էր հանձնում հարազատ բնօրրանի երփներանգ այգաբացի ակնախտիղ գույները: Թվում էր՝ աներևույթ մի ուժ մի ակնթարթ քարացրել, կանգնեցրել էր ամեն շարժում ու ժամանակ, որ վրձինը՝ նկարչի անբաժան ուղեկիցը, իր գործը տեսնի: Հանկարծ խաղաղ օդի մեջ շրխկաց նախ առաջին, ապա երկրորդ հրացանազարկը: Հրացանազարկի՝ հեռվից երևացող ծուխն ասես բարձրանում էր ոչ թե հրացանի մահաբեր փողից, այլ առավոտ կանուխ վառած թոնիրներից: Այդ պատրանքը մի պահ տևեց միայն: Հաջորդ վայրկյանին նկարչի վրձինը ընկավ ձեռքից:

Ըստ Զարգանդ Դարյանի

Կարստ Յոզեֆ (1871–1942)

Գերմանացի լեզվաբան, հայագետ, ուսումնառությունը ձեռք է բերել Ստրասբուրգի համալսարանում, որտեղ աշակերտել է Հ. Հյուբշմանին: Աշխատել է նույն համալսարանում: 1899թ. «Կիլիկյան հայերենի արտասանությունն ու ձայնավորները» աշխատության համար ստացել է դոկտորի աստիճան: 1901թ. գերմաներենով հրատարակել է իր նշանավոր աշխատությունը՝ «Կիլիկյան հայերենի պատմական բերականությունը»: Այստեղ որոշ տեղ է հատկացված նաև միջնադարյան առակների ու բարոյախոսական երկերի դիտարկումներին:

«Հայոց ազգագրական դիրքը» (1911, գերմ.), «Ալարոդյաններ և Նախաբասկեր» (1928, ֆրանս.), «Հայ բանասիրության պատմություն» (1907, գերմ.) աշխատություններում փորձել է պարզել հայերի նախնական էթնիկական շփումներն ու խմորումները: Գերմաներեն է թարգմանել Սմբատ Սպարապետի և Մխիթար Գոշ դատաստանագրքերը: Ընկի նաև միջին հայերենի բառարան, որը դեռևս անտիպ է:



Հրամայական եղանակ

Շաչեցե՛ք, հողմե՛ր, փչեցե՛ք ուժգին,
ես ժայռի նման կանգնած եմ ամուր:

Ավետիք Բասիակյան

Ընդգծված բառերը արտահայտում են գործողության հրաման և դրված են հրամայական եղանակով:

Հրամայական եղանակի բայածևերն արտահայտում են գործողության հրաման, կոչ, հորդոր, խնդրանք:

Հրամայական եղանակն ունի մեկ ժամանակածև՝ ապառնի, մեկ դեմք՝ երկրորդ, և երկու թիվ՝ եզակի և հոգնակի:

Եզակի՝

Գրի՛ր այդ նամակը:

Կարդա՛ այս գիրքը:

Հոգնակի՝

«Կանգնեցե՛ք», – գոչեց վրձինը ձեռքին

Կախարդ ծերունին հուզված տարերքին:

Հովհաննես Թումանյան

Հրամայական եզակին **ե** խոնարհման բոլոր և **ա** խոնարհման ածանցավոր բայերի դեպքում կազմվում է **-ի՛ր**, իսկ **ա** խոնարհման պարզ բայերի դեպքում՝ **-ա՛** վերջավորություններով: **Ե** և **չ** ածանցները հրամայականում ընկնում են, իսկ **ան**, **են** ածանցների փոխարեն դրվում են **աց**, **եց**, ինչպես՝ **գրել – գրի՛ր, կարդալ – կարդա՛, գտնել – գտի՛ր, փախչել – փախի՛ր, հեռանալ – հեռացի՛ր, մոտենալ – մոտեցի՛ր:**

Հրամայական հոգնակին կազմվում է **-ե՛ք** վերջավորությամբ, որին միանում են հիմքի **աց**, **եց** ածանցները՝ **վագեցե՛ք, խաղացե՛ք:**

Այսօր լայնորեն տարածված են նաև **ե** խոնարհման բայերի հրամայականի կարճ ձևերը՝ առանց **եց** ածանցի՝ **վագե՛ք, նստե՛ք:**

Ացն, եցն, ցն ածանցներն ունեցող բայերի եզակի հրամայականը ստանում է **-ո՛ւ**, իսկ հոգնակին՝ **-ե՛ք** վերջավորություն: **Ացն, եցն, ցն**, ածանցների փոխարեն դրվում են **ացր, եցր, ցր՝ հեռացնել – հեռացրո՛ւ – հեռացրե՛ք, մոտեցնել – մոտեցրո՛ւ – մոտեցրե՛ք, թռցնել – թռցրո՛ւ – թռցրե՛ք:**

Հրամայական եղանակի ժխտականը կոչվում է **արգելական հրամայական**: Այն կազմվում է՝ **մի՛** բառը ավելացնելով դրական ձևին, օրինակ՝ **գրի՛ր – մի՛ գրիր, գրե՛ք – մի՛ գրեք, կարդա՛ – մի՛ կարդա, կարդացե՛ք – մի՛ կարդացեք:**

Հրամայական եղանակի բայերը միշտ շեշտվում են: Արգելական հրամայականի դեպքում շեշտը դրվում է **մի՛** արգելականի վրա:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս հրամայական եղանակը:
2. Քանի՞ ժամանակաձև ունի հրամայական եղանակը:
3. Որո՞նք են հրամայական եղանակի բայաձևերի վերջավորությունները:

Վարժություն 107: Գտե՛ք հրամայական եղանակի բայերը, բացատրե՛ք կազմությունը:

Մի՛ խառնեք մեզ ձեր վայրի արջի ցեղերին,
Մեր երկրիրը ավերված, բայց սուրբ է և հին:

Վահան Տեղյան

Յե՛յ, հեռավոր ընկերներ ու եղբայրներ, –
Դուք չե՞ք լսում. ձեզ եկե կանչում, –
Չվարթ ու սեզ,
Եկե՛ք, մտե՛ք շուրջպարը մեր –
Եկե՛ք, եկե՛ք:

Վահան Տեղյան

Բախտդ հեռվում մի՛ որոնիր, սիրելի՛ս,
Ամեն մեկին երգ մի՛ ձոնիր, սիրելի՛ս,
Ոսկե ծուկը ցանցիդ մեջ չե՛ քանի դեռ,
Հաղթանակդ գուր մի՛ տոնիր, սիրելի՛ս...

Հարցրո՛ւ քեզ՝ պատին մի քար դրած կա՞ս,
Քո ուսերին հոգսի մի բեռ կրած կա՞ս,
Շատ ես սիրում մրգեր՝ անո՛ւշ, քաղցրահամ,
Սակայն կյանքում գոնե մի ծառ ջրած կա՞ս:

Լիպարիտ Մարգարյան

Աստղծո նման խաղա՛ղ պահիր քեզ,
Աստղծո նման եղի՛ր քարեսիրտ,
Նրա պես եղի՛ր հավասարատես
և ծաղկեցըրո՛ւ նշխարը լույսիդ:

Աստղծո նման եղի՛ր գթառատ,
շուրջդ բարություն ու սե՛ր սերմանիր,
ձեռքդ տա՛ր զգույշ և հոգիներից
չարի, պղծության արմատը հանիր:

Հանի՛ր, քանի դեռ ուշ չե՛ հավիտյան,
քանի դեռ ցավ կա հոգում բզկտված,
և հավատա՛, որ քեզ էլ հավատան,
և հավատա՛, որ խեղճ են ու լքված:

Եվ հավատանով բաշխի՛ր քեզ, օրհնյա՛լ,
մատուցվի՛ր, ինչպես սերն է մատուցվում.
ոգեղեն խոսքը և լույսն աստղերի
ահա գալիս են, բո մեջ ագուցվում:

...Քո լեռան վրա չի ծաղկում ոչինչ,
բո լեռն՝ ամայի, և հուզումդ՝ մերկ,
լուսնի տակ շփոթ մի՛ կանգնիր այդպես,
մի՛ սարսռեցրու կարոտներդ մեղկ:

Եվ թե քեզ ուտեն, դու մի՛ վշտանա,
մի՛ տրտմիր ցավով, այլ լոկ իմացի՛ր,
որ գեռունները մարմինդ կերան,
նրանք, որ միայն ապրում են հացիվ:

Եվ թեև սուտ է, թեև չի լինի,
սակայն հավատա՛ կրկին ու կրկին,
որ բո մասունքը նրանց մեջ մի օր
աշխարհի կբերի Հրաշք-Մանուկին:

Դազմիկ Դավոյան

Վարժություն 108: Ո՞ր շարքի բոլոր բայերն են դրված հրամայական եղանակով (հրամայականի շեշտերը դրված չեն):

- ա) 1. հեռացիր, անցիր, նկարիր, մի նշիր
2. նայեցիր, մեկնիր, տես, հայտնեք
3. վերցրեք, մի առարկիր, գրիր, սիրեցիր
4. լսիր, մի պատմիր, զարկեցիր, ընդունիր
- բ) 1. մի բայլեք, կրակեք, տեսեք, խղճայիք
2. փութացեք, մի բացեք, վերցրու, նետիր
3. կոծկեցիր, հասիր, մարտնչիր, ունեցիր
4. մի գա, գծիր, չեմ տա, պատմիր
- գ) 1. մեծարեք, արարեք, տարեք, գրեիք
2. քերթեք, սիրեք, նստեցիք, բացեցիք
3. կաշկանդիր, խղճա, կերակրիր, տաքացրու
4. մի թելադրիր, չեմ մեծարի, մի կորցրու, չես ուզում

Վարժություն 109: Կազմե՛ք տրված բայերի հրամայականի եզակի և հոգնակի ձևերը:

Կարդալ, փախչել, մոտենալ, հեռանալ, գտնել, գրել, մոտեցնել, հիշեցնել, բայլել, անցնել:

Ըղծական եղանակ

Դեռ մի կարոտ ունեմ անհագ՝ **հասնեմ** մնի ու նոր **մեռնեմ**,

Բանամ ճամփիս դռները փակ, **տեսնեմ** մնին ու նոր **մեռնեմ**:

Հովհաննես Շիրազ

Ընդգծված բայերը դրված են ըղծական եղանակով և ցույց են տալիս ցանկալի գործողություն, գործողության կատարման իղծ, ցանկություն:

Ըղծական եղանակն ունի երկու ժամանակաձև՝ **ապառնի** և **անցյալ**:

Ըղծական ապառնին ցույց է տալիս խոսելու պահից հետո կատարվելիք ցանկալի գործողություն և կազմվում է՝ անորոշ դերբայի **-ել**, **-ալ** վերջավորությունների փոխարեն ավելացնելով համապատասխան վերջավորություններ:

Դեմք	Ե խոնարհում		Ա խոնարհում	
	Եզակի թիվ	Հոգնակի թիվ	Եզակի թիվ	Հոգնակի թիվ
I	վազ - եմ	վազ - ենք	կարդ - ամ	կարդ - անք
II	վազ - ես	վազ - եք	կարդ - աս	կարդ - աք
III	վազ - ի	վազ - են	կարդ - ա	կարդ - ան

Ըղծական անցյալը ցույց է տալիս խոսելու պահից առաջ կատարվելիք ցանկալի գործողություն և կազմվում է՝ անորոշ դերբայի **-ել**, **-ալ** վերջավորությունների փոխարեն ավելացնելով համապատասխան վերջավորություններ:

Դեմք	Ե խոնարհում		Ա խոնարհում	
	Եզակի թիվ	Հոգնակի թիվ	Եզակի թիվ	Հոգնակի թիվ
I	վազ - (ե)ի	վազ - (ե)ինք	կարդ - (ա)յի	կարդ - (ա)յինք
II	վազ - (ե)իր	վազ - (ե)իք	կարդ - (ա)յիր	կարդ - (ա)յիք
III	վազ - (ե)ր	վազ - (ե)ին	կարդ - (ա)ր	կարդ - (ա)ին

Ըղծական եղանակի ապառնու և անցյալի վերջավորություններում արտասանության ժամանակ երկու ձայնավորների միջև լսվող **յ** ձայնակապը (գրե(յ)ի) կանոնի համաձայն գրվում է միայն **ա** խոնարհման բայերում (կարդայի, խաղայի):

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս ըղծական եղանակը:
2. Որո՞նք են ըղծական եղանակի ժամանակաձևերը:
3. Ի՞նչ վերջավորություններով են կազմվում ըղծական եղանակի ժամանակաձևերը:

Վարժություն 110: Գտե՛ք և դո՛ւրս գրեք ըղձական եղանակի բայերը:
Նշե՛ք այն բայերը, որոնք հեղինակն է ստեղծել:

- ա) Մայրաքաղաք Երևանին Անին դարձնեմ մայրաքաղաք,
 Պալատներով իմ նորաթագ վեմեմ Անին, կյանքի գոչեմ:
 Բանտից հանեմ մեծ Հայաստանս՝ այս ազատված փոքրիս խառնեմ,
 Գրկելով հողն իմ բովանդակ՝ հայկեմ Անին ու նոր մեռնեմ:
 Հայոց թագի շաղափն հասնի Վանա ծովի մութ վահանին,
 Առագաստեմ ծովերս անտակ, թագեմ Անին, թագավորեմ:
 Հազար տարվա կարոտ ունի իմ երազը հազարաթև՝
 Ա՛խ, թեկուզ լուռ, դեռ ավերակ տեսնեմ Անին ու նոր մեռնեմ:
 Որպես ոսկի վաղվա գուշակ, որպես Մասիսն իմ անուշակ,
 Գլխին հայոց մի դրոշակ՝ տեսնեմ Անին... ու ջմեռնեմ:

Հովհաննես Շիրազ

- բ) Գտնեմ դեռ կորած խաչքար մի, հա՛յր իմ,
 Որպես շիրիմդ՝ համբուրեմ ու լամ,
 Զարի տակ՝ սիրտդ աշխարհ մի, հա՛յր իմ,
 Ել ինչպե՞ս, հա՛յր իմ, համբուրեմ՝ չլամ,
 Գրկեմ խաչքարե նշխար մի, հա՛յր իմ,
 Համբուրեմ, գգվեմ, գուրգուրեմ ու լամ:

Հովհաննես Շիրազ

**Վարժություն 111: Առանձին սյունակներով դո՛ւրս գրեք ըղձական եղա-
 նակի -ե և -ա խոնարհման բայերը, նշե՛ք ժամանակը, դեմքը, թիվը:**

Մի գիշերով արթնանայիր,
 Իմ հեռավոր՝ աշխարհ,
 Եվ լուսնական մեր կտուրից
 Թվար խոշոր նշխար:

Կարկաչեր երզն ջրվորի
 Գիշերվա մեջ վճիտ,
 Ու երկինքը խշշար վրաս
 Իբրև աստղոտ մի չիթ:

Եվ կալերից արևաբույր
 Գային բարակ հովեր,
 Ու մեր բարդին, թաթին ելած,
 Ծեկլիկ աստղը շոյեր:

Նորից ամեն տերևի մեջ
 Դողար մի լույս ասուպ,
 Տատս չոթեր ու Աստծո հետ
 Աներ գրույցն իր սուրբ:

Գետի ահեղ որոտը գար
 Մութ ու ահեղ ձորից,
 Եվ աշխարհում ամեն ինչի
 Հավատայի նորից:

Հավատայի, որ այդ գետում
 Կան ջրի լույս հարսներ,
 Եվ նրանցից մեկն անպայման
 Պիտի որ ինձ հասներ:

Հավատայի, որ շողերից
 Ճանապարհներ հյուսել,
 Դու ես շրջում, Աստվածամայր,
 Բաժանում գուր ու սեր....

Վահագն Դավթյան

Վարժություն 112: Յուրաքանչյուր շարքում գտե՛ք այն բայը, որը ըղձական եղանակի չէ:

1. գրեմ, տեսնեիր, կարդաց, լիներ
2. հավատար, հիանային, լսեր, կարողացան
3. ոգեշնչվեց, մոռանայի, հիշի, նկարեր
4. այցելեր, հաղթեինք, վազեց, մոտենա
5. ստեղծագործես, կառուցեմ, նշեցին, լուսավորի
6. նավարկեն, հուսադրեց, կատարի, միանար
7. ներկայացնես, ճամփորդեին, հանդիպեց, լիանար
8. մոտեցավ, ընթերցես, հղկեին, գմայլվեն
9. թիավարի, զբոսնեն, դիտեմ, լուսացավ
10. հավատանք, գեղեցկացնի, հանդիպեիր, թեթևացա

Վարժություն 113: Խոնարհե՛ք տրված բայերը ըղձական եղանակի երկու ժամանակներով:

Զայլել, նկարել, կարդալ, հիանալ, գտնել:

Ենթադրական (պայմանական) եղանակ

Դու կգաս ու կրկին հեքիաթով կդյուրես...

Վահան Տիրյան

Ընդգծված բայերը դրված են ենթադրական եղանակով:

Ենթադրական եղանակի բայածները ցույց են տալիս հաստատ կամ պայմանով, ենթադրաբար կատարվելիք գործողություն: Այս եղանակն ունի երկու ժամանակաձև՝ ապառնի և անցյալ:

Ենթադրական ապառնին կազմվում է՝ կ եղանակիչը ավելացնելով ըղձական ապառնու ձևերին, և ցույց է տալիս խոսելու պահից հետո հաստատ կամ էլ պայմանով, ենթադրաբար կատարվելիք գործողություն:

Դեմք	Ե խոնարհում		Ա խոնարհում	
	Եզակի թիվ	Հոգնակի թիվ	Եզակի թիվ	Հոգնակի թիվ
I	կվագեմ	կվագենք	կխաղամ	կխաղանք
II	կվագես	կվագեք	կխաղաս	կխաղաք
III	կվագի	կվագեն	կխաղա	կխաղան

Ենթադրական անցյալը կազմվում է՝ կ եղանակիչը ավելացնելով ըղծական անցյալի ձևերին, և ցույց է տալիս խոսելու պահից առաջ հաստատ կամ էլ պայմանով, ենթադրաբար կատարվելիք գործողություն:

Դեմք	Ե խոնարհում		Ա խոնարհում	
	Եզակի թիվ	Հոգնակի թիվ	Եզակի թիվ	Հոգնակի թիվ
I	կվազեի	կվազեինք	կխաղայի	կխաղայինք
II	կվազեիր	կվազեիք	կխաղայիր	կխաղայիք
III	կվազեր	կվազեն	կխաղար	կխաղային

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս ենթադրական եղանակը:
2. Զանի՞ ժամանակածև ունի ենթադրական եղանակը:
3. Ինչպե՞ս են կազմվում ենթադրական եղանակի ժամանակածևները:

Վարժություն 114: Գտե՛ք ենթադրական եղանակով դրված բայերը, դարձրե՛ք անորոշ դերբայ և որոշե՛ք խոնարհումը՝ -ե՞, թե՞ -ա: Նշե՛ք շեղումները ժամանակակից հայերենից:

Էլի գարուն կգա, կբացվի վարդը,
 Սիրեկանը էլի յարին կմնա:
 Կփոխվին տարիքը, կփոխվի մարդը,
 Բլբուկի երգը էլի սարին կմնա:
 Ուրիշ բլբուկ կգա, կմտնի բաղը,
 Ուրիշ աշուղ կասե աշխարհի խաղը.
 Ինչ որ ե՛ս չեմ ասե – նա՛ կասե վաղը,
 Օրերը ծուխ կըլին, տարին կմնա:
 Հազար վարդ կբացվի աշխարհի մեջը,
 Հազար աչք կթացվի աշխարհի մեջը,
 Հազար սիրտ կխոցվի աշխարհի մեջը –
 Էշխը կրակ կըլի, արին կմնա:
 Ուրիշ սրտի համար կհալվի խունկը,
 Կբացվի շուշանը, վարդերի տունկը,
 Գոգալը լաց կընի, կընկնի արցունքը –
 Գերեզմանիս մարմար քարին կմնա:

Եղիշե Չարինց

Վարժություն 115: Ո՞ր շարքի բոլոր բայերն են դրված ենթադրական եղանակով:

- ա) 1. կոյուրես, կնայենք, կուտի, կկատարի
 2. կապրենք, կուտակենք, կաշխատենք, կալարենք

3. չեմ սուզվի, կմեծարվի, չես խղճա, կոշտացա՛մ

4. կգա, կիողա, կտկտա, կտա

բ) 1. կփրկի, կասես, կնայե՛ք, կորացե՛ք

2. կտեսնի, կուսանի, կկուրանա, կկայանա

3. կուրացա՛մ, չի կուրանա, կգնա, կասե՛ք

4. կոնի, կփոռի, կկատաղի, կարի

գ) 1. չի մաշկի, չի տեսնի, չի գրում, չի տեսել

2. կասեմ, կուզեմ, կգամ, կտամ

3. մի՛ գա, մի՛ ասա, մի՛ զգա, մի՛ խաղա

4. կերգես, չէիր կարդում, չես նագի, կշորորաս

Վարժություն 116: Յուրաքանչյուր շարքում գտե՛ք այն բայը, որը ենթադրական եղանակի բայաձև է:

1. կարագանա, կանեանան, կարդան, կաղամ
2. կանխազգացիր, կախորժի, կըղձանք, կաներևութանա
3. կմկմաց, կանշարժանան, կագահանան, կուշանամ
4. կիմանա, կարողանար, կամայանա, կարմատանային
5. կամուսնանա, կայցելես, կարտացոլի, կծկվեց
6. կուզենա, կաղոթեմ, կաղմկեին, կշտամբեցին
7. կենդանացավ, կարդարանայիր, կընկերանան, կուղարկի
8. կառաջարկենք, կիրառվեց, կընդգրկվի, կարծեգրկվի
9. կարդուկեն, կոշտացնի, կաղեղվի, կուղղեին
10. կաճեն, կաշկանդվեին, կայրեր, կանվանեն

Վարժություն 117: Խոնարհե՛ք տրված բայերը ենթադրական եղանակի երկու ժամանակներով (եզակի և հոգնակի):

Կառուցել, սովորել, դժվարանալ, հասնել, բացատրել:

Հարկադրական եղանակ

Դու պիտի ապրես քո հայրենիքում:

Ընդգծված բայը դրված է հարկադրական եղանակով: Հարկադրական եղանակի բայաձևերը ցույց են տալիս հարկադրաբար, անհրաժեշտաբար կատարելի գործողություն: Հարկադրական եղանակն ունի երկու ժամանակաձև՝ **ապառնի** և **անցյալ**:

Հարկադրական ապառնին ցույց է տալիս խոսելու պահից հետո հարկադրաբար, անհրաժեշտաբար կատարվելիք գործողություն և կազմվում է՝ ըղձական ապառնուն ավելացնելով **պիտի** կամ **պետք է** եղանակիչը:

Դեմք	Ե խոնարհում		Ա խոնարհում	
	Եզակի թիվ	Հոգնակի թիվ	Եզակի թիվ	Հոգնակի թիվ
I	պիտի վազեմ	պիտի վազենք	պիտի խաղամ	պիտի խաղանք
II	պիտի վազես	պիտի վազեք	պիտի խաղաս	պիտի խաղաք
III	պիտի վազի	պիտի վազեն	պիտի խաղա	պիտի խաղան

Հարկադրական անցյալը ցույց է տալիս խոսելու պահից առաջ հարկադրաբար, անհրաժեշտաբար կատարվելիք գործողություն և կազմվում է՝ ըղձական անցյալին ավելացնելով **պիտի** կամ **պետք է** եղանակիչը:

Դեմք	Ե խոնարհում		Ա խոնարհում	
	Եզակի թիվ	Հոգնակի թիվ	Եզակի թիվ	Հոգնակի թիվ
I	պիտի վազեի	պիտի վազեինք	պիտի խաղայի	պիտի խաղայինք
II	պիտի վազեիր	պիտի վազեիք	պիտի խաղայիր	պիտի խաղայիք
III	պիտի վազեր	պիտի վազեին	պիտի խաղար	պիտի խաղային

ՀԱՐՑՆԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է ցույց տալիս հարկադրական եղանակը:
2. Ի՞նչ ժամանակաձևեր ունի հարկադրական եղանակը:
3. Ինչպե՞ս են կազմվում հարկադրական եղանակի ժամանակաձևերը:

Վարժություն 118: Գտե՛ք հարկադրական եղանակի բայերը, որոշե՛ք դրանց դեմքը, թիվը և ժամանակը:

Աշուղ Սայաթ-Նովի նման ես երգ ու տաղ պիտի ասեմ,
 Երգեմ պիտի գիշեր-ցերեկ – ու սրտի խաղ պիտի ասեմ,
 Եվ էն սրտին, որ իր խորթում սիրո երգեր ունի ու սեր,
 Ես էն սրտին դրախտային մրգերի բաղ պիտի ասեմ:

Եղիշե Չարենց

Ես պիտի դուրս գամ դեպի հրապարակ,
 Առանց քնարի, անզարդ խոսքերով.
 Ես պիտի գոչեմ, պիտի բողոքեմ՝
 Խավարի ընդդեմ պատերազմելով:

Միքայել Նալբանդյան

Եթե սիրում ես, էլ դարդ մի՛ անիր,
 Պիտի պըսակեմ ես ձեզ անպատճառ...

Բայց ուր լինիս, դարձյալ հոգիս
 Շուրջդ պիտի թրթռա:

Ու պիտի գա հանուր կյանքի արշալույսը՝ վառ հազած,
 Հազա՛ր-հազա՛ր լուսապայծառ հոգիներով ճառագած:

Ու երկնահաս թո բարձունքին՝ Արարատի սուրբ լանջին,
 Կենսաժպիտ իր շողերը պիտի ժըպտան առաջին,
 Ու պոետներ, որ չեն պղծել իրենց շուրթերն անեծքով,
 Պիտի գովեն թո նոր կյանքը նոր երգերով, նոր խոսքով,
 Իմ նո՛ր հայրենիք
 Զըզո՛ր հայրենիք...

Հովհաննես Թումանյան

Վարժություն 119: Խոնարհի՛ք տրված բայերը հարկադրական եղանակի երկու ժամանակներով (եզակի և հոգնակի):

Օգնել, խնամել, պատրաստել, այցելել, ներկայացնել:

Ժխտական խոնարհում

Դրական խոնարհման ժամանակ բայի արտահայտած գործողության կատարումը հաստատվում է, իսկ ժխտական խոնարհման դեպքում՝ հերքվում, ժխտվում: Ժխտական խոնարհումը կատարվում է **չ** և **մի՛** մասնիկների միջոցով:

Սահմանական եղանակի ժխտական խոնարհման ժամանակ գործում են հետևյալ օրինաչափությունները:

Բաղադրյալ դիմավոր ձևերի (անկատար, ապակատար, վաղակատար անցյալ և ներկա) ժխտականի կազմության ժամանակ օժանդակ բայը դառնում է նախադաս և ստանում է **չ** մասնիկը, իսկ օժանդակ բայերի ներկա ժամանակի եզակի և հոգնակի ձևերն դառնում է **ի** (գրում է – չի գրում, գրելու է – չի գրելու, գրել է – չի գրել):

Սահմանական եղանակի անցյալ կատարյալ և ըղծական եղանակի ապառնիք և անցյալ ժամանակաձևերի ժխտականը կազմվում է՝ **չ** մասնիկն ավելացնելով բայաձևին. *գրեցի – չգրեցի, տեսա – չտեսա, գրեմ – չգրեմ, գրեի – չգրեի*:

Հարկադրական եղանակի ժխտականը կազմվում է՝ **չ** մասնիկը ավելացնելով եղանակիչին՝ *պիտի գրեմ, պետք է կարդամ, պիտի գրեի, պետք է կարդայի – չպիտի գրեմ, չպետք է կարդամ, չպիտի գրեի, չպետք է կարդայի*:

Ենթադրական եղանակի ժխտականը կազմվում է յուրահատուկ ձևով և ոչ թե դրականի ձևափոխմամբ, ինչպես մյուս դեպքերում: Ժխտական ձևաբային ավելացվում են օժանդակ բայի ժխտված ձևերը, այսինքն՝ դրական խոնարհման պարզ դիմավոր ձևը դառնում է բաղադրյալ դիմավոր ձև:

կվազեմ, կխաղամ – չեմ վազի, չեմ խաղա

կվազեի, կխաղայի – չեի վազի, չեի խաղա

Պետք է հիշել, որ սա ժխտական դերբայի միակ կիրառությունն է:

Հրամայական եղանակի ժխտականը կազմվում է **մի՛-ով՝ գրի՛ր – մի՛ գրի՛ր, կարդա՛ – մի՛ կարդա՛**:

ԲԱՅԻ ԴՐԱԿԱՆ ԽՈՒՆԱՐԴՈՒՄԸ

ՍԱՀՄԱՆԱԿԱՆ ԵՀԱՆԱԿ

դեմք	1. Անվատար ներկա			2. Անվատար անցյալ		
	Եզակի թիվ	հոգնակի թիվ		Եզակի թիվ	հոգնակի թիվ	
I	գրում եմ	կարդում եմ	գրում եմք	կարդում եմք	գրում եմք	կարդում եմք
II	գրում ես	կարդում ես	գրում եք	կարդում եք	գրում եք	կարդում եք
III	գրում է	կարդում է	գրում են	կարդում են	գրում են	կարդում են
3. Վարակատար ներկա						
I	գրել եմ	կարդացել եմ	գրել եմք	կարդացել եմք	գրել եմք	կարդացել եմք
II	գրել ես	կարդացել ես	գրել եք	կարդացել եք	գրել եք	կարդացել եք
III	գրել է	կարդացել է	գրել են	կարդացել են	գրել են	կարդացել են
5. Ապակատար ներկա						
I	գրելու եմ	կարդալու եմ	գրելու ենք	կարդալու ենք	գրելու ենք	կարդալու ենք
II	գրելու ես	կարդալու ես	գրելու եք	կարդալու եք	գրելու եք	կարդալու եք
III	գրելու է	կարդալու է	գրելու են	կարդալու են	գրելու են	կարդալու են
6. Ապակատար անցյալ						
I	գրելու եմ	կարդալու եմ	գրելու ենք	կարդալու ենք	գրելու ենք	կարդալու ենք
II	գրելու ես	կարդալու ես	գրելու եք	կարդալու եք	գրելու եք	կարդալու եք
III	գրելու է	կարդալու է	գրելու են	կարդալու են	գրելու են	կարդալու են
7. Անցյալ կատարյալ						
I	գրեցի	կարդացի	մոտեցրի	փախա	կարդացի	փախա
II	գրեցիր	կարդացիր	մոտեցրիր	փախար	կարդացիր	փախար
III	գրեց	կարդաց	մոտեցրեց	փախավ	կարդացին	փախան

ԸՆԴՁԱԿԱՆ ԵՂԱՆԱԿ				ՊԱՅՄԱՆԱԿԱՆ ԵՂԱՆԱԿ			
դեմք		1. Անցյալ		1. Անցյալ			
		Եզակի թիվ	հոգնակի թիվ	Եզակի թիվ	հոգնակի թիվ		
I	գրեի	կարոյալի	գրեիւք	կարոյալի	կարոյալի	կարեիւք	կկարոյալիւք
II	գրեիր	կարոյալիր	գրեիք	կարոյալիք	կարոյալիր	կարեիք	կկարոյալիք
III	գրեր	կարոյաւ	գրեին	կարոյալին	կարոյաւ	կարեին	կկարոյալին
				2. Ապառնի			
		Եզակի թիվ	հոգնակի թիվ				
I	գրեմ	կարոյամ	գրեմք	կարոյալք	կարոյամ	կարեմք	կկարոյալք
II	գրես	կարոյաս	գրեք	կարոյաք	կարոյաս	կարեք	կկարոյաք
III	գրի	կարոյա	գրեն	կարոյան	կարոյա	կարեն	կկարոյան
				ՀԱՐԿԱԴՐՈՐԱԿԱՆ ԵՂԱՆԱԿ			
		1. Անցյալ					
		Եզակի թիվ	հոգնակի թիվ				
I	ախտի գրեի	ախտի կարոյալի	ախտի գրեիւք	ախտի կարոյալիւք			
II	ախտի գրեիր	ախտի կարոյալիր	ախտի գրեիք	ախտի կարոյալիք			
III	ախտի գրեր	ախտի կարոյաւ	ախտի գրեին	ախտի կարոյալին			
				2. Ապառնի			
		Եզակի թիվ	հոգնակի թիվ				
I	ախտի գրեմ	ախտի կարոյամ	ախտի գրեմք	ախտի կարոյալք	Ապառնի	հոգնակի թիվ	
II	ախտի գրես	ախտի կարոյաս	ախտի գրեք	ախտի կարոյաք			
III	ախտի գրի	ախտի կարոյա	ախտի գրեն	ախտի կարոյան			
				գրի՛ր, կարոյա՛ւ, մոտեցրո՛ւ		գրեցե՛ք/գրե՛ք	կարոյացե՛ք
						մոտեցրե՛ք	

ԲԱՅԻ ԺԱՏԱԿԱԼ ԽՈՒՆԱՐԴՈՒՄԸ

ՍԱՅՄԱՆԱԿԱՆ ԵՂԱՆԱԿ				
դեմք	1. Անկատար ներկա		2. Անկատար անցյալ	
	Եզակի թիվ	Խոգնակի թիվ	Եզակի թիվ	Խոգնակի թիվ
I	չեմ գրում	չեմ կարդում	չէի գրում	չէի կարդում
II	չես գրում	չես կարդում	չէիր գրում	չէիր կարդում
III	չի գրում	չի կարդում	չէր գրում	չէր կարդում
3. Վարդակատար ներկա				
Եզակի թիվ		Խոգնակի թիվ	Եզակի թիվ	Խոգնակի թիվ
I	չեմ գրել	չեմ կարդացել	չէի գրել	չէի կարդացել
II	չես գրել	չես կարդացել	չէիր գրել	չէիր կարդացել
III	չի գրել	չի կարդացել	չէր գրել	չէր կարդացել
5. Ապակատար ներկա				
Եզակի թիվ		Խոգնակի թիվ	Եզակի թիվ	Խոգնակի թիվ
I	չեմ գրելու	չեմ կարդալու	չէի գրելու	չէի կարդալու
II	չես գրելու	չես կարդալու	չէիր գրելու	չէիր կարդալու
III	չի գրելու	չի կարդալու	չէր գրելու	չէր կարդալու
7. Անցյալ կատարյալ				
Եզակի թիվ		Խոգնակի թիվ		
I	չգրեցի	չմոտեցրի	չկախա	չկախանք
II	չգրեցիր	չմոտեցրիր	չկախար	չկախաք
III	չգրեց	չմոտեցրեց	չկախաւ	չկախանան

ԸՆԴԱԿԱՆ ԵՂԱՆԱԿ			ՊԱՅՄԱՆԱԿԱՆ ԵՂԱՆԱԿ		
1. Անցյալ			1. Անցյալ		
Դեմք	Եզակի թիվ	Խոգնակի թիվ	Եզակի թիվ	Խոգնակի թիվ	Խոգնակի թիվ
I	չգրեմ	չգրեմիս	չեմ գրի	չեմս գրի	չեմս գրի
II	չգրեիր	չգրեիրք	չեիր գրի	չեիրք գրի	չեիրք գրի
III	չգրեո	չգրեոն	չեո գրի	չեոն գրի	չեոն գրի
2. Ապառնի			2. Ապառնի		
Դեմք	Եզակի թիվ	Խոգնակի թիվ	Եզակի թիվ	Խոգնակի թիվ	Խոգնակի թիվ
I	չգրեմ	չգրեմք	չեմ գրի	չեմք գրի	չեմք գրի
II	չգրեա	չգրեք	չեա գրի	չեաք գրի	չեաք գրի
III	չգրի	չգրեն	չի գրի	չինք գրի	չենք գրի
ՀԱՐԿԱԴՐԱԿԱՆ ԵՂԱՆԱԿ			ՀԱՐԱՄԱՅԱԿԱՆ ԵՂԱՆԱԿ		
1. Անցյալ			1. Անցյալ		
Դեմք	Եզակի թիվ	Խոգնակի թիվ	Եզակի թիվ	Խոգնակի թիվ	Խոգնակի թիվ
I	չախտի գրեմ	չախտի գրեմիս	-	-	-
II	չախտի գրեիր	չախտի գրեիրք	-	-	-
III	չախտի գրեո	չախտի գրեոն	-	-	-
2. Ապառնի			2. Ապառնի		
Դեմք	Եզակի թիվ	Խոգնակի թիվ	Եզակի թիվ	Խոգնակի թիվ	Խոգնակի թիվ
I	չախտի գրեմ	չախտի գրեմք	-	-	-
II	չախտի գրեա	չախտի գրեաք	-	-	-
III	չախտի գրի	չախտի գրեն	-	-	-

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ են արտահայտում ժխտական խոնարհման բայերը:
2. Ինչպե՞ս են կազմվում ժխտական ժամանակածները:

Վարժություն 120: Արտագրե՛ք: Գտե՛ք դրական խոնարհման բայերը և ընդգծե՛ք մեկ գծով, ժխտական խոնարհմանը՝ երկու գծով:

Բարի նախանձով նրան եմ հիշում,
Ով չի մոլորվում անթափանց մութում,
Ով չի վհատվում երկար վերելքից,
Չի հուսահատվում վայրի տարերքից,
Ով ստի հանդեպ բերան չի փակում,
Ով հոտած ջրում ուռկան չի ձգում,
Չի նայում կյանքին իբրև բոստանի,
Որտեղից պիտի չաղ բաժին տանի:

Ես նախանձում եմ նրան, վերջապես,
Անհուն նախանձով նրան եմ հիշում,
Ով հոգում չունի նախանձի նշույլ.
Ով աչք չի տնկում սուտ փառք ու պատվին
(Ինչպե՞ս նախանձես այն ճարպիկ կատվին,
Որ մի չաղ պատառ միս է թռցրել)...
Ով սերմ է ցանել ու բերք է հնձում,
Անբանն է միայն նրան նախանձում...

Բանից պարզվում է, ես ու իմ հոգին,
Որ չեմ նախանձում կյանքում ո՛չ ոքի...

Պարույր Սևակ

Վարժություն 121: Կազմե՛ք հետևյալ խոնարհված բայերի ժխտական ձևերը:

Կգաս, ասա՛, գրեցի, հեռանում էր, հասել է, զարկե՛ք, կլավանար, տեսել է, հեռացի՛ր, տո՛ւր, մտնում էր, ասաց, հիշելու էր, կբերեր, կանցներ:

ԱՄՓՈՓԻՉ ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է հարացույցը:
2. Ո՞րն է օժանդակ բայը, բանի ժամանակ, դեմք և թիվ ունի:
3. Ի՞նչ է ցույց տալիս սահմանական եղանակը:
4. Զանի՞ ժամանակածն ունի սահմանական եղանակը, և որո՞նք են դրանք:
5. Որո՞նք են սահմանական եղանակի բաղադրյալ ժամանակածները, և ինչպե՞ս են կազմվում դրանք:
6. Ո՞րն է սահմանական եղանակի միակ պարզ ժամանակածնը, և ինչպե՞ս է կազմվում:

7. Ի՞նչ է ցույց տալիս հրամայական եղանակը:
8. Զանի՞ ժամանակաձև ունի հրամայականը:
9. Որո՞նք են հրամայական եղանակի բայաձևերի վերջավորությունները:
10. Ի՞նչ է ցույց տալիս ըղծական եղանակը:
11. Ի՞նչ ժամանակաձևեր ունի ըղծականը, և ինչպե՞ս են կազմվում դրանք:
12. Ի՞նչ է ցույց տալիս ենթադրական եղանակը:
13. Որո՞նք են ենթադրական եղանակի ժամանակաձևերը, և ինչպե՞ս են կազմվում դրանք:
14. Ի՞նչ է ցույց տալիս հարկադրական եղանակը:
15. Ի՞նչ ժամանակաձևեր ունի հարկադրական եղանակը, և ինչպե՞ս են դրանք կազմվում:
16. Ի՞նչ են ցույց տալիս ժխտական խոնարհման բայերը:

Վարժություն 122: Դո՛ւրս գրե՛ք դիմավոր բայերը և որոշե՛ք դրանց եղանակը, ժամանակը, դեմքը և թիվը:

Տատս, պատշգամբում նստած, կանաչ լոբի է մաքրում: Մենք մի քիչ խոսեցինք դեսից-դենից, հետո նա վեր կացավ. «Գնամ, մարգերը ջրեմ, գամ»: Գնաց, եկավ: Զետո նայեց երկնքին. «Էսօր անձրև է գալու»,– ասաց: «Ռադիոն հաղորդեց»: «Արևը,– ասաց տատս,– ծակծկում է»: Խոսում էր ու ձեռքի հետ ինչ-որ բան էր գործում: «Զո բաժին գինին կտամ,– ասաց,– տասը լիտր: Մենակ դու չես: Իմ սարքած գինին է: Դու կարմիրն ես սիրում, չէ՞...»: Ես մի քանի ժամ նստեցի տատիս մոտ: Նա անընդհատ խոսում էր ինձ հետ, բայց և հասցնում էր իր գործերը: Զանկարծ մտածեցի՝ ինչքա՞ն բան է իմանում տատս և ի՞նչ լավ է անում ամեն ինչ: Նույնիսկ էլեկտրական սալիկը նորոգեց. ինչ-որ բան էր փչացել. ես բզբզեցի, բայց գլուխ չեկավ: «Տակիդ աթոռը ճռում եմ,– ասաց,– որ գնացիր, կսարքեմ»: Ա՛յ քեզ տատ...

Ես հանկարծ մտածեցի՝ բացի գրելուց, խոսելուց՝ ես ի՞նչ եմ ընդունակ անելու: Մի քիչ երգում եմ, սուրճ եմ եփում: Ուրի՞շ... Մի ձեռքիս մատներն էլ լրիվ չծալվեցին: «Տա՛տ,– հարցնում եմ,– դու ե՞րբ ես հանգստանում»: Զարմանքով նայում է ինձ. «Զիմա ի՞նչ եմ անում որ»: Ոնց խայտառակվեցի. էլեկտրական սալիկն էլ ինքը սարքեց. ինստուներեք տարեկան է և երկու տարի է դպրոց գնացել, այն էլ եկեղեցու դպրոց: Իսկ ես երևանյան դպրոցում ֆիզիկայից «գերազանց» էի ստանում: Միանգամից վեր է կենում. «Գնամ, հավերին կուտ տամ. մեղք եմ»: «Ժամը քանիսին ես կուտ տալիս»: «Երկրորդ անգամ՝ իննին»: Նայում եմ ժամացույցիս. իննից երեք րոպե է պակաս: «Ժա՛մը ոնց իմացար, ա՛յ տատ»: Մեղավոր նայում է ինձ. նայում է վերև՝ արևին, հետո գնում է մանրաբայլ:

Իսկ մենք հաց կտրելու մեքենա էլ ենք հորինել:

Ըստ Վարդգես Պետրոսյանի

Վարժություն 123: Յուրաքանչյուր շարքում գտե՛ք տողակցքում նշված եղանակի բայաձևը:

սահմանական – գրեմ, կգրեմ, գրեցի, գրի՛ր

սահմանական – երգում է, չի երգի, պետք է երգի, երգես

ըղծական – նկարեցինք, կնկարի, նկարել է, նկարեին

ըղծական – վերադառնալու էին, վերադառնայինք, վերադարձավ, կվերադառնա

ենթադրական – կորցրեց, կայծկտաց, կանցնեն, կենդանանար

ենթադրական – չեմ գնալու, չի կարդա, չես նշել, չբերեց

հարկադրական – կգնար, բերելու է, պիտի գնա, չես գրում

հրամայական – տանեին, իջեցրե՛ք, կարդացին, ելնեն

Գիտե՞ք, որ...

Աստվածաշունչն առաջին անգամ հայերեն տպագրվել է 1666–68 թվականներին Ամստերդամում՝ տպագրիչներ Ռսկան Երևանցու և Մատթեոս Ծարեցու ջանքերով:

Անտուան Մեյե (1866–1936)



Ֆրանսիացի լեզվաբան, հայագետ, սլավոնագետ: Ֆրանսիական ակադեմիայի (1924) և արտասահմանյան մի շարք ակադեմիաների և գիտական ընկերությունների անդամ: 1885–89թթ. սովորել է Սորբոնի համալսարանում՝ աշակերտելով Մ. Բրեալին, Ֆ. դը Սոսյուրին, Օ. Կարիերին, որից սովորել է ժամանակակից հայոց լեզու: 1890–91թթ. եղել է Վիեննայի Մխիթարյան միաբանությունում, աշակերտել է Դ. Տաշյանին և Նրանից սովորել գրաբար: 1891-ին այցելել է Հայաստան (երկրորդ անգամ՝ 1903-ին), Էջմիածնի մատենադարանում ուսումնասիրել է հայկական ձեռագրեր, քննել է գրաբարի հնչյունաբանությունը: 1902–05թթ. գրաբար և նոր հայերեն է դասավանդել Փարիզի Արևելյան կենդանի լեզուների դպրոցում: 1919–21թթ. Ֆ. Մակլերի և ուրիշների հետ իիմնել է հայագիտական տարբեր ընկերություններ:

«Հայերենի բարբառային դիրքը» աշխատության մեջ (1896), հենվելով հայերենի և այլ լեզուների հնչյունական առանձնահատկությունների վրա, Մեյեն որոշել է հայերենի դիրքը հնդեվրոպական լեզուների շարքում և հայերենը համարել է առանձին լեզվաճյուղ: Հեղինակել է նաև «Դասական հայերենի համեմատական քերականության ուրվագիծ» (1903), «Հետազոտություններ հայերենի համեմատական շարահյուսության վերաբերյալ» (2-րդ հրատ., 1968) աշխատությունները: Վերջինը մեծ ավանդ է համեմատական շարահյուսության ուսումնասիրության գործում:

Ա. Մեյեն նաև ակտիվ հասարակական գործիչ էր: Նա բազմիցս հանդես է եկել հայանպաստ ելույթներով:

ՀԱՐԱՅՈՒՄՈՒԹՅՈՒՆ

Հիշենք, որ լեզվի տարբեր միավորներն ու նրանց հատկանիշները ուսումնասիրվում են լեզվաբանության տարբեր բաժիններում: Այդ բաժիններն են **հնչյունաբանությունը, բառագիտությունը և բերականությունը**, որն ունի երկու ենթաբաժին՝ **ծևաբանություն և շարահյուսություն**: **Հնչյունաբանության** մեջ ուսումնասիրվում են լեզվի հնչյունները, նրանց գրության ու արտասանության, փոփոխության առանձնահատկությունները: **Բառագիտության** մեջ ուսումնասիրվում են բառերի ծագումը, կազմությունը, ձևափոխությունը հատկանիշները: **Ձևաբանության** մեջ ուսումնասիրվում են բառերի ուղիղ և բերականորեն փոփոխված ձևերի առանձնահատկությունները, յուրաքանչյուր խոսքի մասի հատկանիշները: **Շարահյուսության** մեջ ուսումնասիրվում են բառերի ու նախադասությունների կապակցման միջոցներն ու եղանակները, բառերի դերը բառակապակցություններում, պարզ և բարդ նախադասություններում: Օրինակ՝ *տուն* բառը բառագիտության մեջ ուսումնասիրվում է հետևյալ մոտեցումներով. պա՞րզ բառ է, թե՞ բաղադրյալ, մենիմա՞տ է, թե՞ բազմիմաստ, ունի՞ արդյոք հոմանիշներ, հականիշներ, համանուններ, հնդեվրոպական ծագում ունի, թե՞ փոխառվել է այլ լեզուներից: Ձևաբանության մեջ կարևորվում է այն, թե *տուն* բառը ինչ խոսքի մաս է, ինչ կարգեր ունի, այսինքն՝ հոլովվո՞ւմ է, ունի՞ եզակի և հոգնակի թվեր, ինչպե՞ս են դրանք կազմվում և այլն: Շարահյուսության մեջ ուսումնասիրվում է, թե *տուն* բառը ինչպես է կապակցվում այլ բառերի, նախադասության մեջ ինչ անդամների պաշտոններ կարող է կատարել, որ պաշտոնում ինչ ձևով է դրվում և այլն:

Այսպիսով՝ շարահյուսությունն ուսումնասիրում է բառերի ու նախադասությունների կապակցման միջոցներն ու եղանակները, ինչպես նաև նրանց կիրառությունների առանձնահատկությունները:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Որո՞նք են լեզվաբանության բաժինները:
2. Ի՞նչ է ուսումնասիրվում հնչյունաբանության մեջ:
3. Ի՞նչ է ուսումնասիրվում բառագիտության մեջ:
4. Ի՞նչ ենթաբաժիններից է կազմված բերականությունը:
5. Ի՞նչ է ուսումնասիրվում ձևաբանության մեջ:
6. Ի՞նչ է ուսումնասիրվում շարահյուսության մեջ:

Վարժություն 1: Տրված բառերն ու բառաձևերը դասավորե՛ք այնպիսի շարադասությամբ, որ ստացվեն նախադասություններ (երբեմն հնարավոր են շարադասական մի քանի տարբերակներ):

1. Գարնան, ջահելացել էր, քաղաքն, անուշաբույր, հինավուրց, շնչից, ասես:
2. Շոգեքարշը, առաջ, անիվների, տաղտկալի, գնում էր, չխկնկոցով:

3. Թռչունները, ժամանակ, բարձրաբերձ, քամիների, պատասպարվում էին, ժայռերի, խոռոչներում:
4. Արևելյան, բակերում, այդ, ու, փոքր, քաղաքի, մեծ, բնակիչների, մասն, գտնվում էր, պահին, պարտեզներում:
5. Իրար, ճառագայթները, էին հանդիպել, բոսորագույն, նոր-նոր, ու, աղջա-մուղջն, արևի, թանձրացող:
6. Ականակիտ, հատակի, ողորկ, ջրի, քարերը, տարուբերվող, միջով, հայելու, երևում էին:
7. Այդ, մեկի, գտնվում էինք, երկնամուխ, պահին, լանջին, մենք, լեռներից:
8. Լուսնի, բաց, շողը, լուսամուտի, ներս էր ընկել, թրթռուն, փեղկից:
9. Նա, ճանապարհով, նեղ, ու, դեպի, խորդուբորդ, փողոցը, ուղղվեց, գլխա-վոր:
10. Փողոցում, զբաղված, մի քանի, առօրյա, ծերունիներ, գրույցով, կային:

Վարժություն 2: Գրե՛ք հինգ այնպիսի նախադասություն, որոնց անդամները ունենան նշված իմաստները:

1. Առարկայի հատկանիշ – առարկա – գործողության կատարման ձև – գործողություն:
2. Զանակ – անձ – գործողության կատարման ժամանակ – գործողություն – գործողության կատարման տեղ:
3. Առարկայի հատկանիշ – առարկա – գործողության կատարման ժամանակ – գործողության կատարման ձև – գործողություն – գործողության կատարման տեղ:
4. Զանակ – առարկա – գործողության կատարման չափ – գործողություն:
5. Առարկայի հատկանիշ – առարկա – գործողության կատարման ժամանակ – գործողություն – գործողությունը կրող առարկա:

Օրինակ՝ Զբջան առվակը ուրախ հոսում էր (առարկայի հատկանիշ – առարկա – գործողության կատարման ձև – գործողություն):

ՇԱՐԱՀԱՆՈՒՄԱԿԱՆ ՀՈՄԱՆԻՇՆԵՐ

Հոմանշությունը լեզվական այն իրողությունն է, որի դեպքում լեզվական մեկից ավելի միավորներ արտահայտում են մոտ կամ նույն իմաստը: Բառային հոմանիշները իմաստով մոտ կամ նույն բառերն են, ինչպես՝ *գեղեցիկ – սքանչելի – հիանալի – գեղանի – ջնաշխարհիկ, ուղի – ճանապարհ, լուսամուտ – պատուհան* և այլն: Շարահյուսական հոմանիշները շարահյուսական այն կապակցություններն են, որոնք տարբեր կազմություններ ունեն, սակայն գրեթե նույն իմաստն են արտահայտում: Օրինակ՝ *Երբ հանդիպումն ավարտվեց, բոլորը մոտեցան աշխարհահռչակ նկարչին* նախադասության իմաստը հնարավոր է արտահայտել մեկ այլ ձևով՝ *Հանդիպումն ավարտվելուց հետո բոլորը մոտեցան աշխարհահռչակ*

Նկարչին: Շարահյուսական կապակցությունները հոմանշային հարաբերություն կարող են ունենալ նաև բարդ բառերի հետ, օրինակ՝ հին ոճի – հնաոճ, նուրբ կազմվածք ունեցող – նրբակազմ և այլն:

Շարահյուսական հոմանիշները, թեև գրեթե նույն իմաստն են արտահայտում, սակայն միմյանցից տարբերվում են ոճական արժեքով, կառուցվածքով ու ծավալով, իմաստային նրբերանգներով: Այդ պատճառով էլ խոսք կազմողն ընտրում է իր կարծիքով տվյալ դեպքում ավելի հարմարը: Շարահյուսական հոմանիշների ճիշտ և տեղին գործածությունը խոսքի միօրինակությունից խուսափելու, տարբեր ձևերով արտահայտվելու հնարավորություն է ստեղծում:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է հոմանշությունը:
2. Ի՞նչ է շարահյուսական հոմանշությունը:
3. Ի՞նչ դեր ունի խոսքում շարահյուսական հոմանիշների ընտրությունը:

Վարժություն 3: Արտագրե՛ք՝ փակագծերում տրված հոմանիշներից ընտրելով իմաստով և ոճականորեն համապատասխանողը:

1. Տեղի բնակիչներից նա լսեց ու գրի առավ մի (*հին, հնամաշ*) գրույց:
2. Զաղցած գայլը պտտվում էր ոչխարների (*ախոռի, փարախի*) շուրջը:
3. Մի (*աղոտ, դժգույն*) միտք պտտվում էր նրա գլխում:
4. Իշխանն անթարթ հայացքը (*գամել, մեխել*) էր արքայի դեմքին:
5. Տեսնելով ներս մտնողներին՝ նա իսկույն (*քողարկեց, թաքցրեց*) ձեռքին եղած նամակը:
6. Տղան ամբողջ օրը (*պրպտեց, որոնեց*) այդ հարցի պատասխանը և ի վերջո գտավ:
7. Մեղրը կաթ-կաթ (*ծորում, հոսում*) էր տակառի ճեղքից:
8. Յյուրերը եկել էին (*դրկից, հարևան*) գյուղից:
9. Վերելակը խափանվել էր, և տղան ստիպված (*բարձրացավ, մագլցեց*) աստիճաններով:
10. Մեղմ բամին (*տատանում, թափահարում*) էր ծառերի կատարները:

Վարժություն 4: Արտագրե՛ք՝ փակագծում տրված բառերից ու կապակցություններից ընտրելով ոճով և իմաստով համապատասխանողը:

1. Այդ վայրում (*բաղցր համ ունեցող, քաղցրահամ*) ջրի պաշարներ կան:
2. Գետում (*ծուկ որսացող, ձկնորս*) այդ մարդիկ անակնկալ ձայնից իսկույն շրջվեցին դեպի ձայնի կողմը:
3. Որակյալ (*ասֆալտապատ, ասֆալտով պատված*) պողոտան շատ գեղեցիկ էր:

4. Այդ հանրախանութում վաճառվում են և՛ հնաոճ, և՛ (նորաոճ, նոր ոճ ունեցող) պայուսակներ:
5. Տուֆ (քարից շինված, քարաշեն) նորակառույց տունը հիացրեց բոլորին:
6. Հեռվից նայելիս աչքի էր ընկնում մուգ (ապակիներով պատված, ապակեպատ) կրպակը:
7. Մշուշի միջից երևում էին լեռների՝ արծաթափայլ (ծյունով պատված, ձնապատ) գագաթները:
8. Թանձր (մառախլապատ, մառախուղով պատված) անտառը հեռվից գորշ էր թվում:
9. Այդ հզոր (արքայորդին, արքայի որդին) մի կամագուրկ ու վախկոտ մարդ էր:
10. Պալատի՝ մարմարե (սյունազարդ, սյուներով զարդարված) միջանցքով անցնում էր մռայլադեմ մի մարդ:

ԲԱՐՂ ԲԱՌ ԵՎ ԲԱՌԱԿԱՊԱԿՅՈՒԹՅՈՒՆ

Բարդ բառերի մի մասի իմաստը հնարավոր է արտահայտել բառակապակցության միջոցով և հակառակը, օրինակ՝ *մշտավառ – միշտ վառվող, երախտամոռ – երախտիքը մոռացող, անվանացանկ – անունների ցանկ, քաղցրահամ – քաղցր համ ունեցող* և այլն: Այսինքն՝ բերված բառերն ու բառակապակցությունները հոմանիշներ են, քանի որ գրեթե նույն իմաստն են արտահայտում: Իհարկե միշտ չէ, որ հնարավոր է հոմանշային նման շարքեր կազմել: Բաղադրիչ բառերը, միավորվելով և բարդ բառ կազմվելով, կարող են միասնաբար մի նոր իմաստ արտահայտել, որը չի համապատասխանում բաղադրիչ բառերով կազմված բառակապակցության իմաստին: Օրինակ՝ *բարձրահարկ* բառը նշանակում է շատ հարկեր ունեցող, և *բարձր հարկ* բառակապակցությունը նրան հոմանիշ չէ: Հետևաբար բարդ բառերն ու բառակապակցությունները միայն այն դեպքում են հոմանիշներ, երբ արտահայտում են իրար մոտ իմաստներ:

Միևնույն իմաստի՝ այս երկու տարբեր ձևով արտահայտելու հնարավորությունը խոսքը բազմազան դարձնելու միջոցներից է:

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Ե՞րբ են բարդ բառն ու բառակապակցությունը հոմանիշներ դառնում:
2. Ի՞նչ դեր է կատարում խոսքում միևնույն իմաստի՝ բառով և բառակապակցությամբ արտահայտելու հնարավորությունը:

Վարժություն 5: Յուրաքանչյուր կապակցության իմաստն արտահայտե՛ք մեկ բառով:

Հիանալի և սքանչելի, ծյան շերտ, ասֆալտով պատված, կանաչով զարդարված, գեղեցիկ դեմքով, խաղալու դաշտ, ձուկ որսացող, հարգելու արժանի,

ցուցադրվող նմուշ, սյուներով զարդարված, կամրջի սյուն, կարկաչունով հոսող, ալիքներով ծփացող, լի և առատ, ստեղների շարք, ապակիներով պատված, բնության տված, անտառի շերտ, արծաթի փայլ ունեցող, հողմով աշխատող աղաց, հորդ և առատ, զբոսնելու այգի, մռայլ դեմք ունեցող, մանուշակի գույն ունեցող, տուֆից կերտված, առատ հոսող, նուրբ հյուսված, օղակի ձև ունեցող, շոկոլադով պատված:

Վարժություն 6: Գտե՛ք, թե յուրաքանչյուր շարքի որ կապակցության իմաստն է հնարավոր արտահայտել մեկ բառով:

1. ծառի ստվեր, ծառի տերև, ծառի ճյուղ, ծառի սունկ
2. լճի ջուր, լճի մակերես, լճի ափ, լճի ձուկ
3. բույս աճեցնող, բույս քաղող, բույս խնամող, բույս ուտող
4. սուրճի բաժակ, սուրճի աղաց, սուրճի մշակաբույս, սուրճի արկղ
5. գորգ գնող, գորգ վաճառող, գորգ լվացող, գորգ ներմուծող
6. փայտ հատող, փայտ կոտրող, փայտ սղոցող, փայտ ներկող
7. անտառ նկարող, անտառ գնացող, անտառ պահպանող, անտառ մտնող
8. լուսամուտի ապակի, լուսամուտի բռնակ, լուսամուտի ծխնի, լուսամուտի գոգ
9. ծիրանի այգի, ծիրանի գույն, ծիրանի կորիզ, ծիրանի մուրաբա
10. դարի հայտնագործություն, դարի տեղություն, դարի ընթացք, դարի վերջ

Վարժություն 7: Յուրաքանչյուր շարքից ընտրե՛ք այն բառը, որի հետ տողասկզբի բառը կկազմի այնպիսի կապակցություն, որի իմաստը հնարավոր է արտահայտել մեկ բառով. կազմե՛ք այդ բառերը:

1. գայլի – ձագ, մորթի, ոհմակ, ախորժակ
2. անձրևի – խշռոց, կանխատեսում, ջուր, շրջան
3. արքայի – գահ, որդի, հրաման, թագ
4. աբլորի – թև, կանչ, կատար, պոչ
5. խաղողի – որթ, տերև, գույն, հյութ
6. գրքի – հեղինակ, ընթերցող, հատոր, պահարան
7. թռչուն – կերակրող, բուծող, ուսումնասիրող, քանդակող
8. ծովի – ալիք, նկար, շառաչյուն, ավազ
9. խաղի – ընթացք, մասնակից, ավարտ, մրցավար
10. պարի – քայլ, հագուստ, մասնակից, երաժշտություն

Վարժություն 8: Գտե՛ք, թե որ դեպքում մեկ բառով արտահայտված իմաստը չի համապատասխանում կապակցության իմաստին:

- | | |
|-------------------------|-----------|
| 1. լայն տերևներ ունեցող | լայնատերև |
| 2. գորգով պատված | գորգապատ |

3. բարձր հարկ	բարձրահարկ
4. բաղցր ծայն	բաղցրածայն
5. բաղցր ծայն ունեցող	բաղցրածայն
6. ծառի բուն	ծառաբուն
7. սալիկներով պատված	սալիկապատ
8. բարձր ծայն	բարձրածայն
9. փայտ փորող	փայտփորիկ
10. շուն և գայլ	շնագայլ
11. խաղողի հյուլթ	խաղողահյուլթ
12. ջրի աման	ջրաման
13. ծաղիկների փունջ	ծաղկեփունջ
14. միրգ սիրող	մրգասեր
15. արջ և մուկ	արջամուկ
16. ջերմության չափ	ջերմաչափ
17. մրջյունի կեր	մրջնակեր
18. առյուծի սիրտ	առյուծասիրտ
19. մեծ միտք ունեցող	մեծամիտ
20. եղյամով պատված	եղյամապատ

ՀՈՒՈՎԱՅՆԵՎ ԵՎ ԿՍԴՍԿԱՆ ԿՍՈՒՅՅ

Յայտնի է, որ գոյականները, դերանունների մի մասը, անորոշ դերբայը և առհասարակ գոյականաբար գործածված բառերը հոլովվում են և այդ միջոցով կապակցվում այլ բառերի: Օրինակ՝ *խոսել* և *դեպք* բառերը բերված ձևերով միմյանց չեն կապակցվում, բայց եթե *դեպք* բառը հոլովենք, ապա կկապակցվի *խոսել* բառին, և կստանանք *խոսել դեպքից* կապակցությունը: Այդ նույն բառերը կարող ենք կապակցել նաև *մասին* կապի միջոցով՝ ստանալով գրեթե նույն իմաստն արտահայտող *խոսել դեպքի մասին* կապակցությունը: Ուրեմն հաճախ իմաստով միտ կապակցություններ կարող ենք ստանալ՝ բառերը կապակցելով և՛ հոլովաձևերի, և՛ կապերի միջոցով: Հետևաբար շատ դեպքերում հոլովաձևերով ու կապական կառույցներով ձևավորված կապակցությունները հոմանիշներ են դառնում, օրինակ՝ *Նկարել թղթին* – *Նկարել թղթի վրա*, *շարել արկղում* – *շարել արկղի մեջ*, *գնալ աշխատելու* – *գնալ աշխատելու համար* և այլն: Սակայն միշտ չէ, որ հնարավոր է հոլովաձևով ու կապական կառույցով հոմանիշներ ստանալ: Օրինակ՝ *Նստել ծառի տակ*, *հավաքվել դպրոցի մոտ*, *ընթանալ առանց կանգառի* և շատ այլ կապակցությունների իմաստները հնարավոր չէ արտահայտել առանց կապերի: Ուրեմն կապական կառույցներն ու հոլովաձևերը լիովին նույնարժեք չեն: Պարզապես երբեմն հնարավոր է կապական կառույցներով ու հոլովաձևերով ար-

տահայտել գրեթե նույն իմաստը, իսկ երբեմն՝ ոչ: Հղովածնով ու կապական կառույցով ձևավորվող հոմանիշների գործածությունը խոսքը տարբեր ձևերով արտահայտելու միջոցներից է:

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Բացի հոլովելուց՝ ուրիշ ի՞նչ միջոցով կարող ենք կապակցել բառերը:
2. Արդյո՞ք միշտ են կապական ու հոլովածներով կապակցված կառույցները հոմանիշներ դառնում:

Վարժություն 9: Հղովածներով կապակցված կառույցների իմաստներն արտահայտե՛ք կապային կառույցներով:

Զրուցել գործից, նկարել թղթին, աշխատանքը կատարել սարքավորումներով, գնալ աշխատելու, դասավորել արկղում, դնել սեղանին, փորագրել քարին, խոսել անելիքներից, գնալ ընկերներով, թերանալ աշխատանքում, ջուրը լցնել դույլը:

Վարժություն 10: Շղատառ կապային կառույցները փոխարինե՛ք բառաձևերով:

Գիրքը դրեց *սեղանի վրա*: Նա պատմում էր իրենց *գործերի մասին*: Երկար *ձողի միջոցով* կարողացան մաքրել խցանված խողովակը: Աշակերտը տետրը վերցրեց *սեղանի վրայից*: Մեկնեց արտասահման՝ *սովորելու համար*: Իրերը դրված էին *ճամպուրակի մեջ*: Այդտեղ որսը, *համաձայն օրենքի*, արգելված է: Գինին լցրին *կարասի մեջ*:

Վարժություն 11: Արտագրե՛ք տեքստը՝ հնարավորության դեպքում հոլովական կապակցությունները փոխարինելով կապային կառույցներով և հակառակը (ընդամենը 10 փոփոխություն):

Արմենը ընկերներով գնացել էր զբոսանքի: Նրանք քայլում էին զբոսայգու ծառուղիներով և զրուցում իրենց առօրյա գործերի մասին: Զիչ հեռու մի աղբյուր-հուշարձան կար, որի հուշաքարի վրա փորագրված էին գեղեցիկ զարդանախշեր: Աղբյուրի խողովակի միջից թափվող ջուրը լցվում էր քարե ավազանի մեջ: Զբոսայգում խաղացող մի երեխա մոտեցավ աղբյուրին՝ ջուր խմելու համար: Երբ նա կռացավ, որ ջուր խմի, ձեռքի խաղալիքն ընկավ ավազանը: Երեխան սկսեց լաց լինել: Տղաները մոտեցան, որ օգնեն, սակայն ավազանը խորն էր, և ոչ ոքի ձեռքը չհասավ ջրի մեջ սուզված խաղալիքին: Մոտակա նստարանի վրա մի ճյուղ էր ընկած: Արմենը վերցրեց և ճյուղի միջոցով կարողացավ հանել խաղալիքը: Երեխան վերցրեց խաղալիքը և շնորհակալություն հայտնելով տղաներին՝ գնաց, որ շարունակի իր խաղը:

ԴԵՐՔԱՅԱԿԱՆ ԴԱՐՉՎԱԾ ԵՎ ԵՐԿՐՈՐԴԱԿԱՆ ՆԱԽԱԴԱՍՏՈՒԹՅՈՒՆ

Անդեմ բայերը բաժանվում են երկու խմբի՝ **դերբայներ** և **ձևաբայեր**: Դերբայներն են **անորոշը** (գրել, կարդալ), **ենթակայականը** (գրող, կարդացող), **հարակատարը** (գրած, կարդացած), **համակատարը** (գրելիս, կարդալիս), իսկ ձևաբայերն են **անկատարը** (գրում, կարդում), **վաղակատարը** (գրել, կարդացել), **ապակատարը** (գրելու, կարդալու) և **ժխտական** ձևաբայը (գրի, կարդա): Ձևաբայերը գործածվում են միայն **եմ** օժանդակ բայի հետ՝ կազմելով դիմավոր ձևեր: Դերբայները, ի տարբերություն ձևաբայերի, կարող են առանց օժանդակ բայի հանդես գալ նախադասության և բառակապակցության կազմում, օրինակ՝ **Փորագրված** *Նախըը շատ գեղեցիկ էր* նախադասության մեջ *փորագրված* հարակատար դերբայը գործածվել է որպես *Նախը* բառի որոշիչ: Դերբայները կարող են լրացումներ ունենալ, օրինակ՝ **Քարին** *փորագրված Նախըը շատ գեղեցիկ էր* նախադասության մեջ *քարին* բառը լրացնում է *փորագրված* դերբային որպես կողմնակի տեղի պարագա: Դերբայների լրացումները կոչվում են կողմնակի: **Քարին** լրացումն էլ իր հերթին կարող է լրացում ունենալ, ինչպես՝ **Հուշարձանի** *քարին փորագրված Նախըը շատ գեղեցիկ էր*: Դերբայն իր լրացման կամ լրացումների, ինչպես նաև լրացման լրացումների հետ կարող է կազմել կապակցություն, որը կոչվում է **դերբայական դարձված**: Այսինքն՝ դերբայական դարձվածը բառակապակցություն է, որի գերադաս անդամն արտահայտված է դերբայով: Բերված վերջին օրինակում գործածված է *հուշարձանի քարին փորագրված* դերբայական դարձվածը, որը կատարում է որոշչի շարահյուսական պաշտոն: Այդ որոշչի իմաստը հնարավոր է արտահայտել ոչ միայն նշված դերբայական դարձվածով, այլև որոշիչ ստորադաս նախադասությամբ, ինչպես՝ *Նախըը, որը փորագրված էր հուշարձանի քարին, շատ գեղեցիկ էր*: Հետևաբար *հուշարձանի քարին փորագրված* դերբայական դարձվածը և *որը փորագրված էր հուշարձանի քարին* ստորադաս նախադասությունը շարահյուսական հոմանիշներ են:

ՀԱՐՅԵՐ ԵՎ ՎԱՐԺՈՒԹՅՈՒՆ

1. Կիրառական ի՞նչ տարբերություն կա դերբայների և ձևաբայերի միջև:
2. Ի՞նչ է կոչվում դերբայով և նրա լրացումներով ու լրացման լրացումներով ձևավորված կապակցությունը:
3. Ի՞նչ միավորի է հոմանիշ դառնում դերբայական դարձվածը:

Վարժություն 12: **Գտե՛ք և դո՛ւրս գրե՛ք դերբայական դարձվածները, որոշե՛ք, թե որ դերբայով են ձևավորվել:**

Հինավուրց եկեղեցու կորնթարդ գմբեթը խարխլվել էր երևի հիսունինը-վաթսուն տարի առաջ: Բայց ամբողջովին չէր ավերվել, մինչև օրս կանգուն է գմբեթի կեսը, և հիմա էլ վերև բարձրացող անմիտ հետաքրքրասերներից շատերը, ջըմբռնե-

նակ՝ *ես բարևեցի բոլորին՝ ուրախ ժպտալով*, և նստեցի աթոռին: Այս նախադասության մեջ *ուրախ ժպտալով* դերբայական դարձվածը հետադաս է և տրոհվել է բույծով, որովհետև գտնվում է առաջին բաղադրիչ նախադասության վերջում: Տրոհվող դարձվածից հետո դրվում է ստորակետ, եթե նույնիսկ ենթական չի փոխվում:

Դերբայական դարձվածը չի տրոհվում մի շարք դեպքերում:

ա) եթե նախադաս որոշիչ է, օրինակ՝ *Սեդանին դրված ծաղկամանը գեղեցիկ էր*:

բ) եթե գտնվում է դիմավոր բայ + անորոշ դերբայ կամ ստորոգելի + ստորոգիչ + անորոշ դերբայ կառույցների բաղադրիչների միջև, օրինակ՝ *Որսորդն սկսեց տարբեր մանրամասներ հավելելով պատմել դեպքը*: Աշակերտը մտադիր էր *զանազան պատրվակներ հորինելով* արդարացնել իր բացակայությունը:

գ) եթե գտնվում է հարկադրական եղանակի բայածևերի բաղադրիչների միջև, օրինակ՝ *Պիտի փայտեր հավաքելով խարույկ վառեր*:

դ) եթե դարձվածին անմիջապես հաջորդում է օժանդակ բայ կամ *էլ* շաղկապը, օրինակ՝ *Նա այդ ամենը առավոտից մինչև երեկո աշխատելով է ստեղծել*: *Նա տարբեր աշխատանքներ կատարելով էլ* կարողացավ մի քանի արհեստ սովորել:

ե) եթե դարձվածի գերադաս անդամ դերբայը գործածված է գոյականաբար, օրինակ՝ *Մոտեցավ առաջին շարքում նստածին*: *Նրա ասածի մասին չէի մտածել*:

Բարդ նախադասության բաղադրիչները կապող շաղկապին հաջորդող դերբայական դարձվածը կարող է տրոհվել և՛ բույծով, և՛ ստորակետերով, քանի որ շաղկապը ո՛չ դարձվածի անդամ է, ո՛չ նախադասության, օրինակ՝ *Անձրևը սաստկանում էր, և, գյուղ հասնելով, մենք գիշերեցինք այնտեղ*: *Անձրևը սաստկանում էր, և, գյուղ հասնելով՝ մենք գիշերեցինք այնտեղ*:

Մյուս դերբայներով ձևավորված դերբայական դարձվածները չեն տրոհվում, օրինակ՝ *Իր այգում աշխատելիս* նա տեսավ ծանապարհով անցնող մարդուն: *Բակում խաղացող երեխաները* դադարեցրին խաղը: Այսպիսի դերբայական դարձվածները տրոհվում են այն դեպքում, երբ կատարում են որևէ տրոհվող անդամի պաշտոն, օրինակ՝ *Նա՝ իրեն միշտ գովողը, այս անգամ լռեց*: Այս նախադասության մեջ *իրեն միշտ գովողը* դերբայական դարձվածը գործածվել է բացահայտչի պաշտոնով և այդ պատճառով էլ տրոհվել է բացահայտչին բնորոշ կետադրությամբ:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ըստ կետադրման՝ ի՞նչ տեսակների են լինում դերբայական դարձվածները:
2. Դերբայական ո՞ր դարձվածներն են կետադրվում:

3. Ինչպե՞ս են կետադրվում նախադաս, միջադաս և հետադաս դերբայական դարձվածները:
4. Ո՞ր դեպքերում դերբայական դարձվածները չեն տրոհվում:

Վարժություն 13: Արտագրե՛ք նախադասությունները և կետադրե՛ք դերբայական դարձվածները (կետադրական մյուս նշանները դրված են):

1. Հինավուրց կաղնիներ էին կայծակնահար տապալվում վերջին շառաչյունների երկյուղները պարզևելով անտառների խորքերին:
2. Գարնանային փթթուն այգիների վրա անդրադարձող բոցերի խուրձը շլացուցիչ երանգներ էր սփռում այս ու այն կողմ գոյացնելով մի հրաշալի պատրանք:
3. Ինչ-որ անըմբռնելի ուժից մղված նա հանկարծ վեր կացավ և կտրուկ շարժումով փակեց սենյակի դուռը:
4. Արփին դանդաղընթաց գլորվում էր դեպի Մասիս լեռը հետևից քարշ տալով Արարատյան դաշտի շերտ-շերտ տատանվող շոգը:
5. Ես մի քանի ակնթարթ նայեցի թռչունին, ապա քայլեցի դեպի տուն երփներանգ խճեր հավաքելով:
6. Նկատվելու երկյուղից կծկվելով ոմանք թաթնվեցին ծառերի արանքում, ոմանք՝ թփերի մեջ, ու համակ լսողություն դարձած բոլորը սկսեցին հետևել ձիերի ոտնատրոփին:
7. Տարված խառնիճաղանջ մտքերով չէր զգում, որ անընդհատ պտտվում է ու վերադառնում միևնույն տեղը:
8. Օտարերկրացի ճանապարհորդները մեր երկրի մասին տարբեր տեղեկություններ են թողել մերթ ներկայացնելով աշխարհագրական յուրօրինակությունները, մերթ բուսական և կենդանական աշխարհը, մերթ մարդկանց վարքն ու բարքը:
9. Երբ մի քիչ էլ քայլեցինք ու այդ քարակարկառն անցնելով թեքվեցինք դեպի սարի աջակողմը, տեսանք, որ նոր-նոր է սկսվում հիմնական անտառը:
10. Լուսնի թրթռուն շողը ներս ընկավ լուսամուտից լուսավորելով մահճակալին քնած մանկան դեմքը:

Վարժություն 14: Դո՛ւրս գրեք դերբայական դարձվածներով նախադասությունները և նշե՛ք, թե որ դարձվածներն են տրոհվող (բացի դերբայական դարձվածների կետադրությունից՝ մյուս նշանները դրված են):

Այժմ ինձ փոքր-ինչ հանգիստ էի զգում: Ես՝ Ռոբինզոն Կրուզոս, որ այդքան նեղությունների ու փորձությունների միջով էի անցել, այժմ վերագտել էի հոգեկան անդորրս: Վերջին ճամփորդությունս լավ էր անցել: Ինձ պատահած միակ անախորժ դեպքն այն էր, որ մի գետակ անցնելիս իմ ձին սայթաքեց, և ես ուշքի եկա

ջրի մեջ: Թեև ջուրը խոր չէր, բայց ես ուղեից գլուխ թըջվեցի: Իհարկե, առանձնապես մեծ պատահար չէր, սակայն վատն այն էր, որ լիովին թըջվել էր ծոցատետրս, որում գրի էի առել ինձ հանդիպած ժողովուրդների ու վայրերի անունները, իսկ ես տարված լինելով ճանապարհի հոգսերով ժամանակին ուշադրություն չդարձրի ու չորացրի, և թերթիկները փտեցին: Այդ պատճառով էլ հետագայում շատ վայրերի անուններ չկարողացա մտաբերել:

Ինչպես ասացի, իմ այս վերջին ճամփորդությունը հիմնականում հաջող անցավ, և մենք միջօրեին մտանք Պեկին: Դեռ մի շաբաթ չէր անցել, որ Պեկինում էինք, երբ իմ անհանգիստ հոգին սկսեց ծանձրանալ: Ես արդեն հիմնականում ծանոթացել էի այդ հինավուրց քաղաքին, և այն այլևս չէր հետաքրքրում: Բայց մի օր ինձ մոտ եկավ մեր թարգմանիչ պորտուգալացին և հայտնեց, թե մի լուր ունի, որը կուրախացնի ինձ, բայց կտխրեցնի իրեն: Ես ասացի, որ այս երկրում ինձ հայտնի չէ որևէ բան, որը կարող է ինձ տխրեցնել կամ ուրախացնել: Սակայն նա վստահ լինելով իր լուրի ազդեցությանը ասաց, որ քաղաքում մոսկվացի և լեհ վաճառականներ կան, որոնք պատրաստվում են ութ-ինը շաբաթից բարավանով ճանապարհ ընկնել Ռուսաստան: Իմ պորտուգալացի բարեկամը համոզված էր, որ ես օգտվելով այդ պատեհի առիթից կմեկնեմ Նրանց հետ հրաժեշտ տալով իրեն: Խոստովանում եմ, որ ես և՛ ուրախացա, և՛ տխրեցի, բայց կասկածեցի լուրի ճշմարտությանը, որովհետև ոչ ոքի հայտնի չէր դա, ուստի հարցրի.

– Դաստա՞տ գիտե՞ք:

– Այո՛, – պատասխանեց նա, – այս առավոտ հանդիպեցի մի հին ծանոթի՝ մի հայի, որը եկել է Աստրախանից: Նա բարավանի հետ պետք է մեկնի Մոսկվա, ապա Վոլգա գետով իջնի Աստրախան:

Ուրախանալով այս անսպասելի լուրից ես առատ վարձատրեցի պորտուգալացուն, որ ուրախ բաժանվեմք թե՛ ես, թե՛ նա:

Ըստ Դանիել Դեֆոյի

ԲԱՐԴ ՍՏՈՐԱԴԱՍՏԱԿԱՆ ՆԱԽԱԴԱՍՏՈՒԹՅԱՆ ՓՈԽԱԿԵՐԴՈՒՄԸ ՊՍՐՋԻ ԵՎ ՀԱԿԱՌԱԿԸ

Դաճախ հնարավոր է բարդ ստորադասական նախադասությունը փոխակերպել պարզի և հակառակը, օրինակ՝ **Երբ անձրևը դադարեց, երեխաները շարունակեցին իրենց խաղը** – **Անձրևի դադարելուց հետո երեխաները շարունակեցին իրենց խաղը**: Սրանք շարահյուսական հոմանիշներ են: Փոխակերպումը կատարվում է որոշակի սկզբունքներով:

ա) Ստորադաս նախադասության պարզ ստորոգյալը վերածվում է դերբայի, իսկ բաղադրյալ ստորոգյալի դեպքում օժանդակ բայ-ստորոգիչը կա՛մ փոխարինվում է *լինել* բայով, կա՛մ դուրս է ընկնում. վերացական իմաստով բայ-ստորոգիչները (*դառնալ, թվալ, համարվել, կոչվել* և այլն) դառնում են դերբայներ:

բ) Ստորադաս նախադասությունը կապակցող շաղկապը կամ հարաբերական-կապակցական բառերը դուրս են ընկնում, և նրանց փոխարեն կարող է դրվել համապատասխան կապ:

գ) Ստորադաս նախադասության ենթական վերածվում է կողմնակի ենթակայի, որը կարող է դրվել սեռական հոլովով:

Բերվող օրինակում կատարվել են նշված երեք փոփոխությունները.

Երբ անձրևը դադարեց, երեխաները շարունակեցին իրենց խաղը:

Անձրևի դադարելուց հետո երեխաները շարունակեցին իրենց խաղը:

Այսինքն՝ ստորադաս նախադասության *դադարեց* ստորոգյալը կորցրել է դեմքը՝ վերածվելով անորոշ դերբայի, որը դրվել է բացառական հոլովով՝ *դադարելուց*, *երբ* հարաբերական դերանվան փոխարեն գործածվել է *հետո* կապը, *անձրևը* ենթական վերածվել է կողմնակի ենթակայի, որը դրվել է սեռական հոլովով՝ *անձրևի*:

Այս փոփոխությունները կարող են մասնակիորեն կատարվել: Օրինակ՝ *Նա խնդրեց ընկերոջը, որ օգնի իրեն* – *Նա խնդրեց ընկերոջը օգնել իրեն*. այս փոխակերպման դեպքում դուրս է ընկել *որ* շաղկապը, բայց նրա փոխարեն կապ չի դրվել, իսկ ենթակայի փոփոխություն չէր կարող կատարվել, քանի որ ստորադաս նախադասության մեջ ենթակա չկա: Կատարվել է հետևյալ փոփոխությունը. ստորադաս նախադասության *օգնի* ստորոգյալը վերածվել է դերբայի՝ *օգնել*:

Արդեն ասվել է, որ բաղադրյալ ստորոգյալի դեպքում օժանդակ բայ-ստորոգիչը դուրս է ընկնում կամ փոխարինվում է *լինել* բայով, ինչպես՝ *Տեսա այն նկարը, որը գեղեցիկ է* – *Տեսա գեղեցիկ նկարը* (է ստորոգիչը դուրս է ընկել). *Տեսա այն մարդուն, որը նախկինում այդ գործարանի տնօրենն էր* – *Տեսա նախկինում այդ գործարանի տնօրենը եղած մարդուն* (էր ստորոգիչը փոխարինվել է *լինել* (եղած) բայով): Իսկ վերացական իմաստ ունեցող բայով արտահայտված ստորոգիչը վերածվում է դերբայի, ինչպես՝ *Մոտեցանք այն տանը, որը հեռվից գեղեցիկ էր թվում* – *Մոտեցանք հեռվից գեղեցիկ թվացող տանը*. ստորադաս նախադասության *գեղեցիկ էր թվում* բաղադրյալ ստորոգյալի *թվում էր* ստորոգիչը վերածվել է դերբայի՝ *թվացող*:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ փոփոխություններ են հնարավոր ստորադաս նախադասությունը փոխակերպելիս:
2. Փոխակերպման ժամանակ ինչպե՞ս կարող է փոխվել բաղադրյալ ստորոգյալը:

Վարժություն 15: Ընտրե՛ք և արտագրե՛ք բարդ ստորադասական նախադասությունների ճիշտ փոխակերպումները:

1. Նա տեսավ, որ ճամփորդները մոտենում են գյուղի եկեղեցուն:
ա) Նա տեսավ գյուղի եկեղեցուն մոտեցող ճամփորդներին:
բ) Նա տեսավ ճամփորդների՝ գյուղի եկեղեցուն մոտենալը:
2. Բոլորը գիտեին, որ նա հաղթել է մրցույթում:
ա) Բոլորը գիտեին նրա՝ մրցույթում հաղթելը:
բ) Բոլորը գիտեին նրա՝ մրցույթում հաղթելու մասին:
3. Բոլորը գիտեին այն մասին, որ նա հաղթել է մրցույթում:
ա) Բոլորը գիտեին նրա՝ մրցույթում հաղթելը:
բ) Բոլորը գիտեին նրա՝ մրցույթում հաղթելու մասին:
4. Հանդիպման էին եկել այն նկարիչները, որոնք մասնակցել էին ցուցահանդեսին:
ա) Հանդիպման եկած նկարիչները մասնակցել էին ցուցահանդեսին:
բ) Հանդիպման էին եկել ցուցահանդեսին մասնակցած նկարիչները:
5. Բարձունքից գահավիժում էր փրփրացայտ ջրվեժը, որը հիացնում էր բոլորին:
ա) Բարձունքից գահավիժող փրփրացայտ ջրվեժը հիացնում էր բոլորին:
բ) Բարձունքից գահավիժում էր բոլորին հիացնող փրփրացայտ ջրվեժը:
6. Նա հրաժարվել էր գիտաժողովին մասնակցելուց, որովհետև վերապատրաստման համար մեկնելու էր արտասահման:
ա) Նա հրաժարվել էր գիտաժողովին մասնակցելուց վերապատրաստման համար արտասահման մեկնելու պատճառով:
բ) Նա վերապատրաստման համար արտասահման մեկնելու նպատակով հրաժարվել էր գիտաժողովին մասնակցելուց:
7. Որպեսզի մինչև մութն ընկնելը հասնի գյուղ, անտառապահը գնաց լեռնային ծուռումուռ կաճանով:
ա) Մինչև մութն ընկնելը գյուղ հասնելու համար անտառապահը գնաց լեռնային ծուռումուռ կաճանով:
բ) Նախքան մութը կընկներ, անտառապահը գյուղ հասնելու համար գնաց լեռնային ծուռումուռ կաճանով:
8. Արշակը առավոտյան խնդրեց հարևանին, որ օգնի իրեն:
ա) Արշակը առավոտյան խնդրեց հարևանին օգնել իրեն:
բ) Արշակը առավոտյան խնդրեց հարևանին իրեն օգնելու մասին:
9. Եթե սուրհանդակը ուշանար, արքան օգնական զորք էր ուղարկելու:
ա) Սուրհանդակի ուշանալու պատճառով արքան օգնական զորք էր ուղարկելու:
բ) Սուրհանդակի ուշանալու դեպքում արքան օգնական զորք էր ուղարկելու:

10. Նախքան անձրևը կսկսվելը, գյուղացիները հավաքվեցին մշակույթի տան դահլիճում:

ա) Անձրև սկսվելու պատճառով գյուղացիները հավաքվեցին մշակույթի տան դահլիճում:

բ) Նախքան անձրևի սկսվելը գյուղացիները հավաքվեցին մշակույթի տան դահլիճում:

Վարժություն 16: Ընտրե՛ք և արտագրե՛ք պարզ ընդարձակ նախադասությունների ճիշտ փոխակերպումները:

1. Ձորով հոսում էր շրջակա լեռների ձնաջրերից սկիզբ առնող մի գետ:

ա) Ձորով հոսող գետը սկիզբ էր առնում շրջակա լեռների ձնաջրերից:

բ) Ձորով հոսում էր մի գետ, որը սկիզբ էր առնում շրջակա լեռների ձնաջրերից:

2. Նա տեսավ հեղեղից կամրջի քանդվելը:

ա) Նա տեսավ, որ կամուրջը քանդվեց հեղեղից:

բ) Նա տեսավ, թե ինչպես կամուրջը քանդվեց հեղեղից:

3. Տնօրենը կարգադրեց հաշվապահին հաշվարկի արդյունքներն ուղարկել իրեն:

ա) Տնօրենը կարգադրեց հաշվապահին, որ հաշվարկի արդյունքներն ուղարկի իրեն:

բ) Տնօրենը կարգադրեց, որ հաշվապահը հաշվարկի արդյունքներն ուղարկի իրեն:

4. Գյուղամիջում հավաքված մարդիկ խոսում էին գարնանացանի խնդիրների մասին:

ա) Գյուղամիջում մարդիկ էին հավաքվել, որոնք խոսում էին գարնանացանի խնդիրների մասին:

բ) Մարդիկ, որոնք հավաքվել էին գյուղամիջում, խոսում էին գարնանացանի խնդիրների մասին:

5. Սարալանջին տեղ-տեղ մնացած ձյան շերտերը պսպղում էին արևից:

ա) Սարալանջին տեղ-տեղ ձյան շերտեր էին մնացել, որոնք պսպղում էին արևից:

բ) Ձյան շերտերը, որոնք տեղ-տեղ մնացել էին սարալանջին, պսպղում էին արևից:

6. Նրանք առավոտյան մեկնեցին՝ չնայած եղանակի անբարենպաստ լինելուն:

ա) Նրանք առավոտյան կմեկնեին, եթե եղանակը անբարենպաստ էլ լիներ:

բ) Նրանք առավոտյան մեկնեցին, թեև եղանակը անբարենպաստ էր:

7. Չանգը հնչելուն պես բոլորը դուրս վազեցին:

ա) Երբ զանգը հնչում էր, բոլորը դուրս էին վազում:

բ) Հենց որ զանգը հնչեց, բոլորը դուրս վազեցին:

8. Ծառերն օրորվում էին սարերից փչող սառը քամուց:

ա) Ծառերն օրորվում էին սառը քամուց, որը փչում էր սարերից:

բ) Սառը քամին, որը փչում էր սարերից, օրորում էր ծառերը:

9. Խողովակը նորոգելու դեպքում ահագին ջուր կխնայեին:

ա) Որպեսզի ահագին ջուր խնայեին, պետք է նորոգեին խողովակը:

բ) Եթե խողովակը նորոգեին, ահագին ջուր կխնայեին:

10. Այգիները ժամանակին ջրելու դեպքում լավ բերք կստանային:

ա) Եթե այգիները ժամանակին ջրվեին, լավ բերք կստանային:

ա) Եթե այգիները ժամանակին ջրեին, լավ բերք կստանային:

ԲԱՐԴ ՍՏՈՐԱԴԱՍՏԱԿԱՆ ԵՄԽԱԴԱՍՏՈՒԹՅԱՆ ՓՈԽԱԿԵՐԱԾՄԱՆ ԻՍՏԱՏՄՅՈՒՆ-ԲԵՐՄԱՆԱԿԱՆ ՍՈՒՆՆԵՄՆԱԿՈՒԹՅՈՒՆՆԵՐԸ

Բարդ ստորադասական նախադասությունները փոխակերպելիս անհրաժեշտ է ուշադրություն դարձնել հետևյալ հանգամանքներին:

ա) Պետք է պահպանել ստորադաս նախադասության պաշտոնը, այսինքն՝ որոշիչ ստորադաս նախադասությունը ճիշտ փոխակերպման դեպքում պետք է վերածվի որոշչի, ձևի պարագա ստորադաս նախադասությունը՝ ձևի պարագայի, և այլն: Օրինակ՝ *Նա տեսավ, որ երեխաները խաղում են բակում* նախադասությունը, որի ստորադաս բաղադրիչը ուղիղ խնդիր է, կփոխակերպվի այսպես. *Նա տեսավ երեխաների՝ բակում խաղալը*: Սխալ կլինի *Նա տեսավ բակում խաղացող երեխաներին* փոխակերպումը, քանի որ *բակում խաղացող* դերբայական դարձվածը որոշչի պաշտոն է կատարում:

բ) Իրենց արտահայտության կերպով գործողությունները լինում են կատարված, կատարվող և կատարելի, այսինքն՝ ներկայացվող ժամանակակետում գործողությունը կարող է լինել այս երեք վիճակներից մեկում: Օրինակ՝ *Նա երեկ զբոսնում էր պուրակում* նախադասության *զբոսնում էր* ստորոգյալը դրված է անցյալ ժամանակի բայով, որը, սակայն, արտահայտում է տվյալ պահին ընթացքի մեջ եղող գործողություն: Ստորադաս նախադասությունը փոխակերպելիս հիմնականում պետք է պահպանել բայի նույն վիճակը, ինչպես՝ *Մարդը, որը աշխատել էր գործարանում, եկավ – Գործարանում աշխատած մարդը եկավ* (կատարված վիճակ): *Մարդը, որը աշխատում է գործարանում, եկավ – Գործարանում աշխատող մարդը եկավ* (կատարվող վիճակ): *Հետաձգվեց աշխատանքը, որը մենք պետք է կատարեինք – Հետաձգվեց մեր կատարելիք աշխատանքը* (կատարելի վիճակ):

գ) Փոխակերպման հետևանքով ստացված կապակցությունը պետք է դառնա այն բառի լրացումը, որին լրացնում է երկրորդական նախադասությունը, օրինակ՝ *Արմենը և Գևորգը, որն ապրում է մեր շենքում, եկան մեր տուն – Արմենը և մեր շենքում ապրող Գևորգը եկան մեր տուն*: Սխալ կլինի *Մեր շենքում ապրող*

Արմենը և Գևորգը եկան մեր տուն փոխակերպումը, բանի որ Գևորգը բառին լրացնող որոշիչ ստորադաս նախադասությանը փոխարինած դարձվածը կլրացնի նաև Արմենը բառին:

Փոխակերպելիս շաղկապներին ու հարաբերական-կապակցական դերանուններին փոխարինում են համապատասխան կապեր: Աղյուսակներով ներկայացված են շաղկապների ու կապերի, ինչպես նաև դիմավոր բայերի ու դերբայների փոխարինության հիմնական զույգերը՝ համապատասխան օրինակներով:

Շաղկապների ու կապերի փոխարինության հիմնական զույգերը			
Շաղկապը կամ դերանունը	Նախադասությունը	Կապը	Փոխակերպված նախադասությունը
<i>որովհետև</i>	Որովհետև հիվանդ էր, չէր եկել:	<i>պատճառով</i>	Հիվանդ լինելու պատճառով չէր եկել:
<i>քանի որ</i>	Քանի որ հիվանդ էր, չէր եկել:	<i>պատճառով</i>	Հիվանդ լինելու պատճառով չէր եկել:
<i>ինչ որ</i>	Հենց որ անձրևը դադարեց, նրանք մեկնեցին:	<i>պես</i>	Անձրևի դադարելուն պես նրանք մեկնեցին:
<i>թե չէ</i>	Անձրևը դադարեց թե չէ, նրանք մեկնեցին:	<i>պես</i>	Անձրևի դադարելուն պես նրանք մեկնեցին:
<i>որպեսզի</i>	Գնաց բաղաք, որպեսզի հանդիպի ընկերոջը:	<i>համար, նպատակով</i> (կամ առանց կապի)	Գնաց բաղաք՝ ընկերոջը հանդիպելու (համար, նպատակով):
<i>եթե</i>	Եթե եղանակը լավ լինի, կմեկնենք:	<i>դեպքում</i>	Եղանակի լավ լինելու դեպքում կմեկնենք:
<i>թեև</i>	Թեև պայմանները նպաստավոր չէին, մենք հաղթեցինք:	<i>հակառակ, չնայած</i>	Հակառակ/չնայած պայմանների նպաստավոր չլինելուն՝ մենք հաղթեցինք:
<i>նախքան</i>	Նախքան աշխատանքը կսկսվեր, ղեկավարը ողջունեց նրանց:	<i>նախքան</i>	Նախքան աշխատանքի սկսվելը ղեկավարը ողջունեց նրանց:
<i>այնքան</i>	Մենք այնքան էինք հեռացել, որ տները չէին նշմարվում:	<i>չափ</i>	Մենք տների չնշմարվելու չափ հեռացել էինք:
<i>այնպես</i>	Նա այնպես էր վազում, ինչպես գիշատիչ գազանից են փախչում:	<i>նման, պես</i>	Նա գիշատիչ գազանից փախչելու նման/պես էր վազում:

Փոխակերպելիս պետք է հաշվի առնել նաև ստորադաս նախադասության ստորոգյալի իմաստային նրբերանգները: Օրինակ՝ անկատարով կազմված ժամանակածները տարբեր իմաստներ են արտահայտում: Դրանք կարող են արտա-

հայտել տվյալ պահին կատարվող գործողություն, ինչպես՝ **Նա քայլում է փողոցով**. կարող են արտահայտել մշտապես կրկնվող գործողություն, ինչպես՝ **Նա ամեն օր գնում է դպրոց**. կարող են արտահայտել անցյալում կատարված գործողություններ, ինչպես՝ **Չորավարն իր մի քանի քաջերի հետ հարձակվում է նահանջողների վրա և գերեվարում նրանց**. կարող են արտահայտել ապառնու իմաստ, ինչպես՝ **Նա վաղը մեկնում է արտասահման և այլն**:

Երբ + անկատար կառույցը փոխակերպվելիս սովորաբար արտահայտվում է **համակատար դերայով** կամ **անորոշի սեռական հոլով + ժամանակ** կապակցությամբ, օրինակ՝ **Երբ գրում էր – գրելիս** կամ **գրելու ժամանակ**: Սակայն այն դեպքերում, երբ անկատարն արտահայտում է մշտապես կրկնվող կամ անցյալում կատարված գործողություն, ապա արտահայտվում է **անորոշի բացառական հոլով + հետո** կապակցությամբ, օրինակ՝ **Երբ սովորում էր դասերը, հեռուստացույց էր դիտում – Դասերը սովորելուց հետո հեռուստացույց էր դիտում**. **Երբ դպրոցն ավարտում է, ընդունվում է բուհ – Դպրոցն ավարտելուց հետո ընդունվում է բուհ**:

Երբ + վաղակատար և **երբ + անցյալ կատարյալ** կառույցները փոխակերպվելիս արտահայտվում են **անորոշի բացառական հոլով + հետո** կապակցությամբ, օրինակ՝ **Երբ գրել էր, երբ գրեց – գրելուց հետո**:

Ներկայացվածները հիմնական սկզբունքներն են. հնարավոր են շեղումներ դրանցից:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Իմաստային-բերականական ի՞նչ իրողություններ պետք է հաշվի առնել փոխակերպելիս:
2. Փոխակերպելիս ստորադաս նախադասության ստորոգյալի իմաստային ի՞նչ առանձնահատկություններ պետք է հաշվի առնել:

Վարժություն 17: Տրված բարդ ստորադասական նախադասությունները փոխակերպե՛ք պարզի:

1. Այդպես անծայրածիր հորիզոնն է կերպարանափոխվում, երբ արևի թափառական թրթռացող մի շող ընկնում է փրփրադեզ թուխաբերին:
2. Գլխում խառնիճաղանջ մտքեր էին, որոնք սահում էին առանց որևէ կոնկրետ ձև ստանալու:
3. Երբ դարպասը ծխիկների սուր ճռնչոցով փակվեց, դիմացի սյունազարդ պատշգամբում մի մարդ երևաց:
4. Օրվա վերջին, երբ աղջամուղջն աստիճանաբար թանձրանում էր, նրանք հասան գյուղ:
5. Երբ բանտից ազատվեց, Օհանը այլևս չուզեց տեսնել իր դավաճան, փոքրոգի ընկերներին:
6. Ո՞վ է եղել այդ մարդը, որը փորձել է սրբագրել բնությունը:

7. Մտախոհ քայլողները չզգացին, որ իրենք դուրս են եկել հինավուրց անտառից:
8. Ահա օձագալար գետը, որը ոլոր-մոլոր անցնում է ձորով:
9. Հանկարծ լուռության մեջ լսվում են ժամացույցի զարկերը, որոնք նրան հանում են անեությունից:
10. Նա լարում էր հիշողությունը, որ ամեն ինչ կշռադատի:
11. Կարկաչուն գետի ափին հինավուրց ընկուզենին է, որի տերևները արդեն դեղնել էին:
12. Նրանք լայնահուն պողոտայով քայլեցին, մինչև որ ընդհուպ մոտեցան մի բարձրահարկ շենքի:
13. Խորհրդավոր ճամփորդը ոչինչ չտեսավ, որովհետև երբևէ չըջվեց:
14. Նա կանգ առավ այն ժամանակ, երբ թանձրացող աղջամուղջը պարուրում էր շրջապատի տներն ու ծառերի սաղարթները:
15. Ներսում մի ընդարձակ սրահ էր, որը լուսավորված էր լամպերով և բուխարու մեջ բոցկլտացող կրակով:
16. Իր բանջարանոցը, ծառերը կամ որթատունկերը ջրող այգեպանը մասնակից է դառնում մի ծիսակատարության, որն իր համար մեծ խորհուրդ ունի:
17. Թեև ջուրը խոր չէր, ես ոտքից գլուխ թըջվեցի:
18. Իրականությունն այն է, որ տարբեր եղանակներին ձկները տարբեր տեսք են ընդունում:
19. Ո՞ր էին այն թերահավատ նախապաշարումներն ու խոհերը, որոնք անընդհատ ճնշում էին ուղեղս մեր քաղաքային եկեղեցիներում:
20. Երբ ափը բոլորովին աներևութացավ, ինձ պաշարեց մի տարօրինակ թախիծ:

Վարժություն 18: Տրված պարզ նախադասությունները փոխակերպե՛ք բարդ ստորադասականի:

1. Նա նստել էր մի հինավուրց ծառի՝ հողից դուրս եկած օձագալար արմատներին:
2. Այդ թանգարանում շրջելիս հաճախ վերանում ես ամօրյայից:
3. Այդ օրը հայր ու որդի գնացել էին այգիները՝ բերքը հավաքելու:
4. Հիացմունք պարզևող այդ պատկերը ես վայելում էի ամեն օր:
5. Մինչև ընկերների՝ իր տուն գալը Նա շտապ-շտապ դասավորեց իրերը:
6. Աշխատանքից վերադառնալուն պես այցելում էր վատամոռջ հարևանին:
7. Նա անհամբեր սպասում էր հոր՝ արտասահմանից վերադառնալուն:
8. Փողոցով մտամոլոր քայլելու ժամանակ Նա ոչ մի անգամ հետ չնայեց:
9. Այդ տարօրինակ մարդուն շրջապատածները սարսափով ու անվստահությամբ լի հայացքներով էին նայում նրան:
10. Հանկարծակի ընդհատված խոսակցությունը մի քանի վայրկյանից վերսկսվեց:

11. Դիմացս հիևավուրց սաղարթախիտ անտառն էր՝ ընկղմված թանձր խավարի մեջ:
12. Մասամբ ցրվել էին մինչ այդ մեր կատարած տանջալուկ երթի տպավորությունները:
13. Տարված լինելով ճանապարհի հոգսերով՝ ժամանակին ուշադրություն չդարձրի:
14. Ճամփորդները նստեցին առվակի՝ ծաղիկներով ու խոտերով ծածկված ափին:
15. Մենք մի կերպ անցնում էինք անձրևից լպծուն դարձած ճանապարհով:
16. Պարտեզի կեստրոնում կարկաչուն շատրվանն էր՝ շրջապատված երփնե-րանգ ծաղիկների ածուներով:
17. Նրանից խնդրեցի նամակը՝ մի լավ ուսումնասիրելու:
18. Միասին գնացել էինք Օշական՝ հայ հանճարի՝ Մեսրոպ Մաշտոցի շիրի-մին այցելելու:
19. Չքոսայգու նստարանին նստածները աշխույժ գրուցում էին:
20. Շատրվանների ախորժալուր խշռոցը լսելիս նրա տրամադրությունը բարձրանում էր:

Վարժություն 19: Ընտրե՛ք փակագծում տրված այն բառածևը կամ կապակցությունը, որի գործածման դեպքում փոխակերպումը ճիշտ կլինի:

1. Տեսա այն մարդուն, որը եկել էր:
Տեսա (*եկող, եկած*) մարդուն:
2. Հետաձգվեց ուղևորությունը, որը մենք կատարելու էինք հաջորդ շաբաթ:
Հետաձգվեց հաջորդ շաբաթ մեր (*կատարած, կատարելիք*) ուղևորու-թյունը:
3. Ջուրը, որը թափվում էր վնասված խողովակից, թրջել էր հատակը:
Վնասված խողովակից (*թափվող, թափված*) ջուրը թրջել էր հատակը:
4. Նա սրտնեղում էր, որ չգիտի այդ պատմության ավարտը:
Նա սրտնեղում էր այդ պատմության ավարտը (*չիմանալով, չիմանալուց*):
5. Հենց որ անձրևը դադարեց, երեխաները ելան բակ:
Անձրևը (*դադարելուն պես, դադարելուց հետո*) երեխաները ելան բակ:
6. Երբ կառուցում էին տունը, նա մեկնեց արտասահման:
Տունը (*կառուցելու ժամանակ, կառուցելուց հետո*) նա մեկնեց արտա-սահման:
7. Որպեսզի չմատնի իրեն, լռեց:
Իրեն (*չմատնելու համար, չմատնելու պատճառով*) լռեց:
8. Երբ ավարտվեց հանդիպումը, մարզիկներն անմիջապես գնացին օդանավակայան:

Հանդիպումը (ավարտվելուն պես, ավարտվելուց հետո) մարզիկներն անմիջապես գնացին օդանավակայան:

9. Երբ գնում էր թատրոն, հանդիպեց դասընկերոջը:
Թատրոն (գնալիս, գնալուց հետո) հանդիպեց դասընկերոջը:
10. Որպեսզի չվնասի նկարը, աշխատում էր շատ զգույշ:
Նկարը (չվնասելու պատճառով, չվնասելու համար) աշխատում էր շատ զգույշ:

Զահուկյան Գևորգ Բեգլարի (1920–2005)



Ծնվել է Կայիսինոյի շրջանի Շահեսազար (այժմ՝ Մեծավան) գյուղում: 1937–41թթ. սովորել է Երևանի պետական համալսարանի բանասիրության ֆակուլտետում: 1941–43թթ. մասնակցել է Հայրենական մեծ պատերազմին:

1947-ին Գ. Զահուկյանը պաշտպանել է թեկնածուական, իսկ 1955-ին՝ դոկտորական ատենախոսություն: 1962-ից մինչև կյանքի վերջը եղել է ԳԱ լեզվի ինստիտուտի տնօրեն՝ միաժամանակ պաշտոնավարելով համալսարանում իբրև ռոմանագերմանական բանասիրության ամբիոնի վարիչ, ապա՝ ընդհանուր լեզվաբանության ամբիոնի պրոֆեսոր: 1974 թվականին ընտրվել է ԳԱ ակադեմիկոս:

Գ. Զահուկյանն իր անգնահատելի նպաստն է բերել հայ նորագույն լեզվաբանության հիմնադրման գործին: Ականավոր լեզվաբանի թողած գիտական պատկառելի ժառանգության մեջ նշանակալից են «Հին հայերենի հոլովման սիստեմը և նրա ծագումը» (1959), «Ակնարկներ հայոց լեզվի նախագրային շրջանի պատմության» (ռուս., 1967), «Հայոց լեզվի համեմատական բերականություն» (ռուս., 1982), «Հայոց լեզվի պատմություն. նախագրային շրջան» (1987) աշխատությունները:

Գ. Զահուկյանի հետագա շրջանի կրթողային աշխատությունները՝ «Հայ բարբառագիտության ներածություն» (1972), «Հայոց լեզվի զարգացումը և կառուցվածքը» (1969), «Ժամանակակից հայերենի տեսության հիմունքները» (1974), «Ժամանակակից հայերենի իմաստաբանություն և բառակազմություն» (1989), շրջադարձային նշանակություն ունեցան և ճանաչարհի հարթեցին հետագա ուսումնասիրությունների և հայ լեզվաբանությունը միջազգային ասպարեզ հանելու համար: Նա անդամակցում էր Եվրոպայի և ԱՄՆ-ի լեզվաբանական ընկերություններին: 1965թ. նա արժանացել է ՀԽՍՀ գիտության վաստակավոր գործչի կոչման, 1988թ.՝ ՀԽՍՀ Պետական, իսկ 1996-ին՝ ՀՀ գիտության ազգային մրցանակների: Պարգևատրվել է Գոկտեմբերյան հեղափոխության, «Պատվո նշան», «Մերոպ Մաշտոց» շքանշաններով և մի շարք մեդալներով:

ՄԵՋՔԵՐՎՈՂ ՈՒՂՂԱԿԻ ԵՎ ՍՆՈՒՂՂԱԿԻ ԽՈՍՔ

Խոսողը հաճախ կարող է մեջքերել իր կամ ուրիշի խոսքը, օրինակ՝ – *Ես վաղը մեկնելու եմ, – ասաց ընկերս: Ես քեզ խնդրել էի: – Ոչ ոքի չհայտնես:* Խոսքը կարող է մեջքերվել նաև ոչ այն ձևով, ինչպես որ ասվել է, այլ պատմողաբար, անուղղակիորեն, ինչպես՝ *Ընկերս ասաց, որ ինքը վաղը մեկնելու է: Ես քեզ խնդրել էի, որ ոչ ոքի չհայտնես:* Միևնույն մեջքերվող խոսքի ուղղակի և անուղղակի ձևերը շարահյուսական հոմանիշներ են: Ուղղակի խոսքը հեղինակային խոսքին կարող է կապակցվել ասացական իմաստով տարբեր բառերով, ինչպես *ասել, պատասխանել, կարգադրել, հայտնել, հաղորդել* և այլն: Օրինակ՝ – *Յուրերն արդեն ժամանել են, – հայտնեց օգնականը:*

Երբեմն հեղինակային խոսքը և ուղղակի խոսքը կարող են կապակցվել խոսողի զգացական վիճակն արտահայտող բառերով, ինչպես՝ *ժպտալ, վրդովվել, հուզվել, ոգևորվել, բարկանալ, ուրախանալ* և այլն: Օրինակ՝ – *Եթե այդպես է, ուրեմն ամեն ինչ լավ է, – ուրախացավ նա: – Ինչո՞ւ ինձ չես հայտնել այդ ամենը, – զայրացավ իշխանը:*

Ուղղակի խոսքը պայմանականորեն բաժանվում է երկու տեսակի՝ հնչող և չհնչող, այսինքն՝ հնչող է բարձրաձայն ասվող խոսքը, իսկ չհնչող է մտածմունքը, նամակում գրվածը և այլն: Իհարկե, գրվածն էլ հնարավոր է ընթերցել, այսինքն՝ այդ դեպքում այն հնչում է, սակայն իրենց կետադրությամբ հնչող և չհնչող մեջքերվող խոսքերը տարբերվում են. մեջքերվող չհնչող խոսքը գրվում է չակերտներով, իսկ հնչող խոսքը՝ անջատման գծով:

Հեղինակի խոսքը ուղղակի խոսքի նկատմամբ կարող է լինել նախադաս, միջադաս կամ հետադաս, ինչպես՝ *Նա ասաց. – Ես այսօր մեկնելու եմ: – Ես, – ասաց նա, – այսօր մեկնելու եմ: – Ես այսօր մեկնելու եմ, – ասաց նա:*

Եթե հեղինակի խոսքը նախադաս է, ապա ունենում է *ենթակա – ստորոգյալ* շարադասությունը (*նա ասաց*), իսկ եթե միջադաս է կամ վերջադաս, ապա *ստորոգյալ – ենթակա* շարադասությունը (*ասաց նա*):

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է մեջքերվող խոսքը:
2. Ինչպե՞ս կարող է մեջքերվել խոսքը:
3. Պայմանականորեն ի՞նչ տեսակների է բաժանվում մեջքերվող խոսքը:
4. Հեղինակի խոսքը մեջքերվող խոսքի նկատմամբ ի՞նչ դիրք կարող է ունենալ:

Վարժություն 20: Կարդացե՛ք և առանձնացրե՛ք մեջքերվող ուղղակի և անուղղակի խոսքերը:

«Հին աշխարհի պատմություն» առարկայի դասին էր, որ ես առաջին անգամ ապշեցրի դասընկերներիս՝ հասկացնելով, որ իրենց առջև հիրավի յուրօրինակ

մտքի տեր մի անձնավորություն է: Այնպես պատահեց, որ դա համընկավ այդ առարկայի հենց առաջին դասին: Հենց որ դասագրքերը բաժանեցին, ուսուցչուհին ասաց, որ բացենք ութսունիններորդ էջը: Ես ասացի, որ ավելի ճիշտ կլիներ առաջին դասին նախ բաց անել առաջին էջը: Նա նույն վայրկյանին հարցրեց, թե ինչ է իմ անուն-ազգանունը, և ես զվարթ ասացի.

– Վիլյամ Սարոյան:

– Ուրեմն այսպես, Վիլյամ Սարոյան, – զայրույթով վրա բերեց ուսուցչուհին, – լռե՛ք և ինձ հնարավորություն տվե՛ք դասավանդելու:

Ես նստեցի, իսկ ուսուցչուհին սկսեց խոսել դասագրքում պատկերված երկու քարաբեկորների մասին՝ ասելով, թե ըստ հնեաբանների՝ դրանք քսան հազար տարեկան են: Հենց այդ պահին էլ ծնվեց մտածողությանս նոր համակարգը, որի համաձայն՝ հարցերը չպետք է անընդհատ ուսուցիչները տան, իսկ աշակերտները ճգնեն պատասխանել, ուստի հարցրի.

– Որտեղի՞ց գիտե՛ք:

Ամբողջ դասարանը գոռում-գոցունով շտապեց իր հավանությունը տալ իմ նոր համակարգին, իսկ ուսուցչուհին հարցիս պատասխանելու փոխարեն ստիպեց ինձ փախուստի դիմել, այսինքն՝ սրընթաց նետվեց դեպի ինձ: Ես հապշտապ դուրս թռա դասարանից և որոշեցի առանց հետևանքներին սպասելու եղելության մասին տեղյակ պահել տնօրենին: Երբ նրան պատմեցի կատարվածը, անակնկալի եկա, քանի որ նրա համակրանքն ուսուցչուհու կողմն էր, և նա խոժոռ հայացքով ոտքից զլուխ չափում էր ինձ: Տնօրենը հարցրեց, թե ինչ է իմ ազգանունը և ազգությունը: Լսելով պատասխանս՝ ջղայնությամբ ասաց.

– Միայն հայը կարող էր նման հարց տալ, իմ՝ Կալիֆոռնիայի դպրոցներում աշխատելու տարիներին ոչ ոք երբևէ նման հարց չի տվել:

– Այո՛, – վրդովված պատասխանեցի ես, – այն բոլոր տարիներին էլ, քանի դեռ Նյուտոնը չէր հետաքրքրվել, թե ինչու է խնձորը ծառից ընկնում, ոչ ոք երբևիցե նման հարց չէր տվել:

Ըստ Վիլյամ Սարոյանի

Վարժություն 21: Գրե՛ք հինգ ուղղակի և հինգ անուղղակի խոսքով նախադասություն:

Վարժություն 22: Գրե՛ք փոքրիկ շարադրություն «Զբոսանք» վերնագրով՝ գործածելով առնվազն հինգ ուղղակի խոսք:

ՄԵՋԲԵՐՎՈՂ ՈՒՂԱԿԻ ԽՈՍՔԻ ՓՈԽՄԿԵՐԴՈՒՄԵ ՍԵՌԻՂԱՍԿԻ

Մեջբերվող ուղղակի խոսքը հիմնականում հնարավոր է արտահայտել նաև անուղղակի ձևով, որը դառնում է տվյալ մեջբերվող խոսքի շարահյուսական հոմանիշը, ինչպես՝ – *Մենք ավարտել ենք աշխատանքը, – ասաց նա: Նա ասաց, որ*

իրենք ավարտել են աշխատանքը: Ուղղակի խոսքն անուղղակիի փոխակերպելիս կատարվում են մի շարք փոփոխություններ:

1. Նախ հիշենք, որ հեղինակի խոսքն ուղղակի խոսքի նկատմամբ կարող է լինել նախադաս, միջադաս կամ հետադաս, իսկ անուղղակի խոսքի դեպքում այն նախադաս է, օրինակ՝ – *Ես կարդացել եմ այդ գիրքը, – ասաց նա: Նա ասաց, որ ինքը կարդացել է այդ գիրքը:*

2. Հեղինակի խոսքը և ուղղակի խոսքը, բացի *ասել, պատասխանել, կարգադրել, հայտնել, հաղորդել* և նման այլ ասացական բայերից, կարող են կապակցվել նաև զգացական բայերով, ինչպես՝ *վրդովվել, հուզվել, ոգևորվել, բարկանալ, ուրախանալ* և այլն, օրինակ՝ – *Ամեն ինչ լավ է կատարվել, – ուրախացավ նա:* Չզացական բայերով կապակցված ուղղակի խոսքը չի փոխակերպվում, քանի որ փոխակերպման դեպքում անհրաժեշտ կլինի փոփոխություն կատարել նաև հեղինակի խոսքում (օրինակ՝ ավելացնել *ասելով* դերբայը):

3. Այն ուղղակի խոսքերը, որոնք հարցական են, անուղղակիի վերածվելիս հեղինակի խոսքին կապվում են *թե* շաղկապով, օրինակ՝ *Նա հարցրեց ինձ. – Ե՞րբ է ավարտվելու թո գործուղումը: Նա հարցրեց ինձ, թե երբ է ավարտվելու իմ գործուղումը: – Մի՞թե նա թեզ չի հայտնել այդ ամենը, – զարմացած հարցրեց ընկերս: Ընկերս զարմացած հարցրեց, թե մի՞թե նա ինձ չի հայտնել այդ ամենը:* Մյուս դեպքերում անուղղակի խոսքը հեղինակի խոսքին կապակցվում է հիմնականում *որ* շաղկապով, ինչպես՝ *Նկարիչն ասաց. – Իմ նկարների ցուցահանդեսը կբացվի մեկ ամսից: Նկարիչն ասաց, որ իր նկարների ցուցահանդեսը կբացվի մեկ ամսից:* Եթե հարցական ուղղակի խոսքում չկան հարցական դերանուններ կամ հարցական-երկբայական երանգով վերաբերականներ, ապա անուղղակիի փոխակերպելիս կարելի է ավելացնել *արդյոք* բառը, ինչպես՝ – *Աշխատանքն ավարտվել է, – հարցրեց նա: Նա հարցրեց, թե արդյո՞ք աշխատանքն ավարտվել է:*

4. Հրամայական եղանակի բայերով արտահայտված ստորոգյալ ունեցող ուղղակի խոսքը փոխակերպելիս կարելի է ավելացնել *թող* բառը, իսկ հրամայական բայը վերածվում է ըղձական եղանակի բայածևի, ինչպես՝ – *Եթե դուք որևէ ցանկություն ունեք, – ասաց տանտերը հյուրերին, – հայտնե՛ք: Տանտերը հյուրերին ասաց, որ եթե նրանք որևէ ցանկություն ունեն, թող հայտնեն:*

5. Ուղղակի խոսքը փոխակերպելիս կատարվում են նաև համապատասխան դիմային փոփոխություններ, ինչպես՝

– *Դու թո աշխատանքը կներկայացնես վաղը, – ասաց նկարիչը ինձ:*

Նկարիչը ինձ ասաց, որ ես իմ աշխատանքը կներկայացնեմ վաղը:

– *Դու թո աշխատանքը կներկայացնես վաղը, – ասաց նկարիչը թեզ:*

Նկարիչը թեզ ասաց, որ դու թո աշխատանքը կներկայացնես վաղը:

– Դու քո աշխատանքը կներկայաց-
նես վաղը,– ասաց Նկարիչը Նրան
(Աշուտին):

Նկարիչը Նրան (Աշուտին) ասաց, որ
նա իր աշխատանքը կներկայացնե
վաղը:

6. Ուղղակի խոսքը փոխակերպելիս կոչականը կարող է ենթարկվել մի բան՝
փոփոխությունների:

ա) Չգացական արժեքով կոչականները դուրս են ընկնում, օրինակ՝ – Սիրելի՛-
ես ինչպե՞ս օգնեմ քեզ,– հարցրեց տղան: Տղան հարցրեց, թե ինքը ինչպես օգնե
Նրան:

բ) Կոչականը կարող է վերածվել ենթակայի, ինչպես՝ – Արմեն, վաղը ե՛կ ինձ
օգնելու,– ասաց հայրը: Հայրն ասաց, որ Արմենը վաղը գա իրեն օգնելու:

գ) Կոչականը կարող է վերածվել հանգման անուղղակի խնդրի, ինչպես՝ – Ար-
մեն, վաղը ե՛կ ինձ օգնելու,– ասաց հայրը: Հայրն ասաց Արմենին, որ վաղը գա
իրեն օգնելու:

դ) Եթե կոչականն արտահայտող գոյականը որպես հանգման անուղղակի
խնդիր գործածված է հեղինակային խոսքում, ապա փոխակերպման ժամանակ
կոչականը դուրս է ընկնում, ինչպես՝ Որդին ասաց հորը. – Հայր, ես կկատարեմ
այդ աշխատանքը: Որդին ասաց հորը, որ ինքը կկատարի այդ աշխատանքը:

ե) Եթե ուղղակի խոսքում կա կրկնվող կոչական, ապա անուղղակի
վերածելիս հանգման խնդիր կամ ենթակա դառնում է Նրանցից մեկը, իսկ
մյուսները դուրս են ընկնում, ինչպես՝ – Մայրի՛կ, մայրի՛կ, ե՛րբ ենք գնալու,–
հարցրեց երեխան: Երեխան հարցրեց մայրիկին, թե երբ են գնալու: Իսկ եթե կան
տարբեր կոչականներ, բոլորն էլ փոխակերպելիս վերածվում են կա՛մ հանգման
խնդրի, կա՛մ ենթակայի, օրինակ՝ – Արմեն, Դավիթ, տո՛ւն եկեք,– կանչեց մայրը:
Մայրը կանչեց Արմենին, Դավիթին, որ տուն գան:

7. Ուղղակի խոսքն անուղղակի փոխակերպելիս դուրս են ընկնում
ծայնարկությունները և վերաբերմունք արտահայտող բառերը՝ կարծեմ, լա՛վ,
ներեցե՛ք և այլն: Օրինակ՝ – Վա՛յ, նա արդեն վերադարձե՛լ է,– զարմացած
հարցրեց Հասմիկը: Հասմիկը զարմացած հարցրեց, թե նա արդեն վերադարձե՛լ է
– Լավ, ես քեզ կօգնեմ,– ասաց ծերունին տղային: Ծերունին տղային ասաց, որ
ինքը Նրան կօգնի:

8. Ուղղակի խոսքում եղած առաջին շարքի ցուցական դերանունները
փոխակերպման ժամանակ անհրաժեշտության դեպքում փոխարինվում են
երկրորդ շարքի դերանուններով՝ այս – այդ, այստեղ – այդտեղ, այսքան – այդ-
քան, այսպես – այդպես և այլն (բացի սույն-ից): Անուղղակին ուղղակիի փո-
խակերպելիս հակառակ փոփոխությունը (այդ – այս) պարտադիր է: Օրինակ՝
– Վերցրո՛ւ այս ներկը և սրանո՛ւմ ներկիր ցանկապատը,– ասաց պապը թոռանը:
Պապը թոռանը ասաց, որ վերցնի այդ ներկը և դրանով ներկի ցանկապատը:

Փոխակերպման ժամանակ նույն սկզբունքով են փոփոխվում նաև ցուցական դերանուններով կազմված բաղադրյալ բառերը, օրինակ՝ **այսօր – այդ օրը** և այլն:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ շարադասությամբ է դրվում անուղղակի խոսքը հեղինակի խոսքի նկատմամբ:
2. Ի՞նչ շաղկապներով է կապակցվում անուղղակի խոսքը:
3. Փոխակերպման ի՞նչ առանձնահատկություններ ունի հարցական ուղղակի խոսքը:
4. Փոխակերպման ի՞նչ առանձնահատկություններ ունի հրամայական բայ-ստորոգյալ ունեցող ուղղակի խոսքը:
5. Մեջբերվող ուղղակի խոսքն անուղղակիի փոխակերպելիս ի՞նչ փոփոխությունների կարող է ենթարկվել կոչականը:

Վարժություն 23: Տրված ուղղակի խոսքը փոխակերպե՛ք անուղղակիի:

1. – Դա այն հայտնի քանդակագործն է,– լսելի եղավ ամեն կողմից:
2. Այդ ժամանակ իմ մեջ թայրտում էր որսորդի ոգին, և մտքում ինքս ինձ ասում էի. «Սրանից հաջող որս որտե՞ղ կգտնես, վազի՛ր, հրացանդ բե՛ր»:
3. «Յետախույզ են ուղարկել»,– մտածեցի ես՝ լիովին անշարժանալով:
4. «Որտե՞ղ մնաց, ե՞րբ և ո՞ւր կորավ այդ դժոխքի դւը»,– վրդովմունքից խեղդվելով՝ խորհում էի ողջ գիշեր:
5. – Լավ,– ասացի ես,– հենց վաղը՝ երեկոյան կողմ, կգնամ այցելության:
6. Դպրոցի տեսուչն ինձ կանչեց և ցույց տալով նամակը՝ հարցրեց.
– Կարո՞ղ ես ասել՝ ում ձեռագիրն է:
7. – Ուզում եմ ես ու դու այստեղ մի քիչ էլ զբոսնենք, դիտենք մամռապատ խաչքարերով գերեզմանատունը, խաղողի որթատունկերը,– պատասխանեց նա ինձ:
8. – Ներս կանչիր հյուրիդ,– ինձ ասաց բարեհամբույր կինը, ապա դառնալով պառավին՝ ավելացրեց, – դու մի երկու հա՛ց հանիր, ես հիմա կգամ:
9. «Մոռացա՞վ, անտեսե՞ց ինձ սպարապետը»,– սրդողած խորհում էր Ատոմը:
10. – Մենք բարեհաջող անցանք, դուք զգու՛յշ եղե՛ք՝ հանկարծ չսայթաքե՛ք,– մեզ պատասխանեց գինվորը:
11. «Մի՞թե ոչինչ չի փոխվել»,– մտածեց նա՝ անհնար համարելով այդ:
12. Մի քանի վայրկյան հետո ես գլխի եմ ընկնում և ասում ծերունուն.
– Յայրի՛կ, այստեղ ամեն մարդ ինքն իրեն պետք է սպասարկի:
13. – Դե՛, այս մե՛կն էլ շուռ տվե՛ք ու վերջացրե՛ք գործը,– երիտասարդ բանվորներին հրահանգեց մի ալեգարդ մարդ:
14. Նա վճռական շարժումով մոտեցավ հորը և ասաց.
– Յայ՛ր, իմ քննական համերգն է, արի՛ լսելու:

15. Ընկերս ինձ մի օր ասաց.
– Ես վերջապես իմացա՝ ովքեր են եղել ինձ վրա հարձակվողները:
16. Նա անդրավարտիքի գրպանից հանեց թղթերը և ինձ ասաց.
– Մի նոր բան եմ գրել. ես կկարդամ, դու լսիր:
17. – Իմ գործադրած նախազգուշություններն ապարդյուն անցան,– ասաց նա տխրությամբ:
18. Այնժամ նա զգուշ հետ դարձավ և շշնջաց.
– Մենք պետք է գնանք, քանի դեռ մեզ չեն նկատել:
19. – Մենք կարծում ենք, որ Դուք չեք կարողանա մեզ օգնել, և ես էլ այդ դեպքում նրանց պատվերը չեմ հասցնի կատարել,– պատասխանեց նա ինձ:
20. – Մա՛րդ, աստծո, չէ՞ր կարող նախօրոք տեղյակ պահել մեզ քո մտադրության մասին,– վրդովված ասաց ծերունին վարպետին:

Վարժություն 24: Տրված անուղղակի խոսքը փոխակերպե՛ք ուղղակի:

1. Ուղեկիցս ասաց, որ տարիներ առաջ այդ վայրը նույնպես ծածկված է եղել սաղարթախիտ ծառերով:
2. Վարդանը խնդրեց ընկերոջը, որ իրեն հայտնի մասնակիցների հանդիպման վայրը:
3. Անշարժ նստած՝ նա խորհում էր, որ նրանք իրեն չօգնեցին, բայց ինքը միշտ էլ աջակցել էր այդ մարդկանց:
4. Այդ ամենից հետո մարգիչն ասաց, որ իրենք բոլորն էլ ջանք չեն խնայել, և դրա շնորհիվ էլ հաղթել են նրանց:
5. Գարեգինը հարցրեց նրանց, թե նրանք իրեն չե՞ն կարող արդյոք ներգրավել այն խմբի մեջ, որը մեկնելու է պեղումներ կատարելու:
6. Աշակերտները հարցրին ուսուցչին, թե իրենք երբ կգնան այն թանգարանը, որի մասին նա դասի ընթացքում պատմել էր իրենց:
7. Պատվիրակը հայտնեց տնօրենին, որ ինքը եկել է նրանց հանձնարարությամբ և պետք է վերադառնալով նրա պատասխանն էլ հայտնի նրանց:
8. Վարորդը հայտնեց ուղևորներին, որ ինքը պետք է կնքել տա փաստաթղթերը, բայց իսկույն կվերադառնա, ուստի նրանք իրեն սպասեն ավտոբուսում:
9. Նրանք նամակով հայտնում էին մեզ, որ իրենք տեղյակ են մեր հաջողություններին, բայց մենք չգիտենք, որ իրենք էլ են հաղթել մրցույթում:
10. Մինչ այդ ոչինչ չասած մարդը հարցրեց, թե ով է իրեն օգնելու ղեկավարության հանձնարարությունը կատարելիս, և ինքը արդյոք ծանոթ է նրան:
11. Նա հավաստիացնում էր, որ իրենք բոլորն էլ լավ են նախապատրաստվել մրցույթին և կատարել են իրենց հանձնարարված բոլոր աշխատանքները:
12. Աշակերտները խնդրեցին ուսուցչին, որ իրենց թույլ տա, որ գնան ցուցահանդես, որտեղ ներկայացված են նաև իրենց դասընկերոջ նկարները:

13. Նա մտքում անընդհատ կրկնում էր, թե ինչու ինքը նրան չնախագգու-
շացրեց, որ ինքը չի կարող օգնել:
14. Նամակում ասված էր, որ մրցույթին կարող են մասնակցել մեզանից
նրանք, ովքեր հաղթել են Նախնական փուլում:
15. Նկարիչն ասաց, որ իր կտավներում ինքը փորձել է պատկերել այն ամենը,
ինչը տեսնում են բոլորը, բայց ոչ բոլորն են կարողանում պատկերել:
16. Ձկնորսը պատասխանեց, որ իր մաշված ուռկանով ինքը չի կարող ծուկ
որսալ:
17. Հյուրերը հարցրին տանտիրոջը, թե նա երբ է վերադարձել գործուղումից,
և ինչու էին իրեն այդպես անակնկալ գործուղել:
18. Դռնապանն ասաց հարցնողներին, որ ինքը չգիտի, թե նա երբ կգա. իրենց
այդ մասին նա չի հայտնել:
19. Լրագրում գրված էր, որ Նկարիչն իր համար էլ անսպասելի գտել է մի
եղանակ, որով կարողանում է իր կտավների գույները պայծառացնել:
20. Հայկը հայտնեց Վահեին, որ իր գործն արդեն ավարտել է և գնում է տուն.
թող նա կիսատ թողնի իր գործը, իրենք վաղը միասին կշարունակեն:

ՈՒՂՂԱԿԻ ԽՈՍՔԻ ԿԵՏԱԴՐՈՒԹՅՈՒՆԸ

Ինչպես ասվել է, մեջբերվող խոսքը պայմանականորեն բաժանվում է երկու
տեսակի՝ հնչող և չհնչող:

1. **Որպես հնչող խոսք** մեջբերվող ուղղակի խոսքը կետադրվում է հետևյալ
ձևով:

Եթե հեղինակի խոսքը նախադաս է, ապա նրանից հետո դրվում է միջակետ,
իսկ ուղղակի խոսքը մեծատառով գրվում է սոր տողից. նրանից առաջ դրվում է
անջատման գիծ, օրինակ՝

Տեսնելով մեզ բակում՝ նա հարցրեց.

– Ի՞նչ եք ուզում:

Եթե հեղինակի խոսքը միջադաս կամ վերջադաս է, ապա նրանից առաջ
դրվում է ստորակետ-գիծ (կամ էլ կախման կետեր-գիծ), իսկ հեղինակի միջադաս
խոսքից հետո դրվում է կա՛մ ստորակետ-գիծ, կա՛մ միջակետ-գիծ, կա՛մ վերջակետ-
գիծ: Ստորակետ-գիծը միշտ գործածվում է որպես հեղինակի և ուղղակի խոսքի
տրոհման միջոց, իսկ միջակետի, վերջակետի, ինչպես նաև կախման կետերի
գործածությունը պայմանավորված է նրանով, թե տվյալ դեպքում հեղինակի
խոսքին նախորդող և հաջորդող միավորներն իրար նկատմամբ շարահյուսական
ինչ հարաբերություն ունեն: Օրինակ՝ *Մենք ոչինչ չենք կարող անել. ամեն ինչ
վերջացած է* նախադասության բաղադրիչներն ունեն պատճառահետևանքային
հարաբերություն, ուստի նրանց միջև միջակետ է դրվել: Եթե այս նախադասու-
թյունն ընդմիջվի հեղինակի խոսքով, ապա նրանից հետո կդրվի միջակետ-գիծ,
ինչպես՝ – *Մենք ոչինչ չենք կարող անել, – ասաց մարդիկը. – ամեն ինչ վերջացած է:*

Այլ օրինակներ՝

- Ես,- ասաց ճամփորդը,- շատ հեռվից եմ գալիս:
- Խավար գիշեր է,- ասաց տանտերը,- չես կարող մեկնել:
- Ամեն ինչ ավարտված է,- ավստասանքով ասաց իշխանը:- Ձիերը թամբե՞ք և մեկնե՞ք:
- Ես...- կմկմաց տղան,- ես ի՞նչ կարող էի անել:

2. **Որպես ինչո՞ղ խոսք** մեջբերվող ուղղակի խոսքը կետադրվում է հետևյալ ձևով:

Եթե հեղինակային խոսքը նախադաս է, ապա նրանից հետո դրվում է միջակետ, իսկ ուղղակի խոսքն առնվում է չափերտների մեջ, օրինակ՝ *Նա գրում է «Շուտով վերադառնալու եմ»: Վահրամ Փափազյանն ասել է. «Հանցանք է արշավի ձին արորի լծելը»:*

Եթե հեղինակի խոսքը միջադաս է, ապա, ինչպես մեջբերվող ինչո՞ղ խոսքի դեպքում, նրանից առաջ կարող է դրվել ստորակետ-գիծ կամ կախման կետեր-գիծ, իսկ նրանից հետո՝ ստորակետ/միջակետ/վերջակետ-գիծ, և ուղղակի խոսքն առնվում է չափերտների մեջ, օրինակ՝ *«Ես,- գրում էր Նա,- շուտով կվերադառնամ»:* *«Մենք ավարտել ենք աշխատանքը,- գրում էր որդին:- Մի քանի օրից ես կվերադառնամ տուն»:*

Եթե հեղինակի խոսքը վերջադաս է, ապա ուղղակի խոսքն առնվում է չափերտների մեջ, և նրանից հետո դրվում է ստորակետ-գիծ, օրինակ՝ *«Ես շուտով կվերադառնամ»,- գրում էր Նա: ««Շունն ու կատուն» Թումանյանը գրել է 1886 թվականին»,- գրված էր շարադրության մեջ:*

Մեջբերվող կարճ ուղղակի խոսքը, եթե հաջորդում է հեղինակի խոսքին, ապա կարող է տրոհվել նաև բուլթով. այդ դեպքում գրվում է փոքրատառով և նույն տողում, օրինակ՝ *Նա ասաց՝ կօգնեմ և կաջակցեմ: Նա խորհրդավոր ժպիտով ասաց՝ եկա, տեսա, հաղթեցի:*

Հարցական նախադասությամբ արտահայտված ուղղակի խոսքն անուղղակիի փոխակերպվելիս կետադրվում է հետևյալ սկզբունքներով:

ա) Եթե ուղղակի խոսքում կան հարցական-երկբայական վերաբերականներ, ապա նրանց հարցական նշանը անուղղակի խոսքում պահպանվում է, օրինակ՝ - *Մի՞թե նա վերադարձել է,- հարցրեց Նկարիչը: Նկարիչը հարցրեց, թե մի՞թե նա վերադարձել է:*

բ) Եթե ուղղակի խոսքում կան հարցական դերանուններ, ապա անուղղակի խոսքում դրանք վերածվում են հարաբերական դերանունների, և նրանց վրա հարցական նշան չի դրվում, օրինակ՝ - *Ե՞րբ ես վերադարձել,- հարցրեց ընկերու: Ընկերու հարցրեց, թե երբ եմ վերադարձել:*

գ) Եթե ուղղակի խոսքում չկան ո՛չ հարցական-երկբայական վերաբերականներ, ո՛չ էլ հարցական դերանուններ, ապա անուղղակիի վերածվելիս հարցական նշանը պահպանվում է, և կարող է ավելացվել *արդյոք* բառը, օրինակ՝ - *Դու այցելեցի՞ր*

ընկերոջդ.- հարցրեց ինձ Գեղամը: «Գեղամը ինձ հարցրեց, թե ես այցելեցի»
(արդյոք) ընկերոջս:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ինչպե՞ս է կետադրվում հնչող ուղղակի խոսքը:
2. Ինչպե՞ս է կետադրվում չհնչող ուղղակի խոսքը:
3. Ինչպե՞ս է կետադրվում կարճ ուղղակի խոսքը:

Վարժություն 25: Արտագրե՛ք և կետադրե՛ք մեջբերվող ուղղակի խոսքերը (կետադրական մյուս նշանները դրված են):

Լաջվարդ երկինքը՝ իր փայլիլուն արևով, և դրախտից մի կտոր ցուլցում էին պաղպաջուն լճակի հայելու մեջ:

Եվ տեսավ Լիլիթը, որ արփին այնքան հրեղեն չէ, ինչքան իր աչքերի կրակը, և երկինքն այնքան խորունկ չէ, ինչքան իր աչքերի հունը: Ինքն է ամենակատարյալը, և լիճն ու դրախտը լցված են իր չնաշխարհիկ դեմքի լույսով:

Մինչ այդ մի գույզ հակինթե թիթեռներ՝ աղամանդե թևերով ու գույն-գույն նախշերով, եկան և նստեցին նրա բաղցրաբույր մազերի վրա: Լիլիթը նայեց և ժպտաց ինքնագոհ: Ի՞նչ գեղեցիկ կլիներ, եթե սրանք միշտ մազերիս վրա մնային մտածեց նա:

Եվ իսկույն երփներանգ ծաղիկներ բաղեց, որոնք հազար թույրով փայլում էին ու բուրում իր շուրջը, և շարեց ոսկեհուր վարսերի մեջ:

Ադամը, որը, հեռվում արձանացած, հափշտակված դիտում էր ընկերուհուն, մեկեն սիրտ առավ և մոտեցավ նրան:

Լիլիթ՝ հրեշտակներից չքնաղս կցկտուր թոթովեց Ադամը այդ ի՞նչ ծաղիկներ էին, որ դու բաղեցիր:

Սրա՞նք, հրաշալիքներ են սրանք, բայց դու չես հասկանում Ադամի խոսքը արհամարհանքով կտրեց Լիլիթը:

Ո՛չ, հոգի՛ս, ես գիտեմ Եդեմում այնպիսի վայրեր, ուր ստեղծողն անգամ տակավին ոտք չի դրել, այնպիսի գույնզգույն ծաղիկներ՝ անպատմելի բույրերով, այնպիսի սաղարթախիտ ծառեր՝ ամենահամեղ պտուղներով զարդարուն... Կու՛գե՛ս՝ գնանք, շրջենք այդ վայրերում:

Ադամն այնպիսի փաղաբուշ ծայնով ասաց, որ մի ակնթարթ մեղմացավ Լիլիթի գայլույթը:

Լավ, Ադա՛մ, կգնանք, բայց ոչ այսօր: Իետո, Իետո:

Լիլիթ՝ նազելիս, այո՛, երբ որ կամենաս, սակայն գիշեր է գալու հիմա. գնանք իմ տաղավարը, որ շինել եմ հրաշագեղ սոխակների բներին կից՝ ամենաշքեղ ծաղիկներով պարուրված: Քնի՛ր այնտեղ, իսկ ես կհսկեմ քո անուշ նիրիդ:

Ըստ Ավետիք Բաախակյանի

Վարժություն 26: Արտագրե՛ք և կետադրե՛ք տրված նախադասու- թյունները:

1. Վարդանը խորհում էր ինչու ես ժամանակին չգուշացրի նրան:
2. Ով պետք է կատարի այդ ծանր աշխատանքը հարցրեց տնօրենը:
3. Հայրը հարցրեց որդուն թե նա այցելեց հիվանդ հորեղբորը:
4. Մի պահ մտածեց ու ասաց կօզնեմ:
5. Ես գրում էր ընկերը կարող եմ քեզ համար մի հարմար աշխատանք գտնել:
6. Որդիս ասաց հայրը երբ ես ավարտելու գործդ:
7. Կզնամ ու կհաղթեմ մտածում էր նա չէ որ լավ եմ մարզվել:
8. Մրցույթին մասնակցել ցանկացողները կարող են դիմել մինչև հոկտեմ-
բերի 31-ը գրված էր հայտարարության մեջ:
9. Սիրելի աշակերտներ ասաց ուսուցիչը վաղը գնալու ենք պատկերասրահ:
10. Եղբայրը հարցրեց ընկերներին թե ինչու իրեն այդ մասին չէին հայտնել:

Ղարիբյան Արարատ Սահակի (1899–1977)



Ծնվել է Արտաշատի շրջանի Ղարդալու (այժմ՝ Այգեգար) գյուղում: Բարձրագույն կրթությունն ստացել է Երևանի պետական համալսարանում: 1937թ. ստացել է բանասիրական գիտությունների թեկնածուի, իսկ 1940-ին՝ դոկտորի գիտական աստիճան: 1947թ. ընտրվել է ՀԽՍՀ ԳԱ թղթակից անդամ, իսկ 1960թ.՝ իսկական անդամ: Տարբեր տարիների պաշտոնավարել է իբրև հայոց լեզվի ամբիոնի վարիչ (համալսարանում և մանկավարժական ինստիտուտում), ԳԱ լեզվի ինստիտուտի տնօրեն: Զբաղվել է հիմնականում հայոց լեզվի պատմության, հայ բարբառագիտության, հայոց լեզվի դասավանդման մեթոդիկայի և բառարանագրության հարցերով:

Կարևոր է նրա ներդրումը հայ բարբառների գիտական դասակարգման քննադատում հայերենի բարբառների ձևաբանական դասակարգման մեջ ավելացրել է չորրորդ՝ ս ճյուղը:

Զբաղվել է նաև ընդհանուր և պատմահամեմատական լեզվաբանության հարցերով: Նրա գրչին են պատկանում «Հայոց լեզվի պատմության ուսումնասիրության ներածություն» (1937), «Հայերենի բարբառների մի նոր ճյուղ» (1939), «Հայոց լեզվի դասավանդման մեթոդիկա» (1954) և այլ գրքեր:

Զգալի է Ա. Ղարիբյանի ավանդը նաև բառարանագրության ասպարեզում. նրա «Ռուս-հայերեն բառարանը», որն ընդգրկում է շուրջ 85 հազար բառահոդված (1968), արժանացել է ՀԽՍՀ Պետական մրցանակի:

Ա. Ղարիբյանը հեղինակ է նաև դպրոցական բազմաթիվ դասագրքերի: Միջնակարգ դպրոցի 5–6-րդ դասարանների համար նրա կազմած հայոց լեզվի դասագիրքը ունեցել է 25 վերահրատարակություն:

Ա. Ղարիբյանը արժանացել է ՀԽՍՀ գիտության վաստակավոր գործչի կոչման պարգևատրվել է Աշխատանքային կարմիր դրոշի շքանշանով, Խ. Աբովյանի անվան մեդալով:

ՆԵՐՔՈՐԾԱԿԱՆ ԵՎ ԿՐԱՎՈՐԱԿԱՆ ԿՍՈՌՈՅՅՆԵՐ, ՆՐԱՆՅ ՓՈԽՍԿԵՐԴՈՒՄԸ

Բայը, ինչպես հայտնի է, ժամանակակից հայերենում ունի երեք սեռ՝ *Ներգործական, կրավորական և չեզոք*: Ներգործական բայերը պահանջում են ուղիղ խնդիր լրացում, օրինակ՝ *գրել նամակ, կառուցել տուն, նկարել նկար* և այլն: *Նամակ, տուն, նկար* բառերը ուղիղ խնդիրներ են: Կրավորական սեռի բայերը կազմվում են *-վ-* ածանցով և պահանջում են ներգործող անուղղակի խնդիր լրացում, օրինակ՝ *կոտրվել քամուց, գնահատվել հանձնաժողովի կողմից, ընդունվել հանդիսատեսի կողմից, ծածկվել ձյունով* և այլն: *Քամուց, հանձնաժողովի կողմից, հանդիսատեսի կողմից, ձյունով* բառերն ու կապակցությունները ներգործող անուղղակի խնդիրներ են: Անձ ցույց տվող գոյականներով ու դերանուններով արտահայտված ներգործող անուղղակի խնդիրները ձևավորվում են *սեռական հոլով + կողմից* կապակցությամբ, իսկ մյուս ներգործող խնդիրները՝ բացառական կամ գործիական հոլովներով դրված բառերով: Չեզոք սեռի բայերը չեն պահանջում ո՛չ ուղիղ խնդիր, ո՛չ էլ ներգործող անուղղակի խնդիր լրացումներ: Օրինակ՝ *գրեսնել, հիանալ, զմայլվել, ուրախանալ* բայերը չեզոք սեռի են:

Մինևոյն բայի ներգործական և կրավորական ձևերով ստորոգյալներ ունեցող և նույն բառերից կազմված նախադասությունները դառնում են շարահյուսական հոմանիշներ, ինչպես՝ *Դեղեղը քանդեց կամուրջը – Կամուրջը քանդվեց հեղեղից*: Ներգործական կառույցը կրավորականի փոխակերպելիս կատարվում է երեք փոփոխություն:

- ա) Ներգործական սեռի բայը փոխարինվում է կրավորական սեռի բայով:
- բ) Ենթական վերածվում է ներգործող խնդրի:
- գ) Ուղիղ խնդիրը վերածվում է ենթակայի:

Բերված օրինակում *քանդել* ներգործական սեռի բայը վերածվել է *քանդվել* կրավորականի, *հեղեղը* ենթական վերածվել է ներգործող խնդրի՝ *հեղեղից*, իսկ *կամուրջը* ուղիղ խնդիրը վերածվել է ենթակայի: Նույն ձևով՝ *Անձրևը թրջեց հողը – Դողը թրջվեց անձրևից*: Մասնագետները գնահատեցին աշխատանքը – Աշխատանքը գնահատվեց մասնագետների կողմից:

ՀԱՐՑՆԵՐ ԵՎ ՎԱՐԺՈՒԹՅՈՒՆՆԵՐ

- 1. Որո՞նք են բայի սեռերը:
- 2. Ի՞նչ լրացում են պահանջում ներգործական սեռի բայերը:
- 3. Ի՞նչ լրացում են պահանջում կրավորական սեռի բայերը:
- 4. Ի՞նչ փոփոխություններ են կատարվում ներգործական կառույցով նախադասությունները կրավորականի փոխակերպելիս:

Վարժություն 27: Ներգործական կառուցվածքով տրված նախադասությունները փոխակերպե՛ք կրավորականի:

- 1. Դուժկու հարվածը ավերեց պատը:

2. Պայծառ արևը լուսավորել էր ամեն ինչ:
3. Ուժգին քամին տարուբերում էր նույնիսկ դարավոր ծառերը:
4. Ձյան ճերմակ սավանը ծածկել էր տանիքները:
5. Հեղեղը խարխլել էր հինավուրց կամուրջը:
6. Հանձնաժողովը քննարկեց մասնակիցների աշխատանքները:
7. Նա հաշվարկել էր բոլոր անհրաժեշտ տվյալները:
8. Երկարատև խոնավությունը բայթայել էր ամեն ինչ:
9. Քամին թեթել էր տանիքին ամրացված ալեհավաքը:
10. Ափերից ելած ջուրը ծածկել էր մոտակա տները:

Վարժություն 28: Կրավորական կառուցվածքով տրված նախադասությունները փոխակերպե՛ք ներգործականի:

1. Երկաթե դարպասը թեքվել էր ուժգին հարվածից:
2. Նրանց կատարած աշխատանքը բարձր գնահատվեց մասնագետների կողմից:
3. Այդ լքված տանը ամեն ինչ ծածկվել էր փոշով:
4. Ծառը ջրվել էր վնասված խողովակից թափված ջրից:
5. Միամիտ ծերունին համոզվել էր նրա կեղծ խոսքերից:
6. Ժայռը հղկվել էր ալիքների անընդմեջ հարվածներից:
7. Անսպասելի հանդիպումից Նա չափազանց հուզվել էր:
8. Ծաղիկները օրորվում էին երեկոյան գեփյուռից:
9. Այդ շենքը կառուցվել էր հմուտ վարպետների կողմից:
10. Լեռների կատարները ծածկվել էին թանձր մառախուղով:

ՆՍԽԱԳԱՍՏՈՒԹՅՈՒՆՆԵՐԻ ՏԵՍԱԿՆԵՐՆ ԸՍՏ ՀԱԴՈՐԳԱԿՅԱԿՆՆԵՐՍՍՈՒԹՅՈՒՆԵՐԸ

Նախադասությունների միջոցով խոսողը տարբեր տեղեկություններ է հաղորդում և հաղորդվածի նկատմամբ էլ տարբեր վերաբերմունք է ունենում: Բերենք օրինակ: *խաղն ավարտվեց: Մեր թիմը հաղթեց:* Այս նախադասությունները խոսողը կարող է ասել չեզոք հնչերանգով, երբ ինչ-որ դեպք է պատմում, քանի որ նպատակը տեղեկություն հաղորդելն է: Կարող է շարունակել ասելն այսպես՝ *Բայց մենք չբավարարվեցինք ձեռք բերածով և շարունակեցինք ավելի ակտիվորեն մարզվել:* Սակայն նույն նախադասությունները կարող են ասվել նաև խաղի ավարտվելու պահին հենց խաղադաշտում, երբ հաղթողներն անհամբեր սպասում են խաղի ավարտվելուն, որպեսզի տոնեն իրենց հաղթանակը: Այդ դեպքում ոգևորված խոսողը նախադասությունները կարտաբերի բացականչությամբ ու այդ հնչերանգով իր ուրախությունը, այսինքն՝ իր վերաբերմունքը կարտահայտի, ինչպես՝ *խաղն ավարտվե՛ց: Մեր թիմը հաղթե՛ց:* Այսպիսով՝ նախադասությունները կարող են արտասանվել տարբեր հնչերանգներով՝ ըստ հաղորդման նպա-

տակի և խոսողի վերաբերմունքի: Սրա հիման վրա առանձնացվում են նախադասության հաղորդակցական տեսակները:

Ըստ հաղորդակցման նպատակի՝ նախադասությունները լինում են **պատմողական, հարցական, հրամայական, բացականչական**:

Պատմողական նախադասության հաղորդակցական նպատակն է տեղեկություն հաղորդելը: Նրանով հաստատվում կամ ժխտվում է որևէ իրողություն, փաստ: Օրինակ՝ *Արդեն սկսվել են գյուղատնտեսական աշխատանքները*: Պատմողական նախադասությունը խոսողն արտաբերում է համեմատաբար չեզոք հնչերանգով, միջին արագությամբ: Պատմողական նախադասության ստորոգյալը կարող է լինել պարզ՝ արտահայտված բայի սահմանական, ըղծական, ենթադրական (պայմանական) և հարկադրական եղանակների բայաձևերով, օրինակ՝ *Ծաղիկներն օրորվում էին գեփյուռից: Եթե գնայի հանգստանալու, ապա չէի մասնակցի առաջնությանը*: Որպեսզի այս բույսը լավ **ածի, պետք է ջրենք** շաբաթը մեկ անգամ: Ստորոգյալը կարող է լինել նաև բաղադրյալ, ինչպես՝ *Նորակառույց տունը շատ գեղեցիկ է: Տերևը դեղին է*: Պատմողական նախադասությունը կարող է լինել նաև միակազմ անդամ նախադասություն, ինչպես՝ *Ամառ: Կիզիչ արև*:

Հարցական նախադասության հաղորդակցական նպատակը տեղեկություն ստանալն է: Այն արտահայտում է հարցում որևէ իրողության վերաբերյալ, օրինակ՝ *Ո՞վ է բերել անհրաժեշտ սարքավորումները*: Ե՞րբ է սկսվելու աշխատանքը: Այս նախադասություններն արտաբերվում են բարձրացող-իջնող հնչերանգով. հարցական հնչերանգը գրավոր խոսքում ներկայացվում է հարցական նշանի միջոցով: Ըստ ձևավորման առանձնահատկությունների՝ ժամանակակից հայերենում կա հարցական պարզ նախադասության երեք տեսակ:

ա) Հարցական նախադասություններ, որոնք պատմողական նախադասությունների կրկնությունն են հարցական հնչերանգով, օրինակ՝ *Դու գնացի՞ր գյուղ*: Հարցական նշանը դրվում է տվյալ դեպքում հարցում արտահայտող բառի վրա, ինչպես՝ *Արմենը գնաց գյուղ*: *Արմենը գնա՞ց գյուղ*: *Արմենը գնաց գյո՞ղ*:

բ) Հարցական նախադասություններ, որոնց կազմում կան հարցական դերանուններ, օրինակ՝ *Ո՞վ է կանչում ինձ*: Հարցական նշանը դրվում է հարցական դերանվան վրա:

Այս նախադասություններում պարզ ստորոգյալի օժանդակ բայը դրվում է դերանունից կամ սրա բառախմբից հետո, ինչպես՝ *Ո՞ւմ է կանչել տնօրենը*: Ե՞րբ է ավարտվելու աշխատանքը: *Ո՞ւմ համար է այս գիրքը*:

գ) Հարցական նախադասություններ, որոնց կազմում կան երկբայական-հարցական վերաբերականներ, օրինակ՝ *Մի՞թե կարող ես չգնալ*: *Չլինի՞ թե չես ցանկանում գալ*: Հարցական նշանը սովորաբար դրվում է վերաբերականի վրա, սակայն կարող է դրվել նաև այլ բառի վրա, որով հարցում է արտահայտվում, ինչպես՝ *Դու արդյոք չե՞իր կարող դա անել*:

Կա հարցի մի տեսակ, որը կոչվում է *ճարտասանական հարց*: Ճարտասանական հարցը կազմությամբ չի տարբերվում մյուս հարցական նախադա-

սություններից, սակայն տարբերվում է հաղորդակցման նպատակով, քանի որ ճարտասանական հարցի միջոցով խոսողը ուշադրություն է հրավիրում, շեշտում է որևէ միտք, այլ ոչ թե հարց է տալիս՝ ակնկալելով պատասխան, օրինակ՝ *Ո՞վ կգնար այդ վտանգավոր վայրը: Մի՞թե վերջին պոետն եմ ես (Վահան Տերյան):*

Հրամայական նախադասության հաղորդակցական նպատակն է խոսակցին մղել որևէ գործողության: Այս նախադասություններն արտահայտում են հրաման, պահանջ, հորդոր, ցանկություն, խնդրանք, օրինակ՝ *– Մի՛ աղմկեք: – Գրե՛ք նոր տողից:* Հրամայական նախադասությունների ստորոգյալը սովորաբար արտահայտվում է հրամայական եղանակի բայաձևերով, ինչպես բերված օրինակներում: Սակայն հրամայական նախադասության ստորոգյալը կարող է լինել նաև սահմանական, ըղձական, ենթադրական, հարկադրական եղանակների բայ, օրինակ՝ *– Հենց հիմա սկսո՛ւմ եք աշխատանքը: – Չթողնե՛ն նրան մոտենալ: – Կգնա՞ք և աշխատանքը կկատարե՞ք: – Պետք է կատարե՞ք այդ աշխատանքը:* Հրամայական նախադասությունը կարող է լինել նաև միակազմ անդեմ նախադասություն, ինչպես՝ *Լռություն: Ծաղիկները չտրորե՛լ:* Հրամայական ինչերանգը գրավոր խոսքում ներկայացվում է շեշտի միջոցով: Շեշտը սովորաբար դրվում է ստորոգյալի կամ նրան անմիջապես նախորդող լրացման վրա, իսկ միակազմ նախադասությունների դեպքում՝ գերադաս անդամի վրա, ինչպես՝ *Անմիջապես տո՛ւն գնա: Չաղմկե՛լ:*

Բացականչական նախադասության նպատակն է արտահայտել գործողություն կատարելու կամք, իղձ, ցանկություն կամ որևէ զգացում՝ ուրախություն, հիացմունք, ափսոսանք, հեգնանք, խրախուսանք և այլն, օրինակ՝ *Է՛յ, ջան, Հայրենի՛ք, ինչքա՛ն սիրուն ես (Ավետիք Իսահակյան): Ապրե՛ք, երեխե՛ք, բայց մեզ պես չապրեք (Յովհաննես Թումանյան): – Ի՛նչ հիմար բան ասացիր, Անտոնի՛նա (Շիրվանզադե): Կեցցե՛ն մրցույթում հաղթողները:* Բացականչական նախադասությունների ստորոգյալն առաջին հերթին արտահայտվում է ըղձական եղանակի բայաձևերով, ինչպես՝ *Լի՛նե՛ր հեռու մի անկյուն (Յովհաննես Թումանյան):* Սակայն ստորոգյալը կարող է արտահայտված լինել այլ եղանակների բայաձևերով կամ լինել բաղադրյալ: Բացականչական նախադասություններում մեծ մասամբ լինում են ձայնարկություններ, հարաբերական դերանուններ, ինչպես՝ *Ա՛խ, լինել թեթև, հրոտ, հրական, վառվե՛լ որպես զոհ (Եղիշե Չարենց): Որքա՛ն դժվար պիտի բաժանվես:* Բացականչական նախադասությունը կարող է լինել միակազմ անդեմ նախադասություն, ինչպես՝ *Սոռանա՛լ, մոռանա՛լ ամեն ինչ (Վահան Տերյան):* Բացականչական ինչերանգը գրավոր խոսքում ներկայացվում է բացականչական նշանի միջոցով: Բացականչական նշանը դրվում է տվյալ դեպքում բացականչական երանգով արտաբերվող բառի, ձայնարկությունների ու հարաբերական դերանունների վրա, ինչպես բերված օրինակներում:

Ծանոթություն – Բացականչական նախադասությունների մի մասն արտահայտում է իղձ, ցանկություն և երբեմն առանձնացվում է որպես առանձին՝ *ըղձական* տեսակ, օրինակ՝ *Թռչե՛ր՝ մութով տուն (Գեղամ Սարյան):*

Կան նախադասություններ, որոնց մեջ հնչերանգային մեկից ավելի հատկանիշներ են միավորված, օրինակ՝ *Ի՞նչ են տարել նրանք կյանքից, թե ի՞նչ տանես դու քեզ հետ (Յովհաննես Թումանյան)*: Այսպիսի նախադասությունները կոչվում են *համակցված կամ խառը* հնչերանգով նախադասություններ:

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Ինչի՞ հիման վրա են առանձնացվում նախադասության հաղորդակցական տեսակները:
2. Նախադասության ի՞նչ հաղորդակցական տեսակներ կան:
3. Ի՞նչ հատկանիշներ ունի պատմողական նախադասությունը:
4. Ի՞նչ հատկանիշներ ունի հարցական նախադասությունը:
5. Ի՞նչ հատկանիշներ ունի բացականչական նախադասությունը:
6. Ի՞նչ հատկանիշներ ունի հրամայական նախադասությունը:

Վարժություն 29: Առանձին խմբերով դո՛ւրս գրեք հնչերանգային տարբեր տեսակների պատկանող նախադասություններ:

Քանի՜ մահ կա իմ սըրտում,

Թափուր գահ կա իմ սըրտում.

Չէ՞ դու էլ ես մահացու.

Մահի ահ կա իմ սըրտում:

Հովհաննես Թումանյան

Ո՞վ է ձեռքով անում, ո՞վ

Յեռվից անթիվ ձեռքերով.

– Ջա՛ն, հայրենի՜ անտառներ,

Դուք եք կանչում ինձ ձեր բով:

Հովհաննես Թումանյան

Յե՛յ, ագահ մարդ, հե՛յ, անգոհ մարդ՝ միտքըդ երկար,

կյանքըդ կարճ,

Քանի՜-քանիսն անցան քեզ պես քեզնից առաջ, քո առաջ.

Ի՞նչ են տարել սըրանք կյանքից, թե ի՞նչ տանես

դու քեզ հետ,

Խաղա՛ղ անցիր, ուրա՛խ անցիր երկու օրվան ես ճամփեդ:

Հովհաննես Թումանյան

Վարժություն 30: Գրե՛ք «Էքսկուրսիա», «Ծննդյան տարեդարձ», «Անտառում», «Բերքահավաք» վերնագրերից որևէ մեկով փոքրիկ շարադրություն՝ գործածելով հնչերանգային յուրաքանչյուր տեսակի առնվազն հինգ նախադասություն:

ԿԵՏԱԴՐՈՒԹՅՈՒՆ

Բոլոր գիտությունների
բանալին հարցական նշանն է:
Օնորե դը Բալզակ (19-րդ դ. ֆրանսիացի գրող)

Գրավոր խոսքն արտահայտվում է տառերով և կետադրական նշաններով: Ժամանակակից հայերենում գործածվում է կետադրական 15 նշան: Դրանք են վերջակետը [·], միջակետը [·], ստորակետը [·], բուլթը [^], շեշտը ['], հարցական նշանը [?], բացականչական նշանը [!], չափերտները [«»], փակագծերը [()], կախման կետերը [...], բազմակետը [....], միության գծիկը [-], անջատման գիծը [-], ենթամասն [-], ապաթարցը [°]: Իրենց հիմնական կիրառությունների հիման վրա կետադրական նշանները բաժանվում են երեք խմբի՝ **տրոհիչ, առոգանիչ, բացահայտիչ**:

Տրոհիչ նշաններն են **վերջակետը, միջակետը, ստորակետը, բուլթը**:

Առոգանիչ նշաններն են **շեշտը, հարցականը, բացականչականը**:

Բացահայտիչ նշաններն են **չափերտները, փակագծերը, միության գծիկը, անջատման գիծը, կախման կետերը, բազմակետը, ենթամասն, ապաթարցը**:

Կետադրության միջոցով գրավոր խոսքում հիմնականում արտահայտվում են բանավոր խոսքի հնչերանգային տարբեր հատկանիշները, սակայն կետադրության դերը միայն այդ չէ: Կետադրության միջոցով նաև բացահայտվում, որոշակիանում են տարբեր իմաստներ: Համեմատենք հետևյալ նախադասությունները. «*Անուշը*» *ինձ շատ է դուր գալիս* և *Անուշը ինձ շատ է դուր գալիս*: Առաջին նախադասության մեջ *Անուշ* բառը գրված է չափերտներում, որից ընթերցողին պարզ է դառնում, որ խոսքը ստեղծագործության վերնագրի մասին է: Երկրորդ նախադասության մեջ *Անուշը* գործածվել է որպես անձնանուն, ուստի գրված է առանց չափերտների: Բանավոր խոսքում շփոթությունից խուսափելու համար անհրաժեշտ է գործածել իմաստը հստակեցնող ինչ-որ բառ, օրինակ՝ «*Անուշ*» *պոեմն ինձ շատ է դուր գալիս*:

Կետադրման համար կարևոր է 4 գործոն՝ **բերականական միավորի տեսակը, նրա դիրքը, նրան շրջապատող միավորների դիրքը, հեղինակի վերաբերմունքը**: Այս գործոնների ազդեցությունը ցույց տալու համար բերենք օրինակներ:

1. Դերբայական դարձվածի որոշ տեսակներ տրոհվում են, այսինքն՝ դեր է խաղում բերականական որոշակի միավոր՝ դերբայական դարձված լինելու հանգամանքը: Օրինակ՝ *Բանվորներն էլ, ծանր աշխատանքից հոգնած, դարձյալ ստիպված գնացին աշխատելու*:

2. Եթե այս դերբայական դարձվածը լիներ նախադասության վերջում, ապա կտրոհվեր բուլթով՝ *Բանվորներն էլ դարձյալ ստիպված գնացին աշխատելու՝ ծանր աշխատանքից հոգնած*: Այսինքն՝ կարևոր է նրա դիրքը:

1 Կան նաև փակագծերի այլ տեսակներ՝ { }, < > , []:

3. Եթե էլ շաղկապը հաջորդեր դերբայական դարձվածին, ապա դարձվածը չէր տրոհվի, օրինակ՝ *Բանվորները ծանր աշխատանքից հոգնած էլ դարձյալ ստիպված գնացին աշխատելու*: Այս դեպքում դեր է խաղում դարձվածին շրջապատող միավորների դիրքը:

4. Եթե դերբայական դարձվածը լիներ նախադասության սկզբում, ապա այն տրոհելը կամ չտրոհելը առաջ կբերեր իմաստային-քերականական փոփոխություններ, այսինքն՝ տրոհելու դեպքում դերբայական դարձվածը կհամարվեր ձևի պարագա, իսկ չտրոհելու դեպքում՝ որոշիչ, ինչպես՝ *Ծանր աշխատանքից հոգնած՝ բանվորներն էլ դարձյալ ստիպված գնացին աշխատելու* (ձևի պարագա) և *Ծանր աշխատանքից հոգնած բանվորներն էլ դարձյալ ստիպված գնացին աշխատելու* (որոշիչ): Այս դեպքում կետադրման հարցում դեր է խաղում հեղինակի վերաբերմունքը, այսինքն՝ նա կետադրում է ըստ այն իմաստի, որը ցանկանում է արտահայտել:

Սրանից բացի՝ հեղինակային կարող է լինել վերջակետի, կախման կետերի, առոգանության նշանների՝ տվյալ դեպքում ոչ պարտադիր կետադրությունը: Մյուս դեպքերում անհրաժեշտ է կետադրել ըստ կանոնների:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ նպատակի են ծառայում կետադրական նշանները:
2. Որո՞նք են ժամանակակից հայերենի կետադրական նշանները:
3. Ի՞նչ տեսակների են բաժանվում կետադրական նշանները:
4. Ի՞նչ գործոններ են կարևոր կետադրման համար:

Վարժություն 31: Յուրաքանչյուր շարքում գտե՛ք նշված տեսակի կետադրական նշանի անվանումը:

1. Տրոհության – *վերջակետ, շեշտ, հարցական, փակագծեր*
2. Տրոհության – *ենթամնա, միջակետ, բացականչական, կախման կետեր*
3. Տրոհության – *ապաթարց, հարցական, անջատման գիծ, ստորակետ*
4. Տրոհության – *շեշտ, հարցական, բուլթ, բազմակետ*
5. Առոգանության – *շեշտ, բուլթ, միջակետ, չակերտներ*
6. Առոգանության – *ենթամնա, հարցական, միության գծիկ, բազմակետ*
7. Առոգանության – *ստորակետ, բուլթ, բացականչական, միջակետ*
8. Բացահայտության – *չակերտներ, վերջակետ, միջակետ, շեշտ*
9. Բացահայտության – *հարցական, ստորակետ, բացականչական, փակագծեր*
10. Բացահայտության – *միջակետ, միության գծիկ, բացականչական, վերջակետ*
11. Բացահայտության – *անջատման գիծ, բուլթ, ստորակետ, շեշտ*
12. Բացահայտության – *ստորակետ, միջակետ, կախման կետեր, վերջակետ*

13. Բացահայտության – վերջակետ, բազմակետ, ստորակետ, միջակետ
14. Բացահայտության – շեշտ, միջակետ, ենթամնա, բուր
15. Բացահայտության – ապաթարգ, բուր, հարցական, շեշտ

Վարժություն 32: Արտագրե՛ք նախադասությունները՝ հանելով կետադրական նշանները (բացի վերջակետից), և բացատրե՛ք կատարված իմաստային-բերականական փոփոխությունները:

1. – Վարպե՛տ, Սարգիսը եկավ:
2. «Սամվելը» ոգևորեց բոլորին:
3. Ճանապարհից հոգնած՝ մարդիկ նստեցին աղբյուրի մոտ:
4. «Մարոն» նրան շատ դուր եկավ:
5. «Խաչագողի հիշատակարանում» շատ հետաքրքիր դեպքեր են նկարագրված:
6. «Մթնածորում» ամեն ինչ տպավորիչ էր:
7. Վարդանի՞ տնից դուրս գալուց հետո ամեն ինչ փոխվեց:
8. Երիտասարդ երաժիշտների բոլոր հավաքների ժամանակ հիշվում էր «Սպարտակը»:
9. Հոգեպարար երաժշտությունից հուզված՝ հանդիսատեսները ծափահարում էին:
10. – Պարո՞ն, Գևորգը հիմա կգա:

ՏՐՈՂՈՒԹՅՈՒՆ ՆՇԱՆՆԵՐ

Տրոհության նշաններն են **վերջակետը, միջակետը, ստորակետը, բուրը:**

Վերջակետը դրվում է ինքնուրույն նախադասության վերջում, եթե անհրաժեշտություն չկա այդտեղ կախման կետեր դնելու, օրինակ՝ *Մենք գնացինք դպրոց:* Վերջակետ է դրվում նաև այն ենթավերնագրերից հետո, որոնց նույն տողում անմիջապես հաջորդում է տեքստ, օրինակ՝ *Ածական անուն: Ածական խոսքի մասի մեջ միավորվում են առարկայի հատկանիշ արտահայտող բառերը:*

Միջակետը դրվում է բարդ համադասական նախադասության այնպիսի բաղադրիչ նախադասությունների միջև, որոնք իրար կապակցված են առանց շաղկապի, արտահայտում են պատճառահետևանքային հարաբերություն կամ էլ ունեն որոշ ինքնուրույնություն, օրինակ՝ *Ծառերը կամացուկ սկսվում էին. երեկոյան գեփյունն էր խաղում տերևների մեջ: Խաղաղ գիշեր էր. հեռվում երևում էին տների ուրվագծերը:*

Միջակետ է դրվում ուղղակի խոսքով նախադասություններում հեղինակային նախադաս խոսքից հետո, օրինակ՝ *Նա մտածում էր. «Ի՞նչ եմ անելու»:*

Միջակետ դրվում է նաև համարակալում արտահայտող տառերից և թվանշաններից, ինչպես նաև համառոտագրություններից հետո, օրինակ՝ *ա., բ., 1., 2., 3. Սահակյան, մ. թ. ա.:*

Ստորակետը դրվում է նախադասության բազմակի անդամների միջև, եթե նրանց միջև չկա **և, ու, կամ, թե** շաղկապներից որևէ մեկը, օրինակ՝ *Արամը, Աշոտը, Գագիկը և Գևորգը եկան: Ես վերցրի մատիտ, թուղթ ու գրիչ: Պետք է մեկնեն Վարդանը, Լևոնը կամ Դավիթը: Մայր ու մանուկ, մեծ թե փոքր հավաքվել էին բակում:*

Ստորակետերով են անջատվում նաև կրկնադիր շաղկապներով կապակցված անդամները, իսկ շաղկապների վրա դրվում է շեշտ, օրինակ՝ *Թե՛ սենյակը, թե՛ կահույքը, թե՛ գորգերը* գեղեցիկ էին: *Ե՛վ գործերը, և՛ հիվանդությունը, և՛ ծանր պայմանները* խանգարեցին: Եթե վերջին անդամը կրկնվող շաղկապից բացի կապվում է նաև **և, ու, կամ** շաղկապներից որևէ մեկով, ապա նրանից առաջ ստորակետ չի դրվում, օրինակ՝ *Թե՛ սենյակը, թե՛ կահույքը և թե՛ գորգերը* գեղեցիկ էին:

Բարդ նախադասության բաղադրիչներն իրարից տրոհվում են ստորակետով, եթե բաղադրիչ նախադասությունները կապված են շաղկապով կամ հարաբերական դերանուններով, օրինակ՝ *Նա գնաց տուն, որ հանգստանա: Քնալու էի, բայց խանգարեցին: Լույսը պայծառ էր, և ոչ ոք չէր կարողանում նայել: Անձրև էր տեղում, և այդ անձրևը նրան հիշեցրեց այն տխուր օրը: Եկավ այն մասնագետը, որին սպասում էինք:* Բարդ նախադասության բաղադրիչներն իրարից չեն տրոհվում, եթե կապված են **և, ու, կամ** շաղկապներից որևէ մեկով և ունեն ընդհանուր ենթակա, օրինակ՝ *Աշակերտը գնաց տուն և սկսեց դասերը սովորել: Տղան պետք է հեռանար կամ կատարեր աշխատանքը:*

Անորոշ դերբայի գործիական հոլովով և հարակատար դերբայով ձևավորված նախադաս և հետադաս դերբայական դարձվածները տրոհվում են բուլթով, իսկ միջադասը՝ ստորակետերով, օրինակ՝ *Ես, ուրախ ժպտալով, բարևեցի բոլորին: Բոլորը, հիասթափված նրա խոսքերից, հեռացան:*

Բացի, զատ, բացառությամբ, ըստ, նայած, չնայած, համաձայն, հակառակ, չհաշված, ի տարբերություն, ի հեճուկս, ի պատիվ և մի քանի այլ կապերով ձևավորված միջադաս պարագաներն ու խնդիրները սովորաբար տրոհվում են ստորակետերով, ինչպես՝ *Բոլորը, բացի նրանից, եկել էին: Քաղաքի բնակիչները, ի պատիվ նրա, կառուցեցին թանգարան:* Նախադաս և հետադաս դիրքերում այս անդամները տրոհվում են բուլթով, ինչպես՝ *Բացի նրանից՝ բոլորը եկել էին: Բոլորը եկել էին՝ բացի նրանից: Ի պատիվ նրա՝ քաղաքի բնակիչները կառուցեցին թանգարան:*

Կոչականը տրոհվում է ստորակետ(եր)ով և շեշտվում, օրինակ՝ *– Արբա՛, ես բերել եմ նամակը: – Ես, արբա՛, բերել եմ նամակը: – Ես բերել եմ նամակը, արբա՛:* Եթե կոչականն ունի նախադաս լրացում, ապա շեշտվում է լրացումը, օրինակ՝ *– Սիրելի՛ բարեկամներ, շնորհավորում եմ ձեզ:*

Ճայնարկությունները նախադասության մյուս բառերից տրոհվում են ստորակետերով, օրինակ՝ *Յե՛՛, վա՛խ, կոտորան իմ թևերս, Ընկա գիրկդ, Ալագյա՛գ (Ավետիք Իսահակյան):* Եթե կան ձայնարկություններին խնդրառությամբ կապված

բառեր, ապա ծայնարկությունը չի տրոհվում, օրինակ՝ **Վո՛ւշ բու սերին, բու յարին: Ա՛յ բեզ հսկա** (Դովհաննես Թումանյան):

Վերաբերականների որոշ տեսակներ տրոհվում են ստորակետերով: Վերաբերականները տրոհվում են, եթե իրենց եղանակավորած բառի կողքին չեն, իսկ եթե նախորդում կամ հաջորդում են նրան, ապա չեն տրոհվում, օրինակ՝ *Իհարկե, այդ ամենը ես այն ժամանակ չգիտեի: Այդ ամենը ես այն ժամանակ իհարկե չգիտեի:*

Բուլքը դրվում է, եթե նախադասություններ կապակցող շաղկապը գեղչված է, օրինակ՝ *Ուզում էի՝ չխանգարեին* (գեղչված է որ շաղկապը): *Թվում էր՝ չի վերադառնա* (գեղչված է թե շաղկապը):

Բացահայտչի երեք տեսակներն էլ (բուն, մասնական, մասնավորող պարագայական) բացահայտյալից անջատվում են բուլքով, իսկ հաջորդող բառից՝ ստորակետով, օրինակ՝ *Ընկերս՝ Արամը, այսօր եկավ: Բակում՝ ծառի տակ, դրված էր մի սեղան: Աշտուր՝ որպես ընկեր, իրեն չարդարացրեց:* Բացահայտչից հետո ստորակետ չի դրվում հետևյալ հիմնական դեպքերում. ա) եթե նրան հաջորդում է օժանդակ բայ. *Ընկերս՝ Արամն է եկել*. բ) եթե նրան հաջորդում է էլ շաղկապը. *Ընկերս՝ Արամն էլ եկավ*. գ) եթե բացահայտյալը հատկացուցիչ է. *Ընկերոջս՝ Արամի գիրքը կորավ*. դ) եթե բացահայտյալը կապի խնդիր է. *Ընկերոջս՝ Արամի մասին պատմել էի նրան*. ե) եթե բացահայտչին հաջորդում է բացահայտյալին եղանակավորող վերաբերական, օրինակ՝ *Նրա ամենամտերիմ ընկերը՝ Վարդգեսն անգամ չէր իմացել նրա մեկնելու մասին*. զ) եթե բացահայտյալը դերբայի լրացում է, օրինակ՝ *Թումանյանի ծննդավայր՝ Դսեղ տանող ճանապարհին նրանք գրուցում էին մեծ գրողի կատարած հայրենասկեր գործերի մասին:*

Եթե հատկացուցչի և հատկացյալի միջև կա գոյական կամ գոյականաբար գործածված բառ, ապա հատկացուցչի վրա դրվում է բուլք. **Գյուղի՝** (հատկացուցից) *առատ անծրռներից* (գոյական) *բայթայված ճանապարհը* (հատկացյալ) *անանցանելի էր: Դահլիճի՝ երգողների ձայնից խախտված լռությունը վերականգնվեց:*

Բազմակի կամ մեկից ավելի բառերով արտահայտված հետադաս որոշիչները տրոհվում են բուլքով, իսկ նրանցից հետո դրվում է ստորակետ, օրինակ՝ *Գրքերը՝ մեծ, փոքր, հաստ ու բարակ, դրված էին սեղանին: Գիրքը՝ կաշվե կանաչ կազմով, շատ գեղեցիկ էր: Գյուղում մի մարդ էր ապրում՝ ժլատ ու փառամոլ, և ոչ ոքի չէր սիրում:*

Բուլք է դրվում գեղչված ստորոգյալի փոխարեն, օրինակ՝ *Ես գնացի տուն, իսկ Արամը՝ կինո* (գեղչված է *գնաց* ստորոգյալը):

Բուլքով տրոհվում են բաղադրյալ ստորոգյալին հաջորդող անորոշ առումով ենթակաները, ինչպես՝ *Նրա քնավորության լավագույն գծերն են՝ ճշտապահություն, պարտաճանաչություն, ընկերասիրություն:*

Կարճ՝ մեկ-երկու բառից կազմված հետադաս ուղղակի խոսքը տրոհվում է բուլքով, օրինակ՝ *Նա երեկ ասաց՝ կգամ:*

Բուժ է դրվում մեկնական իմամտով բառերի ու կապակցությունների վրա՝ **այն է, այսինքն, այսպիսով, այսպես, ավելին, մի խոսքով** և այլն, օրինակ՝ *Այսպիսով՝ ամեն ինչ լավ ավարտվեց: Կան մի շարք խնդիրներ. այսպես՝ անհրաժեշտ է կազմել նախագիծ, կատարել ծախսերի հաշվարկ և որոշել կատարման տևողությունը:*

Երկու դեպքում տրոհվում է նպատակի պարագան:

ա) Նպատակի պարագան միշտ տրոհվում է բուժով, երբ նրա լրացյալ բայի օժանդակ բայն ունի շրջուն շարադասություն: Օրինակ՝ *Գյուղ էին մեկնել՝ հանգստանալու (համար), և չմասնակցեցին միջոցառումներին: Աղբյուրն էր իջել՝ ջրի:*

բ) Եթե նպատակի պարագայի և նրա լրացյալ բայի միջև կա նպատակի պարագային չլրացնող գոնե մեկ անդամ, ապա նպատակի պարագան տրոհվում է բուժով, օրինակ՝ *Գնաց աղբյուրը՝ ջրի: Գնաց աղբյուրը՝ ջուր բերելու (համար):* Այս նախադասություններում *աղբյուր* բառը չի լրացնում *ջրի* նպատակի պարագային: Իսկ *Գնաց թարմ ջրի* նախադասության մեջ *թարմ* բառը լրացնում է *ջրի* նպատակի պարագային, ուստի նպատակի պարագան չի տրոհվել: Նույն ձևով՝ *Գնաց թարմ ջուր բերելու: Գնաց թարմ ջուր բերելու (համար):*

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Որո՞նք են տրոհության նշանները:
2. Որո՞նք են վերջակետի գործածության հիմնական դեպքերը:
3. Որո՞նք են միջակետի գործածության հիմնական դեպքերը:
4. Որո՞նք են ստորակետի գործածության հիմնական դեպքերը:
5. Որո՞նք են բուժի գործածության հիմնական դեպքերը:

Վարժություն 33: Արտագրե՛ք և կետադրե՛ք. մեկնաբանե՛ք այն նախադասությունների կետադրությունը, որոնցում պետք է միջակետ դրվի:

1. Ծերունին նստեց ճամփեգրի մի քարի շատ էր հոգնել:
2. Այդ օրը աշխատանքը պետք է ավարտեր ուստի պետք է չարչարվեր մինչև ուշ գիշեր:
3. Տերևները հագիվ նկատելի օրորվում էին երեկոյան գեփյուռն էր խաղում:
4. Չէր կարողանում կենտրոնանալ միտքը թռչում էր հայրենի բնօրրանը:
5. Ոչ ոք չհասկացավ ինչու նա կատարեց դա:
6. Ծառերին արդեն շողշողում էին արևով լեցուն պտուղները բերքահավաքի ժամանակն էր:
7. Մարզիկն անպայման կհաղթեր եթե լսեր մարզիչի խորհուրդները:
8. Շփոթված կանգ առավ կամուրջը քանդված էր:
9. Բոլորը լուռ վեր կացան այլևս ասելիք չկար:
10. Երբ արևը ելավ լեռան թիկունքից լիճը պսպղաց հսկայական աղամանդի նման:

Վարժություն 34: Արտագրե՛ք և ըստ անհրաժեշտության կետադրե՛ք մեկնաբանե՛ք այն նախադասությունների կետադրությունը, որոնցում պետք է ստորակետ դրվի:

1. Լույսը բացվել էր և ճամփորդները պատրաստվեցին մեկնելու:
2. Աշակերտը սովորեց դասերը և ելավ զբոսնելու:
3. Այդ վայրի փարթամ բուսականությունը բլթան գետակները հինավուրց հուշարձանները հիացրին զբոսաշրջիկներին:
4. Դերասանները փորձը պետք է կատարեին վերանորոգվող թատրոնում կամ էլ ժամանակավոր տրամադրված դահլիճում:
5. Արևն արդեն ծագել էր բայց դեռ ցուրտ էր:
6. Չբոսայգին վերջերս էին բարեկարգել և այժմ այն շատ գեղեցիկ էր:
7. Դասերից հետո աշակերտները հավաքվել էին դասարանում և քննարկում էին կազմակերպվելիք էքսկուրսիային առնչվող հարցերը:
8. Տնօրենը առանձին-առանձին կարդալով բոլոր հաղթողների անունները շնորհավորեց նրանց:
9. Ձյան փաթիլները թափվում էին և ճերմակ սավանով էր ծածկվում ամեն ինչ:
10. Ջուրը բարձունքից շառաչյունով գահավիժելով զարնվում էր բարերին:

Վարժություն 35: Արտագրե՛ք և ըստ անհրաժեշտության կետադրե՛ք մեկնաբանե՛ք այն նախադասությունների կետադրությունը, որոնցում պետք է բուրժ դրվի:

1. Գյուղի կենտրոնում կանգնած էր հուշարձանը հպարտ ու վսեմ:
2. Ծառերի ուժգին բամուց կտրված ճյուղերը աստիճանաբար չորանում էին:
3. Բոլորը սրտատրուփ սպասում էին բժշկին Գևորգյանին:
4. Հյուրանոցի միջանցքի մաշված ու գունաթափված գորգը փոխարինեցին նորով:
5. Սկիզբ առնելով լեռնագագաթները ծածկող ձյուններից գետակը հասնում էր մինչև մոտակա հորդահոս գետը:
6. Բացի դասարանի ավագից բոլորը ներկա էին:
7. Որպես տեղանքին քաջածանոթ մարդ նա էր առաջնորդում արշավախումբը:
8. Բոլոր երեխաները մտել էին գետը պաղ ալիքներում փոքր-ինչ զովանալու:
9. Ներս մտավ նրա մանկության ընկեր Արմենը:
10. Անսպասելիորեն ձյուն էր տեղացել փակելով բոլոր լեռնային ճանապարհները:

Վարժություն 36: Արտագրե՛ք՝ դնելով տրոհության նշանները:

ա) Շուտով երևաց Գարդմանը իր հաստաբետտ պարիսպներով և բարձրաբերձ աշտարակներով: Երկնակարկառ լեռան գագաթին թառած այդ անառիկ ամրոցը որը մանավանդ մութն ընկնելուց հետո ահարկու տպավորություն էր թողնում ամեն մի անցորդի վրա մոտեցող իշխանի սիրտը տխրությամբ համակեց: Նա հիշեց ութ տարի առաջ իր և արքայորդի Աշուտի մուտքն այս ամրոց: Այդ ժամանակ արդարև իր սիրտը նույնպես ուրախ չէր հայոց թագավորը նահատակված էր իշխանները անմիաբան արքայորդին անօգնական ինքը վիրավոր: Բայց Գարդմանն այդ ժամանակ հույս ու հոգի էր ներշնչում մոտեցողին. Սահակ Սևադան հսկում էր այդտեղ ինչպես մի հզոր առյուծ: Նրա համբավը ահաբեկում էր ամբարտավան թշնամիներին և խրախուսում լքվածներին: Այժմ թվում էր ամրոցը սուգ էր մտել և նրա արտաքին պատկերը ոչ թե զորություն այլ լքում ու հուսահատություն էր արտահայտում:

Օրը տարածամեղ էր: Չնայած իշխանի բրտիների մեջ կորած նժույգը հոգնած էր իսկ ճանապարհը զառիվեր այնուամենայնիվ նա անընդհատ շտապեցնում էր խեղճ կենդանուն որպեսզի ամրոց հասնի մի քանի վայրկյան առաջ:

Ըստ Մուրացանի

բ) Ճշմարտության դեմ կմեղանչենք եթե այս ընդարձակ տարածությունը որը կոչվում է Աստաֆյան ուղղակի փողոց անվանենք: Կարող ենք թեթևակի պտույտ անել մեր հինավուրց քաղաքի մի քանի փողոցներում լայն ու հարթ կամ օձագալար ու նեղիկ որպեսզի համոզվենք որ քաղաքի փողոցներից ոչ մեկը չունի այն առանձնահատկությունները ինչ որ ունի թյուրիմացաբար փողոց կոչվող այս յուրօրինակ տարածությունը: Զաղաքն ունի փողոց որը կոչվում է Տպագրիչների սակայն այստեղ մեծ մասամբ ապրում են պղնձագործ արհեստավորներ ունի Կույր փողոց որը վերջանում է այգիներով Բաղնիքի փողոց որտեղ երկու ատամնաբույժ կա իսկ պարսկական հին քաղնիքից մնացել է միայն մի մեծ փոս: Կան նաև լուրջ փողոցներ քարակոփ տներով բարեկարգ առանց ջրափոսերի սալահատակված մայթերով: Բայց այդ բոլոր փողոցներից ոչ մեկը չունի այն դերը և քաղաքի հպարտությունը չէ ինչպես Աստաֆյանը: Դրանք բոլորն էլ փողոցներ են ուղղակի հաղորդակցման անոթներ են քաղաքի համար և նրանցից ոչ մեկի անունը չի կապվում երազներին սիրահարներին ժամանցներին բամբասանքին շաղակրատությանն ու ապարդյուն թափառումներին: Եթե նրանք արյունատար անոթներ են ապա Աստաֆյանը Երևանի բաբախող սիրտն է:

Ըստ Ալեսի Բակունցի

Առողջանության նշաններն են **շեշտը, հարցականը, բացականչականը**:

Շեշտը դրվում է հրամայական եղանակի բայաձևերի կամ նրանց նախադաս լրացումների վրա, օրինակ՝ *գրի՛ր, կարդա՛, գեղեցի՛կ գրիր, ուշադի՛ր կարդա* և այլն: Հարադրավոր բայերի դեպքում շեշտը դրվում է անվանական բաղադրիչի վրա, օրինակ՝ *ծե՛ռք տուր, ծա՛յն տուր* և այլն: Եթե հրամայական բայի վրա շեշտ չդրվի, ապա բայը կմանվի ըղձական եղանակի բայաձևի, ինչպես՝ – *Կարդա՛ այդ բանաստեղծությունը* (հրամայական): *Ուզում է՛իս, որ նա կարդա* այդ բանաստեղծությունը (ըղձական): Ըստ տվյալ դեպքում եղած հնչերանգի՝ հրամայական բայաձևերի վրա դրվող շեշտը կարող է փոխարինվել բացականչական նշանով, ինչպես՝ *Օգնեցե՛ք*:

Կոչականը տրոհվում է ստորակետ(եր)ով և շեշտվում, օրինակ՝ – *Աշակերտ-նե՛ր, շուտով սկսվելու է մրցույթը*: Եթե կոչականն ունի նախադաս լրացումներ, ապա շեշտը դրվում է կոչականին անմիջապես նախորդող լրացման վրա, օրինակ՝ – *Իմ շատ սիրելի՛ գործընկերներ, այսօր մենք կխոսենք մի շարք հարցերի մասին*: Հետադաս լրացումների դեպքում շեշտը դրվում է կոչականի վրա, օրինակ՝ *Հիշում եմ դեմքը քո ծեր, մա՛յր իմ անուշ ու անգին (Եղիշե Չարենց)*: Եթե կոչականի հետ գործածված է նաև կոչական ձայնարկություն, ապա շեշտը դրվում է ձայնարկության վրա, օրինակ՝ – *Ո՛վ տեր արքա, ես միշտ հավատարիմ եմ եղել, – ասաց սուրհանդակը*:

Շեշտ է դրվում նաև առանձին գործածված կոչական ձայնարկությունների վրա, օրինակ՝ *Է՛յ, ի՞նչ ես անում*:

Շեշտվում են կրկնադիր շաղկապները, ինչպես՝ *Թե՛ աշխատանքը, թե՛ աշխատակիցները և թե՛ պայմանները նրան դուր եկան*: Շեշտը դրվում է նաև *այո՛, ո՛չ* վերաբերականների վրա:

Հարցական նշանը դրվում է հարցական դերանունների (*ի՞նչ, ո՞ր, ո՞ր, ե՞րբ, քանի՞ և այլն*), հարցական-երկբայական վերաբերականների (*մի՞թե, չի՞նի՞ թե և այլն*), ինչպես նաև այն բառի վրա, որը տվյալ դեպքում արտահայտում է հարցում, օրինակ՝ *Դու տո՞ւն գնացիր: Դու տուն գնացի՞ր*:

Բացականչական նշանը դրվում է ձայնարկությունների վրա՝ *վա՛յ, հե՛յ, ջա՛ն*, ինչպես նաև այն բառերի վրա, որոնք տվյալ դեպքում արտաբերվում են բացականչական հնչերանգով, օրինակ՝ *Մենք հաղթեցի՛նք*:

Առողջանության բոլոր նշանները դրվում են բառի վերջին ձայնավորի վրա, եթե այդ ձայնավորը **ը**-ն է: Եթե վերջին ձայնավորը **ը**-ն է, ապա կետադրական նշանը ստանում է **ը**-ին նախորդող ձայնավորը, օրինակ՝ *տո՛ւնը, գի՛րքը, սա՛ռը, ա՛րկղ* և այլն: Եթե բառի բոլոր ձայնավորները **ը**-եր են, ապա առողջանության նշանը դրվում է վերջին **ը**-ի վրա, ինչպես՝ *շրը՛խկ, թրը՛խկ* և այլն:

Մի շարք բառեր շեղվում են ընդհանուր սկզբունքից, այսինքն՝ առողջանության նշանը չի դրվում այդ բառերի վերջին ձայնավորի վրա, օրինակ՝ *գո՛նե, գրե՛թե*,

գո՛ւցե, իհա՛րկե, մանաւանդ, մի՛գուցե, մի՛թե, մի՛միայն, նա՛մանաւանդ, նո՛ւյնիսկ, նո՛ւյնպես, ո՛վւէ, ո՛րւէ, մաթեմա՛տիկա, ռա՛դիո, տե՛խնիկա, քի՛միա, օլիմպիա՛դա և այլն: Այդպես է նաև -երորդ վերջածանցով կազմված բառերում, օրինակ՝ քանի՞երորդ, ո՞րերորդ, յո՞թերորդ, տասնմեկերորդ և այլն: Առոգանության նշանները վերջին վանկի ձայնավորի վրա չեն դրվում նաև -իա-ով վերջացող տեղանուններում՝ Արմենիա, Իտալիա, Իսպանիա, Ավստրալիա, Գերմանիա, Դանիա և այլն: Օրինակ՝ - Նա ո՞ւր է մեկնում, Իտալիա, Իսպանիա, թե՞ Գերմանիա: Օտար որոշ անձնանունների ուղղական հոլովում առոգանության նշանները չեն դրվում վերջին վանկի ձայնավորի վրա, օրինակ՝ Բեթհովեն, Լե՛րմոնտով, Մայակո՛ւսկի, Պոլ՛շկին և այլն: Սակայն այս բառերի հոլովված ձևերում և նրանցից կազմված բառերում առոգանության նշանները դրվում են վերջին ձայնավորի վրա, օրինակ՝ Պուշկինի՛, Պուշկինի՛ց, պուշկինյա՛ն և այլն:

Օժանդակ բայի դրական ձևերի վրա ևս առոգանության նշաններ չեն դրվում (օրինակ՝ պատմո՞ւմ ես), իսկ ժխտական ձևերի վրա դրվում են (օրինակ՝ չի՞ եկել, չի՞ գնալու):

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Որո՞նք են առոգանության նշանները:
2. Որո՞նք են շեշտի գործածության հիմնական դեպքերը:
3. Որո՞նք են հարցական նշանի գործածության հիմնական դեպքերը:
4. Որո՞նք են բացականչական նշանի գործածության հիմնական դեպքերը:

Վարժություն 37: Արտագրե՛ք՝ դնելով առոգանության նշանները (մյուս նշանները դրված են):

- ա) – Հեյ, բաջ Թաթուկ,– կանչեց շահը,–
Անմահ էիր քեզ կարծում.
Եկ, բերել եմ ես քո մահը,
Ինչ ես թառել ամրոցում:
- Մի պարծենա, գոռոզ Նադիր,–
Պատախանեց էն հըսկան,–
Գըլխովը շատ ամպեր կանցնեն,
Սարը միշտ կա անսասան:

Հովհաննես Թումանյան

- բ) Իմ ոսկի օրեր, ուր եք սլանում
Անմիտ, խելահեղ նժույգների պես,
Ուր եք սլանում, ինձ ուր եք տանում,
Օրեր իմ խելառ, մահն է խաբում ձեզ:

Առջևում վիհն է, ուր եք սլանում,
 Ետ դարձեք, օրեր, է, խելքի եկեք,
 Ձեզ խաբող հեռուն անուշ է թվում,
 Մահն է առջևդ, օ, ետ, մանկացեք...

Հովհաննես Ծիրազ

Վարժություն 38: Արտագրեք՝ շղատառ բառերի վրա ըստ անհրաժեշտության դնելով առողջանության նշաններ:

1. – Ես *ինչպես* հարցնեմ, թե նա *ինչպես* է կատարել այդ ամենը:
2. – *Ով* էր եկել այդ ծուլներից, որ *ով* օգներ, – թոռներից դժգոհեց պապը:
3. – *Դու կարդա*, Սարգի՛ս, որ փոքր եղբայրդ էլ, բեզկից օրինակ վերցնելով, *կարդա*:
4. – *Վարպետ*, Արմենը շուտով կգա, – ասաց *վարպետ* Գևորգը:
5. – *Երբ* է գալու, – հարցրեց Վարդանը, *երբ* իմացավ, որ եղբայրը վերադառնալու է գործուղումից:
6. – *Ես* պետք է տեղյակ պահեի, – զարմացած հարցրեց Անահիտը, – *ես* ինքս էլ չգիտեի այդ մասին:
7. – *Ում* դիմեմ, որ կարողանա նորոգել այս սարքը. *ոււմ* որ դիմել եմ, մերժել է:
8. – *Քանի* դեռ հիշում եմ, հարցնեմ. *քանի* օրից ես մեկնելու, – ասաց ընկերը:

Ֆրեդերիկ Ֆեյդի (1908–2002)



Ծնվել է Փարիզում: Միջնակարգ կրթությունն ստացել է Վերսալում: 1931–33թթ. սովորել է Արևելյան կենդանի լեզուների դպրոցում՝ աշակերտելով Ֆ. Մակլերին: Կաթոլիկական ինստիտուտում՝ Լ. Մարիեսին: Բարձրագույն ուսմանց դպրոցում՝ Ա. Մեյեին: 1941-ին ավարտել է Սորբոնի համալսարանը: 1949–77թթ. եղել է Արևելյան կենդանի լեզուների դպրոցի և Սորբոնի համալսարանի արևելյան լեզուների ու բաղադրությունների ինստիտուտի հայագիտական ամբիոնի վարիչը: Ազատորեն տիրապետել է գրական արևմտահայերենին: Նշանավոր են «Հայոց լեզվի բերականություն, արևմտյան խոսվածք» (1935), «Հայոց

լեզվի ձեռնարկ (արդի արևմտահայերեն)» (1948), «Դասական հայերենի բայական համակարգը» (1969), «Դասական հայերենի իդիոլման համակարգը» (1976) աշխատությունները: Պատմաբանասիրական բնույթի ուսումնասիրություններից առավել կարևոր են Փափստոս Բուզանդի «Պատմությանը» նվիրված գործերը, «Խոհեր ս. Մեսրոպի այբուբենի մասին» (1982) աշխատությունը: Նա նշանակալից ավանդ ունի նաև հայ ժողովրդական բանահյուսության և գրականության ուսումնասիրության ասպարեզում, որի լավագույն դրսևորումը «Հայ ժողովրդական դյուցազնավեպը» ուսումնասիրությունն է: Անդրադարձել է նաև Դ. Պարոնյանի, Ա. Զոսյանյանի, Ե. Օսյանի գրական գործունեությանը: Ունի բազմաթիվ հայագիտական հոդվածներ:

Բացահայտության նշաններն են **չակերտները, փակագծերը, միության գծիկը, անջատման գիծը, կախման կետերը, բազմակետը, ենթամասն, ապաթարցը:**

Չակերտների մեջ առնվում է այսպես կոչված ներքին, չհնչող խոսքը (մտած-մունք, նամակ և այլն), օրինակ՝ *Նա մտածում էր. «Վաղը կհեռանամ»:* Որդին գրում էր. *«Ծուտով կվերադառնամ»:*

Չակերտների մեջ են առնվում նաև այլ բառերի կապակցված (ոչ առանձին գործածված) վերնագրերը, կազմակերպությունների և այլ պայմանական անվա-նումները, օրինակ՝ *Թումանյանի «Գիթորը» պատմվածքը, «Գլորուս» կինոթատ-րոնը, «Շինարար» ընկերությունը* և այլն: Տեղանունները չակերտների մեջ չեն առնվում, օրինակ՝ *Այդ գյուղը կոչվում է Ծաղկավան:*

Մատենագիտական ցանկերում և հղումներում, երբ հեղինակի անունն արտա-հայտված է ուղղական հոլովով, ստեղծագործության վերնագիրը գրվում է առանց չակերտների, օրինակ՝ *Մատուկ Աբեղյան, Հայոց լեզվի տեսություն, Երևան, 1965:*

Չակերտներով են գրվում նաև հեգնական, ոչ իրենց բուն իմաստներով գործածված բառերը, օրինակ՝ *Դու «շա՛տ» աշխատեցիր, նույնիսկ աշխատանքային հագուստ չես հագել:*

Ինքնանվանողական գործառույթով գործածվող միավորները ևս գրվում են չակերտներով, թեև կարելի է գրել նաև շղատառ, առանց չակերտների, օրինակ՝ *«Տուն» բառը գոյական է կամ Տուն բառը գոյական է:* «Ա»-ն ձայնավոր է կամ Ա-ն ձայնավոր է:

Փակագծերի մեջ են առնվում ներդրյալ բառերը, բառակապակցություններն ու նախադասությունները, որոնք լրացուցիչ տեղեկություններ հաղորդող միավորներ են, օրինակ՝ *Աշխարհի չեմպիոնը (սկարում ձախից) պատմել է մրցույ-թի մասին:* *Վահանը (այդ էր նրա անունը) նստած էր պատշգամբում:*

Միության գծիկով են գրվում մի շարք բաղադրյալ բառեր: Մասնավորապես գծիկով են գրվում կրկնավոր բարդությունները, առանց բառակազմական միջոց-ների կապակցվող համադասական բաղադրիչներ ունեցող բարդությունները, օրի-նակ՝ *մեծ-մեծ, փունջ-փունջ, գալ-գնալ, հուշարձան-կոթող, չորս-հինգ* և այլն: Միու-թյան գծիկ է դրվում նաև թվականներին, հապավումներին, ինքնանվանողական գործառույթով գործածվող բառերին, վերնագրերին կցվող մասնիկներից առաջ, օրինակ՝ *7-ից, 3-րդ, 33-ում, գրասեղան-ի վերջին արմատը* և այլն: Վերնագրերի մասնիկները կցվում են չակերտներից դուրս այն դեպքում, երբ չակերտներում գրելիս կխաթարվի իմաստը, օրինակ՝ *Թումանյանի «Հայոց լեռներում»-ում:*

Անջատման գիծը դրվում է մեջբերվող խոսքի սկզբում: Մեջբերվող խոսքին հաջորդող հեղինակային խոսքից առաջ դրվում է ստորակետ-գիծ: Իսկ միջադաս հեղինակային խոսքին հաջորդող ուղղակի խոսքից առաջ կարող է դրվել ստորա-կետ-գիծ, միջակետ-գիծ կամ վերջակետ-գիծ, օրինակ՝

– Ես, – ասաց վարպետը, – վաղը կգամ:

- Մենք ոչինչ չենք կարող անել,- ասաց նա.- ամեն ինչ պետք է նորից կատարել:

- Շենքը քանդվել է,- հայտնեց ճարտարապետը:- Շուտով կսկսվի նորի շինարարությունը:

Անջատման գիծ է դրվում այն միավորների միջև, որոնք արտահայտում են սկզբնականի և վերջնականի տարածական կամ ժամանակային հարաբերություն, օրինակ՝ Երևան - Գյումրի, ժամը 10-18-ը և այլն:

Դրամատիկական ստեղծագործություններում անջատման գիծ է դրվում խոսողի անվան և նրա խոսքի միջև, օրինակ՝

Իշխան - Բոլորդ հավաքվե՞ք այստեղ:

Կախման կետերը դրվում են նախադասության սկզբում, մեջտեղում կամ վերջում՝ արտահայտելով հույզեր, զգացմունքներ, հուզական անավարտություն, օրինակ՝ Նա հիշեց այդ հիանալի օրը: Այդ օրը... Ինչպե՞ս կմոռանա: ...Անխոս նստեցինք ձիերը և անցանք գետակը: Արևն արդեն դեպի մայրամուտ էր կախվել: (Ակսել Բակունց)

Բազմակետը դրվում է մեջբերումներում կրճատման տեղը նշելու համար, օրինակ՝ «Այդ օրը հավաքվել էին բոլորը:Շուտով նա ժամանեց»: Բազմակետի տեղում կրճատվել են նախադասություններ:

Ենթամասն դրվում է տողադարձի կամ ամհասարակ վանկատման ժամանակ բառի անջատված հատվածների միջև, օրինակ՝ գը-րա-խա-նութ, պա-տու-հան և այլն: Միության գծիկով գրվող բաղադրյալ բառերի տողադարձի ժամանակ միության գծիկը փոխարինում է ենթամասային, այսինքն՝ ենթամաս չի դրվում, ոչ էլ հաջորդ տողում է գծիկ դրվում, օրինակ՝ հյուսիս-արևելք, մեծ-մեծ և այլն:

Ապաթարցը հիմնականում գործածվում է արևմտահայերենում՝ դրվելով գեղված ձայնավորների փոխարեն, օրինակ՝ կ'ըլլա (կը ըլլա): Արևելահայերենում դրվում է միայն օտար անուններում, օրինակ՝ դ'Արտանյան և այլն:

ՀԱՐՅԵՐ ԵՎ ՎԱՐԺՈՒԹՅՈՒՆ

1. Որո՞նք են բացահայտության նշանները:
2. Որո՞նք են չակերտների գործածության հիմնական դեպքերը:
3. Որո՞նք են փակագծերի գործածության հիմնական դեպքերը:
4. Որո՞նք են միության գծիկի գործածության հիմնական դեպքերը:
5. Որո՞նք են անջատման գծի գործածության հիմնական դեպքերը:
6. Որո՞նք են կախման կետերի գործածության հիմնական դեպքերը:
7. Որո՞նք են բազմակետի գործածության հիմնական դեպքերը:
8. Որո՞նք են ենթամասայի գործածության դեպքերը:
9. Որո՞նք են ապաթարցի գործածության դեպքերը:

Վարժություն 39: Արտագրե՛ք՝ դնելով բացահայտության նշանները:

1. Տիգրանը այդ եր տղայի անունը զանգահարեց Ճաղկունք ընկերության գրասենյակ:
2. Միջոցառման ընթացքում աշակերտները ներկայացրին հատվածներ 3. Թումանյանի Անուշի, Դ. Դեմիրճյանի Վարդանանքից և Րաֆֆու Սամվելից:
3. Թիմի ավագը նկարում աչից առաջինը այս անգամ ևս փայլեց իր հիանալի խաղով:
4. Նա շա՛տ պարտաճանաչ է. մեկ շաբաթ է՝ իր աշխատանքը չի կատարում:
5. Նա մտածում էր Վաղն անպայման կդիմեմ մասնագետին:
6. Նամակում գրված էր Ես մեկ ամսից կվերադառնամ:
7. Ծիածան ընկերության գրասենյակի դռան ցուցանակին գրված էր Ընդմիջումը ժամը 14 15 ը:
8. Ասֆալտապատ ճանապարհով ճանապարհը նոր էին վերանորոգել սլա-նում էին մեքենաները:
9. Տղաները մի քանի րոպեից հասան գետափ գետը հոսում էր հենց գյուղի կողքով և հանեցին կարթերը:
10. Միջոցառման վերջում արտասանեցին Ե. Զարենցի Ես իմ անուշ Զայաս-տանի բանաստեղծությունը:

ԿԵՏԱԳՐԱԿԱՆ ԿԱՆՈՆՆԵՐԻ ՀԱՆԳԻՊԱՅՐՈՒՄ

Երբեմն գրավոր խոսքում անմիջապես իրար են հաջորդում տարբեր ձևերով կետադրվող միավորներ, այսինքն՝ առաջանում է կետադրական կանոնների հանդիպադրում: Իրար կարող են հակադրվել միայն կետադրական նույնաբնույթ նշանների կանոնները, օրինակ՝ տրոհության երկու նշանների կանոններ և այլն: Որպես ընդհանուր սկզբունք՝ կարելի է նշել հետևյալը. կետադրական կանոնների հանդիպադրման ժամանակ դրվում է հաջորդող կանոնի կետադրությունը՝ բացի հետևյալ երկու դեպքից: ա) **Եվ, ու, կամ** շաղկապներից առաջ դրվում է անհրաժեշտ ստորակետը (տե՛ս կետ 2), բ) կարճ ուղղակի խոսքին հաջորդող կոչականից առաջ դրվում է ուղղակի խոսքը տրոհող բուրժը (տե՛ս կետ 8):

Կանոնների հանդիպադրության դեպքում գործում են հետևյալ հիմնական սկզբունքները:

1. Եթե կոչականին կամ նրա բառախմբին նախորդում է տրոհվող դերբայական դարձված, ապա կոչականից առաջ դրվում է ստորակետ, այլ ոչ թե դարձվածի տրոհման բուրժը, օրինակ՝ *Այրքան քիչ մարզվելով, սիրելի՛ մարզիկներ, երբեք լավ չեք խաղա:*

2. Եթե **և, ու, կամ** շաղկապներից առաջ կա այնպիսի միավոր (բացահայտիչ, տրոհվող որոշիչ, միջանկյալ բառ և այլն), որն իրեն հաջորդող բառից պետք է տրոհվի ստորակետով, ապա այդ ստորակետը դրվում է, օրինակ՝ *Եկավ ընկերս՝ Արամը, և օգնեց մեզ: Սեղանին դրված էին մի գիրք՝ կազմը պատռված, և մի*

լուսանկար: Այդ դժվար պահին նա չէր վհատվել, ո՛վ գարմանք, և շուտով լողալով ափ դուրս եկավ:

3. Եթե այն միավորին (տրոհվող որոշիչ, բացահայտիչ, միջանկյալ բառ և այլն), որն իրեն հաջորդող բառից պետք է տրոհվի ստորակետով, հաջորդում է բուբոն տրոհվող միավոր, ապա ստորակետի փոխարեն դրվում է բուբո, օրինակ՝ *Եկավ ընկերս՝ Արամը՝ բերելով խնդրածս գիրքը: Մնացել էր միայն մի ծառ՝ ճյուղակոտոր, մերկացած՝ զարմացնելով բոլորին: Ահա լողում է նա, ո՛վ գարմանք՝ մաքառելով ալիքների դեմ:*

4. Եթե կոչականից անմիջապես հետո կա գեղջված շաղկապ, ապա ոչ թե դրվում է կոչականին տրոհող ստորակետը, այլ կոչականի վրա դրվում է բուբո, օրինակ՝ – *Գիտեմ, Արա՛մ (որ) շատ ես աշխատում:*

5. Եթե այն միավորին (տրոհվող որոշիչ, բացահայտիչ, միջանկյալ բառ և այլն), որն իրեն հաջորդող բառից պետք է տրոհվի ստորակետով, հաջորդում են կախման կետեր, ապա ստորակետի փոխարեն դրվում են կախման կետերը, օրինակ՝

Իսկ մենք՝ ես ու դու... արվեստ ենք խաղում

Եվ մի այնպիսի՝ համոզվածությամբ,

Որ Սերվանտեսի հերոսն էլ չուներ...

Պարույր Մկակ

6. Եթե գերադաս և ստորադաս նախադասությունները կապող շաղկապը գեղջված է, բայց նրանց միջև կա հեղինակային խոսք, ապա բուբո չի դրվում, օրինակ՝ – *Գիտեմ, – ասաց նա, – (որ) շատ ես աշխատում:* Այդ բուբոն վերականգնվում է ուղղակի խոսքն անուղղակիի վերածելիս, օրինակ՝ *Նա ասաց, որ գիտի՝ շատ եմ աշխատում:*

7. Եթե բուբոն տրոհվող միավորների միջև կա հեղինակային խոսք, ապա բուբո չի դրվում, այլ դրվում է հեղինակային խոսքի ստորակետ-գիծը (կամ կախման կետեր-գիծը), համեմատենք՝ – *Ես, – ասաց նա, – թո հարազատ հորեղբայրը, թեզ չեմ ների: – Ես՝ թո հարազատ հորեղբայրը, թեզ չեմ ների, – ասաց նա:*

8. Եթե կարճ՝ բուբոն տրոհվող ուղղակի խոսքին հաջորդում է կոչական, ապա կոչականից առաջ ստորակետ չի դրվում, այլ դրվում է ուղղակի խոսքի բուբոն, օրինակ՝ *Ասաց՝ վարպե՛տ, արի՛:*

9. Բոլոր դեպքերում, երբ տրոհության այլ նշանով պիտի ավարտվեր նախադասությունը, այդ նշանը փոխարինվում է վերջակետով, օրինակ՝ *Եկավ նկարիչը՝ Գաբրիելյանը:*

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Ի՞նչ է կետադրական կանոնների հանդիպադրումը:
2. Կետադրական կանոնների հանդիպադրման ի՞նչ հիմնական դեպքեր կան:
3. Կետադրական կանոնների հանդիպադրման դեպքում ո՞ր կանոնին է առաջնություն տրվում:

Վարժություն 40: Կետադրե՛ք տրված նախադասությունները:

1. Ներս մտավ գյուղապետը Գևորգյանը ձյունը վերարկուի ուսերից թափ տալով:
2. Սեղանին դրել էր ծաղիկներ կարմիր դեղին սպիտակ և մի գեղեցիկ արծանիկ:
3. Եկավ թիմի ավագը Հակոբը և ողջունեց բոլորին:
4. Այոքան քիչ կարդալով սիրելիս ոչնչի չես հասնի:
5. Գիտեմ ասաց արքան թշնամին արդեն սահմանի մոտ է:
6. Ելույթ ունեցավ տարեց դերասաններից մեկը Հակոբյանը բարձրահասակ ու ամրակազմ մի մարդ:
7. Աշակերտներն ընթերցեցին Հ. Թումանյանի պոեմներից մեկը Անուշը և մի քանի քառյակներ:
8. Զամին օրորում էր այգու ծառերը խնձորենիներն ու ծիրանենիները հաճելի սոսափյուն տարածելով շուրջբոլորը:

Վարժություն 41: Արտագրե՛ք և կետադրե՛ք:

ա) Մենք տասը երեխա էինք և որքան էլ հայրիկը սիրում էր իր զավակներին Նրանց դպրոցական կյանքին հետևելու ժամանակ և հնարավորություն չունեք:

Մի օր Գայանյան դպրոցի տեսուչը տեղեկացնում է հայրիկին որ գա դպրոց իր աղջիկներից մեկի Անուշի մասին խոսելու: Գայանյանի փոխարեն հայրիկը գնում է Հովնանյան օրիորդաց դպրոց և հարցնում թե ինչպես է սովորում Նվարդը: Ուսուցիչները կռահելով կատարվածը և զվարթ ծիծաղելով ասում են

Պարոն Թումանյան Նվարդը վաղուց ավարտել է դպրոցը:

Այստեղ հայրիկը հանկարծակիի է գալիս և հիշում որ երևի հարկավոր է գնալ Գայանյան դպրոց որտեղ սովորում են մյուս աղջիկները: Հապառապ գնում է այնտեղ հարցուփորձ անում մյուս աղջկա Արփիկի մասին բայց պարզվում է որ Նրա համար չէին կանչել այլ Անուշի: Ինքընստիկսյան հասկանալի է որ զանազան տարաբնույթ գործերով զբաղված լինելով հայրիկը ժամանակ չունեք հետևելու մեր կրթության ամենօրյա գործընթացին բայց երբեմն երբ ժամանակ էր գտնում մանրագին նայում էր մեր աշակերտական տեսրերը: Մեծ ուշադրություն էր դարձնում մանավանդ գրության լեզվին և ձեռագրին: Հիշում եմ որ հազար ինը հարյուր տասնհինգ թվականին ամռանը եղբայրս Արտավազը Վանից մի Նամակ էր գրել: Հայրս առանց կարդալու հետ ուղարկեց վրան գրելով Գրիր թե ինչ ես գրել:

Ըստ Նվարդ Թումանյանի

բ) Մի օր երբ առավոտյան տնից դուրս էր գալիս Թումանյանը հանկարծ տեսնում է որ տանն ինչ-որ պատրաստություն կա հանել են մեծ ու փայլփլուն կաթսան կրակը բոցկտում է շտապ-շտապ ջուր են քերում: Ինքնիրեն որոշում է թե այդ օրն իրենց տանը անպայման խաշ են եփում և լուռ ելնում է տնից: Ու որտեղ պատա-

հում է որևէ ծանոթի հրավիրում է իրենց տուն խաշ ուտելու: Քիչ անց նա հյուրերի մի երկար շարքի գլուխն անցած վերադառնում է տուն: Տնեցիները ապշում են իսկ Թումանյանը պատվիրում է բերել խաշը:

Ինչ խաշ անակնկալ այդ խոսքից զարմացած ասում է տիկին Օլգան Նույնիսկ կերակուրը դեռ չեմ եփել:

Բայց էն ինչ էր առավոտյան որ մեծ պղինձը հանել էիք հարցնում է Թումանյանը:

Ջուր էինք տաքացնում այսօր մեծ լվացք ունենք պատասխանում է տանտիրուհին:

Սակայն Հովհաննեսը ոչ շփոթվում է ոչ հանկարծակիի գալիս այլ իրեն հատուկ զվարճախոսությամբ պատմում է ապշած հյուրերին թե ինչ թյուրիմացություն է եղել և խնդրում է փոքր-ինչ սպասել: Հետո իսկույն ևեթ ուղարկում է պատրաստի կերակուրներ բերելու և քիչ անց արդեն տանը մի թունդ գինարբուք էր:

Ըստ Լեոյի

գ) Հայաստանի Հանրապետության լճերից մեկը գեղատեսիլ Արփին ամենից հյուրընկալն է հավալուսնի համար: Այն ժամանակ երբ այդ թռչունները կապուտաչյա Սևանի վրա հատուկեցնո են երևում Արփի լճում երբեմն տասնյակներով են հանդիպում: Այդ թռչունն ամենից առաջ ուշադրություն է գրավում կտուցից կախված յուրօրինակ պարկով: Այդ պարկը որը մինչև տասը լիտր ջուր կամ տասը-տասնիինգ կիլոգրամ ծուկ կարող է տեղավորել իր մեջ ամրացած է նրա կտուցի ներքին փեղկի եզրերին: Իսկ կտուցի վերին փեղկը կափարիչի դեր է կատարում այդ տարօրինակ ամբարի համար: Երբ որսն առատ է նրա մեջ հավալուսնը արագ-արագ լցնում է թպրտացող կենդանի ձկներին իսկ հետո երբ անդորր է ու ոչ ոք չի խանգարում ախորժակով ուտում է կամ տանում քաղցած ձագերին: Երբ պարկը լիքն է ձկներով հավալուսնը ծանր ու դժվար է թռչում: Փորձառու որսորդները պատմում են որ այդպես ծանր-ծանր թռչելու պահին երբ կրակում են սկսում է ձկները հապշտապ հանել և պարկից ցած թափել: Ոմանք կատակով ասում են թե կաշառք է տալիս որ իրեն չսպանեն: Իրականում սակայն դրանով նա թեթևանում է բեռից որ արագացնի թռիչքը:

Ըստ Վահթանգ Անանյանի

դ) Չնայած նախընթաց ամբողջ օրը ճանապարհորդել էի այնուամենայնիվ երեկ շատ վաղ արթնացա: Գյուղը ինքն է կարծես արթնացնում քեզ: Մարդն այստեղ ամաչում է եթե չասենք ափսոսում որ վաղորդյան զով ժամերը քնին նվիրի: Երբ դուրս եկա բակ աղջամուղջը դեռ նոր էր ցրվում և արևելքը դեռ նոր էր շառագունում բայց հյուրընկալս քահանան արդեն փութկոտ քայլերով գնում էր գյուղի հինավուրց եկեղեցին:

Միթե այսքան կանուխ պիտի սկսեք ժամերգությունը ապշած հարցրի ես:

Ոչ դեռ սաղմոս պիտի քաղեմ Դուք կարող եք կես ժամ ուշ գալ պատասխանեց նա:

Ես եկեղեցում երկար կանգնել չէի կարողանում որոշեցի օգուտ քաղել ինձ ըն-
ծեոված ժամանակից և բարձրանալ գյուղի վերնակողմը նրա ընդհանուր դիրքը և
շրջապատը դիտելու:

Բակի ճյուղերը լայն փռած հաստաբուն ընկուզենու տակ մի անկյունում տան-
տիրուհին և իր հարսը կթում էին կովերը: Որպեսզի տնից լրիվ քաղցած դուրս չգա-
լի մոտեցա նրանց և մի գավաթ կաթ խնդրեցի: Ես ախորժանոք ըմբռնեցի տաք
փրփուրը վրան անուշահամ ըմպելիքը և խնդրեցի երկրորդը որը միևնույն հոգա-
ծությամբ լցվեց և բարյացակամորեն հանձնվեց ինձ: Իմ նախաճաշը վերջացել էր
որի համար խոնարհ շնորհակալություն հայտնելով հարցրի գյուղի վերին կողմերն
անցնելու ճանապարհը և հեռացա:

Ըստ Մուրացանի

Գիտե՞ք, որ...

1967 թվականից ամեն տարի՝ ապրիլի 2-ին (Հանս Զրիստիան
Անդերսենի ծննդյան օրն է), աջխարհում նշվում է Մանկական գրքի
միջազգային օրը:

Մառ Նիկողայոս Յակովի (1864–1934)

Խորհրդային ականավոր գիտնական, լեզվաբան-հայագետ,
արևելագետ: Ծնվել է Զուբայիսում (հայրը՝ շոտլանդացի, մայրը՝
վրացուհի): 1884-ին ավարտել է տեղի գիմնազիան, ապա ընդունվել
է Պետերբուրգի համալսարանի արևելագիտության ֆակուլտետը:
1891-ին նշանակվել է Նույն համալսարանի պրիվատ-դոցենտ,
1900-ին՝ հայ-վրացական բանասիրության ամբիոնի վարիչ: 1901թ.
ստացել է բանասիրական գիտությունների դոկտորի աստիճան,
1909-ին դարձել է ակադեմիկոս: Հայաստանում կատարել է
արդյունավետ պեղումներ, որոնց արդյունքները ամփոփված են մի
շարք հրապարակումներում: Հայագիտական-բանասիրական մեծ
արժեք ունի Վարդան Այգեկցու առակների՝ նրա հրապարակած
քննական ժողովածուն: Հայերենագիտական ուսումնասիրություններում անդրադարձել է
հայոց լեզվի ծագման ակունքներին, այլ լեզուների հետ ունեցած առնչություններին, հատուկ
ուսումնասիրություն է նվիրել հին հայերենին՝ գրաբարին: Նա հայերենը համարում էր
խաչավորված, խառնածին լեզու և ժխտում էր նրա հնդեվրոպական ծագումը:



Մառը ուներ գիտական լայն հետաքրքրություններ և հայ մատենագրության ու մշակույթի
մեծագույն գիտականերից էր:

ԳԻՏԱԿԱՆ ՈՃԻ ՍՈՍՆՆԵՆԱՀԱՏՎՈՒԹՅՈՒՆՆԵՐԸ

Ոճերի դասակարգման կարևոր չափանիշներից է խոսքի կիրառության ոլորտը: Ըստ դրա՝ առանձնացվում է նաև գիտական ոճն իր ենթատեսակներով: Գիտական ոճն ունի կիրառության լայն ու բազմապիսի ոլորտներ: Այս ոճով են գրվում մենագրությունները, դասագրքերը, ատենախոսությունները, գիտական հոդվածները և այլն: Գիտական ոճը կարող է ունենալ նաև բանավոր դրսևորումներ, մանավանդ գիտական բանավեճերի ժամանակ, բայց և այնպես այն առավելապես հանդես է գալիս գրավոր ձևով:

Գիտական ոճը ոճական երանգավորման առումով համեմատաբար չեզոք է: Գիտական ոճի հաջորդ առանձնահատկությունն այն է, որ ձևավորվում է գրական լեզվի օրինաչափություններով, և լեզվական միջոցների գործածությունը կանոնակարգված է: Գիտական նյութը կամ իրողությունը ներկայացվում է հասկացությունների միջոցով, իսկ միտքը հաղորդվում է դատողություններով և մտահանգումներով, որոնք մշակվում, կանոնավորվում և համակարգվում են: Գիտական ոճի կարևոր նախապայման են ինչպես շարադրանքի ճշտությունն ու ճշգրտությունը, այնպես էլ տրամաբանականությունն ու պատճառահետևանքային կապը:

Ասվածը հավասարապես վերաբերում է ինչպես բնագիտական, այնպես և հասարակական (հումանիտար) գիտություններին, քանի որ դրանք բոլորն էլ ծառայում են բացահայտելու, ճանաչել տալու կյանքի, հասարակական երևույթների ծագման ու զարգացման, նրանց հետագա բնականոն փոփոխությունների օրենքներն ու օրինաչափությունները: Գիտական ոճը հիմնականում ներկայացվում է կանոնների, սահմանումների, բանաձևերի միջոցով, որոնք ճիշտ են, ճշգրիտ, սեղմ ու հակիրճ և կառուցվում են պարզ, մատչելի, տրամաբանված, կուռ և հետևողական դատողություններով, հենվում են համապատասխան փաստերի, ապացույցների, փաստարկների ու եզրահանգումների վրա:

Անշուշտ, գիտական ոճին բնորոշ են խոսքի բոլոր արժանիքները, բայց առավել հատուկ են **տրամաբանականությունը, ճշգրտությունը, պարզությունն ու մատչելիությունը:**

Խոսքի **տրամաբանականության** կարևոր նախապայմաններից մեկը շարադրանքի կառուցվածքի ճիշտ պահպանումն է՝ ներածական մաս, բուն նյութի շարադրանք և ամփոփում: Եզրակացությունները բխում են նյութի բովանդակությունից, իրար չեն հակասում, և ամբողջ նյութը հաճախ բաժանվում է փոքրիկ մասերի, որոնք ներկայացնում են մտքի աստիճանական ընթացքն ու զարգացումը՝ մասնավորից դեպի ընդհանուրը, իսկ երբեմն՝ հակառակը:

Այստեղ կարևոր նշանակություն են ձեռք բերում լեզվական այն միջոցները (բառեր, արտահայտություններ), որոնք ամենից առաջ նպաստում են խոսքի պատճառահետևանքային կապի ստեղծմանը տվյալ խոսքաշարում, ինչպիսիք են՝

հետևաբար, քանի որ, դրա շնորհիվ, այդ իսկ պատճառով, ուրեմն, այսպիսով, ինչպես նշվեց և այլն:

Պարզությունը՝ որպես գիտական ոճի հատկանիշ, նախ և առաջ ենթադրում է հասկանալիություն, մատչելիություն: Գիտական խոսքաշարում (տեքստում) թեև երբեմն հանդիպում են ոչ մասնագետին անհասկանալի բառեր, արտահայտություններ, հատկապես տերմիններ, բայց և այնպես այստեղ կարևոր նշանակություն են ստանում շարադրանքի մատչելիությունը, նախադասությունների պարզ կառուցվածքը, շարքային ընթերցողին հասկանալի, ոչ խրթին շարադրանքը, ապա նաև շարադրանքի գիտահանրամատչելի ոճը:

Ճշգրտությունը գիտական ոճի կարևորագույն և պարտադիր հատկանիշներից է: Գիտական շարադրանքում յուրաքանչյուր հասկացություն պետք է լինի մեկի-մասո և միանշանակ: Այստեղ յուրաքանչյուր բառ գործածվում է իր անվանողական նշանակությամբ, տվյալ առարկան, իրողությունը կամ փաստը արտահայտող ճշգրիտ բովանդակությամբ՝ առանց բառերի փոխաբերական, հուզաարտահայտչական իմաստների:

Գիտական ոճն ունի նաև իր ուրույն բառապաշարն ու քերականական կառուցվածքը՝ այս առումով ևս զգալիորեն տարբերվելով գործառական մյուս ոճերից:

ՀԱՐՅԵՐ ԵՎ ՎԱՐԺՈՒԹՅՈՒՆՆԵՐ

1. Որո՞նք են գիտական ոճի կիրառության հիմնական ոլորտները:
2. Որո՞նք են գիտական ոճին բնորոշ հիմնական առանձնահատկությունները:

Վարժություն 1: Կարդացե՛ք և համեմատե՛ք գիտական և գեղարվեստական ոճերով գրված տեքստերը, բնութագրե՛ք տարբերությունները:

ա) Իր նազանքներով, իր չքնաղ տեսքով և հեռո՛ւ-հեռո՛ւ երկրներից ժամանած թռչունների երամներով Սևանը քաշում է ինձ դեպի իրեն: Ես նրան հաճախ եմ այցի գնում և՛ տարվա այն եղանակին, երբ զմրուխտ են հագնում նրա ափերը, երբ Գեղամա լեռների վեա գագաթները ցլլանում են նրա վճիտ հայելու մեջ, և՛ այն ժամանակ, երբ մերկանում է նրա շրջապատը, բայց ինքը զարդարվում է հյուսիսից հյուր եկած թռչունների երամներով:

Յազար գեղեցկություն ունի Սևանը: Երբ անվրդով նիրհում է իր զմրուխտ ափերի մեջ, չես կարող որոշել՝ երկի՞նքն է ցոլում նրա մեջ, թե՞ ինքը՝ երկինքն է իջել՝ հանգստանալու Գեղամա լեռների շուրջպարի մեջ:

Դե ինչպե՞ս նստես Երևանի շոգում, երբ այդպիսի մի գեղեցկուհի է սպասում քեզ լեռներում:

Վախթանգ Անանյան

բ) Սևանա լիճը քաղցրահամ, բարձրադիր, նավարկելի լիճ է: Գտնվում է Ծովի մակերևույթից մոտ 1900 մ բարձրության վրա: Սևանը կազմված է Մեծ Սևանից

ու Փոքր Սևանից, որոնք իրարից բաժանվում են Արտանիշի և Նորատուսի հրվանդաններով ու Նրանց միացնող ստորջրյա թմբով: Նախքան լճի մակարդակի արհեստական իջեցումը Նրա երկարությունը 75 կմ էր, միջին լայնությունը՝ 19 կմ, միջին խորությունը՝ 41,3 մ, իսկ ամենախոր մասի՝ Փոքր Սևանի խորությունը՝ գրեթե 98,7 մ: Այդ պայմաններում լճի ընդհանուր ծավալը կազմում էր 58,5 մլրդ մ³, ջրի մակարդակի արհեստական իջեցումից հետո՝ շուրջ 32,9 մլրդ մ³: Սևանա լիճ են թափվում 28 գետ ու գետակ՝ Ձկնագետը, Գավառագետը, Արգիճին, Վարդենիսը, Կարճաղբյուրը, Մասրիկը և այլն: Լճից սկիզբ է առնում միայն Հրազդան գետը:

Ըստ «Դպրոցական մեծ հանրագիտարանի»

Վարժություն 2: «Կաղնի», «Շուն» կամ «Յորեն» վերնագրերից որևէ մեկով գրե՛ք գիտական և գեղարվեստական ոճերով շարադրված փոքրիկ տեքստեր՝ անհրաժեշտության դեպքում օգտվելով հանրագիտարանից, համացանցից կամ այլ աղբյուրներից:

ԳԻՏԱԿԱՆ ՈՃԻ ԲԱՐՍԴՍԵՐԸ

Գիտական ոճի բառապաշարի հիմնական շերտը տերմիններն են կամ մասնագիտական բառերը:

Տերմինը բառ է կամ բառակապակցություն, որն անվանում է գիտության տարբեր ոլորտների, տեխնիկայի, տնտեսության, մշակույթի, արվեստի և գրականության որևէ հասկացություն: Տերմինի և բառի առաջին եական տարբերությունն այն է, որ տերմինները սովորաբար մենիմաստ են, մինչդեռ բառերը կարող են նաև բազմիմաստ լինել: Տերմինը չունի փոխաբերական իմաստ, հուզաարտահայտչական երանգավորում: Տերմինը և բառը հաճախ չեն համընկնում նաև կառուցվածքային առումով. տերմինը արտահայտվում է ինչպես մեկ բառով, այնպես էլ բառակապակցությամբ, ինչպես՝ *ենթակա, ստորոգյալ, վեպ, պոեմ, մեղսունակ, հայց, բայց և՛ պարզ ստորոգյալ, բարդ համադասական նախադասություն, պարբերական համակարգ* և այլն:

Նշենք տարբեր ոլորտների մի քանի տերմիններ. *լեզվաբանական՝ հնչույթ, բառ, նախադասություն, խոսքի մաս, մակդիր, գրականագիտական՝ արձակ, չափածո, պոեմ, գրական ժանր, երաժշտական՝ մեներգ, տենոր, սիմֆոնիկ նվագախումբ, իրավաբանական՝ ցուցմունք, վկա, ամբաստանյալ, մեղսունակ, բժշկական՝ հարբուխ, բաղցկեղ* և այլն:

Գիտական ոճում զգալի թիվ են կազմում նաև միջազգային տերմինները, հատկապես բժշկության, ֆիզիկայի, կենսաբանության, մարզական և այլ բնագավառներում, օրինակ՝ *դիող, ռեակցիա, պարաբոլ* և այլն:

Գիտական ոճի բառապաշարում գործածվում են նաև ընդհանուր գործածական բառերը, որոնք արտահայտչական առումով հիմնականում չեզոք են և չունեն ոճական որոշակի երանգավորում: Այս բառաշերտի մեջ մտնում են առօրյա-խոսակցական լեզվի ամենասովորական, կիրառական մեծ հաճախականություն

ունեցող կենցաղային տարբեր առարկաներ, հասկացություններ արտահայտող բառերը, դերանունները, թվականները, սպասարկու բառերը և այլն, օրինակ՝ *ջուր, աղ, թթու, ջերմաստիճան, այս, այդ, առաջին, երկրորդ* և այլն:

Անվանողական տարբեր նպատակներով գիտական ոճի բառապաշարում գործածական են նաև փոխառություններ, նորակազմություններ, երբեմն օտարաբանություններ:

ՀԱՐՑՆԵՐ ԵՎ ՎԱՐԺՈՒԹՅՈՒՆՆԵՐ

1. Որո՞նք են գիտական ոճի բառապաշարի հիմնական շերտերը:
2. Ի՞նչ է տերմինը:
3. Ի՞նչ նմանություններ և տարբերություններ կան բառի և տերմինի միջև:

Վարժություն 3: Տերմինները խմբավորե՛ք՝ նշելով, թե գիտության որ բնագավառին են վերաբերում:

Դիող, նատրիում, ստորոգյալ, կիսահաղորդիչ, վալենտականություն, մկանային հյուսվածք, համադասական շաղկապ, օքսիդավերականգնման ռեակցիա, հասարակած, սրտամկան, գլխուղեղ, հոսանքի լարում, գետաբերան, հոլովում, շերտավոր ամպ, ամպերմետր, թթվածին, շնչուղի, սահմանադրական իրավունք, իներտ գազ, լեռնազանգված:

Վարժություն 4: Գտե՛ք, թե շղատառ բառերը որ դեպքում են տերմիններ կամ մասնագիտական բառեր, իսկ որ դեպքում՝ համագործածական բառեր:

Գետաբերանը գետի վերջին հատվածն է՝ ծովի, լճի կամ մեկ այլ գետի մեջ թափվելու տեղում: Տարբերում են գետաբերանի հետևյալ տիպերը՝ կույր, սովորական, դելտա, լիման, էստուար:

Մոտակա գյուղի մի քանի տղաներ *գետում* ձուկ էին որսում. դա նրանց *սովորական* զբաղմունքն էր:

Գինեքարը կամ կրեմորաարտարը գինեթթվի կալիումական թթու աղ է: Պարունակվում է խաղողահյութում: Գինու մշակման և հնացման ժամանակ առաջանում է բյուրեղային նստվածքի ձևով:

Վարունգի *թթու* պատրաստելու համար տատիկը *աղ* գնեց:

Բնական *կաուչուկը* պարունակվում է *կաուչուկատու բույսերի* կաթնահյութի՝ *լատեքսի* մեջ: Հիմնականում ստանում են *արևադարձային երկրներում* աճող բրազիլական հնեյա ծառի *լատեքսից*: «Կաուչուկ» բառը ծագել է «կաուչու» բառից, որով Բրազիլիայի բնիկները կոչել են անագոն գետի ափին աճող հնեյայից արտազատվող նյութը. «կաու» նշանակում է ծառ, «ուչու»՝ հոսել:

Ըստ «Հայկական սովետական հանրագիտարանի»

ԳԻՏԱԿԱՆ ՈՒՄՆԵՐԻ ԲԵՐԱԿԱՆԱԿԱՆ ՍԻՏՈՑՆԱԶՈՍԿՈՒԹՅՈՒՆՆԵՐԸ

Գիտական ոճին նախ և առաջ բնորոշ է քերականական միջոցների ու ձևերի խնայողությունը. այս առումով նախընտրելի են քերականական կարճ ձևերը: Գիտական ոճում ավելի լայն կիրառություն ունեն վերացական իմաստ արտահայտող գոյականները, բայանունները, քանի որ սրանցով ավելի հաճախ են հասկացություններ անվանվում: Եզակի թվով դրված գոյականը կարող է արտահայտել հոգևակիի իմաստ, օրինակ՝ *Ենթական նախադասության գլխավոր անդամն է: խնդիրը բայական անդամի լրացում է* և այլն: *Ենթակա, նախադասություն, անդամ, խնդիր, լրացում* բառերը դրված են եզակի թվով: Նման դեպքում եզակի թվով դրված գոյականը արտահայտում է տեսակի կամ սեռի անվանում՝ նշելով նրա հիմնական հատկանիշը կամ հատկանիշները:

Գիտական ոճին բնորոշ է նաև ածականների հաճախակի գործածությունը, որոնք տվյալ դեպքում հանդես են գալիս որպես որևէ հասկացության հատկանիշ արտահայտող լրացում:

Դերանվանական ձևերից հաճախակի են գործածվում հարցահարաբերական և ցուցական դերանունները, իսկ անձնական դերանուններից՝ հոգևակի առաջին դեմքը՝ «մենքը»՝ իբրև «հեղինակային մենք», օրինակ՝ *Մենք կարծում ենք, որ այդ մասնիկները ածանցներ են:*

Բայի դիմավոր ձևերից գործածության ավելի մեծ հաճախականություն ունի սահմանական եղանակի ներկա ժամանակի բայաձևերի երրորդ դեմքը, որի միջոցով արտահայտվում են դատողություններ և մտահանգումներ: Գրեթե չեն գործածվում ձայնարկությունները, քանի որ դրանք խոսքին հուզականություն հաղորդող բառեր են:

Շարահյուսական համակարգում գերակշռում են բարդ նախադասությունները՝ հիմնականում պատմողական, որոնք դատողություններ են արտահայտում:

Բարդ ստորադասական նախադասություններում զգալի տեղ են գրավում պայմանի, պատճառի, հետևանքի երկրորդական նախադասությունները, որոնց շնորհիվ ևս դրսևորվում է գիտական շարադրանքի տրամաբանական, պատճառահետևանքային կապը: Նախադասության անդամների գեղջում հիմնականում չի լինում:

Գիտական շարադրանքում շատ են նաև բաղադրյալ կամ հարադրավոր բայերով արտահայտված ստորոգյալները, ինչպես՝ *կիրառություն է գտնում, փորձ է կատարվում, վերլուծության է ենթարկվում, գերիշխող է դառնում* և այլն: Գիտական ոճը զուրկ է հուզաարտահայտչական երանգավորումից:

ՀԱՐՑԵՐ ԵՎ ՎԱՐԺՈՒԹՅՈՒՆՆԵՐ

1. Ընդհանուր առմամբ քերականական ի՞նչ հատկանիշներ են բնորոշ գիտական ոճին:
2. Անձնական դերանունների կիրառական ի՞նչ առանձնահատկություն է դրսևորվում գիտական ոճում:

3. Հնչերանգային և կառուցվածքային ինչպիսի՞ նախադասությունների գործածությունն է գերակշռում գիտական ոճում:

Վարժություն 5: Տրված բառերով կազմե՛ք երկուական նախադասություն, որոնցից մեկում նրանք տերմինային արժեք ունենան, մյուսում՝ ոչ:

Աղ, թթու, բառ, ջուր, երկաթ, արյուն, ավազ:

Վարժություն 6: Օգտվելով ձեր դասագրքերից և այլ աղբյուրներից՝ գրե՛ք գիտական փոքրիկ շարադրանք տարբեր թեմաներով՝ «Գետ», «Օղ», «Բայ», «Մագնիսական դաշտ» և այլն:

Սևակ (Գրիգորյան) Գուրգեն Գրիգորի (1904–1980)



Ծնվել է Թիֆլիսում: Սկզբնական կրթությունն ստացել է Ներսիսյան դպրոցում, բարձրագույնը՝ Երևանի պետական համալսարանում: 1932-ին ստացել է բանասիրական գիտությունների թեկնածուի, 1948-ին՝ դոկտորի գիտական աստիճան: 1956-ին ընտրվել է ՀԽՍՀ ԳԼ թղթակից անդամ, 1971-ին՝ իսկական անդամ: Ստացել է նաև Հայաստանի և Վրաստանի գիտության վաստակավոր գործչի կոչումներ: 1931–79թթ. դասախոսել է Երևանի պետական համալսարանում: Շուրջ 30 տարի նա վարել է Երևանի պետական համալսարանի հայոց լեզվի ամբիոնի վարիչի պաշտոնը: 1932–40 թթ. եղել է տերմինաբանական կոմիտեի գիտական քարտուղարը, մի որոշ

շրջանում՝ լեզվի ինստիտուտի ժամանակակից հայոց լեզվի, այնուհետև՝ խոսքի մշակույթի ու տերմինաբանության բաժնի վարիչ: Զբաղվել է հիմնականում ժամանակակից հայոց լեզվի տեսության ու պատմության, խոսքի մշակույթի ու տերմինաշինության հարցերով: Առանձնապես հայտնի են նրա «խոսքի մասերի ուսմունքը» (1939), «Ժամանակակից հայոց լեզվի տեսություն» (1939), նույնի վերամշակված հրատարակությունը՝ «Ժամանակակից հայոց լեզվի դասընթաց» (1955), «Ժամանակակից հայոց լեզվի պատմություն» (1948) գրքերը: Նրա՝ շարահյուսության դպրոցական դասագիրքը ունեցել է տասնյակ վերահրատարակություններ: Կատարել է նաև թարգմանություններ ռուսերենից: Հայաստանում դեկավարել է էսպերանտական շարժումը¹:

¹ Էսպերանտո – (բառացի՝ հուսացող) միջազգային արհեստական լեզու, որը 1887թ. ստեղծել է վարչավացի բժիշկ Ֆ. Զամենհոֆը: Այդ լեզուն աչքի էր ընկնում բառակազմության և բերականության պարզությամբ: Բառերի արմատները հիմնականում վերցված էին եվրոպական տարածված լեզուներից:

ԿՐԿՆՈՒԹՅԱՆ ՎԱՐԺՈՒԹՅՈՒՆՆԵՐ

Վարժություն 1: Գտե՛ք, թե յուրաքանչյուր շարքում որ բառը խոսքի մասի անվանումն է:

1. գոյական, դերանուն, ուղղական
2. ածական, թվական, սահմանական
3. կոչական, ծայնարկություն, վերաբերական
4. բայ, դերբայ, մակբայ
5. կապ, շաղկապ, ծայնակապ

Վարժություն 2: Առանձին սյունակներով դո՛ւրս գրեք հատուկ և հասարակ գոյականները, որոշե՛ք, թե դրանք որ հոլովման են պատկանում:

Հայն իր մանկանը կոչել է Ազատ,
Որ ազատ լինի հողը հարազատ:

Բայց հարձակվել են վայրենի՝ մարդիկ,
Եվ նա զավակին կոչել է Մարտիկ:

Երկիրն է պղծել թշնամին հրեշ,
Եվ հայրը որդուն կոչել է Վրեժ:

Որպեսզի որդին կռվի տաքարյուն,
Հայրը ծնվածին կոչել է Կոթուն:

Նահատակնե՛ր են պետք եղել հերոս,
Եվ նոր անուն է գտել՝ Մարտիրոս:

Որպեսզի երկիրն առնի հարություն,
Հայը կոչվել է Նաև Հարություն:

Լավ լուրերի է սպասել հավետ,
Եվ իր մանչուկին ասել է Ավետ:

Որ ազգը կռվի և մնա սակայն,
Որդուն կոչել է Նա Մնացական:

Հույսո՛վ է ապրել մթում խաբուսիկ
Եվ անվանել է իր որդուն Հուսիկ...

Արամայիս Մահակյան

Վարժություն 3: Արտագրի՛ք՝ մեծատառերը թողնելով միայն անհրաժեշտ դեպքերում:

1. ՆՇԱՆԱԿՈՐ ԳԱՌՆԻ ՏԱԾԱՐԸ ԶՐԻՍՏՈՆԵՈՒԹՅԱՆ ԸՆԴՈՒՄՈՒՄԻՑ ԴԵՏՈ ԴԱՐՁԱԿ ՏՐԴԱՏ ԵՐՐՈՐԴ ԹԱԳԱՎՈՐԻ ԶՐՈՋ՝ ԽՈՍՐՈՎԻԴՈՒՄՆԻ ԱՄԱՌԱՆՈՅԸ: 2. ՄԻՋՆԱԴԱՐՅԱՆ ԻՏԱԼԱՅԻ ՆՇԱՆԱԿՈՐ ԳԻՏԱԿԱՆ ԵՎ ԱՐՎԵՏՏԱԳԵՏ ԼԵՈՆԱՐՈ ԴԱ ՎԻՆՉԻՆ ԱՊՐԵԼ Է ՄԻԼԱՆՈՒՄ, ԴՈՒՍՈՒՄ, ԻՍԿ ԿՅԱՆԵԻ ՎԵՐՋՈՒՄ՝ ՖՐԱՆՍԻԱՅՈՒՄ: 3. ԳԱՅ ՆՇԱՆԱԿՈՐ ՆԿԱՐԻՉ ԳԵՎՈՐԳ ԲԱՇԽԱԶԱՐՅԱՆԸ 1884 ԹՎԱԿԱՆԻՆ ՄԵԿՆՈՒՄ Է ԱՐՏԱՍԱՅՄԱՆ՝ ԴՈՒՄ, ՎԵՆԵՏԻԿ, ՆԵԱՊՈԼ, ՖԼՈՐԵՆՑԻԱ: ԴԵՏԱԳԱՅՈՒՄ ՆՐԱ ՆԿԱՐՆԵՐԸ ՑՈՒՑԱԴՐՎԵԼ ԵՆ ԹԻՖԼԻՍՈՒՄ, ՇՈՒԵՒՈՒՄ, ՌՈՍՏՐԿՈՒՄ, ՄՈՍԿՎԱՅՈՒՄ, ՊԵՏԵՐԲՈՒՐԳՈՒՄ, ԵՐԵՎԱՆՈՒՄ: 4. ԳԱՅԱՍՏԱՆԻ ԴԱՐԱՊԵՏՈՒԹՅԱՆ ՄԱՅՐԱՔԱՂԱՔ ԵՐԵՎԱՆԻՑ ԴԻԱՆԱԼԻ ԵՐԵՎՈՒՄ Է ԱՐԱՐԱՏԸ:

Վարժություն 4: Յուրաքանչյուր շարքում գտե՛ք այն գոյականը, որի հոգնակին կազմվում է -եր վերջավորությամբ:

1. խնձորենի, մայրուղի, խաղաքայլ, գրասեղան
2. աշխատաժամ, գիտարշավ, հաշվապահ, ծաղկաման
3. ծառուղի, հյուրասենյակ, մատենագետ, զբոսանավ
4. կատվառյուծ, բևեռաղվես, որսաշուն, ծովախոզուկ
5. ուղեկալ, այգեգործ, պատգամաբեր, պայմանագիր
6. պատշգամբ, շարժասանդուղք, ծառասունկ, ուղղանկյուն
7. ձկնորս, նկարագիր, ճաշասենյակ, հարցագրույց
8. ծոցատետր, ձնծաղիկ, կարկատան, կենդանատեսակ
9. գրադարան, ծառաշարք, դեղանոթ, տափօղակ
10. պատճեն, գծանշում, ժայռափլվածք, ստեղնաշար

Վարժություն 5: Յուրաքանչյուր շարքում գտե՛ք այն գոյականը, որի հոգնակին կազմվում է -ներ վերջավորությամբ:

1. ժայռաքար, բառատետր, ժայռապատկեր, դաշտավայր
2. լամպագիր, արտոնագիր, դաշնագիր, արձակագիր
3. երկաթագործ, տողասկիզբ, հուշասյուն, շրջանագիծ
4. գետածի, դեղահաբ, գործընկեր, պարաքայլ
5. կշռաքար, դիմանկար, ծննդավայր, ջրափոս
6. ծրագիր, անձրևաջուր, շոգենավ, բարձրավանդակ
7. տեսախցիկ, գլխացավ, դեղատուն, ձիասայլ
8. թռչնաձագ, գիսաստղ, կրկնապատկեր, սահադաշտ
9. մայրեգոր, սիգամարգ, հեռագրասյուն, կատվագգի
10. զոդածող, հոսանքալար, հաղորդավար, գրչատուփ

Վարժություն 6: Յուրաքանչյուր շարքում գտե՛ք այն գոյականը, որի հոգնակին չի գրվում կրկնակ *Ն*-ով:

1. անուն, ծառաբուն, նստարան, հրացան
2. ոտնաձայն, պատճեն, վիպասան, երասան
3. դերասան, հեռագրասյուն, գրասեղան, մրցաշրջան
4. շուշան, ծիածան, որսաշուն, մեծատուն
5. զանգակատուն, խեցգետին, անկյուն, սվին
6. մառան, հացատուն, շտեմարան, մկան
7. հայրանուն, գարուն, արծվաբույն, տանտիկին
8. եռանկյուն, հակաթույն, պատմություն, թեյաման
9. թալիսման, գազալցակայան, կամրջասյուն, վայրկյան
10. թվանշան, ծոցագրպան, ապարանջան, դրամատուն

Վարժություն 7: Արտագրե՛ք նախադասությունները՝ փակագծերում տրված գոյականները տեղադրելով անհրաժեշտ հոլովով, առումով և թվով:

1. Նկատելով վիրավոր ...՝ ... միանգամից կանգնեցրեց հեծանիվը, ցած թռավ և ... միջով մոտեցավ նրան:
(խոտ, թռչուն, երեխա)
2. Այդ բոլորը ... ցույց էր տալիս իր բարձրաստիճան ... , բացատրում էր նրանց իր ճարտարապետական գաղտնիքները և հրճվում էր՝ լսելով նրանց գովաբանող ... :
(խոսք, հյուր, ծերունի)
3. Հաճախ նա հյուրերին առաջնորդում էր դեպի արքայական ... , որոնք գտնվում էին ... ապառաժոտ լանջերում կամ ծովափնյա թավուտ ... :
(ժայռ, անտառ, որսարան)
4. Ծառի դալար ... հուժկու ... ժամանակ մաքառում էին հողմերի դեմ, ինչպես կտրիճ զորավարի՝ բազում ... հաղթանակած թիկնապահներ:
(մորիկ, ճյուղ, կռիվ)
5. Փրփրահոս ... ափին կա ուղղաձիգ մի քարաժայռ, որը խորհրդավոր ... չունի. վայրի է, ինչպես այն լեռը, որի զառիվեր կրծքից պոկվել ու գլորվել էր. բայց նա ավելին գիտի, քան մեր պատմաբանները, որովհետև լեռնային աշխարհի և՛ երջանիկ, և՛ դժբախտ ... մշտնջենական վկան է:
(օր, գետ, արձանագրություն)
6. Ապրիլ ամսվա առաջին ... էին, և ... ծյուները հալվել էին, ու սարերն այլևս առաջվա նման ... արծազանթ չէին տալիս:
(օր, լեռնալանջ, ամպրոպ)

7. Ճանապարհն անցնում էր մի հինավուրց անտառի ... , և ճանապարհի ողջ ... շարված էին տարբեր ... * մեծ մասամբ թխկիներ: (եզր, ծառ, երկայնք)
8. Այդ աշխույժ երաժշտությունը գալիս էր հեռվից՝ ... , այնտեղ՝ զինվորական ժամանակավոր ... , երեկոները ակորդեոն էին նվագում, և ... հասնում էր մինչև մեր տուն: (ծայն, դաշտ, բնակատեղ)
9. Մի անգամ ականատես եմ եղել այդ թռչունների լույսը բացվելուն պես մտան ... փայլփլող ջուրը, կիսաշրջանաձև շարվեցին լճակի ծփծփացող ... և մի կենդանի շղթա կազմած՝ եկան դեպի ծանծաղ մասը: (որս, մակերևույթ, արև)
10. Մենք, ... մեջ թաքնված, հետևում էինք հավալուսների որսին, և շուտով նկատեցինք, որ բռնած բոլոր ... չեն ուտում. մի մասը տեղավորում են իրենց ... կախված պարկերում: (կտուց, եղեգ, ծուկ)

Վարժություն 8: Յուրաքանչյուր շարքում գտե՛ք այն բառը, որն իր հոլովմամբ տարբեր է տվյալ շարքի մյուս բառերից:

1. գրադարան, կինոթատրոն, դեղատուն, հիվանդանոց
2. կատու, առյուծ, թռչուն, մարդ
3. այգի, գինի, կիրակի, երկաթուղի
4. ամիս, տարի, օր, դար
5. արյուն, լեռ, գարուն, թոռ
6. բույր, եղբայր, ընկեր, կին
7. տուն, շուն, սյուն, դուռ
8. հայր, մայր, եղբայր, բույր
9. ուսում, զարգացում, դիմում, հարցում
10. գոյական, ածական, թվական, դերանուն

Վարժություն 9: Գտե՛ք, թե յուրաքանչյուր շարքի որ բառը տողասկզբում նշված դերբայը չէ:

1. անորոշ – գրնգալ, նախագգալ, հոգալ, արևագալ
2. անորոշ – գթալ, գդալ, թնդալ, դղրդալ
3. անորոշ – ծխալ, խոկալ, անսխալ, մխալ
4. անորոշ – եռածալ, կսկծալ, ցնծալ, հեծեծալ
5. անորոշ – պոռթկալ, ջահակալ, փռթկալ, թրխկալ
6. անորոշ – նորոգել, համակարգել, շանթարգել, հարգել
7. անորոշ – բարեկարգել, անկարգել, վարգել, գովերգել
8. անորոշ – փաթաթել, արծաթել, արծաթաթել, փթթել
9. անորոշ – հոլովել, խորովել, հորովել, խռովել

10. *անորոշ* – ավել, դավել, ցավել, քավել
11. *ենթակայական* – կաշկանդող, քանդող, ամրապնդող, անվադող
12. *ենթակայական* – տապակող, արևկող, գուշակող, սպիտակող
13. *ենթակայական* – գրոհող, շնորհող, ճանապարհող, վարելահող
14. *ենթակայական* – պտտածող, փորձող, վարձող, սոսնձող
15. *ենթակայական* – վերհիշող, հուշող, արևաշող, մշուշող
16. *հարակատար* – ամոթխած, խիզախած, շաղախած, հաճախած
17. *հարակատար* – կարկամած, ամպամած, կազմած, սեղմած
18. *հարակատար* – շփոթված, հրկիզված, առեղծված, բուժված
19. *համակատար* – ավարտելիս, կերտելիս, ավետիս, նպաստելիս
20. *համակատար* – ծալելիս, փայլելիս, ասելիս, ասուլիս

Վարժություն 10: Արտագրե՛ք նախադասությունները՝ փակագծերում տրված անորոշ դերբայները տեղադրելով անհրաժեշտ եղանակով, ժամանակով, դեմքով, թվով:

1. Նկարչի փոթորկահույզ հոգուն ... տարօրինակ մի անդորրություն, որի շնորհիվ ... լիաթոք վայելել հրդեհի ցուքերի խաղը, որն անընդհատ ... գանազան ձևերով:

(կարողանալ, իջնել, փոփոխել)

2. Աշխարհի ոչ մի պատկերասրահում նկարիչը երբևէ ... այդպիսի ցնցող պատկեր, գույների այդպիսի խաղ, որը նրան իսկույն ևեթ ... ու ... մի ոգեղեն աշխարհ:

(տանել, անեացնել, տեսնել)

3. Երբ Ղազար աղան գորացրման տարիքին ... , Նախ ... զինվորական պաշտոններից, ապա ... աստիճանաբար հրաժարվել Նաև զինվորական սովորություններից:

(հրաժարվել, հասնել, սկսել)

4. Գետը ... նախկին հունով, մեղմ ... և այդպես կիսսի, մինչև որ ... հորդառատ անձրևները, ու գետը կվարարի:

(սկսել, հոսել, խշշալ)

5. Երբ հոգնած ... հանգստանալու, արևն արդեն ... , ու խավարն աստիճանաբար ... :

(նստել, թանձրանալ, թեթել)

6. Նա հանկարծ մի աղմուկ ... , որը մի քանի ակնթարթ ... նրան մտածմունքներից, բայց շուտով նորից ... իր մտքերի մեջ:

(կտրել, լսել, ընկղմել)

7. Փարթամ կանաչի մեջ Նստած՝ Նա ... շուրջը և ... կանաչագարդ բնության անօրինակ գեղեցկություններով, իսկ կողքին ... մյուս ուղևորները:

(հիանալ, նայել, հանգստանալ)

8. Ուղտերը ... բոլորածն անձած արմավենիների տակ, իսկ նրանց անոթի տերերը ... , որպեսզի փոքր-ինչ անց ... :

(ճանապարհ ընկնել, նստել, ճաշել)

9. Իր կողքով ... մի կարկաչուն առվակ, որի ջրի տարուբերվող հայելու միջով ... հատակի ողորկ ու գույնզգույն քարերը, եթե խաղացող երեխաները ... ջուրը:

(երևալ, հոսել, պղտորել)

10. Հղկված, բայց ժամանակի ընթացքում խորդուբորդ դարձած տապանաքարի վրա մարդիկ ժամանակին ինչ-որ բան ... , բայց ոչ ոք, որբան էլ ... , ... կարդալ:

(կարողանալ, գրել, ճգնել)

Վարժություն 11: Յուրաքանչյուր շարքում գտե՛ք ներգործական սեռի մեկ բայ:

1. նկարել, զբոսնել, հիանալ, փայլփլել
2. թվալ, կոտրել, ծփալ, սուրալ
3. սեթևեթել, քայլել, դողալ, կառուցել
4. ճախրել, շողալ, սահել, ներկել
5. կարմրել, քանդել, եռալ, մոլեգնել
6. ծիծաղել, մեծանալ, ցանել, հետևել
7. լուսավորել, հեռանալ, սլանալ, թերանալ
8. կորանալ, թերթել, լրջանալ, սառչել
9. լուսանալ, կարկաչել, մասնատել, խշշալ
10. ելնել, ուրախանալ, տաքանալ, տպագրել

Վարժություն 12: Որոշե՛ք, թե շղատառ բայերը որ դեպքում են չեզոք սեռի, իսկ որ դեպքում՝ կրավորական:

1. Բռնցքամարտիկը ուժեղ հարվածից *փռվեց* գետնին:
2. Մեր առջև *փռված* էր մարգագետինը:
3. Երիտասարդը սեղմեց իրեն *մեկնված* ձեռքը:
4. Հոգնած ճամփորդը *մեկնվել* էր ծառի տակ ու քնել:
5. Նրա մեջ *վառվեց* վրեժխնդրության բոցը:
6. Լամպի պատրույզը *վառվեց* մոտեցված լուցկու բոցից:
7. Հոգնած ճամփորդը *օրորվելով* քայլում էր:
8. Ծառերն *օրորվում* էին երեկոյան քամուց:
9. Ստորգետնյա խողովակի վնասված տեղը *գտնվեց* հմուտ մասնագետների կողմից:
10. Այդ բաղաբը *գտնվում* է լճի ափին:

Վարժություն 13: Գտե՛ք, թե յուրաքանչյուր շարքի որ բայում *ւ/-ն* կրավորական ածանց չէ:

1. ազդվել, ձգվել, բավել, ստեղծվել
2. տարածվել, կոտորվել, քերծվել, դավել
3. վերափոխվել, արգելվել, բարելավել, պատժվել
4. կախարդվել, մլավել, նախշագարդվել, կառուցվել
5. նվաճվել, համեմվել, շղթայվել, բղավել
6. խուսանալվել, փոխակերպվել, հյուսվել, ընդմիջվել
7. վերսկսվել, արշավել, ցանկապատվել, հոշոտվել
8. շեշտվել, հապավել, շրջապատվել, մուտքագրվել
9. ծրագրվել, կուտակվել, պառավել, գրվել
10. ազատագրվել, լուսավորվել, փշրվել, կռավել
11. այրվել, միավորվել, պարսավել, առանձնացվել
12. մեքենագրվել, ծարավել, նորոգվել, գրանցվել
13. գրավել, զեկուցվել, համեմատվել, ճեղքվել
14. հեռացվել, ցավել, իրացվել, տաքացվել
15. փակցվել, կարդացվել, քավել, ավելացվել
16. թրթռվել, կահավորվել, ներկվել, մթերվել
17. գույքագրվել, սանձահարվել, զգվել, կարգադրվել
18. նկարագրվել, գծվել, նետվել, հոշոտվել
19. կիրառվել, պահանջվել, շրջվել, հրճվել
20. նշվել, ցողվել, խռովել, խնայվել

Վարժություն 14: Պարզի փոխակերպե՛ք տրված բարդ ստորադասական նախադասությունները:

1. Ոչ ոք չէր համաձայնում գնալ, որովհետև ճանապարհը շատ վտանգավոր էր:
2. Բլոխ լանջին կար մի հուշարձան, որը երևում էր ամբողջ գյուղից:
3. Ընթերցվեցին նրանց անունները, ովքեր հաղթել էին մրցույթում:
4. Ծշմարտությունն այն է, որ դու չես կատարել հանձնարարությունը:
5. Հեռուստացույցը, որը նոր էին գնել, շատ որակյալ էր:
6. Դու, որ այդքան լավ ես պատրաստվել, անպայման կհաղթես մրցույթում:
7. Չբուսաշրջիկները, եթե անմիջապես մեկնեն, մինչև մույժն ընկնելը կարող են հասնել հյուրանոց:
8. Երբ ավարտեց աշխատանքը, հավաքեց գործիքները:
9. Հենց որ հյուրերը եկան, սկսվեց տոնախմբությունը:
10. Նախքան մեքենան կհասներ շենքին, դիմավորողները թափահարում էին ծաղկեփնջերն ու գույնզգույն փուչիկները:

Վարժություն 15: Տրված պարզ ընդարձակ նախադասությունները փոխակերպե՛ք բարդ ստորադասականի:

1. Իր այգում աշխատելիս Նա միշտ ծղոտե լայնեզր գլխարկ էր դնում:
2. Նոր կառուցված շենքը հիացրեց բոլորին:
3. Դասից վերադառնալուն պես այցելում էր վատառողջ ընկերոջը:
4. Խանութի ցուցափեղկում շարված տեսակ-տեսակ խաղալիքներն իրենց գայթակղիչ տեսքով իրապուրում էին երեխաներին:
5. Հակառակ հորդ անձրև տեղալուն՝ նրանք մեկնեցին:
6. Ամեն առիթով իրեն գովողը այս անգամ զարմանալիորեն լռեց:
7. Աշակերտները ցուցահանդես էին գնացել՝ տեսնելու իրենց դասընկերոջ նկարները:
8. Նախքան ներկայացման սկսվելը դահլիճը լեփ-լեցուն էր:
9. Եղանակի լավ լինելու դեպքում շինարարները աշխատանքը մի բանի օրից կավարտեին:
10. Չափազանց զբաղված լինելու պատճառով չէր հասցնում իսնամել ծաղիկները:

Վարժություն 16: Ուղղակի խոսքը փոխակերպե՛ք անուղղակի:

1. - Մենք այդ ամենը կարող ենք կատարել,- պատասխանեց վարպետը:
2. - Երեք օրից,- ավելացրեց ընկերս,- ընկերներդ քո տանը կլինեն:
3. «Դուք կարող եք մասնակցել մրցույթին, եթե ձեզ ձեր ուսման վայրից բնութագիր տան», - ի պատասխան մեր նամակին՝ գրել էին մրցույթի կազմակերպիչները:
4. Երիտասարդն ասաց գործընկերոջը.
- Ես իմ խոսքի տերն եմ և, երբ անհրաժեշտ լինի, սիրով կօգնեմ քեզ:
5. «Այդ ամենը,- մտածում էր Նա,- ես վաղուց պետք է արած լինեի»:
6. - Այս ամենը կնպաստի աշակերտների ակտիվ մասնակցությանը,- ասաց մարզիչը:
7. - Մի բանի օր հետո,- ինձ պատասխանեց Գևորգը,- ես մեկնելու եմ հանգստանալու և չեմ կարող մասնակցել ձեր կազմակերպած արշավին:
8. - Մենք բոլորս պատրաստ ենք այդ հանդիպմանը,- հայտարարեցին ֆուտբոլիստները:
9. Մարզիչը պատասխանեց.
- Այս հաղթանակը մեր բոլորի ջանքերի արդյունքն է, այլ ոչ թե միայն իմ:
10. «Բոլոր ցանկացողները մինչև ամսի տասը կարող են դիմել մեզ», - գրված էր հայտարարության մեջ:

Վարժություն 17: Անուղղակի խոսքը փոխակերպե՛ք ուղղակի:

1. Ընկերս ասաց, որ ինքը դեմ չէ իմ այդ նախաձեռնությանը:
2. Նա մտածում էր, որ ճիշտ կլիներ, եթե ինքը դիմեր իր ընկերների օգնությանը:
3. Գիտնականը պատմում էր, որ փորձերից մեկի ժամանակ ինքն անսպասելիորեն գտավ այդ հարցի պատասխանը:
4. Ինձ ուղարկված նամակում գրված էր, որ իրենք երեք օրից ինձ կդիմավորեն երկաթուղային կայարանում:
5. Փոքրիկը խոստացավ հայրիկին, որ ինքը երբեք ձեռք չի տա նրա գործիքներին:
6. Երաժիշտներն ասացին, որ այդքան մեծ համերգասրահում նվագելն իրենց համար և՛ պատվաբեր է, և՛ պարտավորեցնող:
7. Գրադարանավարուհին աղջկան ասաց, որ նրա ուզած գիրքը չկա, բայց կա այդ գրքի հեղինակի մեկ ուրիշ վեպ:
8. Վաճառողուհին այցելուին ասաց, որ իրենց խանութից նրա գնած ապրանքը որակյալ է, և դժգոհելու առիթ նա չի ունենա:
9. Աշակերտները հարցրին ուսուցչուհուն, թե իրենք երբ են գնալու այն թանգարանը, որի մասին նա իրենց պատմել էր:
10. Արմենուհին հարցրեց ընկերուհուն, թե նա երբ կարող է գալ իրենց տուն, որպեսզի իրենք միասին իրենց դասերը սովորեն:

Վարժություն 18: Արտագրե՛ք և կետադրե՛ք:

1. Գագիկ Արծրունին մի քանի շաբաթ շարունակ հյուրընկալեց Աբաս թագավորին և ի պատիվ նրա ու հրավիրյալ իշխանների այդ ընթացքում նրանց համար կազմակերպվում էին հաճելի զբոսանքներ: Մի օր շրջում էին անառիկ բերդում և ցույց էր տալիս նրանց ամրոցի տարբեր հրաշալիքներ բնության մարդկանց և մանավանդ իր ձեռքով կերտած ամրությունները վիժափոր անձամները իրենց գաղտնի ճանապարհներով քարակոփ մատուռները և ավազանները: Ցույց էր տալիս այդ լեռնակարկառ բարձրության առաջ բացվող գեղազվարթ տեսարանները որոնցով հիանալու համար բազմում էին քարաբլրի դեպի ծովը նայող ուղղաբերձ պատերի մեջ օթյակաձև փորված նստարաններին: Այդտեղից երևում էր բաղաբլր իր գմբեթաձև շինություններով ծովակը իր գեղածուփ կոհակներով և ապառաժոտ կղզիներով:

Ըստ Մուրացանի

2. Մտնելով հյուրանոց հանկարծ կանգ առավ անակնկալ հանդիպումից սահմռկած: Նախ ուզեց ճշալ խելակորույս հետ փախչել սակայն զարմանքն ու հետաքրքրությունն այնքան մեծ էին որ լռեյայն գամվեց տեղում արձանացավ աչքերը հառած այցելուին:

Նրա դիմաց աստիճաններից՝ քիչ ձախ դռան փեղկերի արանքում կանգնած էր տարօրինակ այցելուն իսկ հանդիպակաց պատուհաններից թափանցող արևի ճառագայթները բեկվում էին նրա տարիների տառապանքից երբեմնի փայլը կորցրած ու փոքր-ինչ մշուշված աչքերի մեջ: Նա երեսուն-երեսունհինգ տարեկան բարձրահասակ տղամարդ էր կորնթարդ, քթով արևից թրծված բայց նաև վաղաժամ խորշոմած դեմքով: Հագին տեղ-տեղ ծակծկված գինվորական բաճկոն էր ճմռված ու առանց ուսադիրների: Գլխին մորթե գլխարկ էր գունաթափված խունացած:

Ըստ Նար-Դոսի

3. Երբ թեկուզ մի թռուցիկ հայացքով նայում ես կիսախարխուլ տներով փողոցներից դեպի ձախ անթիվ շոգենավերին բարձր ծխնելույզներով գործարաններին ու էլեկտրական շլացուցիչ լույսերին ժամանակակից բաղաբակրությունն է աղաղակում հզոր շոգու և կուռ երկաթի գոռոզ ու յուրօրինակ այդ թագավորությունը: Մի կողմում Ասիա է մյուս կողմում Եվրոպա դա հակադրությունների մի կատարյալ բառս է որտեղ ամենակուլ նորը կատաղի կռիվ է մղում հինավուրցի դեմ:

Սմբատը ծովեզրին լուռ արձանացած ըմբոշխնում էր չքնաղ տեսարանն ու հրճվում:

Բայց նրա ցնծության մեջ կար թույնի մաղձոտ մի կաթիլ որը փոթորկում էր ալեհույզ հոգին: Չնաշխարհիկ բնության թովիչ արթնացումը հիշեցնում էր նրան իր խոտոր կյանքի վաղաժամ նիրհը: Մի ակնթարթ մեծ ճիգով նրան հաջողվեց մոռանալ բոլորը և Միքայելին ու նրա ընկերներին և նրա սաստկացող հոխորտանքները: Ամեն ինչ մոռացավ բացի իր գավակներից:

Ըստ Ալեքսանդր Շիրվանզադեի

ԿԵՏԱԴՐՄԱՆ ՏԵՂԵԿԱՏՈՒ ՍԳՅՈՒՄԱԿ

Այս աղյուսակը համապատասխան օրինակներով համառոտ ներկայացնում է կետադրվող միավորները, նրանց սահմանումները և կետադրության կանոնները:

ԼԵԶԿԱԿԱՆ ՄԻԱԿՈՐԸ	ՍԱՀՄԱՆՈՒՄԸ	ԿԵՏԱԴՐՈՒԹՅՈՒՆԸ
1. Պարզ նախադասություն	Այն նախադասությունն է, որն ունի միայն մեկ ստորոգում:	Վերջում դրվում է վերջակետ կամ կախման կետեր: Օր. [՝] <i>Նա գնաց տուն: Նա հիշեց...</i>
2. Ենթակա	Նախադասության այն գլխավոր անդամն է, որին ստորոգման միջոցով վերագրվում է հատկանիշ: Օր. [՝] <i>Արևը ծագեց:</i> <i>Տերևը կանաչ է:</i>	Անվանաբայական ստորոգյալի նկատմամբ հետադասանորոշ առումով բազմակի ենթակաները տրոհվում են բույթով: Օր. [՝] <i>Այդ վայրում աճող ծառերից են՝ խնձորենի, ծիրանենի, բալենի:</i> Բույթով կարող է տրոհվել դերբայական դարձվածում սեռական հոլովով դրված կողմնակի ենթական, եթե ենթակայի և դերբայի միջև կա գոյական կամ գոյականաբար գործածվող բառ, օր. [՝] <i>Ծերունու՝ հայրենի գյուղ մեկնելը անսպասելի էր:</i>
3. Որոշիչ	Գոյականական անդամի այն լրացումն է, որն արտահայտում է որակային որևէ հատկանիշ: Օր. [՝] <i>մեծ, գեղեցիկ տուն</i> <i>տասը գիրք</i> <i>այդ գիրքը</i> <i>ծաղկած ծառ</i> <i>աշակերտ Արմենը</i>	Իրենց որոշյալի նկատմամբ հետադաս բազմակի կամ ծավալուն որոշիչները տրոհվում են բույթով, իսկ նրանցից հետո դրվում է ստորակետ: Օր. [՝] <i>Կառույցը՝ վեհաշուք ու գեղեցիկ, հիացրեց բոլորին:</i> Բազմակի համասեռ որոշիչները միմյանցից տրոհվում են ստորակետերով: Օր. [՝] <i>Կարմիր, դեղին, ճերմակ ծաղիկները դրված էին ծաղկամանում:</i>

4. Հատկացուցիչ	Գոյականական անդամի այն լրացումն է, որն արտահայտում է պատկանելություն, վերաբերում, սերում: Օր.[՝] գրքի էջը, նրա նկարը:	Եթե հատկացուցիչ և հատկացյալի միջև կա գոյական կամ գոյականաբար գործածված բառ, ապա հատկացուցիչը տրոհվում է բուլթով: Օր.[՝] Նրա՝ բարից տունը գեղեցիկ է:
5. Բացահայտիչ	Գոյականով կամ դերանունով արտահայտված անդամի լրացում, որը բացահայտում է նրա ով կամ ինչ լինելը: Առանձնացվում է բացահայտիչ 3 տեսակ՝ բուն, մասնական, մասնավորող:	Բացահայտիչ 3 տեսակներն էլ բացահայտալից տրոհվում են բուլթով, իսկ հաջորդող բառից՝ ստորակետով: Մի շարք դեպքերում ստորակետը կարող է չդրվել: Օր.[՝] Ընկերս՝ Աշոտը, մեկնեց: Նա՝ որպես ընկեր, իրեն չարդարացրեց: Քակում՝ ծառի տակ, կար մի սեղան:
6. Նպատակի պարագա	Բայական անդամի այն լրացումն է, որը ցույց է տալիս գործողության կատարման նպատակը: Օր.[՝] Գնաց ելրուպայում սովորելու:	Եթե նպատակի պարագայի և նրա լրացյալի միջև կա նպատակի պարագային չլրացնող գոնե մեկ անդամ, նպատակի պարագան տրոհվում է բուլթով: Նպատակի պարագան տրոհվում է նաև շրջուն օժանդակ բայ ունեցող բային լրացնելու դեպքում: Օր.[՝] Գնաց խանութ՝ հացի: խանութ էին գնացել՝ գնումների: Տուն էր գնացել՝ գիրքը բերելու համար:
7. Հիմունքի պարագա	Բայական անդամի այն լրացումն է, որն արտահայտում է գործողության կատարման հիմունքը: Օր.[՝] Այդ ամենը իմ կարծիքով ծիշտ է:	Կապերով ձևավորված հիմունքի պարագաները նախադասության սկզբում կամ վերջում գտնվելիս տրոհվում են բուլթով, իսկ միջադաս դիրքում ստորակետերով: Օր.[՝] Ըստ օրենքի՝ արգելված է: Աշխատանքը, համաձայն հրամանի, դադարեցվեց: Աշխատանքը դադարեցվեց՝ ըստ հրահանգի:

8. Չիջման պարագա	Բայական անդամի այն լրացումն է, որը ցույց է տալիս, թե հականակ ինչին է կատարվում գործողությունը:	Չիջման պարագաները նախադասության սկզբում կամ վերջում գտնվելիս տրոհվում են բուլթով, իսկ միջադաս դիրքում՝ ստորակետերով: Օր.՝ Հակառակ արգելքին՝ <i>նա գնաց:</i> <i>Նա, հակառակ արգելքին, գնաց:</i> <i>Նա գնաց՝ հակառակ արգելքին:</i>
9. Ձևի պարագա	Բայական անդամի այն լրացումն է, որն արտահայտում է գործողության կատարման ձևը: Օր.՝ Արագ վազեց:	<i>Ինչպես</i> հարաբերական դերանունով ձևավորված ձևի պարագաները տրոհվում են ստորակետով: Օր.՝ Կռվում էր, ինչպես հերոսը:
10. Դերբայական դարձված	Դերբայի իր լրացում(ներ)ով և լրացման լրացում(ներ)ով կոչվում է դերբայական դարձված:	Անորոշ դերբայի գործիական հոլովով կամ հարակատար դերբայով ձևավորված դերբայական դարձվածները նախադասության սկզբում կամ վերջում գտնվելիս տրոհվում են բուլթով, իսկ միջադաս դիրքում՝ ստորակետերով: Որոշի պաշտոն կատարող նախադաս դերբայական դարձվածները, որոնք ձևավորված են հարակատար դերբայով, չեն տրոհվում: Օր.՝ Տուն մտնելով՝ <i>նա խկույն ճաշեց:</i> <i>Նա հեռացավ՝ բոլորին շնորհակալություն հայտնելով:</i> <i>Նա, բոլորին շնորհակալություն հայտնելով, հեռացավ:</i> Աչքերը փակած՝ <i>նա լսում էր այդ պատմությունը:</i> Սեղանին դրված <i>ծաղկամանը շատ գեղեցիկ էր:</i>

11. Վերաբերականներ	խոսողի դատողական վերաբերմունքն արտահայտող բառերը կոչվում են վերաբերականներ կամ եղանակավորող բառեր: Օր.[՝] <i>ավաղ, գուցե, հենց</i> և այլն:	Վերաբերականների մի մասը, եթե իր դիրքով հեռու է իր եղանակավորած բառից, տրոհվում է ստորակետ(եր)ով: <i>Բարեբախտաբար, այդ ամենը մոռացվել է:</i> Բայց՝ <i>Այդ ամենը բարեբախտաբար մոռացվել է:</i>
12. Ձայնարկություններ	խոսողի զգացական վերաբերմունքը, ինչպես նաև կոչ, նմանաձայնություն արտահայտող բառերը կոչվում են ձայնարկություններ: Օր.[՝] <i>Վա՛յ, է՛, հե՛յ, տո՛, խը՛շշ</i> և այլն:	Ձայնարկությունները հիմնականում նախադասության մյուս բառերից տրոհվում են ստորակետ(եր)ով, և նրանց վրա դրվում է բացականչական նշան կամ շեշտ (երբեմն հարցական): Օր.[՝] <i>Վա՛յ, դու վերադարձե՛լ ես:</i>
13. Կոչական	Նախադասության այն միավորն է, որը ցույց է տալիս, թե ում է դիմում խոսողը:	Նախադասության մյուս բառերից տրոհվում է ստորակետերով, շեշտ է ստանում: Եթե կոչականն ունի նախադասության լրացում, ապա շեշտը դրվում է լրացման վրա: – <i>Արմեն, մենք գնում ենք:</i> – <i>Սիրելի՛ Արմեն, մենք գնում ենք:</i>
14. Ներդրյալ բառեր, բառակապակցություններ և նախադասություններ	Այն բառերը, բառակապակցություններն ու նախադասություններն են, որոնք լրացուցիչ տեղեկություններ են հաղորդում:	Առնվում են փակագծերի մեջ: Օր.[՝] <i>Գոռը (թիմի ավագ) արժանացել է պարգևի:</i> <i>Տիգրանը (այդ էր նրա անունը) եկավ:</i>
15. Միջանկյալ նախադասություններ	Այն նախադասություններն են, որոնք հանդես են գալիս նախադասության կազմում և արտահայտում են գնահատողական, վերաբերմունքային կրթրանգներ: Ի տարբերություն ներդրյալ միավորների՝ ձևականորեն կապվում են նախադասությանը:	Տրոհվում են ստորակետ(եր)ով: Օր.[՝] <i>Դա, կարծում եմ, հեշտ է:</i>

16. Բազմակի անդամներ	Միևնույն պաշտոնով մեկից ավելի համասեռ անդամներն են:	Միմյանցից տրոհվում են ստորակետերով, իսկ եթե կապակցված են կրկնվող շաղկապներով, ապա շաղկապների վրա դրվում են շեշտեր: <i>Օր.՝ Նա բաղել էր կարմիր, դեղին, կապույտ ծաղիկներ:</i> <i>Թե՛ գիրքը, թե՛ տետրը և թե՛ գրիչը դրված են սեղանին:</i>
17. Բարդ համադասական նախադասություն	Իրար նկատմամբ համագորմեկից ավելի նախադասություններից կազմված բարդ նախադասություն:	Բաղադրիչ նախադասությունների միջև դրվում է ստորակետ կամ միջակետ: Եթե կապակցված են <i>և, ու, կամ</i> շաղկապներից որևէ մեկով և ունեն ընդհանուր ենթակա, ապա կետադրական որևէ նշան բաղադրիչների միջև չի դրվում: <i>Օր.՝ Նա եկավ և մեզ օգնեց:</i> <i>Նա եկավ, և բոլորը ողջուկեցին:</i> <i>Չնացի, բայց տանը չէր:</i> <i>Ամեն ինչ նորոգված էր. լավ էին աշխատել:</i>
18. Բարդ ստորադասական նախադասություն	Գերադաս և ստորադաս բաղադրիչներից կազմված բարդ նախադասություն:	Բաղադրիչ նախադասությունները տրոհվում են ստորակետով: <i>Օր.՝ Երբ ավարտեց աշխատանքը, գնաց:</i> Եթե բաղադրիչները կապակցող շաղկապը գեղչված է, ապա դրվում է բուլ: <i>Օր.՝ Թվաց՝ լսեց մի ծայն:</i>

19. Ուղղակի խոսք	Որևէ մեկի խոսքը, որը մեջբերվում է ուղղակիորեն:	Եթե հեղինակի խոսքը նախադաս է, ապա նրանից հետո դրվում է միջակետ, իսկ ուղղակի խոսքից առաջ՝ անջատման գիծ: Հեղինակի՝ միջադաս կամ հետադաս խոսքը հիմնականում տրոհվում է ստորակետ-գծով: Չհնչող ուղղակի խոսքն առնվում է չակերտների մեջ: Հեղինակի խոսքի նկատմամբ հետադաս կարճ ուղղակի խոսքը կարող է տրոհվել բութով: Օր.՝ <i>Նա ասաց.</i> – <i>Ես կգնամ:</i> – <i>Ես կգնամ, – ասաց նա:</i> – <i>Ես, – ասաց նա, – կգնամ:</i> <i>Նա մտածեց. «Ես կգնամ»:</i> <i>«Ես, – մտածեց նա, – կգնամ»:</i> <i>«Ես կգնամ», – մտածեց նա:</i> <i>Նա ասաց՝ կգամ:</i>
20. Թերի նախադասություն	Այն նախադասությունն է, որի անդամներից մեկը կամ մի քանիսը բաց են թողնված, բայց հասկացվում են խոսքային տվյալ միջավայրից:	Թերի նախադասությունները տրոհվում են ստորակետ(եր)ով: Օր.՝ <i>Ե՞րբ է եկել, ցերե՞կը, թե՞ գիշերը</i> (այսինքն՝ ցերե՞կն է եկել, թե՞ գիշերն է եկել):
21. Չեղջված անդամներ ու միավորներ	Այն անդամներն ու միավորներն են, որոնք տվյալ դեպքում գործածված չեն, բայց հասկացվում են ընդհանուր իմաստից:	Չեղջված ստորոգյալների և ստորադասական շաղկապների փոխարեն դրվում է բութ: Օր.՝ <i>Գիտե՞ր՝ կգնա:</i> <i>Նա գնաց տուն, իսկ դու՝ գյուղ:</i>

ԲՈՎԱՆԴԱԿՈՒԹՅՈՒՆ

ԳՐԱԿԱՆ ԼԵՃՈՒԵՎ ԲԱՐԲԱՌ	3
Նոր գրական հայերեն՝ աշխարհաբար: Աշխարհաբարի զարգացման ընթացքը	9
Հայերենի երկու ճյուղերը՝ արևելահայերենն ու արևմտահայերենը	11
Արևմտահայերենի հնչյունական համակարգը	12
Արևմտահայերենի բառապաշարը	13
Արևմտահայերենի քերականական հիմնական տարբերությունները արևելահայերենից	15
ՁԵՎԱԲԱՆՈՒԹՅՈՒՆ	19
Բառային իմաստ և քերականական իմաստ	19
Ձևույթներ	20
Հայերենի խոսքի մասերի համակարգը	21
Գոյականի, ածականի և մակբայի հոմանշային շարքերը	24
ԳՈՅԱԿԱՆ ԱՆՈՒՆ	27
Հատուկ և հասարակ գոյականներ	29
Գոյականի թիվը	35
Գոյականի առումները	38
Գոյականի հոլովները	41
Ուղղական հոլով	43
Սեռական հոլով	46
Տրական հոլով	50
Հայցական հոլով	53

Բացառական հոլով	56
Գործիական հոլով	60
Ներգոյական հոլով	63
ԲԱՅ	69
Դիմավոր և անդեմ բայեր	69
Դերբայներ	71
Անորոշ դերբայ	71
Համակատար դերբայ	75
Հարակատար դերբայ	77
Ենթակայական դերբայ	81
Ձևաբայեր	86
Անկատար ձևաբայ	87
Ապակատար ձևաբայ	89
Վաղակատար ձևաբայ	91
Ժխտական ձևաբայ	93
Խոնարհում	97
Բայի եղանակները	97
Բայի ժամանակները	97
Բայի դեմքը	98
Բայի թիվը	98
Դրական և ժխտական խոնարհում	100
Օժանդակ բայ	100
Օժանդակ բայի ուղղագրությունը և արտասանությունը	100
Ամփոփում	101
Սահմանական եղանակ	103
Անկատար ներկա	103
Անկատար անցյալ	103
Ապակատար ներկա	104
Ապակատար անցյալ	104
Վաղակատար ներկա	104

Վաղակատար անցյալ	105
Անցյալ կատարյալ	105
Հրամայական եղանակ	111
Ըղծական եղանակ	114
Ենթադրական (պայմանական) եղանակ	116
Հարկադրական եղանակ	118
Ժխտական խոնարհում	120
ՇԱՐԱՀԱՅԻՄՈՒԹՅՈՒՆ	128
Շարահյուսական հոմանիշներ	129
Բարդ բառ և բառակապակցություն	131
Հոլովածև և կապական կառույց	133
Դերբայական դարձված և երկրորդական նախադասություն	135
Դերբայական դարձվածի կետադրությունը	136
Բարդ ստորադասական նախադասության փոխակերպումը պարզի և հակառակը	139
Բարդ ստորադասական նախադասության փոխակերպման իմաստային-քերականական առանձնահատկությունները	143
Մեջբերվող ուղղակի և անուղղակի խոսք	149
Մեջբերվող ուղղակի խոսքի փոխակերպումն անուղղակիի	150
Ուղղակի խոսքի կետադրությունը	155
Ներգործական և կրավորական կառույցներ. Նրանց փոխակերպումը	159
Նախադասությունների տեսակներն ըստ հաղորդակցական նպատակի, նրանց հնչերանգը և կետադրությունը	160
ԿԵՏԱԴՐՈՒԹՅՈՒՆ	164
Տրոհության նշաններ	166
Առոգանության նշաններ	172
Բացահայտության նշաններ	175
Կետադրական կանոնների հանդիպադրում	177

ՈՃԱԳԻՏՈՒԹՅՈՒՆ	182
Գիտական ոճի առանձնահատկությունները	182
Գիտական ոճի բառապաշարը	184
Գիտական ոճի քերականական առանձնահատկությունները	186
ՀԱՎԵԼՎԱԾ I	188
Կրկնության վարժություններ	188
ՀԱՎԵԼՎԱԾ II	198
Կետադրման տեղեկատու աղյուսակ	198

ՀԱՅՈՑ ԼԵՉՈՒ

11

ԴԱՍԱԳԻՐԸ ԱՎԱԳ ԴՊՐՈՑԻ ԸՆԴՀԱՆՈՒՐ
ԵՎ ԲՆԱԳԻՏԱՄԱԹԵՄԱՏԻԿԱԿԱՆ ՀՈՍՔԵՐԻ
11-ՐԴ ԴԱՍԱՐԱՆԻ ՀԱՄԱՐ

Շապիկի ձևավորումը՝

Արտակ Բաղդասարյան

Մուտքագրում՝

Սվետլանա Ալվազյան

Էջադրում՝

Միքայել Աբրահամյան

Սրբագրիչ՝

Պարույր Հակոբյան

«ՄԱՆՄԱՐ» ՓԲԸ

Երևան, Ղ. Փարպեցու 9, հեռ. 53-79-82, 53-79-83

E-mail: manmar@arminco.com

Պատվեր՝947: Տպաքանակ՝ 38180:

Տպագրված է «Տիգրան Մեծ» հրատարակչության տպարանում

